

বাংলার বীজ



“শ্রীমন্ত”, “কালকেতু”, “চাঁদ সদাগর”, “খোকার পড়া”,
“মেবার কাহিনী” প্রভৃতি গ্রন্থ প্রণেতা

শ্রীচন্দ্রকান্ত দত্ত সরস্বতী বিদ্যাভূষণ
প্রণীত

“ভারতবর্ষ”-সম্পাদক রায় বাহাদুর শ্রীযুক্ত জলধর সেন লিখিত
ভূমিকা সম্বলিত

গোল্ডকুইন এণ্ড কোং

কলেজ ষ্ট্রীট মার্কেট, কলিকাতা ।

সর্বস্বত্ত্ব সংরক্ষিত



Printed & Published by
A. BASU, B. A.
Singha Printing & Publishing Works
6, Brindaban Mullick Lane,
CALCUTTA.



উপহার

উৎসর্গ

পরমারাধ্য

শ্রীযুক্ত জগদ্বন্ধু দত্ত

পিতৃদেব মহাশয়ের

শ্রীচরণে

এই

“বাহ্নান্ন বীন্ন”

সশ্রদ্ধ হৃদয়ে

উৎসর্গীকৃত

প্রাণ্ডতি

আমাদের দেশে একটা প্রবাদ আছে, ‘চিলে কাণ লইয়া গেল’ শুনিয়া কাণে হাত দিয়া না দেখিয়াই কোন্ বর্বর চিলের পিছনে দৌড়াইয়াছিল। প্রবাদটি রহস্যমূলক হইলেও তাহার মর্ম্মকথা অনেক স্থলে প্রকৃত হইয়া থাকে। দৃষ্টান্ত-স্বরূপ বলা যায়, বিলাতী পণ্ডিতেরা বলেন, বাঙ্গালী ভীৰু, কাপুরুষ, আমরাও কাণে হাত দিয়া না দেখিয়াই সিদ্ধান্ত করিলাম,—হাঁ, বাঙ্গালী ভীৰু ও কাপুরুষ। একবার একটু অনুসন্ধান করিয়াও দেখিলাম না, আশে পাশে চাহিয়াও দেখিলাম না, কথাটা সত্য কি না।

মনস্তত্ত্ববিদেরা বলেন, কোন ব্যক্তিকে সকলে মিলিয়া যদি ক্রমাগত ‘পাগল’ বলিতে থাকে তাহা হইলে অবশেষে সে পাগলই হইয়া যায়। বিদেশীদিগের মুখে আমরা ভীৰু, কাপুরুষ শুনিতে শুনিতে আমাদের অনেকেই ভীৰু ও কাপুরুষ হইয়া গিয়াছে, এ কথা অস্বীকার করা যায় না।

কিন্তু, বাঙ্গালী কি সত্যই ভীৰু ও কাপুরুষ? কিছু দিন পূর্ব্বে অনেকের মনে এ ধারণা জন্মিবার কারণ এই যে, আমাদের দেশের প্রকৃত ইতিহাস অনেকেরই অজ্ঞাত ছিল। এখন আর সে দিন নাই;—এখন বাঙ্গালী ঘরের খবর লইতে শিখিয়াছে। তাহার প্রমাণ এই ‘বাংলার বীর’ বইখানি।

আরও অনেক বাঙ্গালী ঐতিহাসিক এখন দেশের কথা, বাঙ্গালীর বীরত্বের কাহিনী কীর্তন করিতেছেন। বাঙ্গালী যে যুদ্ধে প্রাণ দিত, যুদ্ধ জয় করিত, সে কথা এখন দিবালোকের ন্যায় স্পষ্ট। এই সেদিনও ইউরোপের মহাসমরে বাঙ্গালীর বীরত্ব সপ্রমাণ হইয়াছে।

বাংলার এই সকল বীরের কাহিনী ঘরে ঘরে পঠিত হওয়া কর্তব্য। যাঁহারা এই কাহিনী কীর্তন করিতে অগ্রসর হইয়াছেন, তাঁহাদের নিকট আমরা কৃতজ্ঞ। এই ‘বাংলার বীর’ পুস্তকখানি যিনি লিখিয়াছেন, তাঁহার নিকট কৃতজ্ঞতা স্বীকার করিবার জন্ম এই সামান্য দুইটি কথা লিপিবদ্ধ করিলাম ; বইখানির পরিচয়-ভূমিকা লেখা আমার উদ্দেশ্য নহে ; সে পরিচয় পাঠক গ্রহণ করিবেন। আমি এইমাত্র বলিতে পারি, ‘বাংলার বীর’ দিন-পঞ্জিকার মত সকলের গৃহে থাকা বাঞ্ছনীয়।

মহালয়া, ১৩’৪।

শ্রীজলধর সেন

নিবেদন

বাঙ্গালীর গৌরবোজ্জ্বল অতীত আজ বিশ্ব্তির গর্ভে নিমজ্জিত।
বাঙ্গালী যে অতীত বিশ্ব্ত হইয়াছে, এ দোষ তাহারই, কারণ ‘বাঙ্গালী
একটা ইতিহাস-বিমুখ জাতি’। যে জাতি স্বীয় অতীতের গৌরব-দীপ্ত
ইতিহাস বিশ্ব্ত হইয়া পর-প্রদত্ত বিবরণের উপর নির্ভর করিতে শিক্ষা
করে, তাহার অদূর ভবিষ্যৎ অন্ধকারাচ্ছন্ন। অতীতই বর্তমানের নিম্নতা,
অতীতই মানুষকে পূর্ব কথা স্মরণ করাইয়া দিয়া তাহার বর্তমান পরিপুষ্টি
সাধনের সহায় হয়, বর্তমান আবার তাহা ভবিষ্যতের জন্ত তাহার ভাণ্ডারে
পুঞ্জীভূত করিয়া রাখিয়া দেয়। এই রূপে যুগে যুগে একটা জাতির
শক্তিমান জাতীয় জীবন স্মৃগঠিত হইয়া উঠে। বাঙ্গালীর নিজের লিখিত
কোনও ইতিহাসের সন্ধান আজও পাওয়া যায় নাই, তাই আমাদের
বিদেশীয় লেখকদিগের দয়ার উপর সম্পূর্ণ নির্ভর করিয়া থাকিতে হইয়াছে,
তাহারা আমাদের যাহা শিখাইয়াছে, আমরা তাহাই শিখিয়াছি।
তাহারা আমাদের শিক্ষা দিয়াছে,—আমরা রণবিমুখ, চিরগৃহবাসী,
ভীক, দুর্বল, আত্মরক্ষায় অসমর্থ অলস বাঙ্গালী, আমাদের পূর্ব-গৌরব
কিছুই নাই, আমরা রণক্ষেত্রের নাম শুনিলেই মুচ্ছিত হইয়া পড়ি, বিদেশ-
যাত্রার নাম শুনিলেই আমাদের কোমল হৃদয় আসন্ন বিরহাশঙ্কায় কম্পিত
ও ব্যথিত হইয়া উঠে, চক্ষুর সন্মুখে শোণিতপাত দর্শন করিলে আমাদের
বুকের রক্ত শুষ্ক হইয়া যায়। বাধ্য ছাত্রের মত আমরা এই সব তত্ত্বকথা
বেশ কণ্ঠস্থ করিয়াছি, কেবল কণ্ঠস্থ নহে, একেবারে অস্থিমজ্জাগত
করিয়া ফেলিয়াছি। আর হতভাগ্য আমরা, এই সব তথ্যে এতদূর
আস্থা-বান যে, যদি কেহ আমাদের নিকট আমাদের প্রকৃত সত্য
উদঘাটিত করিতে চেষ্টা করে, তবে আমরা তাহাকে মধ্যম নারায়ণ তৈলের
অথবা বহরমপুরে (বর্তমানে রাঁচিতে) অবস্থানের ব্যবস্থা দিতে তৎপর হইয়া

উঠি। সুদীর্ঘকালের পরাধীনতায় বাঙ্গালী আমরা এত অপদার্থে পরিণত হইয়াছি।

কিছু দিন হইতে দেশের বাতাস একটু ফিরিতে আরম্ভ করিয়াছে। বাঙ্গালী পরের মুখে ঝাল খাওয়ার স্পৃহা অনেকটা বর্জন করিতে শিক্ষা করিতেছে। কৃতবিদ্য ঐতিহাসিকগণ বহু গবেষণা ও পরিশ্রম দ্বারা আমাদের গৌরবদীপ্ত অতীতের কিছু কিছু সন্ধান আমাদের কাছে দিতে সমর্থ হইয়াছেন। যাহা সামান্য কিছু আবিষ্কৃত হইয়াছে, তাহা হইতেই বুঝিতে পারিতেছি যে, বাঙ্গালী কত কালের, কত অতীত যুগ হইতে তাহার যুদ্ধ-বিদ্যা, নৌ-নিপুণতা, বাণিজ্য, উপনিবেশস্থাপন, রাজ্য-পরিচালন, শিল্পকর্ম, জ্ঞান ও ধর্মালোচনা এবং জগতে জ্ঞানধর্ম-প্রচার প্রভৃতি কার্যদ্বারা জগতের নিকট একটা বিরাট জাতীয়ত্বের পরিচয় দিয়া আসিয়াছে। পাশ্চাত্যের অধিকাংশই যখন অজ্ঞতার ঘোরান্ধকারে সমাচ্ছন্ন, অধিকাংশ অধিবাসী যখন বৃক্ষ-কোটর ও ভূগর্ভবাসী এবং নগ্ন, সেই স্মরণাতীত যুগেও বাঙ্গালী জগতের নিকট শ্রদ্ধাস্পদ ও গৌরবান্বিত। সামান্য দিন বাঙ্গালী এ গৌরব ভোগ করে নাই। তারপর যখন বাঙ্গালী পরাধীনতার শৃঙ্খলে আবদ্ধ হইয়া পড়িল, তখন একে একে ধীরে ধীরে এই বিরাট জাতি বিশ্বতির অতল তলে ডুবিতে লাগিল। বৈদেশিক কোনও কোনও ঐতিহাসিক বাঙ্গালী চরিত্রকে অতি হেয় ও ঘৃণ্যভাবে চিত্রিত করিয়া লোকের সম্মুখে ধরিতে লাগিল। আমরাও তাহাই পাঠ করিয়া আত্মবিস্মৃত জাতিতে পরিণত হইতে লাগিলাম।

আজ বাঙ্গালী সেই অতীত যুগের বাঙ্গালী নাই, সে নানা কারণে রুগ্ন, দুর্বল ও স্বাস্থ্যহীন; ভীকৃত্যও যে না আসিয়াছে তাহা নহে। কিন্তু বাঙ্গালী ত চির দিনই এমন ছিল না। খ্রীষ্ট-জন্মের বহু শতাব্দী পূর্বের কথা, যখন বাঙ্গালীর সমুদ্র-পোত বঙ্গ-মাগরের বীচি-বিক্ষোভ উপেক্ষা করিয়া যাভা, সুমাত্রা, সিংহল, মালাক্কা প্রভৃতি দ্বীপে গমনাগমন করিত।

সেই সময় কোনও ইউরোপীয় জাতি এই সমস্ত স্থানের অস্তিত্ব পর্য্যন্ত অবগত ছিল না। যে আরব জাতির সভ্যতা অতি প্রাচীন বলিয়া জানা যায়, তাহারাও মহম্মদের জন্মের পূর্ব পর্য্যন্ত ঐ সমুদায় দেশের সংবাদ সম্বন্ধে সম্পূর্ণ অজ্ঞ ছিল।* আমাদের চাঁদ সদাগর, ধনপতি সদাগর, ত্রীমন্ত সদাগরের “সপ্তডিঙ্গা” “মধুকর” সাজাইয়া সমুদ্রের পথে বাণিজ্য-যাত্রা-কাহিনী বঙ্গের আবাল-বৃদ্ধ-বনিতার নিকট চির পরিচিত। সে সমুদায় কাহিনী যে সম্পূর্ণ কবি-কপোল-কল্পিত তাহা নহে। বাঙ্গালীর বাণিজ্য-জাহাজ তখন চীন, রোম, গ্রীস, মিসর প্রভৃতি দূরদূরান্তরে গমনাগমন করিত। § খ্রীষ্ট জন্মের প্রায় ৬০০ বৎসর পূর্বে বাঙ্গালী রাজপুত্র বিজয়সিংহ কর্তৃক সিংহল-বিজয় এবং তথায় রাজ্যস্থাপন-কাহিনী আমরা বাল্যকাল হইতে শুনিয়া আসিতেছি। ৪১১ খ্রীঃ অব্দে চীন-পরিব্রাজক ফা-ই-হিয়ান্ বঙ্গের প্রধান বাণিজ্য-কেন্দ্র তাম্রলিপ্ত (আধুনিক তমলুক) হইতে বাঙ্গালীর অর্ণবপোতে আরোহণ করিয়া স্বদেশে প্রত্যাগমন করিয়াছিলেন। এদেশে মুসলমান আগমনের সঙ্গে সঙ্গে যখন ক্রমশঃ তাহাদের ধর্মও এদেশে প্রচারিত হইতে আরম্ভ করিল, সেই ধর্ম-সংঘর্ষের যুগে হিন্দুধর্মকে স্পর্শ হইতে রক্ষা করিবার জন্ত কঠোর নিয়ম সকল প্রবর্তিত হইয়া সমুদ্র-যাত্রা ক্রমে ক্রমে নিষিদ্ধ হইয়া গেল,

* Long before Hippalus ventured upon the voyage from the mouth of the Red Sea, directly cross Barygaza and Musiris, did Indian vessels cross the Bay of Bengal to Ceylon, to Burma, to Malacca, and to Sumatra. No Greek nor Roman ship visited those places. No Arab settlers were found there prior to the birth of Mohamed. The earth in these quarters was unknown to them”—*Mookerjee's Magazine*, 1873. p. 270.

§ *History of Indian Shipping*—By Sj. Radhakumud Mukerjee.

এবং তাহার ফলেই বহির্বর্গাজ্যের অবসান হইল।† এইত গেল বাঙ্গালীর নৌ-যাত্রার কথা। সেই সুদূর অতীত যুগের বাঙ্গালী যে ভারতের বহির্ভাগে সমুদ্র-বক্ষেয় দ্বীপসমূহ জয় করিয়া তথায় উপনিবেশ স্থাপন করিয়াছিল, তাহার যথেষ্ট প্রমাণ আবিষ্কৃত হইয়াছে। § বাঙ্গালী বৌদ্ধ সন্ন্যাসিগণ ধর্মপ্রচারকল্পে পাতালপুরী আমেরিকা পর্য্যন্ত গমন করিয়া তথায় উপনিবেশ স্থাপন করিয়াছিলেন; প্রত্নতাত্ত্বিক অনুসন্ধান-ফলে ক্রমে ক্রমে সে সমুদায়ের নিদর্শন স্বরূপ তাঁহাদের প্রতিষ্ঠিত মঠ, বৌদ্ধ-মূর্তি প্রভৃতি আবিষ্কৃত হইতেছে। বৌদ্ধধর্ম প্রচার-সূত্রে বাঙ্গালী বৌদ্ধ পরিব্রাজকগণ শ্রাম, ব্রহ্ম, তিব্বত, চীন, জাপান, মঙ্গোলিয়া প্রভৃতি দেশসমূহে গমন করিয়া তাঁহাদের অনন্তসাধারণ প্রতিভাবলে সেই সমুদায় দেশবাসীকে বৌদ্ধধর্মে দীক্ষিত করিয়া তথায় বাঙ্গালী উপনিবেশ স্থাপন করিয়াছিলেন। সপ্তম শতাব্দীর শেষভাগে বাঙ্গালী শাস্তা রক্ষিত এবং পদ্মসম্ভব তিব্বতে বৌদ্ধধর্ম প্রচার করেন। বিক্রমপুর বজ্রযোগিনী গ্রামনিবাসী কল্যাণশ্রীর পুল্ল বৌদ্ধ পণ্ডিতকুলাগ্রগণ্য চন্দ্রগর্ভ যিনি পরে দীপঙ্কর শ্রীজ্ঞান অতীশ নামে তিব্বতে ভগবান বুদ্ধদেবের তুল্য সম্মানে সম্পূজিত হইতেন, তিনি দশম শতাব্দীতে তিব্বতে গমন করেন। নবম শতাব্দীতেও বহু বাঙ্গালী বৌদ্ধ পণ্ডিতের তিব্বতগমন-সংবাদ জানিতে পারা যায়।*

† “Religious prejudices combined with the changes of nature to make the Bengalees unenterprising upon the ocean.”—*Orissa* By Sir W. W. Hunter, page 315.

§ “The Hindu Settlement of Sumatra was almost entirely from the coast of India, and Bengal, Orissa and Musalipatam had a large share in colonising both Java and Cambodia.”—*Bombay Gazetteer*, Vol. I, Part I, page 493.

* “তিক্তভ্রমণ”—৮ রায় শরচ্চন্দ্র দাস বাহাদুর সি-আই-ই।

রামায়ণ এবং মহাভারতের যুগে বাঙ্গালীর সামরিক শক্তির পরিচয় পাওয়া যায়। কিন্তু সে যুগের বাঙ্গালীর সহিত এ যুগের বাঙ্গালীর কোনও সম্বন্ধ আছে কিনা, সে বিষয়ে নানা সন্দেহ আছে। সুতরাং অত দূরের কথা পরিত্যাগ করিয়া যদি আমরা ঐতিহাসিক যুগের বাঙ্গালীর সামরিক শক্তির অনুসন্ধান করি, তবে দেখিতে পাইব, একদিন বাঙ্গালী সামরিক শক্তিতে জগতের কোনও জাতি অপেক্ষা হীন ছিল না। বাঙ্গালীর সামরিক শক্তির খ্যাতি তখন এতদূর বিস্তৃত হইয়া পড়িয়াছিল যে, যখন জগজ্জয়ী গ্রীকবীর আলেকজান্ডার পাঞ্জাব জয় করিয়া বঙ্গদেশাভিমুখে অভিযানের সঙ্কল্প জ্ঞাপন করিলেন, তখন তাঁহার সৈন্যগণ গঙ্গারিডেই-দিগের * বীরত্বকাহিনী অবগত হইয়া তাহাদের বিরুদ্ধে অগ্রসর হইতে সাহস করে নাই।† গ্রীকগণ বাঙ্গালীদিগকে প্রাসী (Prasii) নামেও অভিহিত করিত, টলেমি লিখিত বিবরণ হইতে এই প্রাসী (বাঙ্গালী) জাতির সমরনিপুণতার পরিচয় পাওয়া যায়।‡

* গ্রীকগণ বাঙ্গালীদিগকে গৌড়দেশীয় বলিয়া (Gangaridae (গঙ্গারিডেই) বলিত।

¶ “When the soldiers who had found a rich and ample booty returned to the camp, he (Alexander) gathered them all together, and in a well-weighed speech addressed the assembly on the subject of the expedition against the Gangaridae; but when the Macedonians would by no means assent to his proposal, he renounced his contemplated enterprise.”—*Ancient India*, By J. W. Mc Crindle, M. A., page 283.

† “* * * They (Prasii) must have been a powerful people, to judge from the military force which Pliny reports them to have maintained and their territory could scarcely have been restricted to the marshy jungles at the mouth of the river now known as the Sundarbans, but must have comprised a considerable portion of the Province of Bengal.”—*Ancient India as described by Ptolemy*, translated by J. W. Mc Crindle, M. A., page 175.

খ্রীষ্টজন্মের প্রায় অর্ধশতাব্দী পূর্বে রোম-সম্রাট অগষ্টাসের সহিত এন্টনির যে যুদ্ধ হয় তাহাতে গঙ্গারিডেইগণ অগষ্টাসের পক্ষাবলম্বন করিয়া যে অত্যন্ত রণনিপুণতার পরিচয় প্রদান করিয়াছিল, মহাকবি ভার্জিল তাঁহার জর্জিক্স (Georgics III.) নামক কাব্যে তাহা বিশেষ গৌরব এবং আনন্দের সহিত লিপিবদ্ধ করিয়াছেন। তিনি লিখিয়াছেন যে, তিনি স্বীয় জন্মস্থান মন্টুয়া নগরীতে মর্ম্মর প্রস্তরে একটা প্রাসাদ নির্মাণ করাইয়া তাহার সম্মুখভাগে স্বর্ণ ও হস্তিদন্তে গঙ্গারিডেইগণের সমর-চিত্র সম্রাটের রাজ-চিহ্ন সহ অঙ্কিত করিবেন।

ইহার বহু কাল পরে বঙ্গের পাল ও সেন রাজগণের প্রতাপে ভারতের অধিকাংশ স্থানই কম্পিত হইত। ভারতের সমগ্র উত্তর ও দক্ষিণাংশ তাঁহাদের সাম্রাজ্যভুক্ত হয়। এই সময় পূর্ববঙ্গবাসীরা বিহার জয় করিয়াছিলেন বলিয়া ডাক্তার রাজেন্দ্রলাল মিত্র উল্লেখ করিয়াছেন। উড়িষ্যার গঙ্গাবংশীয় রাজারা সুদীর্ঘ তিনশত বৎসর কাল প্রবল পরাক্রমশালী পাঠান দিগকে দমিত রাখিয়াছিলেন। এই গঙ্গাবংশীয়েরা বাঙ্গালী, তাঁহাদের পূর্ব পুরুষ বঙ্গদেশ হইতে উড়িষ্যায় গমন করেন। হন্টর সাহেবের বিবরণ হইতে জানা যায়, বিষ্ণুপুরের বাঙ্গালী ভূপতিগণ বহুকাল মুসলমানদিগের সহিত সংগ্রাম করিয়া তাঁহাদের স্বাধীনতা রক্ষা করিয়াছিলেন।

বখতিয়ার খিলজির পুত্র মহম্মদ সপ্তদশজন অস্খারোহী লইয়া নবদ্বীপ অধিকার এবং রাজা লক্ষ্মণ সেনের বিনা-যুদ্ধে নৌকাযোগে পলায়ন-কাহিনী এতদিন বাঙ্গালীর জাতীয়ত্বের একটা দারুণ লজ্জাময় কলঙ্ক ঘোষণা করিত। কিন্তু আধুনিক ঐতিহাসিকগণের গবেষণার ফলে প্রমাণিত হইয়াছে যে, সে

কথা সম্পূর্ণ মিথ্যা ;* মুসলমান ঐতিহাসিকগণ এই কবন্ধ-মসীলিগু মিথ্যা-কাহিনী প্রচার করিয়াছিল। ইহার বহুকাল পরেও, এমন কি মোগল যুগেও, বাংলার বহু স্থান স্বাধীন হিন্দু নরপতিগণের দ্বারা শাসিত হইত। বহু বর্ষ সংগ্রাম করিয়াও পাঠানেরা সমগ্র বঙ্গদেশ জয় করিতে পারে নাই। † এই সব পুরাবৃত্ত আলোচনা করিলেই দেখা যায় বাঙ্গালী একটা নগ্ন জাতি ছিল না।

মোগল-যুগেও বাংলার বীৰ্য্যবাহি নির্দীপিত হয় নাই। দ্বাদশাদিত্য তুলা বাংলার দ্বাদশ ভৌমিকের প্রতাপে দিল্লীর মোগলসিংহাসন পর্য্যন্ত কম্পিত হইয়াছিল। তখনও বাংলার রণপোত ছিল, বাঙ্গালী বোদ্ধার রণনির্নাদে তখনও সমুদ্রবারি প্রকম্পিত হইত। আমার এই গ্রন্থে তাহারই আলোচনা করা হইয়াছে। অষ্টাদশ শতাব্দীর মধ্যভাগেও বাঙ্গালীর সমর-নিপুণতার কিঞ্চিৎ পরিচয় পাওয়া যায়।‡ এই সময় হইতেই বাঙ্গালী জাতির উপর ভগবানের অভিসম্পাত আসিয়া পতিত হয় এবং বাঙ্গালী ক্রমশঃ সূখ-সৌভাগ্য হইতে বঞ্চিত হইতে থাকে, কিন্তু তখনও বাঙ্গালী একেবারে রিক্ত হয় নাই। তৎকালীন প্রসিদ্ধ ঐতিহাসিক

* “সপ্তদশ অশ্বারোহী লইয়া মহম্মদ বখতিয়ার খিলিজি নবদ্বীপ জয় করিয়াছিলেন, ইহা ঐতিহাসিক সত্যরূপে প্রতিষ্ঠিত করিতে হইলে নূতন প্রমাণের আবিষ্কার আবশ্যক”।
—বাংলার ইতিহাস (২য় ভাগ), পৃঃ ৩৪, শ্রীযুক্ত রাখালদাস বন্দ্যোপাধ্যায়।

“নবদ্বীপ লুণ্ঠন করিয়া বখতিয়ার স্বেচ্ছায় অথবা বাধ্য হইয়া প্রত্যাবর্তন করিয়াছিলেন ; তখন নবদ্বীপ বখতিয়ারের অধিকার ভুক্ত হয় নাই।”—ঐ, ৯ পৃঃ।

† “বখতিয়ার কর্তৃক লক্ষ্মণাবতী অধিকৃত হইলে প্রায় সপাদ শত বর্ষকাল সেন-বংশীয় রাজগণ পূর্ববঙ্গে রাজ্যাধিকার ভোগ করিয়াছিলেন।”—ঐ, ১২ পৃঃ।

§ “The native Bengalees are generally stigmatised as pusillanimous and cowardly, but it should not be forgotten that, at an early period of our military history in India, they almost entirely formed several of our battalions, and distinguished themselves as brave and active soldiers.”—William’s *Bengal Native Infantry*.

অশ্ব সাহেব লিখিয়াছেন, “অত্যাগ্র দেশ অপেক্ষা বঙ্গদেশের বাণিজ্যই সর্বত্র বিস্তৃত ছিল।” এই যুগের বাঙ্গালী বীর মোহনলালের জীবন কথা ও বীরত্ব কাহিনী এই পুস্তকে সন্নিবেশিত করা হইয়াছে।

এই সময় হইতেই বৈদেশিক ঐতিহাসিকগণের লেখনীস্পর্শে বাঙ্গালী-চরিত্র নানা কলঙ্ক-কালিমায় চিত্রিত হইতে আরম্ভ করে। ইহাই পরবর্ত্তী ঐতিহাসিকগণের ইতিহাস রচনার উপকরণ হইয়াছিল, সেই সকল ইতিহাস পাঠ করিয়াই বাঙ্গালী আত্মবিস্মৃতি হইয়া পড়িয়াছিল। সৌভাগ্যের বিষয়, তাহাদের সেই আত্মবিস্মৃতি আবার ধীরে ধীরে অপগত হইয়া আত্মবোধ সঞ্চারিত হইতেছে। ঊনবিংশ শতাব্দীর প্রারম্ভেও বাঙ্গালী পুরুষোচিত বলিষ্ঠ দেহ, স্বাস্থ্যপূর্ণ কমনীয় কাস্তি, বীরজনোচিত সবলোন্নত বপু হইতে বঞ্চিত হয় নাই। ভারত-শাসন-কর্ত্তা লর্ড মিন্টো সেই বাঙ্গালী-দিগকে দেখিয়া যথেষ্ট প্রশংসা করিয়াছিলেন। * কিন্তু এই বিংশ শতাব্দীর প্রারম্ভেই সেই বাঙ্গালীর কি চরম দুর্গতি ! বাঙ্গালীর সে দিন অতীতের গর্ভে চির সমাধি লাভ করিয়াছে। আজ বাঙ্গালী ম্যালেরিয়া-গ্রস্ত, রুগ্ন, দুর্বল, অপমান-বিক্ষতদেহ কেরানীর জাতিতে পর্যাবসিত।

স্বরণাতীত যুগ হইতে বাংলার যথেষ্ট গৌরব ছিল, বাঙ্গালীর বীরত্বও অত্যাগ্র জাতি অপেক্ষা নূন ছিল না। একটা জাতির বাহা থাকা আবশ্যক,—যাহা থাকিলে একটা জাতি জাতি (Nation) বলিয়া গর্বভরে জগতের সমক্ষে বক্ষ স্ফীত করিয়া দণ্ডায়মান হইতে পারে, বাঙ্গালীর সে

* “I never saw so handsome a race. They are much superior to the Madras people, whose form I admired also. Those were slender. These are tall, muscular, athletic figures, perfectly shaped and with the finest possible cast of countenance and features. The features are of the most classical European models, with great variety at the same time.”—Lord Minto’s letter, dated the 20th September, 1807, in *A dying race—How dying?* by Babu Kishori Lal Sarker.

সমস্তুই ছিল, আমি বাংলার সেই অত দূরবর্তী স্বরণাতীত গৌরবময় যুগের বীরত্ব-কাহিনী এই গ্রন্থে লিপিবদ্ধ করিয়া স্বজাতির গৌরব বৃদ্ধির চেষ্টা করি নাই। যে সময় হইতে বাঙ্গালীর আধুনিকত্ব উপলব্ধি হয়, যে সময় বাঙ্গালী তাহার রাজত্ব, বীরত্ব,—এমন কি সর্বস্ব হইতে বঞ্চিত হইয়াও নির্ঝাণোন্মুখ দীপশিখার মত জ্বলিতে চেষ্টা করিয়াছিল,—যে সময় হইতে পরাধীনতার নিগড়ে তাহার হস্তপদ উত্তমরূপে আবদ্ধ হইয়া পড়িতেছিল,—এবং যে সময় হইতে বিজাতীয় লেখকগণের গ্রন্থে বাঙ্গালীর মিথ্যা কলঙ্ককাহিনী সঞ্চিত হইতে আরম্ভ করে, আমি সেই ষোড়শ শতাব্দী হইতে বাঙ্গালীর বীরত্বের যতটা পারিয়াছি তাহা নানা গ্রন্থ ও পত্রিকাদি হইতে সংগ্রহ করিয়া এই “বাংলার বীর” প্রকাশ করিলাম।—অবশ্য আমি আমার দৈন্য ও অক্ষমতা অবনত মস্তকে স্বীকার করিয়া বলিতেছি যে, এই বিরাট জাতির বীরত্ব-কাহিনীর যতটা সংগ্রহ করিয়া প্রকাশ করা উচিত ছিল, আমি নানা কারণে তাহা করিতে পারি নাই।—তবে প্রত্যেকেই স্ব স্ব সাধ্যানুসারে স্বীয় জাতির ইতিহাস আলোচনায় অধিকারী, ইহাই আমার একমাত্র ভরসা।

আমি এই পুস্তক প্রণয়ন-কালে “যশোহর-খুলনার ইতিহাস”, “প্রতাপাদিত্য”, “সীতারাম রায়”, “কেদার রায়”, “মুর্শিদাবাদ কাহিনী”, “সিরাজউদ্দৌলা”, “বাঙ্গালীর বল”, “বঙ্গের বাহিরে বাঙ্গালী”, “ঢাকার ইতিহাস”, “বিক্রমপুরের ইতিহাস”, “বাকুলা”, “চন্দ্রদ্বীপের ইতিহাস”, “বারভূঞা”, “কর্ণেল সুরেশ বিশ্বাস”, প্রভৃতি পুস্তক এবং “প্রবাসী”, “মডার্ন রিভিউ”, “ভারতবর্ষ”, “মাসিক বসুমতী”, প্রভৃতি মাসিক-পত্র এবং অগাণ্ড সংবাদ-পত্র হইতে উপকরণ সংগ্রহ করিয়াছি। এই জগৎ সর্বিনয়ে উক্ত পুস্তকাবলীর গ্রন্থকার ও পত্রিকাগুলির সম্পাদক মহোদয়গণের নিকট ক্ষমা প্রার্থনা করিতেছি।

“ইউরোপীয় মহাযুদ্ধে বাঙ্গালী” নামক অধ্যায়টা যেরূপ ভাবে লিখিবার ইচ্ছা ছিল উপকরণভাবে তাহা হইয়া উঠে নাই। যে সব বঙ্গসন্তান ইউরোপীয় মহাসমরে বীরত্ব, নির্ভীকতা ও সমরপটুতার পরিচয় প্রদান করিয়াছেন, তাঁহাদের অনেকের কাহিনীই লিপিবদ্ধ করিতে পারি নাই। ভবিষ্যৎ সংস্করণে এ বিষয়ে চেষ্টা করিবার ইচ্ছা রহিল।

আমার সহোদরতুল্য বন্ধু শ্রীযুক্ত প্রিয়নাথ দত্ত এবং স্নেহভাজন ছাত্র শ্রীমান রামমোহন দে এই পুস্তকের উপকরণ সংগ্রহ-ব্যাপারে আমাকে যথেষ্ট সাহায্য করিয়াছেন। ভগবানের নিকট তাঁহাদের মঙ্গল কামনা করি।

বাংলার প্রবীণ সাহিত্যিক “ভারতবর্ষ” সম্পাদক শ্রদ্ধেয় রায়বাহাদুর শ্রীযুক্ত জলধর সেন মহাশয় এই পুস্তকের ভূমিকা লিখিয়া দিয়া আমাকে চিরকৃতজ্ঞতাপাশে বদ্ধ করিয়াছেন। ভগবান তাঁহাকে দীর্ঘজীবী করুন ইহাই আমার আন্তরিক প্রার্থনা।

এক্ষণে আমার এই প্রয়াস আমার স্বদেশীয় ভ্রাতৃবৃন্দের আদর লাভ করিলে এবং তরুণ সম্প্রদায়ের হৃদয়ে “বাংলার বীরের” বীরত্ব কাহিনী সামান্য মাত্র রেখাপাত করিতে সমর্থ হইলে, আমার সকল পরিশ্রম সফল জ্ঞান করিব।

অবশেষে, আমি আমার সহৃদয় পাঠক পাঠিকার নিকট আমার অক্ষমতা নিবন্ধন গ্রন্থের যাবতীয় দোষ ও ত্রুটির জন্ত সান্ন্যস্ত ক্ষমা প্রার্থনা করিতেছি।

বরাহ নগর
(২৪ পরগণা)
৪ঠা আশ্বিন, ১৩৩৪ ।

বিনীত নিবেদক—
শ্রীচন্দ্রকান্ত দত্ত ।

বিশ্বকোষ

বিষয়	...	পৃষ্ঠা
১। মহারাজ প্রতাপাদিত্য	...	১—৩৮
২। চাঁদরায় ও কেদাররায়	...	৩৯—৬২
৩। রাজা সীতারাম রায়	...	৬৩—৮৭
৪। রাজা রামচন্দ্র	...	৮৮—৯৭
৫। পলাশী-বীর মোহনলাল	...	৯৮—১১০
৬। কর্ণেল সুরেশচন্দ্র বিশ্বাস	...	১১১—১৩৫
৭। রাসবিহারী ঘোষ (সিপাহী বিদ্রোহে বাঙ্গালী)	...	১৩৬—১৫১
৮। স্বর্গ্যকুমার সর্বাধিকারী (ঐ)	...	১৫২—১৬০
৯। যোদ্ধা মুনসেফ (ঐ)	...	১৬১—১৬৪
১০। ব্যাভ্রবীর শ্রামাকান্ত	...	১৬৫—১৭৩
১১। পালোয়ান যতীন্দ্রচরণ গুহ	...	১৭৪—১৭৮
১২। আশানন্দ টেকী	...	১৭৯—১৮১
১৩। নফরচন্দ্র কুণ্ড (পরার্থে জীবন দান)	...	১৮২—১৮৬
১৪। প্রসন্নকুমার বসু (ঐ)	...	১৮৭—১৮৯
১৫। ইউরোপীয় মহাযুদ্ধে বাঙ্গালী	...	১৯০—২৩৯
(ক) বঙ্গীয় গুপ্তচরকারী স্বেচ্ছাসেবক দল	...	১৯২—২০৭
(খ) সৈনিক বাঙ্গালী	...	২০৮—২২৮
(গ) সমরক্ষেত্রে কয়েকজন কুতী বাঙ্গালী	...	২২৮—২৩৩
(ঘ) ভারতরক্ষী সৈন্য	...	২৩৪—২৩৬
(ঙ) বঙ্গীয় অশ্বারোহী সৈন্য	...	২৩৬—২৩৭
(চ) সঙ্কেতকারী সৈন্যদল	...	২৩৭—২৫৯

চিত্র-সূচী

মহারাজ প্রতাপাদিত্য	...	১
প্রতাপাদিত্যের রণতরী	...	৩৩
রাজা সীতারাম রায়ের দোলমঞ্চ	...	৬৩
নবাব-সম্মুখে “মোনাহাতীর” কর্তিত মস্তক	...	৮২
পলাশীর যুদ্ধ	...	১০৪
কর্ণেল সুরেশচন্দ্র বিশ্বাস	...	১১১
ব্যাস্রবীর শ্রামাকান্ত	...	১৬৫
পালোয়ান বতীন্দ্রচরণ গুহ	...	১৭৪
লেপ্টেন্যান্ট ইন্ডলাল রায়	...	২৩১



মহারাজ প্রতাপাদিত্য

বাংলার বীর—১

বাংলা বীর

মহারাজ প্রতাপাদিত্য

“যশোহর নগর ধাম, প্রতাপ আদিত্য নাম,

মহারাজ বঙ্গজ কায়স্থ ।

নাহি মানে পাতসায়, কেহ নাহি আঁটে তার,

ভয়ে যত ভূপতি দ্বারস্থ ॥

বর-পুত্র ভবানীর, প্রিয়তম পৃথিবীর,

বাহার হাজার বার ঢালী ।

ষোড়শ হলকা হাতী, অশ্বত তুরঙ্গ সাতী,

যুদ্ধকালে সেনাপতি কালী ॥” ৫

—ভারতচন্দ্র ।

আমরা যে সময়ের কথা বলিতেছি তখন পাঠান রাজত্বের অবসান হইয়া বঙ্গের ভাগ্যাকাশে ধীরে ধীরে মোগল-সূর্য্যের তরুণ আভা ফুটিয়া উঠিতেছিল। মহামতি আকবরশাহ তখন ভারত-সম্রাট। মোগলেরা বঙ্গের অনেক স্থান অধিকার করিয়া লইলেও তখনো পাঠানগণের আশা-ভরসা একেবারে বিলুপ্ত হয় নাই। তাহারা নানা স্থানে করদ রাজার শাসন-দণ্ড পরিচালন করিত এবং সময় ও সুযোগ পাইলেই তাহাদের

বাংলার বীর

বিলুপ্ত স্বাধীনতা পুনঃ প্রতিষ্ঠার নিমিত্ত তরবারি ধারণ করিয়া মোগলের বিরুদ্ধে যুদ্ধ ঘোষণা করিত। বঙ্গের অধিবাসিগণ তখন ধন, জন, জীবন ও ধর্ম রক্ষার জন্ত উৎকণ্ঠিত। বঙ্গের এই অরাজকতার সময় গৌড়নগরে প্রতাপাদিত্যের জন্ম হয়।

প্রতাপাদিত্যের পিতা বিক্রমাদিত্য ও খুল্লতাত বসন্তরায় তখন বঙ্গের রাজধানী গৌড়নগরে পাঠান নৃপতি দাউদশাহের অধীনে উচ্চ রাজকার্যে নিযুক্ত ছিলেন। শিশুর বীরোচিত সৌন্দর্য ও অসাধারণ শারীরিক লক্ষণাবলী দর্শন করিয়া পিতামহ ভবানন্দ তাঁহাকে “প্রতাপাদিত্য” নাম প্রদান করেন।

বঙ্গেশ্বর দাউদশাহ মোগল সম্রাটের অধীন সামন্ত-রাজার হ্রায় থাকার হেয় জ্ঞান করিয়া মোগলের বিরুদ্ধে সমরায়োজন করিতে ক্রতসঙ্কল্প হইলেন। প্রবল প্রতাপশালী মোগলের সহিত সংঘর্ষে পাঠানের রাজধানী চূর্ণবিচূর্ণ হইয়া যাইবে, ইহা স্থির নিশ্চয় জানিয়া, প্রতাপ-পিতামহ ভবানন্দ স্বীয় পরিবারবর্গ ও ধনসম্পত্তি কোনও নিরাপদ স্থানে প্রেরণ করিবার সঙ্কল্প করিলেন। দক্ষিণ অঞ্চলে সুন্দরবন প্রদেশে হিংস্র জন্তু সমাকুল নদী বহুল নিবিড় বনাকীর্ণ একটা দুর্গম স্থান তাঁহাদের বাসোপযোগী বিবেচিত হওয়াতে দাউদের নিকট হইতে উহা জায়গীর স্বরূপ লইয়া ভবানন্দ সেখানে এক অতি সুরম্য ও সুরক্ষিত বাসস্থান নিৰ্মাণ করিলেন। অতঃপর তিনি পরিজনবর্গ ও ধনরত্নাদি লইয়া নবনির্মিত ভবনে বাইয়া বাস করিতে লাগিলেন। এই প্রদেশের নাম যশোর। এই রাজ্য কালে

প্রতাপাদিত্যের বুদ্ধি, বীরত্ব ও কৌশলপ্রভাবে এরূপ সমৃদ্ধিসম্পন্ন হইয়া উঠিয়াছিল যে, গোড়নগরের সৌন্দর্য ও সমৃদ্ধি ইহার নিকট পরাভব স্বীকার করিয়াছিল। গোড়নগরের বণঃ হরণ করিয়া এই প্রদেশের নাম হইল ‘যশোহর’। পরিবারবর্গ যশোরে চলিয়া আসিলেন, কিন্তু বিক্রমাদিত্য ও বসন্তরায় রাজকার্য্যের জন্ত গোড়নগরেই অবস্থান করিতে লাগিলেন।

প্রতাপ গোড়ে অবস্থান কালেই তৎসাময়িক প্রথানুযায়ী পারশ্ব ভাষা শিক্ষা করিতে আরম্ভ করেন। যশোরে আসিয়া অসিচালনা, মল্লক্রীড়া, সস্তরণ, অশ্বচালনা, ইত্যাদি বীরোচিত যাবতীয় বিদ্যা অতি যত্ন ও আগ্রহ সহকারে আয়ত্ত করেন। বাল্যকাল হইতেই প্রতাপের হৃদয়ে বীরত্ব ও প্রতিভার বীজ অঙ্কুরিত হইতে আরম্ভ হয়। বাঙ্গালী বালকের স্বাভাবিক ভীরুতা তাঁহার হৃদয় স্পর্শ করিতে পারে নাই। তিনি শৈশব

নানাবিধ বীরজনোচিত কার্য্য সম্পাদন এবং বীরত্বের কাহিনী শ্রবণ করিতে ভালবাসিতেন। সে সময়ে বঙ্গদেশে ও উড়িষ্যায় ঘোর স্বাধীনতার সংগ্রাম চলিতেছিল। বালক প্রতাপ সে সমুদয় বিজয় ও পরাজয়-কাহিনী শুনিয়া শুনিয়া ধীরে ধীরে স্বীয় তরুণ হৃদয়ে স্বাধীনরাজ্যস্থাপন-স্পৃহা জাগাইয়া তুলিতেছিলেন। একটু বয়োবৃদ্ধির সঙ্গে সঙ্গেই প্রতাপের মনে একটা ধারণা জন্মিল,—“বাঙ্গালী আমরা, বাংলা আমাদের জন্মভূমি, আমাদের স্বদেশ লইয়া মোগল ও পাঠানেরা সংগ্রাম করিতেছে, আর আমরা আমাদের দেশেই বাস করিয়া নীরবে তাহাদের অধীনতা মাথা

বাংলার বীর

পাতিয়া বহন করিতেছি ;—কেন, কিসের জন্ত এই অধীনতা ? যে রূপেই হউক, জন্মভূমির স্বাধীনতা লাভ করিতেই হইবে ।”

প্রতাপের কোণ্ঠী-ফল বিচার করিয়া জৈনৈক দৈবজ্ঞ কহিয়াছিলেন, “এই বালক ভবিষ্যতে পিতৃঘাতী হইবে ।” বিক্রমাদিত্য এই কথা শুনিয়া এবং বালকের কার্যকলাপ দর্শন করিয়া মনে করিয়াছিলেন যে, তাঁহার এই পুত্রের দ্বারা সত্য সত্যই একদিন তাঁহার জীবনান্ত ঘটিবে । এই ধারণা আত্মীয়স্বজনবর্গের হৃদয়েও একরূপ বদ্ধমূল হইয়াছিল যে, সময় সময় প্রতাপের অগ্রায় আচরণ দর্শনে তাঁহারা তাঁহাকে ‘পিতৃঘাতী’ বলিয়া তিরস্কার করিতেও কুণ্ঠা বোধ করিতেন না । এইরূপ তিরস্কার শ্রবণ করিতে করিতে প্রতাপের হৃদয়ে পিতৃদ্রোহিতার বীজ ধীরে ধীরে উপ্ত হইতে লাগিল, এবং ইহারই ফলে শেষে প্রতাপকে খুল্লতাত বসন্তরায়ের হত্যার পাপে কলুষিত ও কলঙ্কিত হইতে হইয়াছিল ।

শঙ্কর চক্রবর্তী নামক একজন ব্রাহ্মণ বালক ও সূর্য্যকান্ত গুহ নামক এক কায়স্থ বালকের সহিত প্রতাপের বন্ধুত্ব হয় । শঙ্কর ও সূর্য্যকান্ত উভয়েই বীর । তিন বন্ধু মিলিত হইয়া বঙ্গে পুনরায় হিন্দু স্বাধীনতা স্থাপনের কত কল্পনা করিতে লাগিলেন । কিরূপে মোগল-দিগকে দেশ হইতে বিতাড়িত করিয়া বঙ্গের বিলুপ্ত হিন্দু-গৌরব পুনঃ প্রতিষ্ঠা করা যায় ইহাই বন্ধু-ত্রয়ের নিভৃতালোচনের বিষয় হইল । অগ্নি যেমন বায়ুর সহায়তায় দ্বিগুণ শক্তিলভ করে, প্রতাপের হৃদয়ের স্পৃহা আকাঙ্ক্ষাও শঙ্কর ও সূর্য্যকান্তের মন্ত্রণাপ্রভাবে জাগ্রত হইয়া উঠিতে

লাগিল। প্রতাপ বন্ধু ও ক্রীড়া-সঙ্গীদিগকে লইয়া স্থানান্তরনের নিবিড়
ছর্ভেস্ত বনাভ্যন্তরে প্রবেশ পূর্বক ভীষণকায় গণ্ডার, ব্যাঘ্র, কুস্তীর,
ভল্লুক, হরিণ, সর্প প্রভৃতি শিকার করিয়া হৃদয়ের বীরত্ব-পিপাসা
পরিতৃপ্ত করিতেন। ভয়াবহ স্থানান্তরন তাঁহাদের প্রিয় লীলা-ক্ষেত্র হইল।
পিতামহ, পিতা ও পিতৃব্য বালকের এই অমানুষিক হুঃসাহসিকতা দর্শন
করিয়া চিন্তিত হইয়া পড়িলেন। প্রতাপ দিন দিন যেমন দুর্ধর্ষ হইয়া
উঠিতেছেন, তাহাতে ভবিষ্যতে যে দৈবজ্ঞের কথা সফল হইবে, তাহাতে
সকলেরই স্থির বিশ্বাস জন্মিতে লাগিল।

পাঠান নৃপতি দাউদশাহ মোগলের হস্তে পরাজিত হইলে সমগ্র
বঙ্গরাজ্য সম্রাট আকবরের শাসনাধীন হয়। তদনন্তর রাজস্ব-সচিব
টোডরমল্ল, বিক্রমাদিত্য ও বসন্তরায়ের সাহায্যে বঙ্গের রাজস্ববিভাগের
সংস্কার মানসে, তাঁহাদিগকে আহ্বান করিয়া সম্রাট-দরবারে উচ্চ রাজকার্য্যে
নিযুক্ত করিলেন। ভ্রাতৃত্ব কার্য্যকুশলতার পরিচয় প্রদান পূর্বক কয়েক
বৎসর পরে সম্রাটকর্তৃক সমগ্র যশোর রাজ্য জমীদারী স্বরূপ প্রাপ্ত
হইয়া উহা ভোগদখল করিবার অনুমতি প্রাপ্ত হইলেন। বিক্রমাদিত্য ও
বসন্তরায় স্বীয় জমীদারীতে প্রত্যাগমন করিয়া শৃঙ্খলা সহকারে শাসন-
কার্য্যে মনোনিবেশ করিলেন। এই সময়ে ভবানন্দের মৃত্যু হয়।

প্রতাপ যে কেবল অরণ্যে অরণ্যে বিচরণ করিয়া পশুহনন ব্যাপারেই
নিযুক্ত থাকিতেন তাহা নহে। যখন গৃহে অবস্থান করিতেন তখন তিনি
অতিশয় দক্ষতা সহকারে ধীর ও শাস্ত্র ভাবে নিজ রাজ্যের যাবতীয় শাসন-

বাংলার বীর

ব্যাপার নির্বাহ করিতেন। কিন্তু তথাপি পিতা বিক্রমাদিত্যের হৃদয় হইতে পুত্রের প্রতি সন্দেহ দূরীভূত হইল না। তিনি পুত্রের স্বাধীনতা-লাভের উচ্চাকাঙ্ক্ষায় এত দূর ভীত ও বিরক্ত হইয়া পড়িয়াছিলেন যে, তিনি বসন্তরায়ের নিকট প্রতাপকে ত্যাজ্যপুল করিবার সঙ্কল্প ব্যক্ত করেন, কিন্তু স্নেহপ্রবণ বসন্তরায় নানা যুক্তিতর্কের দ্বারা বিক্রমাদিত্যকে বুঝাইয়া দেন যে, প্রতাপের দ্বারায় তাঁহাদের কোনও অনিষ্ট হইবার আশঙ্কা নাই।

পিতা ও খুল্লতাত প্রতাপের বিবাহ দিয়া তাঁহার উদ্ধৃত স্বভাব সংবর্ত করিতে মনস্থ করিলেন। পরমশুণবতী ও সৌন্দর্য্যশালিনী শরৎকুমারীর সহিত শুভদিনে বিপুল সমারোহে প্রতাপের বিবাহ হইল। কিন্তু প্রতাপের স্বভাবের কোনও পরিবর্তন ঘটিল না। তিনি যে স্বাধীনতার স্বপ্ন দেখিতেন, বিবাহ তাহা ভাঙ্গিয়া দিতে সমর্থ হইল না। উচ্চাভিলাষ যাহার জীবনের লক্ষ্য, বিবাহের তুচ্ছ প্রলোভন তাঁহাকে টলাইতে পারিবে কেন ?

স্বাধীনতা-প্রয়াসী প্রতাপ পিতাকে মোগলের শাসন-পাশ ছিন্ন করিয়া স্বাধীনতা ঘোষণার নিমিত্ত প্রায়ই বিরক্ত করিতেন। মোগলেরা প্রবল প্রতাপশালী, তাহাদের শক্তির নিকট বিক্রমাদিত্যের শক্তি ও সৈন্তবল যে অতি তুচ্ছ, এই কথা তিনি বারংবার প্রতাপকে বলিয়াও হৃদয়ঙ্গম করাইতে সমর্থ হন নাই। অবশেষে তিনি মোগলের রাজধানী স্মদুর আগ্রা নগরীতে মোগল সম্রাটের অতুল ঐশ্বর্য্য, বিপুল পরাক্রম,

কঠোর শাসন-নীতি, অগণিত সেনাবল প্রভৃতি পর্য্যবেক্ষণ করিয়া তৎসঙ্গে রাজনৈতিক অভিজ্ঞতা লাভ করিবার নিমিত্ত প্রতাপকে তথায় প্রেরণ করিবার ইচ্ছা করিলেন। তিনি মনে করিলেন, অপরিশ্রুত-বুদ্ধি প্রতাপ অনভিজ্ঞতানিবন্ধন স্বাধীনতা লাভের জন্য যে ঔৎসুক্য প্রকাশ করিতেছেন, যদি রাজধানীতে যাইয়া স্বচক্ষে মোগল-প্রতাপ প্রত্যক্ষ করিয়া আসেন, তবে তাঁহার ঔদ্ধত্য ও ঐশ্বর্য্য-গর্ব তিরোহিত হইবে। বিক্রমাদিত্য বসন্তরায়ের সহিত পরামর্শ করিয়া প্রতাপকে আগ্রা প্রেরণ করিলেন। শঙ্কর, সূর্য্যকান্ত, সুন্দর প্রভৃতি প্রতাপের বন্ধুগণও তাঁহার আগ্রা-গমনের সহযোগী হইলেন। জল-পথে যাইতে যাইতে প্রতাপ নদীর উভয় তীরে বঙ্গের তথা ভারতের প্রাচীন নগর ও কীর্ত্তিরাজির ধ্বংসাবশেষ দর্শন করিতে করিতে অগ্রসর হইলেন; গোড়, পাটলীপুত্র, চুণার প্রভৃতি হিন্দু-নগরীর পূর্ব্ব ঐশ্বর্য্য আর আজ নাই, পাঠান ও মোগলের অমাহুষিক অত্যাচারের কঠোর স্পর্শ আজও সেই শ্মশান-নগরীর অঙ্গে অঙ্গে ফুটিয়া উঠিয়া পাশ-বিকতার সাক্ষ্য দিতেছে। দেখিতে দেখিতে প্রতাপের চক্ষু জলভারাক্রান্ত হইয়া আসিল। তাঁহার মনে হইতে লাগিল, হিন্দুর অতীত গৌরব কি আর ফিরিয়া আসিবে না?—পবিত্র হিন্দুস্থান কি আবার হিন্দুর বিজয়-শঙ্খের ভৈরব নিনাদে মুখরিত হইবে না?—বঙ্গমাতার এমন সন্তান কি কেহ নাই যে, বাংলার এই শ্মশান-ক্ষেত্রের ভস্মরাশি বিদূরিত করিয়া নন্দনের স্নেহমা ফুটাইয়া তুলিতে পারে?

প্রতাপ আগ্রায় পৌছিয়া কিছুদিন তথায় অবস্থান করিলেন।

বাংলার বীর

তঁাহার মধুর ব্যবহার, বুদ্ধিমত্তা, বিদ্যা ও বীরত্বব্যঞ্জক অঙ্গসৌষ্ঠব দর্শনে সম্রাট আকবর পরম পরিভুষ্ট হইলেন। প্রায় তিন বৎসর কাল প্রতাপ আগ্রায় অবস্থান করিয়া মোগলের রাজনীতি, রণকৌশল, সেনাবল প্রভৃতি সমস্তই পুঙ্খানুপুঙ্খরূপে পর্য্যবেক্ষণ করিলেন। প্রতাপাদিত্যের আগ্রায় অবস্থান-কালেই চিতোরের রাণা প্রতাপসিংহ, মেবারকে মোগলের দাসত্ব-পাশ হইতে মুক্ত করিবার জন্ত, রাজসুখ পরিত্যাগ পূর্ব্বক বনচারী সন্ন্যাসীর ছায়া পর্কতে পর্কতে ভ্রমণ করিয়া মোগল শক্তির বিরুদ্ধে সংগ্রাম করিতেছিলেন। সহস্র বাধা, বিপত্তি, অনাহার-অনিদ্রাকে অকাতরে বরণ করিয়া লইয়াও স্বাধীনতার জন্ত যুদ্ধ তিনি জীবনের ব্রত করিয়া লইয়া-ছিলেন। প্রতাপের অমাহুষিক ধৈর্য্য, বীরত্ব, অধ্যবসায় ও সংগ্রাম-কাহিনী প্রতাপাদিত্য আগ্রা নগরীতে বসিয়া শুনিতে লাগিলেন। শুনিতে শুনিতে তঁাহার হৃদয়ও স্বাধীনতার রণোন্মাদনায় নৃত্য করিয়া উঠিতে লাগিল। তিনি ভাবিতে লাগিলেন, একবার যশোরে প্রত্যাবর্ত্তন করিয়া রাজ্যভার গ্রহণ করিতে পারিলেই বঙ্গের স্বাধীনতার জন্ত জীবন পণ করিবেন।

প্রতাপের পিতা বিক্রমাদিত্য জ্যেষ্ঠ সহোদর হইলেও কনিষ্ঠ বসন্তরায়ই যশোর রাজ্য শাসন করিতেন। খুল্লতাতেই উপর প্রতাপাদিত্যের একটা স্বাভাবিক বিদ্বেষ ছিল। বসন্তরায় যতই তঁাহাকে স্নেহ করিতেন, প্রতাপ যেন ততই সেই স্নেহের আবরণে শত্রুতার ভাব লক্ষ্য করিতেন। প্রতাপ বাল্যেই মাতৃহীন হন, খুল্লতাত-পত্নীই তঁাহাকে লালন পালন করিতেন। যাহা হউক, প্রতাপাদিত্য কৌশলক্রমে সম্রাট আকবরের নিকট হইতে

বসন্তরায়ের পরিবর্তে স্বয়ং যশোররাজ্য শাসনের অনুমতি-পত্র লইয়া যশোরে প্রত্যাবর্তন পূর্বক পিতা ও পিতৃব্যকে জানাইলেন যে, সম্রাট সম্ভ্রষ্ট হইয়া তাঁহাকে যশোররাজ্য শাসনের ভার অর্পণ করিয়া পরোয়ানা প্রদান করিয়াছেন। বিক্রমাদিত্য এবং বসন্তরায় উভয়েই এই সংবাদে পরম পুলকিত হইয়া প্রতাপের করে রাজ্যশাসনের অধিকাংশ ভার অর্পণ পূর্বক ভগবচ্ছিন্তায় কালাতিপাত করিতে লাগিলেন। প্রতাপাদিত্য এইবার তাঁহার আজন্ম-কাজ্জিক্ত ব্রত উদ্যাপনের জন্ত সচেষ্ট হইলেন। মোগলের বিরুদ্ধে যুদ্ধ করিতে হইলে সুশিক্ষিত ও উপযুক্ত সৈন্যবল প্রয়োজন, এই অভাব মোচনের জন্ত তিনি স্বীয় প্রজাবৃন্দের মধ্যে সামরিক শিক্ষার প্রচার করিতে লাগিলেন। যুবকদল অশ্ব-চালন, তীরনিষ্ক্ষেপ, বন্দুকব্যবহার, অসিঘূর্ণন প্রভৃতি বীরোচিত শিক্ষায় শিক্ষিত হইতে আরম্ভ করিল। দেশময় একটা নব উদ্দীপনার সাড়া পড়িয়া গেল। শত্রুকে বিপদাপন্ন করিবার নিমিত্ত প্রতাপ সুন্দরবন অঞ্চলে বহু সূত্রসর খাল খনন করাইলেন। রাজ্যের নানাস্থানে সূদৃঢ় দুর্গ সকল নির্মিত হইতে লাগিল। তৎকালে সমুদ্রের উপকূলবর্তী ভূভাগসমূহ হৃদ্যাস্ত মগ ও পর্তুগীজগণের অত্যাচারে ভীষণভাবে উৎপীড়িত হইতেছিল; তাহাদিগকে দমন করিবার নিমিত্ত প্রতাপ বহুসংখ্যক যুদ্ধ-জাহাজ নির্মাণ করাইলেন, ইহাতে তাঁহার দুই উদ্দেশ্যই সিদ্ধ হইল। শত্রুর, সূর্য্যকান্ত, সুন্দর এবং আরও বহু বীর যুবক প্রতাপের সহিত মিলিত হইয়া মোগলের বিরুদ্ধে অস্ত্রধারণ করিবার ষড়যন্ত্র করিতে লাগিলেন।

বাংলার বীর

দূরদর্শী বিক্রমাদিত্য বুঝিতে পারিলেন, অদূর ভবিষ্যতে হয়ত বসন্তরায়ের পুত্রগণের সহিত রাজ্য লইয়া প্রতাপাদিত্যের একটা দারুণ মনোমালিগ্নের সঙ্কার হইতে পারে। ইহা ভাবিয়া তিনি যশোর-রাজ্য ১৮০ এবং ১৮০ এই দুই ভাগে ভাগ করিয়া প্রতাপকে ১৮০ এবং বসন্তরায়কে ১৮০ প্রদান করিলেন। ইহার কিছুদিন পরেই বিক্রমাদিত্যের মৃত্যু হয়। পিতার মৃত্যুতে প্রতাপ অন্তরে দারুণ আঘাত পাইলেন। শ্রাদ্ধাদি কার্য সমাপনান্তে তিনি আবার স্বীয় অভীক্ষিত কার্যে মনোনিবেশ করিলেন। রাজ্য দুই ভাগে বিভক্ত হইলেও প্রতাপ খুল্লতাতে সহিত একত্রই রাজ্য শাসন করিতেছিলেন। কিন্তু এইবার প্রতাপের ইচ্ছা হইল যে, তিনি স্বতন্ত্র স্থানে রাজধানী স্থাপন করিয়া তাঁহার নিজ রাজ্য শাসন করেন। বসন্তরায় ইহাতে বিন্দুমাত্রও আপত্তি করিলেন না, বরং সানন্দে প্রতাপের প্রস্তাবে সম্মতি দান করিলেন। প্রতাপ উপযুক্ত স্থানের অন্বেষণে বহির্গত হইলেন, বহু সন্ধানের পর একটা স্থান তাঁহার মনঃপূত হইল। স্থানটির নাম ধুমঘাট। উহা যমুনা ও ইচ্ছামতীর সঙ্গমস্থলে অবস্থিত। সেই সময় ধুমঘাট ঘোর অরণ্যসমাকুল ছিল। প্রায় ৮১০ মাইল পরিমিত স্থানের জঙ্গল পরিষ্কৃত করিয়া দুর্গ ও পরিখা দ্বারা স্থানটি সুরক্ষিত করতঃ সেই স্থলে রাজধানী স্থাপিত হইল। অল্পদিন মধ্যেই ধুমঘাট সৌধশোভিত উদ্যান-সরোবরাদি পরিপূর্ণ একটা বহু জনাকীর্ণ নগরে পরিণত হইল। শুভদিনে প্রতাপাদিত্য পরিবারবর্গসহ পুরপ্রবেশ করিলেন। প্রতাপের নূতন

রাজধানী ধুমঘাটে হইল বটে, কিন্তু উহা যশোহর নামেই অভিহিত হইতে লাগিল। এই সময় হইতে প্রতাপ একজন প্রবল প্রতাপশালী জমিদারের আশ্রয় স্বীয় রাজ্য শাসন ও সংরক্ষণ করিতে লাগিলেন; কিন্তু তখনও তাঁহাকে বার্ষিক রাজ-কর নিয়মিত ভাবে মোগল রাজ-সরকারে পাঠাইতে হইত।

কমল খোজা নামক পাঠান প্রতাপের একজন অতি বিশ্বস্ত সেনানী ছিলেন। কমলের বীরত্বে মুগ্ধ হইয়া প্রতাপ তাঁহাকে একটা সৈন্যদলের নেতৃত্ব অর্পণ করেন। তখন রাজধানী ধুমঘাটের অনতিদূরে আর একটা দুর্গ নির্মিত হইতেছিল। কমল খোজার উপর ইহার রক্ষণাবেক্ষণের ভার অর্পিত হইল। তিনি দিবারাত্র সেখানে বসিয়া দুর্গ-নিরীক্ষণ পর্য্যবেক্ষণ করিতেন। এক গভীর তমসাক্ষর নিশীথে কমল দুর্গদ্বারে বসিয়া আছেন, এমন সময় দেখিতে পাইলেন, অদূরবর্তী অরণ্যের ঋধ্য হইতে একটা আলোক-শিখা উথিত হইয়া গগনমার্গে বিলীন হইয়া বাইতেছে। প্রতি রাত্রিতেই তিনি বনমধ্যে এই জ্যোতির বিকাশ দেখিয়া অবশেষে স্বীয় প্রভুকে উহা জ্ঞাপন করেন। প্রতাপ জঙ্গল কর্তন করিয়া দেখিলেন, সে স্থানে প্রস্তরময়ী এক অতি ভীষণা কালীমূর্তি রহিয়াছেন। তখন তিনি সেই স্থানে একটা মন্দির নির্মাণ করাইয়া দেবীর নিত্যপূজার ব্যবস্থা করিয়া দিলেন। এই দেবী যশোহরেশ্বরী নামে অভিহিত। দেশদেশান্তর হইতে দলে দলে লোক আসিয়া দেবীর পূজা করিতে লাগিল। প্রতাপ ভগবতী কালিকার অমূল্য লাভ করিয়াছেন বলিয়া দেশময় প্রচারিত হইয়া গেল। যে স্থানে

বাংলার বার

দেবী আবিস্কৃত হইলেন তাহার নাম ঈশ্বরীপুর। অত্ৰাপি দেবী যশোহরেরেশ্বরী তথায় বিরাজিতা রহিয়াছেন। দেবী যশোহরেরেশ্বরী, আবিস্কৃত হওয়ার পর প্রতাপাদিত্য বেন স্বীয় তেজোবীৰ্য্য অধিকতর নবীনভাবে নিজের ভিতর অনুভব করিতে লাগিলেন। তাঁহার মনে হইতে লাগিল, তাঁহার কল্পিত মাতৃ-যজ্ঞের অনুষ্ঠান-সময়েই যখন জননী ভগবতী রণচণ্ডিকা মূৰ্ত্তিতে তাঁহাকে দেখা দিয়াছেন, তখন অবশ্যই তিনি স্বীয় অভীষ্ট সাধনে সমর্থ হইবেন। এই সময়ে প্রতাপের উদয়াদিত্য নামক জ্যেষ্ঠ পুত্র জন্মগ্রহণ করেন।

প্রতাপ তখনও মোগলের সামন্তভাবেই স্বীয় রাজ্য পরিচালন করিতে লাগিলেন। স্বাধীনতা ঘোষণা করিতে হইলে যতটুকু শক্তি ও সামর্থ্য সঞ্চয় করিয়া লওয়া প্রয়োজন, তখন পর্য্যন্ত তাহা সম্পূর্ণরূপে সাধিত হয় নাই। স্বতন্ত্র রাজধানী স্থাপন করিয়া এবং রাজ্যের শাসন-ভার স্বয়ং প্রাপ্ত হইয়া তিনি এইবার স্বীয় রাজ্য সুরক্ষিত করিয়া মোগলের বিরুদ্ধে দণ্ডায়মান হইবার আয়োজন করিতে লাগিলেন। মোগলের বিরুদ্ধাচরণ করিতে হইলে দুৰ্গ, সৈন্ত, নৌ-বাহিনী, অস্ত্রশস্ত্র এবং খাছাদির উপযুক্ত ব্যবস্থা করা একান্ত আবশ্যক। সেই জন্ত তিনি স্বীয় রাজ্যে উপযুক্ত স্থান নির্ণয় করিয়া অসংখ্য দুৰ্গ নির্মাণ করাইলেন। এই সমুদয় দুৰ্গ খাছদ্রব্য, অস্ত্রশস্ত্র এবং সৈন্তদ্বারা সৰ্ব্বদা পরিপূর্ণ রাখিবার ব্যবস্থাও করিলেন। তাঁহার সৈন্তদল নয় ভাগে বিভক্ত ছিল ; তিনি উপযুক্ত লোক সংগ্রহ করিয়া ক্ষমতানুযায়ী তদ্বারা ভিন্ন ভিন্ন সৈন্তদল

গঠন করিয়াছিলেন। হিন্দু, মুসলমান, ফিরঙ্গী, কুকি প্রভৃতি নানা শ্রেণীর নানা জাতীয় লোক কার্যদক্ষতা অনুসারে সৈন্তদলে গৃহীত হইত ;—(১) তীরন্দাজ সৈন্য,—সুন্দর ও ধুলিয়ান বেগ প্রভৃতি বীরগণ এই বিভাগে নেতৃত্ব করিতেন ; (২) ঢালী বা পদাতিক সৈন্ত,—মদনমল্ল এই দলের সেনাপতি ছিলেন ; (৩) নৌ-সৈন্ত,—পর্তুগীজ পেড্রো এই বিভাগের প্রধান পরিচালক ছিলেন ; (৪) গোলন্দাজ সৈন্ত,—পর্তুগীজ রডার উপর এই বিভাগের যাবতীয় কর্তৃত্ব অর্পিত ছিল ; (৫) অঝারোহী সৈন্ত,—প্রতাপ দত্ত, হুরউল্যা, মাহীউদ্দীন প্রভৃতি বীরবৃন্দ এই সৈন্তদল পরিচালনা করিতেন ; (৬) হস্তি-সৈন্ত ; (৭) পার্শ্বতা কুকি সৈন্ত,—এই বিভাগের অধ্যক্ষ ছিলেন রঘুরাম ; (৮) গুপ্তসৈন্ত,—এই সৈন্তদলের কর্তব্য ছিল শত্রুপক্ষের গতিবিধি পর্য্যবেক্ষণ করা ; (৯) রক্ষিসৈন্ত,—এই সৈন্তদল রাজভবন রক্ষায় নিযুক্ত ছিল ।

প্রতাপের রাজ্য নদীবহুল দেশ, সুতরাং সে দেশ রক্ষা করিতে হইলে কেবল স্থল-সৈন্তের উপর নির্ভর করিলে চলে না। বিশেষতঃ মোগলদিগের বিরুদ্ধে যুদ্ধ করিতে হইলে এবং মগ ও ফিরঙ্গীর অত্যাচার দমন করিতে হইলে নদীবহুল দেশে যথেষ্ট নৌ-বল থাকা প্রয়োজন। আগ্রায় অবস্থান কালে প্রতাপ লক্ষ্য করিয়া আসিয়াছেন যে, মোগলের নৌ-বল তত পর্য্যাপ্ত নহে ; নদীবহুল দেশে মোগলকে পরাজিত ও বিপর্য্যস্ত করিতে হইলে নৌ-বলের যথেষ্ট আবশ্যক বিবেচনায় প্রতাপ যুদ্ধ-জাহাজ নির্মাণ, পোতাশ্রয় রচনা এবং নৌ-সৈন্ত গঠনে বিশেষ

বাংলার বীর

মনোযোগী হইয়াছিলেন ; তাঁহার বহু সহস্র রণতরী এবং নৌ-সৈন্য ছিল । চাকশিরি, জাহাজঘাটা, প্রভৃতি কতকগুলি স্থানে প্রতাপের নৌ-বহর রক্ষার প্রধান স্থান ছিল ।

রাজ্যপরিচালনে প্রতাপাদিত্যের অসীম অভিজ্ঞতার পরিচয় পাওয়া যায় । রাজ্য সুনিয়ন্ত্রিত ও সু-গঠিত করিতে হইলে বিভিন্ন বিভাগের নেতৃত্ব উপযুক্ত ব্যক্তির হস্তে ন্যস্ত করা আবশ্যিক । প্রতাপ এই নীতি অনুসরণ পূর্বক অভিজ্ঞ ও সুদক্ষ ব্যক্তিবর্গের উপর রাজ্যের বিভিন্ন বিভাগের ভারার্পণ করিয়াছিলেন । প্রগাঢ় বুদ্ধিসম্পন্ন কর্তব্যনিষ্ঠ সুপণ্ডিত শঙ্কর রাজ্যের দেওয়ানি বিভাগের সর্বময় কর্তৃপদে সমাসীন থাকিয়া রাজস্ব, আয়ব্যয়, রাজ্যাশাসন প্রভৃতি কার্য্য সুন্দররূপে পরিচালন করিতেন । সূর্য্যকান্ত বীরত্ব-প্রতিভাশালী ; প্রধান সেনাপতিরূপে তিনি সৈন্যসংগ্রহ, যুদ্ধ-ব্যবস্থা, অস্ত্রশস্ত্র নির্মাণ প্রভৃতি যাবতীয় সামরিক কার্য্যের দায়িত্ব গ্রহণ করিয়াছিলেন । শঙ্কর ও সূর্য্যকান্ত ছিলেন প্রতাপের আশাভরসা, শক্তি, উৎসাহ, সহচর, মন্ত্রী, বন্ধু,—এক কথায় দক্ষিণ হস্ত স্বরূপ ।

এই প্রকারে রাজ্য সুপ্রতিষ্ঠিত করিয়া প্রতাপ ত্রীক্ষেত্র দর্শনে যাইবার অভিলাষী হইলেন । লোকে বুঝিল, তিনি তীর্থ-যাত্রা করিতেছেন, কিন্তু প্রতাপের প্রধান উদ্দেশ্য ছিল স্থলপথে বাইতে বাইতে সমগ্রদেশের রাজ-নৈতিক অবস্থা পর্য্যবেক্ষণ করা । কেহ কেহ বলেন, তখন বিদ্রোহী পাঠানগণ জগন্নাথের মন্দির অধিকার করিয়া কটক অধিকারে অগ্রসর হয়, এই নিমিত্ত নোগল সম্রাট মানসিংহের উপর সামন্ত রাজগণকে লইয়া

পাঠানদিগকে দমন করিবার আদেশ দেন ; এই আদেশ ক্রমেই প্রতাপকে উড়িষ্যাভিযানে সসৈন্তে যোগদান করিতে হয়। যাহা হউক, প্রতাপ যখন উড়িষ্যা যাত্রা করেন, তখন বসন্তরায় তাঁহাকে গোবিন্দদেব নামক শ্রীকৃষ্ণের বিগ্রহ ও উৎকলেশ্বর নামক শিবলিঙ্গ আনয়ন করিবার জন্ত বলিয়া দেন। প্রতাপ খুল্লতাতেই আদেশ প্রতিপালনে অবহেলা করেন নাই। ঐ দুইটি বিগ্রহ উৎকলীয়দিগের পরম আদরের সামগ্রী। যে ভাবেই হউক সূচতুর প্রতাপ উক্ত বিগ্রহ দুইটি হস্তগত করিয়া যখন স্বদেশাভিমুখে প্রস্থানোচ্চত হন, তখন উৎকলবাসিগণ জানিতে পারে যে, তাহাদের পরমারাধ্য দেবতা প্রতাপাদিত্য কর্তৃক অপহৃত হইয়া স্থানান্তরিত হইতেছে। অমনি সমগ্র উড়িষ্যা প্রদেশে এই বিগ্রহ-অপহরণবার্তা তড়িৎবেগে প্রচারিত হইয়া পড়িল। উৎকলের রাজশ্রবণ বিপুল সৈন্ত সমভিযাহারে প্রতাপের গতিরোধ করিতে ধাবিত হইলেন। বীর প্রতাপ স্বয়ং অসীম উৎসাহে ও অমিত উদ্দীপনায় স্বীয় সৈন্তগণকে পরিচালিত করিয়া সূর্য্যরেখাতীর পর্য্যন্ত অগ্রসর হইলেন। এই স্থলে উৎকল-সৈন্তের সহিত প্রতাপের ভীষণ সংঘর্ষ হইল ; প্রতাপ জয়লাভ করিয়া বিগ্রহসহ বিজয়-উল্লাসে রাজধানী যশোহরে প্রত্যাবর্তন পূর্ব্বক খুল্লতাতেই করে তাহা অর্পণ করিলেন। বসন্তরায় বিগ্রহ পাইয়া পরম পুলকিত হৃদয়ে বিরাট সমারোহের সহিত উহা প্রতিষ্ঠিত করেন।

• পূর্ব্বেই বলিয়াছি, প্রতাপ বাল্যকাল হইতেই অন্তরে অন্তরে খুল্লতাতে বসন্তরায়ের প্রতি একটা বিদ্বেষভাব পোষণ করিতেন। বসন্ত-

বাংলার বীর

রায় তাঁহাকে পুত্রাধিক স্নেহের চক্ষে দেখিলেও, প্রতাপ যেন তাঁহার সেই স্নেহের অন্তরালের শত্রুতার ভাব দেখিতে পাইতেন। বয়োবৃদ্ধির সঙ্গে সঙ্গে তাঁহার এই খুল্লতাত-বিদ্বেষ ভীষণ আকার ধারণ করিতে লাগিল; পরিশেষে প্রতাপের চরিত্র একটা অনপনের কলঙ্ক কালিমায় প্রলিপ্ত করিয়া এই বিদ্বেষ সমাপ্তি লাভ করিল। যতদিন ইতিহাস থাকিবে, ততদিন প্রতাপ-চরিত্রের এই কলঙ্ক বোধিত হইবে। বসন্তরায়ের পুত্রগণ প্রতাপকে শত্রুভাবে দেখিতেন; তাঁহাদের মধ্যে একটা আজন্ম মনোমালিঞ্চ চলিয়া আসিতেছিল। বসন্তরায়ের জ্যেষ্ঠ পুত্র গোবিন্দরায় প্রতাপকে স্বর্ণা ও হিংসার চক্ষে দেখিতেন, তাঁহার জননীও সন্তানগণের এই বিজাতীয় মনোমালিণ্ডের প্রশ্রয় দিতেন; ফলে, তাঁহাদের মধ্যে একটা জ্ঞাতি-বিরোধের সৃষ্টি হইল। প্রতাপ মনে করিতে লাগিলেন, খুল্লতাতের প্ররোচনাতেই তাঁহার এতদধি আচরণ করিতে সাহসী হইয়াছেন। প্রতাপকে আত্মা প্রেরণের ব্যবস্থা যদিও তাঁহার পিতা বিক্রমাদিত্য কর্তৃকই হইয়াছিল, তথাপি প্রতাপ মনে করিয়াছিলেন যে, ইহার মূলে খুল্লতাত রহিয়াছেন। সম্পত্তি বিভক্ত হইলে ‘চাকশিরি’ নামক একটা স্থান অগ্নি স্থানের বিনিময়ে প্রতাপ খুল্লতাতের নিকট প্রার্থনা করেন, কিন্তু গোবিন্দরায়ের চক্রান্তে তাঁহার সে প্রার্থনা নিষ্ফল হইল, পুনঃপুনঃ প্রার্থনায় ব্যর্থ-মনোরথ হইয়া প্রতাপ খুল্লতাতের উপর ভীষণ জাতক্রোধ হইলেন। প্রতাপ রাজ্য সুপ্রতিষ্ঠিত ও সুগঠিত করিয়া মোগলের বিরুদ্ধে যুদ্ধ আয়োজন করিতে কৃতসঙ্কল্প হইলে বসন্তরায় তাঁহাকে সাহায্য

করিলেন না, বরং প্রতিনিবৃত্ত হইবার উপদেশ দিতে লাগিলেন। ইহাতে প্রতাপের মনে হইতে লাগিল যে, খুল্লতাত দেশদ্রোহী এবং মোগলের অনুগ্রহ-ভিক্ষুক, তিনি তাঁহার আজন্ম-কাজ্জিকত কৰ্ম্ম সাধনে বাধা প্রদান করিতেছেন, ইহা ভাবিতে ভাবিতে প্রতাপের মস্তিষ্ক উষ্ণ হইয়া উঠিল; জন্মভূমির মুক্তি সাধনে যে কোনও বাধা তিনি নখাগ্রে ছিন্ন করিয়া ফেলিতে কৃতসঙ্কল্প। কালক্রমে উভয়ের আচরণে উভয়েরই মনে এমন একটা অমূলক ধারণা বদ্ধমূল হইয়া পড়িল যে, বুঝি উভয়েই উভয়ের বধসাধনের আয়োজন করিতেছেন।

এই অন্তর্বিবাদের সময় বসন্তরায়ের পিতৃশ্রাদ্ধ-তিথি উপস্থিত হইল। শ্রাদ্ধ-দিবসে তিনি প্রতাপকে স্ব-গৃহে নিমন্ত্রণ করিলেন। প্রতাপ শক্ততা বিস্মৃত হইয়া আত্মীয়স্বজন ও বন্ধুগণসহ স্বীয় রাজধানী ধুমঘাট হইতে পিতৃব্য-গৃহে গমন করিলেন। অন্তঃপুরে প্রবেশ-কালে প্রতাপ শুনিতে পাইলেন, বসন্তরায় গৃহান্তর হইতে ভৃত্যকে গঙ্গাজল আনয়নে আদেশ করিতেছেন। বসন্তরায়ের একখানি প্রিয় তরবারির নামও ছিল “গঙ্গাজল”। প্রতাপ মনে করিলেন, বসন্তরায় বুঝি তাঁহাকে স্বীয় পুরাত্যস্তরে প্রাপ্ত হইয়া এই বার পূর্ক শক্ততা সাধন করিবেন, সেই জন্তই “গঙ্গাজল” আনিতে বলিতেছেন। বসন্তরায় কিন্তু প্রকৃতপক্ষে শ্রাদ্ধের নিমিত্ত গঙ্গাজল আনিতে বলিয়াছিলেন। প্রতাপ ক্রোধে জ্ঞানশূন্য হইয়া স্বীয় তরবারি কোষমুক্ত করিলেন। গোবিন্দরায় দূর হইতে পিতার “গঙ্গাজল” আনয়ন করিবার আদেশ শুনিয়া এবং প্রতাপকে কোষমুক্ত

বাংলার বীর

তরবারি হস্তে ধাবিত হইতে দেখিয়া প্রতাপের শির লক্ষ্য করিয়া শাণিত
তীর নিক্ষেপ করিলেন ; তীর প্রতাপের মস্তক অল্পমাত্র স্পর্শ না করিয়া
চলিয়া গেল। প্রতাপের ক্রোধায়িতে দ্বতাহতি পড়িল। তিনি ক্রোধে
দ্বিধিদ্ভিক্ জ্ঞানশূণ্য হইয়া ছুটিয়া গিয়া তরবারি-প্রহারে গোবিন্দরায়ের
মস্তক স্বল্প-চ্যুত করিয়া ফেলিলেন। গোবিন্দরায়কে প্রতাপের হস্তে
নিহত হইতে দেখিয়া পুরমধ্যে আতঙ্কজনিত একটা মহাকোলাহলের সৃষ্টি
হইল। প্রতাপ সে স্থলে তিলমাত্র বিলম্ব না করিয়া শোণিত-রঞ্জিত
মুক্ত তরবারি হস্তে বসন্তরায়ের নিকট উপস্থিত হইলেন। বসন্তরায়
তখন পিতৃশ্রদ্ধ করিতেছিলেন ; প্রতাপকে অমন কথিরাক্ত কলেবরে
সংহারক মূর্তিতে আসিতে দেখিয়া তিনি তাঁহার অভিসন্ধি হৃদয়ঙ্গম করিয়া
“গঙ্গাজল” অস্ত্র আনয়ন করিতে আদেশ করিলেন। কিন্তু “গঙ্গাজল”
আসিবার পূর্বেই প্রতাপের করদ্বত শাণিত তরবারির আঘাতে তাঁহার
জীবন-নাট্যের যবনিকাপাত হইল ! বসন্তরায়ের পুত্রগণ, আত্মীয়বর্গ
এবং রক্ষিসৈন্যগণ প্রতাপের বিরুদ্ধে দণ্ডায়মান হইয়া যুদ্ধ করিতে লাগিল,
কিন্তু প্রতাপ সহযোগিবৃন্দের সহায়তায় তাহাদের অধিকাংশকেই শমন-
সদনে প্রেরণ করিলেন। অন্তঃপুরে শোণিত-গঙ্গা প্রবাহিত হইল।
এইবার প্রতাপাদিত্যের কোষ্ঠীর ফল ফলিল। বসন্তরায় পিতৃস্থানীয়
হইয়াই প্রতাপকে লালনপালন এবং স্নেহ করিতেন, স্ততরাং তাঁহার হত্যাত
পিতৃহত্যারই নামাস্তর মাত্র। এই জঘন্য পাপকার্য্যের জন্ত বীরস্বখ্যাতি-
মণ্ডিত প্রতাপের জীবন একটা অনপনের কলঙ্কে মণ্ডিত হইয়া রহিয়াছে।

এই পৈশাচিক কলুষিত কার্য্যানুষ্ঠানের ফলে প্রতাপকে সারাজীবন আত্ম-
গ্লানি এবং অমুতাপের অনলে দগ্ধীভূত হইতে হইয়াছে। প্রতাপ মানুষ,
তিনি পিশাচ নহেন ; খুল্লতাত ও জ্ঞাতিবধ যে তাঁহার পক্ষে কি ঘোর
পাপকার্য্য হইয়াছে তাহা তিনি মর্মে মর্মে অনুভব করিয়াছিলেন।

বসন্তরায়ের জ্যেষ্ঠা পত্নীর কোনও সন্তানসন্ততি ছিল না, প্রতাপ
শৈশবে মাতৃহীন হওয়ায় তিনি তাঁহাকে প্রতিপালন করিয়াছিলেন। তিনি
প্রতাপকে এতদূর স্নেহ করিতেন যে, প্রতাপ যখন ধুমঘাটে স্বতন্ত্র রাজধানী
স্থাপন করিয়া তথায় অবস্থান করিতে লাগিলেন, তখন তিনিও স্নেহের
প্রাবল্যে দূরে থাকিতে না পারিয়া প্রতাপের সহিত ধুমঘাটেই আসিয়া বাস
করিতে লাগিলেন। খুল্লতাত-পত্নীর স্নেহেই প্রতাপ গর্ভধারিণী জননীর
অভাব বিম্বৃত হইয়াছিলেন, অদৃষ্টের অমোঘ লিখনে সেই মাতৃকল্পা
খুল্লতাত-পত্নীকেই তিনি স্বহস্তে বৈধব্যের দারুণ শাস্তি প্রদান করিলেন।
কথিত আছে, প্রতাপ বসন্তরায়ের ছিন্ন শির লইয়া ধুমঘাটে প্রত্যাবর্তন
করিয়াছিলেন, বসন্তরায়-পত্নী তাঁহার সেই সর্ব্বনাশের কথা শুনিয়া মুচ্ছিত
হইয়া পড়িলেন, পরিশেষে চৈতন্য লাভ করিয়া প্রতাপকে অভিসম্পাত
দিতে দিতে স্বামীর সেই ছিন্ন মুণ্ডের সহিত চিতানলে তনুত্যাগ করেন।
শোকোন্মত্তা পিতৃব্য-পত্নীর চরণতলে নিপতিত হইয়া বিগলিত অশ্রু-নিষেকে
তাঁহার চরণযুগল সিক্ত করিতে করিতে কাতর-কণ্ঠে প্রতাপ তাঁহার
কৃতকর্ম্মের জন্য ক্ষমা প্রার্থনা করিতে লাগিলেন, কিন্তু রাজমহিষী স্বামি-
হস্তাকে কিছুতেই ক্ষমা করিতে পারিলেন না। পিতৃব্য-হত্যার পাপেই

বাংলার বীর

প্রতাপ শেষে পুড়িয়া মরিয়াছিলেন,—এই পাপেই জন্মভূমিকে স্বাধীন করিবার মহাব্রত বুঝি তাঁহার ব্যর্থ হইয়া গেল।

বসন্তরায়ের রাঘব নামক অত্যন্ত একটা পুত্র ছিল। প্রতাপের তরবারি-আঘাতে যখন বসন্তরায়ের অন্তঃপুরে রুধির-শ্রোত বহিতে লাগিল, সেই সময় রাঘবের জননী পুত্রের প্রাণভয়ে ভীত হইয়া তাঁহাকে কচুবনে লুকায়িত রাখিয়াছিলেন, তদবধি রাঘব “কচুরায়” নামে পরিচিত হইয়া পড়িলেন। ইতিহাসেও রাঘব “কচুরায়” নামেই পরিচিত। প্রতাপ কচুরায়কে স্বীয় রাজ্যধানীতে লইয়া গিয়া পরনন্দ্রেহে পরমাদরে লালন-পালন করিতে লাগিলেন। কিন্তু রাজ্যের কতিপয় কুচক্রী সমবেত হইয়া গোপনে কচুরায়কে রাজভবন হইতে উদ্ধার করিয়া হিজলির অধীশ্বর ইশাখাঁর নিকট উপস্থিত হইল। এই কুচক্রীদের মধ্যে রামরূপ বসু অত্যন্ত এবং অগ্রণী। ইশাখাঁর নিকট উপস্থিত হইয়া তাহারা নানাবিধে তাঁহাকে প্রতাপাদিত্যের বিরুদ্ধে উত্তেজিত করিতে লাগিল। দূতমুখে এই কথা শুনিয়া প্রতাপের ক্রোধাগ্নি প্রজ্জ্বলিত হইয়া উঠিল। তিনি অনতিবিলম্বে ইশাখাঁর হিজলিরাজ্য আক্রমণ করিয়া ধূলিসাৎ করিতে কৃতসঙ্কল্প হইয়া শঙ্কর, সূর্য্যকান্ত, রডা, মদন, রঘু প্রভৃতি বীরবৃন্দকে আহ্বান পূর্ব্বক সৈন্ত এবং রণতরী সজ্জিত করিতে আদেশ করিলেন। যোদ্ধাবর্গের উৎসাহে সমগ্র বশোহর-রাজ্য রণোল্লাসে মত্ত হইয়া উঠিল। প্রতাপ বশোহরের্বরী দেবীকে মহাসমারোহে অর্চনা করিয়া অস্ত্রশস্ত্র ও সৈন্তসামন্ত সমভিব্যাহারে জাহাজঘাটা

হইতে রণপোত আরোহণ পূর্বক হিজলি অভিমুখে দ্রুত ধাবিত হইলেন।

ইশাখাঁ মছন্দরীও যুদ্ধায়োজনের ক্রটি করিলেন না। ঠাঁহার সেনাপতি বীরবর বলবন্ত অসীম নিপুণতা সহকারে যুদ্ধ পরিচালনা করিতে লাগিলেন। প্রতাপ-সৈন্য কর্তৃক ইশাখাঁর সৈন্যগণ জল ও স্থলপথে অবরুদ্ধ হইয়া ব্যাস্ত্রতাড়িত কুরঙ্গযুথের ত্রায় বিপদে পতিত হইল। রঘু, মদন, সূর্য্যকান্ত, শঙ্কর, রডা প্রভৃতি বীরবৃন্দের অদ্ভুত রণ-নৈপুণ্যে ইশাখাঁর সৈন্যদল সর্বত্র পরাজিত হইতে লাগিল। কামানশ্রেণী হইতে জলন্ত গোলকরাজি নির্গত হইয়া জলস্থলকে অগ্নিময় করিয়া তুলিল; হিজলির অধিবাসিগণ ভীতব্রস্ত হইয়া চতুর্দিকে পলায়ন করিল। প্রতাপ স্বয়ং যুদ্ধস্থলে বিচরণ করিয়া স্বীয় সৈন্য ও সেনাপতিদিগকে উৎসাহিত করিতে লাগিলেন। প্রতাপের উৎসাহ-বাক্যে অনুপ্রাণিত হইয়া যেন সৈন্যদল প্রতি মুহূর্ত্তে নবীন বল সঞ্চয় পূর্বক শত্রুসৈন্য সংহার করিতে লাগিল। এইভাবে যুদ্ধ চলিয়া প্রতাপসৈন্য-নিষ্কিপ্ত একটি গোলায় আঘাতে ইশাখাঁ ধরাশায়ী হইলেন। হিজলি-পতির এতাদৃশ শোচনীয় মৃত্যু দর্শনে সৈন্যগণ হতবীৰ্য্য হইয়া পড়িল। প্রতাপের সৈন্যগণ বিরাট জয়োল্লাসে গগন কম্পিত করিয়া বিপক্ষদলকে আক্রমণ করিল, ইশাখাঁর সৈন্যগণ সেই ভীষণ আক্রমণ সহ্য করিতে না পারিয়া আত্মরক্ষার নিমিত্ত ছত্রভঙ্গ হইয়া চতুর্দিকে পলায়ন করিতে আরম্ভ করিল। বীরবর বলবন্ত শত চেষ্টা করিয়াও এই পলায়নোন্মুখ সৈন্যগণকে প্রতিনিবৃত্ত করিতে পারিলেন

বাংলার বীর

না। অবশেষে উপায়াস্তর না দেখিয়া স্বল্পসংখ্যক সৈন্য লইয়া তিনি শত্রুসৈন্য-সাগরে বাষ্প প্রদান করিলেন; কিন্তু তাঁহার ঐ তুচ্ছ শক্তি প্রতাপের বিরাট শক্তির নিকট কতক্ষণ? অল্পক্ষণ মধ্যেই তিনিও মৃত্যুকে বরণ করিয়া লইলেন।

যুদ্ধে প্রতাপ বিজয়লাভ করিলেন বটে, কিন্তু যে জন্ত এই যুদ্ধায়োজন তাহা সম্যক চরিতার্থতা লাভ করিল না। রূপরাম ও কচুরায়কে অবরুদ্ধ করাই প্রতাপের প্রধান উদ্দেশ্য ছিল, কিন্তু ধূর্ত রূপরাম পূর্বেই বুঝিয়াছিলেন যে, এই মহাসংগ্রামে হিজলি-পতির পরাজয় অবশ্যতাবী, সুতরাং তিনি যুদ্ধ আরম্ভ হইবার অল্পদিন পরেই কচুরায়কে লইয়া দিল্লী অভিমুখে পলায়ন করেন।

প্রতাপ হিজলি বিজয় পূর্বক সেখানে হিন্দু শাসনকর্তা নিযুক্ত করিয়া বিজয়-লব্ধ ধনরত্নাদিসহ মহাসমারোহে স্থায়ী রাজ্যে প্রত্যাবর্তন করিলেন। যশোহর-রাজ্য প্রতাপের বিজয়ছন্দুভি-নির্নাদে সজীব হইয়া উঠিল। প্রজাবৃন্দ বিজয়ী রাজার অভ্যর্থনার জন্ত বিপুল আয়োজন করিল, রাজধানী ধূমঘাটের ঘরে ঘরে বিজয়-উৎসব আরম্ভ হইল। প্রতাপ সর্ব প্রথমে জননী যশোহরেখরী দেবীর মন্দিরে গমন করিয়া ষোড়শোপচারে দেবীর অর্চনা করিলেন এবং ব্রাহ্মণ, দরিদ্র ও সৈন্যদিগকে পরিতোষপূর্বক ভোজন করাইয়া নানা উপহার-দ্রব্য প্রদান করিলেন।

হিজলি বিজয় করিয়া প্রতাপ যশোহরে প্রত্যাগমনপূর্বক শুনিতে পাইলেন যে, বিক্রমপুরের অধীশ্বর চাঁদরায় ও কেদাররায় নামক বীরস্বয়

তাঁহার বিরুদ্ধে অস্ত্র ধারণ করিবার আয়োজন করিতেছেন। প্রতিবাসী জমিদারের এই ঔদ্ধত্য প্রতাপের সহ্য হইল না, তিনি কালবিলম্ব না করিয়া সসৈন্তে তাঁহাদের রাজধানী শ্রীপুর আক্রমণ করিলেন। চাঁদরায় কেদাররায়ও পশ্চাৎপদ হইবার পাত্র নহেন, তাঁহারাও প্রতাপকে বাধা দিবার নিমিত্ত সৈন্ত সমভিব্যাহারে অগ্রসর হইলেন। দুইদলে যুদ্ধ আরম্ভ হইল। প্রতাপের আশ্চর্য্যস্ত্র শ্রাবণের ধারার মত শ্রীপুরের উপর অগ্নিবর্ষণ করিতে লাগিল। শ্রীপুরের কামানসমূহও প্রত্যুত্তর প্রদানে বিরত হয় নাই। ক্রিয়ৎক্ষণ যুদ্ধের পর চাঁদরায় কেদাররায় বুঝিতে পারিলেন,—হিন্দুতে হিন্দুতে ভাইয়ে ভাইয়ে যুদ্ধ আত্মশক্তিনাশ ও দেশের অনিষ্টসাধন ব্যতীত আর কিছুই নহে,—এ যুদ্ধ হিন্দুর সর্বনাশ ও মোগলের উন্নতির পথ পরিকৃত করিবে মাত্র। তখন তাঁহারা প্রতাপের নিকট সন্ধির প্রার্থনা করিলেন। প্রতাপ চাঁদরায় কেদাররায়ের সহিত মৈত্রীবন্ধনে আবদ্ধ হইয়া তাঁহাদিগকে এই প্রতিজ্ঞাবদ্ধ করাইয়া লইলেন যে,—তাঁহারা জননা জন্মভূমির স্বাধীনতা রক্ষার জন্ত সমবেত হইয়া মোগলের বিরুদ্ধে অস্ত্রধারণ করিতে দ্বিধাক্তি করিবেন না,—জন্মভূমিকে পরাধীনতার শৃঙ্খল হইতে মুক্ত করাই তাঁহাদের জীবনের প্রধান উদ্দেশ্য হইবে,—কোনও প্রকার প্রলোভনে বশীভূত বা ভয়ে অভিভূত হইয়া কেহ মোগলের অধীনতা স্বীকার বা পক্ষাবলম্বন করিতে পারিবেন না।

বঙ্গের সমুদ্রতীরবর্তী স্থানসমূহ হৃদ্যন্ত পৰ্ব্বগুজ দস্যুর অত্যাচারে নিতান্ত উৎপীড়িত হইয়া পড়িয়াছিল, হর্ষভেরা জলপথে আসিয়া এক

বাংলার বার

একটা গ্রামের উপর আপতিত হইয়া গ্রামবাসীদিগের যথাসর্বস্ব লুণ্ঠন পূর্বক অসংখ্য যুবকযুবতী ও বালকবালিকা ধরিয়া লইয়া গিয়া স্থানান্তরে দাসরূপে বিক্রয় করিত ! তৎকালে ফিরঙ্গী-ভীতি এতদূর প্রবল হইয়া পড়িয়াছিল যে, উহাদের আগমন-সংবাদ শুনিবা মাত্রই গ্রামবাসিগণ ভয়ে গ্রামান্তরে পলায়ন করিত ! এইরূপে প্রতিষংসর যে কত সমৃদ্ধিশালী ধনজনপূর্ণ গ্রাম দুর্ভিক্ষ পৰ্ত্তুগীজ দস্যুর পাশবিক অত্যাচারে শ্মশানে পরিণত হইত তাহার সংখ্যা নিরূপণ করা সাধ্যাতীত । প্রতাপ হৃদয়ঙ্গম করিলেন, ফিরঙ্গীগণ দেশের যে সর্বনাশ সাধন করিতেছে তাহা নিবারণ করিতে না পারিলে স্বাধীনতার স্বপ্ন দেখিয়া ফল নাই । দেশের এই কল্যাণ সাধনোদ্দেশ্যে তিনি আরাকানাধিপতি মঙ্গরা জাজীর সহিত বন্ধুত্ব স্থাপন করেন । এই বন্ধুত্বের বিনিময়ে মগরাজ ফিরঙ্গী-দলনে প্রতাপাদিত্যকে প্রভূত সাহায্য করিয়াছিলেন । দেশীয় জমীদারবর্গের সমবেত শক্তি, মগরাজের ভূজবল এবং প্রতাপের প্রবল পরাক্রম একত্র হইয়া অল্পদিনের মধ্যেই পৰ্ত্তুগীজ দস্যুদলকে বিতাড়িত করিতে সমর্থ হইল । ভীতি-বিহ্বল আতঙ্কগ্রস্ত দেশ আবার পূর্ব শান্তি ফিরিয়া পাইল ।

এইবার প্রতাপ বুঝিতে পারিলেন যে, মোগলের বিরুদ্ধে অস্ত্রধারণ করিয়া স্বাধীনতা ঘোষণা করিবার উপযুক্ত শক্তি তিনি সঞ্চয় করিতে সমর্থ হইয়াছেন । আর বেশী দিন মোগলের অধীন সামন্ত নৃপতিরূপে হীন জীবন যাপন করা স্বাধীনতাপ্রয়াসী প্রতাপের সহ্য হইল না ।

তিনি অচিরে স্বাধীনতা ঘোষণার আয়োজন করিতে লাগিলেন। স্বাধীন নৃপতির মত রাজসিংহাসনে বসিতে না পারিলে তাঁহার হৃদয় শান্ত ও তৃপ্ত হইবে না। তৎকালীন ভৌমিক রাজন্তবর্গের মধ্যে প্রতাপাদিত্যই ছিলেন সর্বপ্রধান। রাজস্বয়ং-বজ্রের তায় বিরাট অনুষ্ঠান সহকারে স্বাধীনতা ঘোষণা করিয়া তিনি রাজধানী ধুমঘাটে সিংহাসনে আরোহণ করিলেন। বজ্রের নানা স্থান হইতে নিমজ্জিত হইয়া রাজা, ভৌমিক, জমিদার ও আত্মীয়বর্গ ধুমঘাটে আগমন করিয়া এই নবীন স্বাধীন হিন্দু নৃপতিকে অভিনন্দিত করিলেন। বশোহর-রাজ্যে বেন একটা নবীন মন্ত্রশক্তির উদ্দীপনায় অনুপ্রাণিত হইয়া উঠিল, মহোৎসবের অবিরাম ধারা বহিয়া চলিল। সমবেত ব্যক্তিবর্গকে প্রতাপ বজ্রের দুর্দশা ওজস্বিনী ভাষায় বুঝাইয়া দিলেন ;—তাঁহার এই স্বাধীনতা ঘোষণা স্বীয় স্বার্থসংরক্ষণের জন্ত নহে, সমগ্র বজ্রের—সমগ্র জাতির কল্যাণের জন্ত ; আর তাঁহার এই স্বাধীনতার প্রয়াস, পরিপোষণ, সংরক্ষণ ও শ্রীবৃদ্ধি নির্ভর করিতেছে বজ্রের প্রত্যেক ভৌমিক-রাজের ক্ষাত্রশক্তির উপর। প্রতাপ সকলকে বুঝাইয়া দিলেন, বজ্রের স্বাধীনতারক্ষারূপ মহাব্রত উদ্ঘাপনে অনন্ত বাধা বিঘ্নকে উল্লঙ্ঘন করিতে হইবে,—জীবন-মৃত্যু লইয়া কন্দুকক্রীড়া করিতে হইবে ;—তিন শত বৎসর ধরিয়া জাতির বৃকের উপর যে পাষাণ-স্তূপ সঞ্চিত হইয়া আছে, তাহা অপসারিত করিতে হইলে হিংসা, বিবাদ, আত্মকলহ বিস্তৃত হইয়া একতার বৈজয়ন্তী-তলে সমবেত হইতে হইবে,—দেশমাতৃকার পূজায় সর্বপ্রকার ঐহিক সুখ বিসর্জন দিতে হইবে।

বাংলার বার

প্রতাপ নিজ নামে মুদ্রা প্রচলিত করিলেন। প্রচণ্ড মোগল-শক্তির বিরুদ্ধাচরণ করিতে হইলে যেকোন আয়োজন আবশ্যক দূরদর্শী প্রতাপ উপযুক্ত ব্যক্তির উপর তাহার ভার অর্পণ করিয়া স্বয়ং সমস্ত ধর্ম পর্যবেক্ষণ করিতে লাগিলেন। সূর্য্যকান্ত, শঙ্কর, মদন, ভবানীদাস, প্রতাপদত্ত প্রভৃতি কর্মচারিবৃন্দ বিভিন্ন বিভাগের ভারগ্রহণ করিয়া অক্লান্ত পরিশ্রমে কর্মসম্পাদন করিতে লাগিলেন। রাজ্যের সর্বত্র দুর্গ নিশ্চিত হইয়া নানাবিধ অস্ত্রশস্ত্রে এবং খাদ্যদ্রব্যে তাহা পূর্ণ হইতে লাগিল। নৌ-শক্তি বৃদ্ধির জন্য রণপোত সকল নিশ্চিত হইতে লাগিল। চাকরী একটা প্রধান পোতাশ্রয়ে পরিণত হইল। নিত্য দলে দলে নূতন সৈন্য সংগ্রহ করিয়া তাহাদের যুদ্ধ শিক্ষার ব্যবস্থা হইতে লাগিল। মোগলদিগের শক্তি এবং গতিবিধি পর্যবেক্ষণের নিমিত্ত সুদক্ষ সূচতুর গুপ্তচর সকল ইতস্ততঃ প্রেরিত হইল। আপামর সাধারণকে মোগল-শক্তির বিরুদ্ধে উত্তেজিত করিয়া মাতৃ-পূজায় যোগদানের আমন্ত্রণের নিমিত্ত বাগ্মিপ্রবর শঙ্কর বঙ্গের নানাস্থানে পর্যটন পূর্বক বক্তৃতা এবং উপদেশ দিতে লাগিলেন। শঙ্করের জালাময়ী বক্তৃতায় সমগ্র দেশে যেন একটা তড়িৎ শক্তির সঞ্চার হইল। প্রচার কার্য করিতে করিতে শঙ্কর মোগলের শক্তি পর্যবেক্ষণের নিমিত্ত যাইয়া রাজমহলে উপস্থিত হন। সে স্থানের তৎকালীন ভারপ্রাপ্ত কর্মচারী শেরখাঁ নামক এক ব্যক্তি কোণে শঙ্করকে কারারুদ্ধ করেন। কিন্তু সূচতুর শঙ্কর অবিলম্বে কারাগৃহ হইতে পলায়ন করিয়া যশোহরে উপনীত হন। ইহার ফলে

মোগলদিগের সহিত প্রতাপাদিত্যের সংঘর্ষ উপস্থিত হয়, কিন্তু মোগলেরা পরাজিত হইয়া পলায়ন করে; প্রতাপের নৌ-বাহিনী মোগল-সৈন্যকে রাজমহল পর্য্যন্ত বিতাড়িত করিয়া দেয়।

হিজলি-অধিপতি ইশারখাঁর সহিত যখন প্রতাপের যুদ্ধ উপস্থিত হয়, তখন প্রতাপ-শক্তি-অভিজ্ঞ রূপরাম বসু প্রতাপ-হস্তে পাঠানের পরাজয় সুনিশ্চিত বুঝিয়া কচুরায়কে লইয়া দিল্লীতে পলায়ন করেন। ইঁহারা যখন দিল্লীতে অবস্থান করিতেছিলেন, তখন প্রতাপের ঔদ্ধত্যের কাহিনী ক্রমাগতই সম্রাটের কর্ণগোচর হইতে থাকে এবং রূপরাম ও কচুরায় উহার সমর্থন করেন। সম্রাট প্রতাপের এবস্থি আচরণে ক্রুদ্ধ হইয়া তাঁহাকে শাস্তিদানের নিমিত্ত ইব্রাহিম খাঁ নামক একজন সেনাপতিকে সৈন্যসহ প্রেরণ করেন, কিন্তু প্রতাপের বীর্যবাহির নিকট এই মোগল সৈন্যদল গুরুত্ববৎ দক্ষ হইয়া গেল। সম্রাট পুনরায় আজিম খাঁ নামক একজন সেনাপতির অধীনে এক বিরাট বাহিনী প্রেরণ করেন, বঙ্গবাসীর প্রবল শক্তির নিকট তাহারাও পরাজিত ও বিধ্বস্ত হইয়া পলায়ন করিতে বাধ্য হয়। সম্রাট পুনঃপুনঃ পরাজয়ে ক্রোধান্বিত হইয়া অতঃপর মানসিংহকে দ্বাবিংশতি সহস্র সৈন্যদল সমন্বিত বিরাট বাহিনীর নেতৃত্ব প্রদান করিয়া বঙ্গদেশাভিমুখে প্রেরণ করেন। সন্ধান নির্দেশের জন্ত রূপরাম এবং কচুরায় সেই অভিযানের সহযাত্রী হইয়া বাংলা দেশে আসেন। বাংলায় পৌঁছিয়া মানসিংহ ভবানন্দ মজুমদার নামক এক স্বদেশদ্রোহী বিশ্বাসঘাতক ব্রাহ্মণের সাহায্য প্রাপ্ত হন। এই ব্রাহ্মণ যশোহরের রাজবংশের অন্তে

বাংলার বীর

পরিপুষ্ট, পূর্বে সে এই রাজ-সরকারেই সামান্য কৰ্ম করিত, পরে অল্পকাল কৰ্ম গ্রহণ করিয়া ধনশালী হইয়াছিল। এইবার ভবানন্দ কৃতজ্ঞতা-ধৰ্ম বিসর্জন দিয়া স্বার্থসিদ্ধির অভিপ্রায়ে মানসিংহের সহিত যোগদান পূৰ্ব্বক প্রতাপের সৰ্বনাশ সাধনে তৎপর হইল। বঙ্গের সামান্য সামান্য আরও কয়েকজন জমীদারও মানসিংহের সহিত যোগদান করিয়াছিল। ইহাদের মধ্যে লক্ষ্মীকান্ত গঙ্গোপাধ্যায় প্রধান। এই লক্ষ্মীকান্তও প্রতাপের অগ্রে প্রতিপালিত। এই বিশ্বাসঘাতকদিগের সাহায্য পাইয়াই মানসিংহের স্বকৰ্ম সাধনে বিশেষ সুবিধা হইয়াছিল। এই সময় সপ্তাহকালব্যাপী ভীষণ ঝড়বৃষ্টিতে প্রতাপের প্রধান শক্তি নৌ-বহর সমূহ অধিকাংশই চূর্ণ-বিচূর্ণ হইয়া যায়, প্রতাপ ইহাতে অনেকটা হতোতম হইয়া পড়েন।

বশোহরের প্রাচীন রাজধানী মুকুন্দপুরের অনতিদূরে বসন্তপুরে মানসিংহ প্রতাপের সৈন্তশ্রেণী কর্তৃক বাধা প্রাপ্ত হইলেন। সেই স্থানে বহুদূর পর্যন্ত প্রতাপের সৈন্ত ও কামানশ্রেণী সজ্জিত ছিল, যমুনাবক্ষে রণপতাকা ধারণ করিয়া যুদ্ধজাহাজসমূহ শোভা পাইতেছিল। কাজেই মোগল-সেনাপতি আর বেশী দূর অগ্রসর হইতে পারিলেন না, এইখানে তাঁহাকে শিবির সন্নিবেশিত করিতে হইল। অতঃপর মোগলসেনাপতি মানসিংহ একখানি তরবারি ও একগাছি শৃঙ্খল জনৈক দূতের দ্বারা প্রতাপাদিত্যের রাজদরবারে প্রেরণ করিলেন, ইহার তাৎপৰ্য্য এই যে,— হয় প্রতাপ শৃঙ্খল গ্রহণ করিয়া মোগলের সহিত সন্ধিসূত্রে আবদ্ধ হউন,

নতুবা তরবারি গ্রহণপূর্বক সমরক্ষেত্রে অবতীর্ণ হইয়া শক্তিমত্তার পরিচয় প্রদান করুন। বীর প্রতাপ শৃঙ্খল পদদলিত করিয়া তরবারি গ্রহণ করিলেন। সমরানল প্রজ্জ্বলিত হইল। প্রতাপের কামানোদীর্ণ গোলক-সমূহ গগন কল্পিত করিয়া বিদীর্ণ হইতে লাগিল। কয়েক দিবস ব্যাপিয়া ক্রমাগত যুদ্ধ চলিল। কোনও দিন প্রতাপ-পক্ষ কোনও দিন মোগল-পক্ষকে বিজয়লক্ষ্মী রূপা করিতে লাগিলেন। এই যুদ্ধে ফিরিঙ্গী-বীর রডা মানসিংহের দশজন আমীরকে নিহত করিয়া অদ্ভুত বীরত্বের পরিচয় প্রদান করেন। বাঙ্গালীর বীরত্বে মানসিংহ ভীত হইয়া পড়িলেন। যে বীর্যপ্রভাবে তিনি সুদূর কাবুল বিজয় করিয়াছেন,—যে বীরত্বের নিকট রাজপুত জাতি পরাভব স্বীকার করিয়াছে,—যে বিক্রমবলে সমগ্র উত্তর ভারত কল্পিত হইয়াছে, আজ বঙ্গবীর প্রতাপ-দিত্যের নিকট সে বীরত্ব পরাজিতপ্রায়! অধিকাংশ মোগল সৈন্যই অবসন্ন হইয়া পড়িয়াছে। মানসিংহ চিন্তা করিতে লাগিলেন, এখন কি উপায়ে বিজয়লাভ সম্ভব। পাপিষ্ঠ ভবানন্দ মজুমদার, কচুরায় প্রভৃতি দেশদ্রোহীর প্ররোচনায় মানসিংহ এক দিন বিপুল সমারোহে ঝগড়িকার পূজা সম্পন্ন করিয়া স্বীয় সৈন্যমধ্যে প্রচার করিয়া দিলেন—জননী যশোহরেশ্বরী তাঁহাকে স্বপ্ন দেখাইয়াছেন যে, তিনি প্রতাপ-পক্ষ পরিত্যাগ করিয়াছেন, এখন আর প্রতাপের শৌর্য্যবীর্য্য কিছুই থাকিবে না। হতোৎসাহ মোগল সৈন্যগণ ইহাতে বিশেষ উৎসাহিত হইয়া যুদ্ধ করিতে আরম্ভ করিল। গৃহ-শত্রুতা চিরদিন ভারতের সর্বনাশ সাধন করিয়া

বাংলার বীর

আসিতেছে,—ইহা যেন এই হতভাগ্য দেশের বিধিনির্দিষ্ট অভিসম্পাত। এ ক্ষেত্রেও তাহার ব্যতিক্রম হইল না। তিরোরীর সমরে যেমন হিন্দু কুলাঙ্গার জয়চন্দ্ৰ সাহায্য না করিলে মহম্মদ ঘোরীর তপ্তশোণিত দৃশদ্বতীর সলিল-প্রবাহে মিলাইয়া যাইত, তেমনি বিশ্বাসঘাতক পিশাচ ভবানন্দের মন্ত্রণা প্রাপ্ত না হইলে মানসিংহ হয়ত বঙ্গদেশ হইতে ফিরিয়া যাইতে পারিতেন না। বোধ হয়, বঙ্গের স্বাধীনতা ভগবানের অভীক্ষিত নহে।

পরবর্তী যুদ্ধে সূর্য্যকান্ত, মদনমল্ল, গোলন্দাজ বীর রডা নিহত এবং শঙ্কর আহত হইয়া মোগল-করে বন্দী হওয়ায় প্রতাপের শক্তি বহুল পরিমাণে লাঘব হইয়া পড়িল। তথাপি মানসিংহ সন্ধির প্রস্তাব করিয়া পাঠাইলে প্রতাপ দর্পভরে তাহা প্রত্যাখ্যান করিয়া যুদ্ধ চালাইতে লাগিলেন। কিন্তু শেষে যখন দেখিলেন, সন্ধি না করিলে এই যুদ্ধে হয়ত তাঁহার আশা ভরসা সমস্তই বিলীন হইয়া যাইতে পারে, তখন তিনি সন্ধি স্থাপনে সন্মত হইলেন। সন্ধির ফলে শঙ্কর মুক্তিলাভ করিলেন।

মোগলের সহিত সন্ধি-বন্ধনে আবদ্ধ হইতে হইবে,—বিধর্ম্মীর চরণে স্বাধীনতা-রত্ন উপহার দিতে হইবে, প্রতাপ কখনও এই কল্পনা হৃদয়ে স্থান দেন নাই। তাঁহার আশা ছিল গগনস্পর্শী,—আকাজ্জক ছিল অনন্তপ্রসারিত সাগরের মত। কিন্তু স্বদেশবাসীর বিশ্বাসঘাতকতায়, তাঁহারই অঙ্গে প্রতিপালিত ঘৃণা কুক্কুরদলের নীচ পরশ্রীকাতরতায়, তাঁহার সে আশার হিমাদ্রি-শৃঙ্গ চূর্ণ হইয়া ভাঙ্গিয়া পড়িল,—আকাজ্জকের সমুদ্র

শুষ্ক হইয়া গেল ! তিনি হৃদয়ে দারুণ আঘাত পাইলেন ; তখন প্রতাপের বয়স পঞ্চাশ বৎসর অতিক্রান্ত প্রায়, বার্কাক্যজনিত অবসাদ তাঁহাকে আক্রমণ করিয়াছে। তাহার উপর তাঁহার অগাধ বিশ্বাস ছিল, যুদ্ধক্ষেত্রে দেবী যশোহরেখরী তাঁহার সঙ্গে থাকিয়া যুদ্ধ পরিচালনা করিয়া থাকেন, তিনি ভবানীর বরপুত্র,—সেই বিশ্বাসের বলেই প্রকৃতপক্ষে প্রতাপের শরীরে যুদ্ধকালে একটা ঐশী শক্তির সঞ্চার হইত। এই সময় হইতে চারিদিকে ব্যাপ্ত হইয়া পড়িল যে, মাতা যশোহরেখরী প্রতাপের উপর ক্রুদ্ধ হইয়া যশোহর হইতে অন্তর্হিত হইয়াছেন, নায়ের করুণা আর প্রতাপের উপর বর্ষিত হইবে না। এই দুঃসংবাদও প্রতাপের মানসিক নিস্তেজতার আর একটা কারণ। সূর্য্যকান্ত, রডা, মদনমল্ল প্রভৃতি বীরগণ গত যুদ্ধে নিহত হওয়ায় প্রতাপের মনে হইতে লাগিল, তিনি যেন তাঁহার দক্ষিণ হস্ত হইতে বঞ্চিত হইয়াছেন। এইরূপ নানা কারণে প্রতাপের আশা আকাঙ্ক্ষা যেন মন্দীভূত হইয়া আসিতে লাগিল। প্রতাপ মোগলের সহিত সন্ধিসূত্রে আবদ্ধ হইলেন বটে, কিন্তু তখনও তিনি প্রকৃত স্বাধীন নৃপতির হ্রায় চলিতেছিলেন, মানসিংহ তাঁহাকে একেবারে পরাধীনতার শৃঙ্খলে আবদ্ধ করিতে পারেন নাই। সৈন্তসামন্ত, অস্ত্রশস্ত্র, দুর্গ, নৌবল, রণতরী, সমস্তই তাঁহার পূর্ব্বের মত রহিল, কেবল নিজ নামে মূদ্রা প্রচলন বন্ধ হইয়া গেল।

এই সময় আকবর পরলোক গমন করিলে যুবরাজ সেলিম জাহাঙ্গীর নাম ধারণ করিয়া দিল্লীর সিংহাসনে আরোহণ করিলেন।

বাংলার বীর

ইসলাম খাঁ নামক এক ব্যক্তির হস্তে বঙ্গদেশের শাশনভার অর্পিত হইল। ইসলাম খাঁ বঙ্গদেশে আসিয়া প্রতাপাদিত্যকে সাক্ষাৎ করিবার জ্ঞাত আস্থান করিলেন। প্রতাপ উপযুক্ত উপঢৌকন সহ ইসলাম খাঁর দরবারে উপস্থিত হইলে খাঁ সাহেব তাঁহাকে সম্মানে অভ্যর্থনা করিয়া প্রতিজ্ঞা করাইয়া লইলেন যে, তিনি শীঘ্রই ভাটিরাজ্যের (নিম্নবঙ্গের) জমীদারদিগের বিরুদ্ধে যুদ্ধযাত্রা করিবেন, প্রতাপকে তাঁহার সৈন্ত এবং রণতরী লইয়া সেই অভিযানে যোগদান করিতে হইবে। প্রতাপ গতান্তর না দেখিয়া প্রতিশ্রুতি প্রদান করতঃ স্থায়ী রাজ্যে প্রত্যাবর্তন করেন। যিনি বাণ্যকাল হইতে বঙ্গের স্বাধীনতার চিন্তা করিয়া আসিয়াছেন, যিনি এতদিন ধরিয়া কায়মনঃপ্রাণ সেই অভীষ্ট ব্রত উদ্‌যাপনে নিয়োগ করিয়া আসিয়াছেন, তাঁহার পক্ষে কি বাংলার বাঙ্গালী জমিদার-দিগকে নিমূল করিবার জ্ঞাত যোগলকে সাহায্যদান সম্ভব? প্রতাপ ধুমঘাটে প্রত্যাবর্তন করিয়া নীরবে অবস্থান করিতে লাগিলেন। কিয়দিবস অতীত হইল, তথাপি প্রতাপ সাহায্য পাঠাইলেন না দেখিয়া নবাব ইসলাম খাঁ ক্রুদ্ধ হইয়া যশোহর-রাজ্য আক্রমণের জ্ঞাত এক বিরাট বাহিনী প্রেরণ করিলেন। ইনায়েৎ খাঁ স্থলবিভাগের এবং মীরজাসহন জলবিভাগের নেতৃত্ব গ্রহণপূর্বক সৈন্ত পরিচালনা করিয়া যশোহরের দিকে অগ্রসর হইতে লাগিলেন। পথে বাঙ্গালী-কুল-কলঙ্ক পাশ্চিষ্ঠ ভবানন্দ বঙ্গের সর্বনাশ সাধনের জন্য তাঁহাদের সহিত যোগদান করিল।

প্রতাপ মোগল-অভিযানের সংবাদ পাওয়া মাত্র যশোহর রক্ষার জন্ত প্রস্তুত হইলেন। পুত্র উদয়াদিত্যকে ৫০০ যুদ্ধ-জাহাজ, ৪০০ হস্তী, এক সহস্র অশ্বারোহী এবং বিপুল পদাতিক সৈন্যের নেতৃত্ব প্রদান করিয়া ইচ্ছামতী ও অধুনা-লুপ্তপ্রায় শালখীর সঙ্গমস্থলে প্রেরণ করিলেন। বীরেন্দ্র কমলখোজা নৌ-সেনার এবং আজমল খাঁ স্থল-পথগামী সৈন্যের ভার গ্রহণ করিয়া উদয়াদিত্যের সহকারিরূপে নিযুক্ত হইলেন। ধুমঘাট রক্ষার ভার স্বয়ং প্রতাপাদিত্য গ্রহণ করিয়া সৈন্তসহ রাজধানীতে অপেক্ষা করিতে লাগিলেন।

শালখীর মোহনায় উদয়াদিত্যের সহিত মোগল সৈন্তের জলে ও স্থলে তুমুল সংগ্রাম আরম্ভ হইল। উদয়, কমল এবং আজমল খাঁ অসীম বীরত্ব সহকারে শত্রু-সৈন্য দলিত করিতে লাগিলেন; কয়েক দিন যুদ্ধের পর সহস্রা বিপক্ষের গোলার আঘাতে বীরবর কমলখোজা নিহত হইলে মোগলপক্ষ বিপুল উত্তমে প্রতাপের সৈন্তদলকে আক্রমণ করিল, তাহারা সে আক্রমণ সহ্য করিতে না পারিয়া ছত্রভঙ্গ হইয়া পড়িল; বিশেষতঃ, কমলখোজার আকস্মিক মৃত্যুতে সৈন্যগণ ভীত ও হতোৎসাহ হইয়া পড়িয়াছিল। উদয়াদিত্য আর জয়ের আশা নাই দেখিয়া যুদ্ধক্ষেত্র হইতে প্রস্থান করিলেন; কিন্তু আজমল খাঁ মোগল সৈন্তের উপর গোলাবর্ষণ করিতে লাগিলেন। কিন্তু কিছুতেই কিছু হইল না, অবশেষে আজমল খাঁও রণে ভঙ্গ দিয়া প্রস্থান করিলেন। প্রতাপের বহু কামান এবং রণপোত মোগলের করায়ত্ত হইল। এইরূপে সেই

বাংলার বীর

যুদ্ধে হিন্দুগণ পরাস্ত হইল, বিজয়ী মোগল-সৈন্য উল্লাসে বিজয়ভেরী বাজাইয়া চতুর্দিকে লুণ্ঠন করিতে লাগিল।

যখন কমলখোজার মৃত্যুসংবাদ এবং উদয়ের পরাজয়বার্তা প্রতাপের নিকট পৌঁছিল, তখন প্রতাপ স্পষ্টই বুঝিতে পারিলেন যে, এবার আর মোগলের করাল কবল হইতে যশোহর-রাজ্য রক্ষা পাইবে না। এই দুঃসংবাদে তাঁহার হৃদয় নিম্নেপতন হইয়া গেল। এখন উপায় কি? শেষ চেষ্টা করিয়া দেখিবার জ্ঞান তিনি দৃঢ়প্রতিজ্ঞ হইলেন; যথাস্থানে সৈন্য, রণপোত ও কামানশ্রেণী সজ্জিত করিয়া প্রতাপ সৈন্যদিগকে অগ্নিময়ী উৎসাহবাহীতে উত্তেজিত করিতে লাগিলেন। মোগলসৈন্য ক্রমে ক্রমে আসিয়া রাজধানীর অনতিদূরে উপনীত হইবা মাত্র দুর্গ-প্রাকারে সজ্জিত কামানশ্রেণী হইতে অনল বর্ষণ আরম্ভ হইল। উভয় পক্ষেই বহু সৈন্য নিহত ও আহত হইতে লাগিল। প্রতাপের অসীম বীরত্ব ও অদ্বুত অধ্যবসায় সত্ত্বেও বঙ্গের ভাগ্যাকাশ ক্রমশঃ ঘনঘটাছন্ন হইয়া আসিতে আরম্ভ করিল। শেষ সময়ে প্রতাপের প্রধান সহায় জামাল খাঁ বিশ্বাসঘাতকতার চূড়ান্ত প্রদর্শন পূর্বক তাঁহার পক্ষ পরিত্যাগ করিয়া মোগলপক্ষে যোগদান করিল। জামাল খাঁর এই দুর্জীবহারে প্রতাপের হৃদয় চূর্ণ হইয়া গেল, তিনি গতান্তর না দেখিয়া দুর্গাভ্যন্তরে আশ্রয় গ্রহণ করিলেন। মীর্জা সহনের ভেরীনিবাদ চারিদিক কম্পিত করিয়া মোগলের বিজয়-বার্তা ঘোষণা করিয়া দিল। এই স্থলে মহারাজ প্রতাপাদিত্যের বীরজীবনের শেষ যবনিকাপাত হইল।

ইহার পর যে কয়দিন প্রতাপ বাঁচিয়া ছিলেন তাহা অতীব শোচনীয়, তাহা স্মরণ করিলে অতীব নিষ্ঠুরের হৃদয়ও চঞ্চল হইয়া উঠে।

বিজয়ী মোগলসৈন্তের অত্যাচারে চারিদিকে হাহাকার উঠিল। এখন প্রতাপের চিন্তা হইল, তিনি কি প্রকারে প্রজাদিগকে এই পাশব অত্যাচার হইতে রক্ষা করিবেন। নারীর সতীত্ব, প্রজাদের ধর্ম এবং ধনরত্ন মোগল কর্তৃক লুণ্ঠিত হইবে, আর তিনি দুর্গমধ্যে আশ্রয় লইয়া থাকিবেন, ইহা কি বীরশ্রেষ্ঠ প্রতাপের পক্ষে সম্ভব? হতভাগ্য নিরীহ প্রজাদের ভীষণ ভাগ্যবিপর্যায় চিন্তা করিয়া প্রতাপের হৃদয় কাঁদিয়া উঠিল। তিনি পুত্রের সহিত পরামর্শ করিয়া কেবল নিরীহ প্রজাদের উপর অত্যাচার নিবারণের নিমিত্ত মোগলের সহিত সন্ধিস্থত্রে আবদ্ধ হইতে স্বীকৃত হইলেন। প্রতাপ দুইজন মন্ত্রী সমভিব্যাহারে ইনায়েৎ খাঁর শিবিরে যাইয়া সন্ধির প্রস্তাব করিলেন। ইনায়েৎ সম্মত হইয়া কহিলেন, “সন্ধির কথাবার্তা নবাব ইসলাম খাঁর সহিত ধার্য হওয়াই সমীচীন এবং রাজনীতি সঙ্গত।” ইসলাম খাঁ তখন ঢাকায় রাজধানী স্থাপন করিয়া তথায় অবস্থান করিতেছিলেন। স্থির হইল, প্রতাপ ইনায়েৎ খাঁর সহিত ঢাকায় যাইয়া নবাবের সহিত সাক্ষাৎ করিবেন।

ঢাকা-যাত্রার সমুদয় আয়োজন হইল। প্রতাপের হৃদয়মধ্যে হইতে কে যেন বলিয়া দিতে লাগিল যে, এই যাত্রাই তাঁহার শেষ যাত্রা,— এই দর্শনই তাঁহার যশোহরকে শেষ দর্শন। তিনি পুত্র উদয়াদিত্যকে যথোপযুক্ত উপদেশ প্রদান পূর্বক যশোহরের শাসনভার তাঁহার হস্তে

বাংলার বীর

ভ্রম করিলেন। অনন্তর যশোহরেখরীর মন্দিরে গমন করিয়া প্রতাপ মায়ের চরণে শেষ অঞ্জলি প্রদান পূর্বক যশোহরবাসিগণের নিকট বিদায় লইয়া নৌকারোহণে ইনায়েৎ খাঁর সহিত ঢাকা অভিমুখে রওনা হইলেন। যশোহরের দিকে চাহিয়া তিনি অশ্রু সঞ্চরণ করিতে পারিলেন না, কয়েক বিন্দু তাঁহার লোল গণ্ডস্থল সিক্ত করিয়া নিপতিত হইল। হৃদয়শোণিত পাত করিয়া এত দীর্ঘকাল পরিশ্রমের ফলে যে যশোহর-রাজ্য তিনি গঠন করিয়াছিলেন, আজ বড় সাধের সেই রাজ্য চিরদিনের জন্ত পরিত্যাগ করিয়া চলিলেন। যশোহরের ছবিখানি যতই দূরে অস্পষ্টতার মধ্যে বিলীন হইয়া যাইতে লাগিল, প্রতাপের হৃদয়ও ততই বিবাদের ঘনাকারে সমাচ্ছন্ন হইয়া আসিতে আরম্ভ করিল।

ঢাকায় পৌঁছিয়া প্রতাপ ইনায়েতের সমভিব্যাহারে নবাবের সহিত সাক্ষাৎ করিলেন। ইসলাম খাঁ ইনায়েতের নিকট প্রতাপের যুদ্ধনীতি, বীরত্ব প্রভৃতি যাবতীয় কথা শ্রবণ করিয়া সন্ধিস্থাপনে অস্বীকৃত হইয়া তাঁহাকে কারারুদ্ধ করিলেন। বীরকেশরী প্রতাপ মুসলমানের করে শৃঙ্খলিত হইলেন। প্রতাপের রাজ্য মোগল সাম্রাজ্যভুক্ত করিয়া লওয়া হইল; ইনায়েৎ খাঁ এই নব-বিজিত রাজ্যের শাসন-ভার গ্রহণ করিলেন।

যখন এই ভীষণ সংবাদ যশোহরে পৌঁছিল, তখন বীর পিতার উপযুক্ত পুত্র উদয়াদিত্য উন্মুক্ত তরবারি গ্রহণ করিয়া প্রতিশোধ-বাসনায় কুশলীর রণক্ষেত্রে অবতীর্ণ হইলেন; কিন্তু রাজলক্ষ্মী ঘাঁহার প্রতি বিরূপা, তাঁহার

শত চেষ্টাও ব্যর্থ হয়। বীর উদয়াদিত্য স্বদেশ রক্ষার্থে রণক্ষেত্রে জীবন বিসর্জন দিলেন।

উদয়াদিত্যের মৃত্যু-সংবাদ রাজ-অন্তঃপুরে পৌঁছিয়া মাত্র রাজপুত্রী ভীষণ আর্তনাদে পূর্ণ হইয়া উঠিল। এখনই হুর্কৃত মুসলমান সৈন্য রাজ-অন্তঃপুরে প্রবেশ করিয়া বীভৎস অত্যাচারের অভিনয় করিবে। মুসলমানের হস্ত হইতে নিস্তারলাভের নিমিত্ত প্রতাপ-মহিষী শরৎকুমারী অত্যাচারী স্ত্রীগণ সমভিব্যাহারে শিশুদিগকে লইয়া নৌকারোহণে গুপ্তপথে বহির্গত হইলেন। কিন্তু তখন চতুর্দিক মুসলমান সৈন্যের বিজয়-চীৎকারে প্রতিধ্বনিত হইতেছিল, স্মরণ্য পলায়ন হয়ত নিরাপদ হইবে না মনে করিয়া নদীগর্ভে তরণী নিমজ্জিত করিয়া দেওয়া হইল। যেখানে মহারাণী সলিল-সমাধি লাভ করিয়াছিলেন তাহা এখনও “শরৎখানার দহ” নামে পরিচিত হইয়া সেই ভীষণ মর্দঙ্গস্পর্শী কাহিনী স্মরণ করাইয়া দিতেছে। অনতিবিলম্বে যোগল-সৈন্য হুর্গে প্রবেশ করিয়া লুণ্ঠন আরম্ভ করিল, হুর্গের অবশিষ্ট হিন্দু-সৈন্যগণ প্রাণপণে বাধা দিল সত্য, কিন্তু বিরাট দাবানলের আত্মরিক লেলিহান জিহ্বার নিকট সামান্য গুল্মরাজির মত তাহার অচিরে দগ্ধ হইয়া গেল।

আর প্রতাপ?—তিনি অনেক দিন ঢাকায় মুসলমান-কারাগারে শৃঙ্খলিত হইয়া অবস্থান করিলেন। অবশেষে লৌহ পিঞ্জরে আবদ্ধ করিয়া তাঁহাকে আগ্রায় প্রেরণ করা হয়; কিন্তু পথেই ৬/কাশীধামে বিবেকধর দয়া করিয়া প্রতাপকে চরণে স্থান দিলেন, তাঁহার সকল

বাংলার বীর

যজ্ঞগার অবসান হইল। কথিত আছে, শকর পূর্বেই সন্ন্যাস গ্রহণ করিয়াছিলেন, তিনি এই সময় বারাণসী-ধামে প্রতাপের নিকট উপস্থিত হইয়া তাঁহাকে একখানি তীক্ষ্ণধার তরবারি প্রদান করিলেন। প্রতাপ স্বয়ং সেই তরবারি নিজবক্ষে বিদ্ধ করিয়া দিয়া সকল যজ্ঞগার হস্ত হইতে অব্যাহতি লাভ করিলেন। বাংলার হিন্দু-স্বাধীনতা-স্বর্ঘ্য চিরতরে সাগরের অতলতলে ডুবিয়া গেল !

স্বাধীনতার উপাসক, তৎসাধনে উৎসর্গীকৃতপ্রাণ বীরকেশরী প্রতাপ আজ নাই, কিন্তু কিঞ্চিদধিক তিন শত বৎসর পূর্বে হিন্দুস্বাধীনতা-সংস্থাপনের জ্ঞাত্ত তিনি যে বীরহোজ্জ্বল অমর কীর্ত্তি রাখিয়া গিয়াছেন, তাহা কোনও কালে নিশ্চিন্ত হইবে না। যদি কোনও স্বাধীন দেশে প্রতাপ জন্ম গ্রহণ করিতেন, তবে আজ তাঁহার স্মৃতি ঘরে ঘরে ভক্তিভরে অর্চিত হইত। প্রতাপের হৃভাগ্য যে, তিনি এই হতভাগ্য দেশে জন্ম গ্রহণ করিয়াছিলেন; ততোধিক হতভাগ্য আমরা এই বাঙ্গালী জাতি, আমাদের দেশের একজন বীরের স্মৃতিপূজা করিতে আমরা শিখিলাম না। প্রতাপ! স্বর্গ হইতে তুমি এই হতভাগ্য বিলাস-নিমজ্জিত বাঙ্গালী জাতির উপর আলীকাদ বর্ষণ কর, যেন তাহার প্রতিদিন প্রাতঃকালে ও সন্ধ্যায় তোমার পুণ্য স্মৃতির উদ্দেশে ভক্তি-অর্ঘ্য প্রদান করিতে শিক্ষা লাভ করে !

চাঁদরায় ও কেদাররায়

যশোহরে যখন মহারাজ প্রতাপাদিত্যের প্রতাপ-বলি রুদ্রতেজে জ্বলিয়া উঠিয়াছিল, তখন বিক্রমপুরে চাঁদরায়-কেদাররায়ের বিক্রম-বজ্রও দিগন্ত কম্পিত করিয়া ধ্বনিত হইতেছিল। প্রায় তিন শত বৎসর পূর্বের কথা। যেখানে এখন বিশাল পদ্মা নদী তাহার স্বেত জলরাশি লইয়া মেঘবরণ মেঘনার কালো জলের সহিত মিশিয়া যাইতেছে, সেইখানে কালীগঙ্গাতীরে চাঁদরায় ও কেদাররায়ের রাজধানী শ্রীপুর অবস্থিত ছিল। কিন্তু এখন শ্রীপুরের চিহ্নমাত্র নাই, পদ্মার ধ্বংস-জীলা তাহাকে গ্রাস করিয়া জঠর-জ্বালা নিবৃত্তি করিয়াছে। চাঁদরায় ও কেদাররায়ের কীৰ্ত্তি নাশ করিয়াই এখানে পদ্মা “কীৰ্ত্তিনাশা” নামে অভিহিত হইয়াছে। এখন সে স্থলে উত্তাল তরঙ্গমালা নাচিয়া নাচিয়া কহিতেছে,—“রে মানব! তোর কীৰ্ত্তি মিথ্যা, যশঃ মিথ্যা, গৰ্ব্ব মিথ্যা,—এক কালে সমস্তই কালগর্ভে সমাধি লাভ করিবে।” যে স্থলে শ্রীপুর অবস্থিত ছিল, সেখানে পদ্মাগর্ভে একটা চড়া পড়িয়া সেই শ্রীপুরের ক্ষীণ স্মৃতি বহন করিতেছে; মাঝিয়া এখন দূর হইতে অঙ্গুলি নির্দেশ করিয়া বলিয়া দেয়—“ঐ যে শ্রীপুরের টেক।” একদিন এই শ্রীপুর প্রকাণ্ড রাজধানী ছিল, লক্ষ লক্ষ লোক-সমাগমে রাজধানী মুখরিত হইত; দেশদেশান্তর হইতে বাণিজ্য-তরলী দ্রব্যসম্ভারে পরিপূর্ণ হইয়া আসিয়া শ্রীপুর বন্দরের সৌন্দর্য্য বর্দ্ধন করিত;

বাংলার বীর

উত্তানবাটিকা, শীতলছায়াচ্ছন্ন রাজপথ, পণ্যবীথিপূর্ণ আপগশ্রেণী, স্তূপেয় জনপূর্ণ দীর্ঘিকা, বিগ্রহশোভিত মন্দিরসমূহ ও গগন-চুম্বিত প্রাসাদ-রাজি শ্রীপুরকে সত্যই শ্রীসম্পদে মণ্ডিত করিয়াছিল। প্রতি প্রাতে ও সন্ধ্যায় মন্দিরে মন্দিরে আরতির মঙ্গল-বাণ্য শ্রীপুরবাসিগণের কর্ণে স্বর্গ-সুখা ঢাליয়া দিত। শ্রীপুরের বিস্তৃত প্রান্তরে চাঁদরায় ও কেদাররায়ের বাঙ্গালী সৈন্তগণ রণক্ৰীড়া প্রদর্শন করিত। দূরদূরান্তর হইতে অপূর্ব শ্রী দর্শনের নিমিত্ত পর্য্যটকগণ শ্রীপুরে আসিত। কিন্তু সে দিন এখন স্বপ্নে পরিণত হইয়াছে। পদ্মাতীরে চাঁদরায় ও কেদাররায়ের কীর্তি, রাজাবাড়ীর মঠ, এতদিন প্রকৃতির নানা অত্যাচার সহ করিয়া উন্নতমস্তকে দণ্ডায়মান ছিল, ঈশ্বারে গোয়ালন্দ হইতে নারায়ণগঞ্জ যাইবার সময় আরোহিণ বঙ্গবীরের এই কীর্তিচিহ্নটি দর্শন করিয়া একবার সেই অতীত যুগের গৌরব কাহিনী স্মরণ করিত। এই মঠ চাঁদরায় ও কেদাররায় তাঁহাদের জননীর শ্মশানের উপর স্থাপন করিয়াছিলেন। সেই কীর্তিটিও আজ লোক-চক্ষুর অন্তরালে চলিয়া গিয়াছে। রাক্ষসী পদ্মা সার্কি তিনশত বৎসর পরে গত ১৩৩০ সালের ২২শে ভাদ্র শনিবার এই বিশাল মঠটি প্রাস করিয়াছে।

প্রতাপাদিত্য যেক্রমে নিজের শক্তিবলে যশোহর-রাজ্য গড়িয়া তুলিয়াছিলেন, বিক্রমপুর-রাজ্য সেক্রমে চাঁদরায় ও কেদাররায়ের দ্বারা স্থাপিত হয় নাই। সে রাজ্য স্থাপিত হইয়াছিল চাঁদরায় ও কেদাররায়ের প্রায় চারিশত বৎসর পূর্বে তাঁহাদের পূর্বপুরুষ নিমরায় নামক একজন বীরের

দ্বারা। যখন বঙ্গদেশে হিন্দু-রাজস্বৰ্য্য চির অঁধারের গর্ভে বিলীন হইয়া যাইতেছিল,—যখন পাঠানের বিজয়-ভেরী-নিম্নাদে বঙ্গদেশ সম্ভ্রান্ত হইয়া উঠিয়াছিল, তখন নিমরায় সেই সন্ধিযুগে সূদূর কর্ণাট হইতে চাকরীর আশায় বঙ্গদেশে আগমন করেন। সেনরাজগণ তখন বাংলাদেশ শাসন করিতে-ছিলেন। নিমরায় সেই রাজ-সরকারে সামান্য বেতনে একটা চাকরী গ্রহণ করেন। কিন্তু এই সামান্য চাকরীতে তাঁহার উচ্চাকাঙ্ক্ষা পরিতৃপ্ত হইল না, তিনি সুযোগ অন্বেষণ করিতে লাগিলেন। এই সময় পাঠান সেনাপতি বখ্‌তিয়ার খিলিজি সসৈন্তে বঙ্গদেশ আক্রমণ করিয়া মহারাজ লক্ষ্মণসেনকে পরাজিত করেন, বাংলার হিন্দুস্বৰ্য্য চিরদিনের মত অন্তর্মিত হয়। কৃতব্র নিমরায় এই সময় লক্ষ্মণসেনের পক্ষ পরিত্যাগ পূর্বক পাঠানের সহিত যোগদান করিয়া তাহাদিগকে অনেক প্রকারে সাহায্য করেন। ইহাতে পাঠান-রাজ সম্ভ্রষ্ট হইয়া বিক্রমপুরের বিশাল জমীদারী তাঁহাকে প্রদান করেন। নিমরায়ের ভাগ্য পরিবর্তন হইল, ভিখারী নিমরায় রাজা হইলেন।

নিমরায় ও তাঁহার বংশধরেরা পাঠানের অধীন জায়গীরদাররূপে প্রায় সাড়ে তিনশত বৎসর বিক্রমপুর শাসন করেন। ক্রমে পাঠানের রাজ-শক্তি শিথিল হইয়া আসিল। সমস্ত উত্তর ভারত মোগল-রাজলক্ষ্মীর চরণে মস্তক অবনত করিল। লুণ্ঠন, নরহত্যা, যুদ্ধ প্রভৃতি অত্যাচারে বাংলা দেশেও মোগলেরা বিভীষিকার সৃষ্টি করিল। যদিও তাহারা বঙ্গের শাসন-দণ্ড গ্রহণ করিল, তথাপি দেশকে সম্পূর্ণ করতলগত করিতে

বাংলার বীর

পারিল না। রাজ্যচ্যুত পাঠানেরা সময় ও সুবিধা পাইলেই বিদ্রোহ ঘোষণা করিয়া এক এক স্থানে এক একটা স্বাধীন রাজ্য স্থাপন পূর্বক শাসন-কার্য্য চালাইতে আরম্ভ করিল। মোগল-ফৌজ আসিয়া যুদ্ধ করিয়া তাহাদের রাজ্য কাড়িয়া লইত, নতুবা নিজেরাই পরাস্ত হইয়া চলিয়া যাইত। এইরূপ অরাজকতার সময় নিম্নরায়ের অধস্তন ষষ্ঠ পুরুষ যাদবরায়ের দুই পুত্র চাঁদরায় ও কেদাররায় শ্রীপুরে রাজধানী স্থাপন করিয়া প্রতাপাবিহীন হইয়া উঠিলেন। তাঁহাদের পূর্বে শ্রীপুর লোক-চক্ষুর অন্তরালে ছিল। তখন মোগলকুলতিলক আকবরশাহ দিল্লীর সিংহাসনে সমাসীন, বঙ্গদেশ তখনও সম্পূর্ণরূপে মোগলের অধীনতা স্বীকার করে নাই। প্রায় সাড়ে তিনশত বৎসর পাঠানের শাসনাধীন থাকিয়া দেশবাসী পাঠানকেই ভালরূপে চিনিয়াছিল, মোগল তখন নূতন আসিয়াছে, কাজেই দেশের লোক পাঠানেরই পক্ষাবলম্বন করিত। মোগলের হস্ত হইতে রাজ্য রক্ষার নিমিত্ত চাঁদরায়-কেদাররায় শ্রীপুরকে সুরক্ষিত করিতে লাগিলেন। তাঁহাদের অমিত অধ্যবসায় ফলে অচিরে শ্রীপুর প্রাকার-পরিধাবেষ্টিত দুর্গসমাকুল সুরক্ষিত নগরে পরিণত হইল। দিন দিন শ্রীপুরের সম্পদ দ্রুত গতিতে বৃদ্ধি পাইতে লাগিল। রাজত্ব করিতে হইলে রাজ্যালোলুপ মোগলের সহিত সংঘর্ষ অনিবার্য্য, আর সেই সংঘর্ষে আত্মরক্ষা করিতে হইলে যথেষ্ট নৌবল ও সেনাবল থাকা প্রয়োজন। কেবল মোগল নহে, মগ ও ফিরিঙ্গী-দস্যুর অত্যাচারে তখন নিম্নবঙ্গ উৎসন্ন যাইতেছিল, তাহাদের আক্রমণের জন্তও প্রস্তুত থাকিতে

হইবে। এই জন্ত ছই ভ্রাতা পরামর্শ করিয়া সমরোপকরণ সংগ্রহে যত্নবান হইলেন। সৈন্তবিভাগে দলে দলে নূতন সৈন্ত ভর্তি করিয়া তাহাদিগকে সুশিক্ষিত করা হইল, বড় বড় কামান ও তল্পপযোগী গোলাবারুদ প্রস্তুত হইল, রাজ্যের নানাস্থানে প্রকাণ্ড প্রকাণ্ড দুর্গ নিৰ্ম্মিত হইয়া তাহা খাঙ-শস্ত্রে পূর্ণ হইতে লাগিল ; মোগলদিগের সহিত যুদ্ধ করিতে হইলে রণতরীর বিশেষ আবশ্যক, চাঁদরায়-কেদাররায় তাহারও আয়োজন করিতে বিন্মত হইলেন না। এইরূপে শক্তি সঞ্চয় করিয়া কেদাররায় মোগলের বিরুদ্ধে দণ্ডায়মান হইয়া স্বাধীনতা ঘোষণা করিবার জন্ত উদ্গ্রীব হইলেন। কিন্তু জ্যেষ্ঠ চাঁদরায় তাহাতে বাধা দিয়া কহিলেন, “আর কিছুদিন অপেক্ষা কর ভাই, এই শক্তিকে আরও বর্দ্ধিত করিতে হইবে, আমরা বিপুল শক্তি সঞ্চয় করিয়াছি সন্দেহ নাই, কিন্তু আমাদের একটা প্রধান শক্তির অভাব, যত দিন সেই শক্তি লাভ করিতে না পারিব, ততদিন মোগলের বিরুদ্ধে দণ্ডায়মান হইবার আশা দূরাশা মাত্র। বাংলার দ্বাদশ ভৌমিক যদি একতাবন্ধনে আবদ্ধ হইয়া দণ্ডায়মান হয়, তবেই মোগল পরাস্ত ও বিদূরিত হইবে,—বাংলার এই দ্বাদশ-সুখ্য যদি একসঙ্গে প্রজ্জলিত হইয়া উঠে তবে মোগল ক্ষুদ্র পতঙ্গের মত দগ্ধ হইয়া যাইবে। অগ্রে সেই চেষ্টা কর ভাই, বাংলার ভৌমিক-রাজবৃন্দের দ্বারে দ্বারে যাইয়া এই একতাবন্ধন মহামন্ত্রে তাহাদিগকে দীক্ষিত কর,—তাহাদিগকে প্রতিজ্ঞা-বন্ধনে আবদ্ধ কর, তারপর কার্যক্ষেত্রে অবতীর্ণ হও।” জ্যেষ্ঠের উপদেশ কনিষ্ঠের মনোমত না

বাংলার বীর

হইলেও লাভভুক্ত কেদার তাহার অগ্রথা করিতে পারিলেন না, জ্যেষ্ঠের আদেশ অবনত শিরে গ্রহণ করিলেন। স্থির হইল, ভৌমিক-রাজগণকে আমন্ত্রণ করিয়া এক মহাসভার অনুষ্ঠান করা হইবে, এবং সেই সভায় সকলকে একতান্ত্রে আবদ্ধ হইবার জন্ত অনুরোধ করা হইবে। নিমন্ত্রণ পত্র লইয়া দূতগণ অশ্বরোহণে বিভিন্ন রাজ্যে ধাবিত হইল। বথাসময়ে শ্রীপুরের বিস্তৃত প্রান্তরে রাজগণ সমবেত হইতে লাগিলেন, তাঁহাদের আগমনে শ্রীপুর জনকোলাহলে মুখরিত বিরাট নগরে পরিণত হইয়াছিল। সেই পবিত্র তীর্থক্ষেত্রে বাংলার রাজগণ এক বিরাট সভায় উপস্থিত হইয়া দেশের স্বাধীনতা সংরক্ষণের জন্ত সমস্ত্রে প্রতিজ্ঞা-বদ্ধ হইলেন। চাঁদরায়-কেদাররায়ের প্রাণ আনন্দে উদ্বেলিত হইল। এই মহাসভায় মহারাজ প্রতাপাদিত্যও স্বয়ং উপস্থিত হইয়াছিলেন।

ঈশা খাঁ সোণারগাঁয়ের একজন প্রবল প্রতাপশালী পাঠান জমিদার। দ্বাদশ ভৌমিকের তিনিও একজন অগ্রতম। ঈশা খাঁ মুসলমান হইলেও চাঁদরায়-কেদাররায়ের সহিত তাঁহার অগাধ বন্ধুত্ব ছিল, কিন্তু কালে এই বন্ধুত্ব ঘোর শত্রুতায় পরিণত হইয়া চাঁদরায়ের জীবনান্ত করিয়াছিল;—সে কথা আমরা পরে বলিতেছি। ঈশা খাঁর পিতা কালিদাস গজদানী বৈষ্ণব রাজপুত। তিনি অযোধ্যা হইতে গোড়ে আগমন করিয়া বাদশাহ হুশেন শাহের কন্যাকে বিবাহ করেন, এবং মুসলমান ধর্মে দীক্ষিত হইয়া সুলেমান খাঁ নামে অভিহিত হন।

অত বড় প্রকাণ্ড রাজ্য, অসীম ঐশ্বর্য্য, অগাধ প্রতিপত্তি, অমিত

প্রতাপ, কিন্তু রাজা চাঁদরায় অপুত্রক। তাঁহার মনে শাস্তি ছিলনা। একমাত্র কন্যা স্বর্ণমণি, তিনিও বালবিধবা। চাঁদরায় কত আশা করিয়া আদরিণী কন্যাকে চন্দ্রদ্বীপের যুবরাজের সহিত বিবাহ দিয়াছিলেন, কিন্তু স্বর্ণের অদৃষ্টে বিধাতা স্বামিস্থ লিখেন নাই; বিবাহের অল্পদিন পরেই সীমন্তের সিন্দূর মুছিয়া হাতের শাঁখা ভাঙ্গিয়া থান পরিয়া অভাগিনী স্বর্ণ মাতাপিতার বুকে আসিয়া ঝাঁপাইয়া পড়িয়া তাঁহাদের বুক একেবারে চূর্ণ করিয়া দিল। স্বর্ণ পরম রূপবতী, শারদ জ্যোৎস্নার মত তাঁহার উচ্ছ্বসিত রূপ, গ্রীকভাস্কর-নির্মিত প্রতিমূর্ত্তির মত তাঁহার অঙ্গের গঠন, বর্ষার মেঘমালার মত তাঁহার গভীর কৃষ্ণ কুন্তল দাম। কিন্তু এই দেবতুল্য রূপই তাঁহার সর্বনাশের কারণ হইল,—এই রূপের জন্তই পিতার জীবন-প্রদীপ অকালে নির্বাপিত হইল,—এই রূপের জন্তই ত্রীপুর ত্রীভুজ শ্মশানে পরিণত হইল।

মোগলের অত্যাচার দিন দিন বৃদ্ধি পাইতে লাগিল, আর নীরবে সময় অতিবাহিত করিলে চলিবে না। ঈশা খাঁ যুদ্ধের জন্ত প্রস্তুত হইলেন; সৈন্য, অস্ত্রশস্ত্র, খাদ্য সমস্তই সংগৃহীত হইল। কিন্তু বন্ধু চাঁদরায়-কেদাররায়ের সহিত পরামর্শ না করিয়া তিনি যুদ্ধ ঘোষণা করিতে পারেন না, তাই তিনি বন্ধুসংমিলনোদ্দেশে ত্রীপুর যাত্রা করিলেন। চাঁদরায় আনন্দে অধীর হইয়া দুই বাহু প্রসারণ পূর্বক তাঁহাকে আলিঙ্গন করিয়া কুশল জিজ্ঞাসা করিলেন। তাঁহার চিত্তবিনোদনের নিমিত্ত আমোদ-প্রমোদের ব্যবস্থার ক্রটি হইল না। বিশ্রামান্তে দুই ভ্রাতা

বাংলার বীর

ঈশা খাঁর সহিত মন্ত্রণাভবনে প্রবেশ করিয়া দেশের অবস্থা, মোগলের অত্যাচার, প্রভৃতি রাজনৈতিক বিষয়ের আলোচনা করিতে লাগিলেন। ঈশা খাঁ বলিলেন, “আর নয় বন্ধু, আর সময়ক্ষেপ করিলে চলিবে না, অচিরে রণ-যজ্ঞের আয়োজন করুন।” চাঁদরায়ও কেদাররায়কে বলিলেন, “হাঁ ভাই, সময় উপস্থিত।” তারপর ঈশা খাঁ নগর পরিদর্শনে বহির্গত হইলেন। স্বর্ণমণি রাজপ্রাসাদ-শিখরের গবাক্ষ-পথে দণ্ডায়মান হইয়া শোভাযাত্রা দেখিতেছিলেন। সহসা ঈশা খাঁর চক্ষু সেইদিকে নিপতিত হইল; স্বর্ণমণি ঈশা খাঁকে দেখিবামাত্র শিহরিয়া উঠিয়া অন্তর্হিত হইলেন। কিন্তু সেই চকিত দর্শনেই স্বর্ণমণির দেবছল্লভ রূপ খাঁ সাহেবকে উদ্ভাদ করিয়া তুলিল। তাঁহার আর নগর পরিভ্রমণ করা হইল না, রূপোদ্ভাদনার একটা তীব্র জ্বালা প্রাণে পুরিয়া তিনি স্বীয় রাজ্যে প্রত্যাবর্তন করিলেন। রায়ভ্রাতৃদ্বয় ঈশা খাঁর এই আকস্মিক পরিবর্তনের কোনই কারণ নির্ধারণ করিতে পারিলেন না।

ঈশা খাঁ স্বর্ণগ্রামে ফিরিয়া গিয়া দিবারাত্র স্বর্ণমণির রূপখ্যানেই অতিবাহিত করিতে লাগিলেন। মোগলের বিরুদ্ধে যুদ্ধায়োজন তিনি বিশ্বস্ত হইলেন, অতিপ্রিয় রাজকার্য্যও তাঁহার নিকট বিষবৎ মনে হইতে লাগিল। চিন্তায় চিন্তায় ঈশা খাঁর মুখশ্রী মলিন হইয়া গেল। কস্মচান্নিবৃন্দ তাঁহার এই ভাবান্তর দর্শনে চিন্তিত ও ভীত হইয়া পড়িল। ঈশা খাঁ চিন্তা করিতে লাগিলেন, স্বর্ণমণিকে তাঁহার জীবনসঙ্গিনী করিয়া সোণার-গাঁয়ের সিংহাসনে বসাইতে না পারিলে তাঁহার ধনসম্পদ অনর্থক।

কিন্তু তিনি মুসলমান আর স্বর্ণমণি হিন্দু বিধবা,—বিশেষতঃ বিক্রমপুরাধিপ প্রতাপাশ্রিত চাঁদরায়ের কন্যা। এ ক্ষেত্রে স্বর্ণমণি-লাভের কল্পনা তাঁহার পক্ষে স্বপ্ন ব্যতীত আর কিছুই নয়। তরবারির সাহায্য গ্রহণ করিতে গেলে চিরদিনের স্তূঢ় বন্ধুত্বের বন্ধন ছিন্ন করিতে হইবে, কিন্তু তাহাতেও কৃতকার্য হইতে সমর্থ হইবেন কি না কে জানে? জৈশা খাঁ দিনরাত উপায় উদ্ভাবনের চিন্তায় অতিবাহিত করিতে লাগিলেন। অবশেষে স্থির করিলেন,—অদৃষ্টে বাহাই থাকুক, চাঁদরায়ের নিকট তাঁহার কন্যার পাণিপ্রার্থী হইয়া পত্রসহকারে একজন দূতকে শ্রীপুরে প্রেরণ করিবেন। জৈশা খাঁর বিশ্বস্ত কৰ্ম্মচারী এনায়েৎ খাঁ পত্র লইয়া শ্রীপুর যাত্রা করিল। জৈশা খাঁ তাঁহাকে বলিয়া দিলেন, শ্রীপুরে যাইয়া বিশ্রাম করিতে পারিবে না, পত্রের উত্তর লইয়া তৎক্ষণাৎ প্রত্যাগমন করিতে হইবে। কুর্ণিশ করিয়া এনায়েৎ প্রস্থান করিল।

স্বর্ণগ্রাম হইতে দূত আসিয়াছে শুনিয়া কেদাররায় বহির্গত হইয়া তাহাকে অভ্যর্থনা করিলেন। এনায়েৎ খাঁ কুর্ণিশ করিয়া কেদারের হস্তে পত্রখানা অর্পণ করিল। বন্ধু জৈশা খাঁ পত্র লিখিয়াছেন, কেদাররায় সানন্দে পত্র খানা খুলিয়া পাঠ করিয়াই ক্রোধে গৰ্জ্জন করিয়া উঠিলেন, “কি, এতদূর স্পর্ধা! যাও দূত, তোমার প্রভুকে বলিও, এই পত্রের সমুচিত উত্তর তিনি রণক্ষেত্রে পাইবেন।” দূত প্রস্থান করিল। কেদাররায় পত্রহস্তে ক্রোধে কাঁপিতে কাঁপিতে চাঁদরায়ের নিকট উপস্থিত হইলেন। চাঁদরায় কনিষ্ঠের অগ্নি-মূর্তি দেখিয়া বিষয়ে জিজ্ঞাসা করিলেন,

বাংলার বীর

“একি ভাই ! ও কাহার পত্র ?” “অতি স্পর্ধা, বামন হইয়া চাঁদ ধরার আকাঙ্ক্ষা !” বলিয়া কেদাররায় পত্র খানা চাঁদরায়ের পদপ্রান্তে নিক্ষেপ করিলেন। চাঁদরায় পত্রখানা তুলিয়া পড়িতে পড়িতে তাঁহার সর্বাঙ্গে ঘর্ম্মধারা বহিতে লাগিল, চক্ষু প্রদীপ্ত হইয়া উঠিল। তিনি কম্পিত কণ্ঠে উত্তর দিলেন, “কেদার, বন্ধুত্ব বিশ্বস্ত হও,—সৈন্ত সজ্জিত কর, সোঁপারগাঁ ছারখারে দাও !”

রণদামায়া বাজিয়া উঠিল। যুদ্ধোন্মাদনায় শ্রীপুর পূর্ণ হইল। সৈন্ত, রথ, অশ্ব, হস্তী ও রণতরীসমূহ সজ্জিত হইল। চাঁদরায় ও কেদাররায় কুল-দেবতা কোটীশ্বরের চরণে অঞ্জলি প্রদান করিয়া স্বর্ণগ্রাম অভিমুখে অভিযান করিলেন। রাজধানী রক্ষার ভার দেওয়ান রতুনন্দনের উপর অর্পিত হইল। ঈশা খাঁ চরমুখে চাঁদরায়-কেদাররায়ের আগমন-সংবাদ পাইয়া সসৈন্তে বাধা প্রদানের নিমিত্ত অগ্রসর হইলেন। কলাগাছিয়া নামক স্থানে হিন্দু-পাঠানে তুমুল সংগ্রাম হইল। হিন্দুর কামানের গোলায় আঘাতে কলাগাছিয়া দুর্গ ভূমিসাৎ হইয়া গেল, সৈন্ত ও কামান-সমূহ ছিন্নভিন্ন হইয়া দূরে নিক্ষিপ্ত হইল। ঈশা খাঁ সম্পূর্ণরূপে পরাস্ত হইয়া পলায়ন পূর্বক ত্রিবেণী-দুর্গে আশ্রয় গ্রহণ করিলেন। এই ত্রিবেণী দুর্গ ব্রহ্মপুত্র, ধলেশ্বরী ও লক্ষা নদীর সঙ্গমস্থলে অবস্থিত। ঈশা খাঁকে পরাস্ত করিয়া কেদাররায়ের ক্রোধোপশম হইল না, দুর্বৃত্তের শোণিতে স্বীয় তরবারি রঞ্জিত করিতে না পারিলে তাঁহার হৃদয় পরিতৃপ্ত হইবে না। চাঁদরায়কে কলাগাছিয়ায় অবস্থান করিতে বলিয়া তিনি প্রায়

দেড় সহস্র সুশিক্ষিত নৌ-সৈন্য, দেড় শত নৌকা এবং উপযুক্ত অস্ত্রশস্ত্র লইয়া ত্রিবেণী দুর্গ আক্রমণে যাত্রা করিলেন। বাঙ্গালী সৈন্যগণ হুঙ্কার শব্দে নদীবক্ষ কম্পিত করিয়া তালে তালে দাঁড় টানিতে টানিতে অগ্রসর হইতে লাগিল। হায়, সেই দিনও গিয়াছে, সেই বাঙ্গালীও গিয়াছে;—সে সব কাহিনী আজ আমাদের নিকট কেবলমাত্র কবিকল্পনা বলিধাই মনে হয় !

শ্রীমন্ত ভট্টাচার্য্য নামক একজন ব্রাহ্মণ চাঁদরায় ও কেদাররায়ের গুরু ছিলেন। কোনও কারণে চাঁদরায় তাঁহাকে পরিত্যাগ করিয়া দেবল ব্রাহ্মণকে গুরুরূপে বরণ করেন। শ্রীমন্ত এই জ্ঞাত ক্রুদ্ধ হইয়া চাঁদরায় ও কেদাররায়ের সর্বনাশ সাধনের পথ অনুসন্ধান করিতে আরম্ভ করে। ঈশাখাঁ যখন ত্রিবেণী দুর্গে আশ্রয় গ্রহণ করেন তখন বিশ্বাস-ঘাতক ব্রাহ্মণকুলকলঙ্ক শ্রীমন্ত তাঁহার সহিত সাক্ষাৎ করিয়া স্বর্ণমণিকে তাঁহার হস্তে সমর্পণ করিতে প্রতিজ্ঞাবদ্ধ হইল। খাঁসাহেব সমুপস্থিত হইয়া তাহাকে সহস্র সুবর্ণ মুদ্রা পুরস্কার দিলেন, এবং কার্য সাধন করিয়া প্রত্যাগত হইলে আরও অধিক পুরস্কার দিবেন বলিয়া প্রতিশ্রুত হইলেন। পাপমতি শ্রীমন্ত আনন্দে অধীর হইয়া শ্রীপুর অভিযুগে যাত্রা করিল।

শ্রীমন্তের যাত্রার অব্যবহিত পরেই কেদাররায়ের নৌ-বাহিনী ত্রিবেণী দুর্গের নিকট উপস্থিত হইয়া অগ্নি বর্ষণ করিতে লাগিল। এত শীঘ্র আক্রমণের জ্ঞাত ঈশাখাঁ প্রস্তুত ছিলেন না, সুতরাং অতি সহজেই তিনি

বাংলার বীর

পরাস্ত হইয়া স্বীয় রাজধানী খিজিরপুরাভিমুখে পলায়ন করিলেন।
ত্রিবেণী দুর্গ কেদাররায়ের অধিকারে আসিল।

শ্রীমন্ত উম্মাদের মত আসিয়া শ্রীপুরে উপস্থিত হইল। সর্বত্রই
তাহার অবাধগতি। কারণ এতদিন সে চাঁদরায় ও কেদাররায়ের
কুল-গুরু ছিল। রাণী যেখানে বসিয়া রাজ্যের, স্বামীর ও দেবরের
মঙ্গলের জন্য দেবতার চরণে অঞ্জলি প্রদান করিতেছিলেন শ্রীমন্ত সেখানে
উপস্থিত হইয়া উম্মাদের মত চীৎকার করিয়া কহিল, “মা, সর্বনাশ
হইয়াছে; হে কোটীশ্বর, তোমার মনে এই ছিল?” শ্রীমন্তের চীৎকারে
রাণীর হৃদয় অমঙ্গল আশঙ্কায় কম্পিত হইয়া উঠিল,—না জানি ঠাকুর
যুদ্ধের কোন্ অমঙ্গল সংবাদ লইয়া আসিয়াছেন! তিনি জিজ্ঞাসা
করিলেন, “আপনি এ অবস্থায় কেন গুরুদেব? কি হইয়াছে? যুদ্ধের
সংবাদ কি?” কপটাচারী শ্রীমন্ত চোখের জল মুছিতে মুছিতে বলিল,
“বড় হঃসংবাদ রাণীমা, ত্রিবেণীর যুদ্ধে আমাদের সৈন্ত পরাস্ত। রাজা ও
কুমার বাহাদুর পাঠানের হস্তে বন্দী, অধিকাংশ সৈন্তই নিহত। জৈশাখী
সৈন্ত লইয়া শ্রীপুরের দিকে অগ্রসর হইতেছে; তাহার দৃঢ় পণ যে, সে
গোলায় ঘায়ে শ্রীপুর উড়াইয়া দিয়া স্বর্গকে লইয়া যাইবে। এখনো
সময় আছে মা, উপায় কর,—উপায় কর। বিলম্বে সর্বনাশ হইবে।”

শ্রীমন্তের কথা রাণী অবিশ্বাস করিতে পারিলেন না। তাহার
মস্তকে কে যেন এক সঙ্গে শত বজ্র নিক্ষেপ করিল, বিশ্বব্রহ্মাণ্ড যেন
করণ আর্তনাদ করিয়া উঠিল। তিনি দেওয়ান রঘুনন্দনকে

ডাকিয়া পাঠাইলেন। রঘুনন্দন আসিয়া শ্রীমন্তের মুখে যুদ্ধের সংবাদ শুনিলেন, কিন্তু তাহা তাঁহার বিশ্বাস হইল না, কারণ তিনি পূর্বদিন দূতমুখে যুদ্ধের যে সংবাদ পাইয়াছিলেন তাহা তাঁহাদেরই বিজয়-সংবাদ। কিন্তু ধূর্ত প্রবঞ্চক শ্রীমন্ত তাঁহাকে এমন ভাবে বুঝাইল যে, রাজকার্য্যে গুরুকেশ বৃদ্ধ রঘুনন্দনও তাহা বিশ্বাস করিতে বাধ্য হইলেন। শ্রীমন্ত পরামর্শ দিল, “স্বর্ণমণির উপরেই যখন ঈশাখাঁর লোভ, তখন তাঁহাকে অস্ত্রই শ্রীপুর হইতে চন্দ্রদ্বীপে তাঁহার স্বামিগৃহে পাঠাইয়া দেওয়া হউক, আর রঘুনন্দন এদিকে শ্রীপুর রক্ষার বন্দোবস্ত করুন।” প্রথমোক্ত যুক্তিটা যদিও রঘুনন্দনের নিকট সঙ্গত বলিয়া মনে হইল না, তথাপি রাণীর অনুরোধে তিনি স্বর্ণকে চন্দ্রদ্বীপে প্রেরণের বন্দোবস্ত করিলেন। দুই জন দাসী সমভিব্যাহারে শ্রীমন্তের সহিত স্বর্ণমণি অশ্রদ্ধারায় বক্ষ প্রাবিত করিতে করিতে শ্বশুর-ভবনে যাত্রা করিলেন। রাণী তাঁহার অত আদরের বুকজোড়া মাণিক স্বর্ণকে নয়ন-জলে অভিষিক্ত করিয়া নৌকায় তুলিয়া দিলেন। হায়, তখন কে জানিত যে, চিরদিনের জন্ত স্বর্ণমণি শ্রীপুর অঙ্ককার করিয়া চলিলেন? নৌকা পালভরে তীরবেগে ছুটিয়া চলিল; স্বর্ণের প্রাণ উতলা বাতাসের মত হু হু করিয়া কাঁদিয়া উঠিতে লাগিল। তিনি শ্রীমন্তকে পিতা ও পিতৃব্যের কথা বারংবার জিজ্ঞাসা করিতে লাগিলেন; হায়, তাঁহারই জন্ত আজ তাঁহারা মুসলমানের হাতে বন্দী, হয়ত মুসলমানের অজ্ঞাবাহাতেই তাঁহাদের জীবনান্ত হইবে,—সোণার শ্রীপুর ছারখার হইয়া যাইবে। শ্রীমন্ত নানা কথায় তাঁহার চিন্তাবিনোদনে

বাংলার বীর

নিষ্ফল চেষ্টা করিতে লাগিল। স্বর্ণমণির কেবলই মনে হইতে লাগিল, এত দিনে হয়ত শ্রীপুর আক্রমণ করিয়া মুসলমানেরা তাহা চূর্ণবিচূর্ণ করিয়া ফেলিয়াছে, স্নেহময়ী জননী হয়ত তার ইহলোকে নাই!

কয়েক দিন পরে এক অপরাহ্ন বেলায় নৌকা আসিয়া ঘাটে লাগিল। স্বর্ণ চাহিয়া দেখিলেন, এ সম্পূর্ণ অপরিচিত স্থান। যে ঘাটে তিনি স্বামীর হাত ধরিয়া প্রথম অবতরণ করিয়াছিলেন, আর তাঁহার হৃদয়ের সর্ব্বস্ব বিসর্জ্জন দিয়া যে ঘাট হইতে তিনি শ্রীপুর যাত্রা করিয়াছিলেন, এ ত সে ঘাট নয়! ঘাটের নিকটে বিশাল বটবৃক্ষের নীচে সেই শিবমন্দির, মন্দিরের পাশ্বে সেই বিরাট দীর্ঘিকা ও প্রকাণ্ড বকুলবৃক্ষ,—এ সব ত কিছুই নাই। তিনি শ্রীমন্তকে জিজ্ঞাসা করিলেন, “এ কোথায় আসিলাম গুরুদেব? এ যে নূতন যায়গা, সে বার ত এ ঘাট দেখি নাই।” শ্রীমন্ত হাসিয়া উত্তর করিল, “সে আজ কত বৎসরের কথা, নদীতে সে সব কবে ভাঙ্গিয়া লইয়া গিয়াছে, তাহার কি ঠিক আছে?”

পাকী আসিল। শ্রীমন্ত স্বর্ণকে উঠিতে বলিল। স্বর্ণ মনে মনে কেটীখরকে প্রণাম করিয়া পাকীতে উঠিলেন। দাসীরা পশ্চাতে রহিল। পাকী যাইয়া ঈশাখাঁর বিচিত্র কারুকার্যময় বিশাল রাজভবনের দ্বারদেশ উপস্থিত হইল। স্বর্ণমণি পাঠান প্রহরীদিগকে দণ্ডায়মান দেখিয়া বুঝিতে পারিলেন, তাঁহার সর্ব্বনাশ উপস্থিত। তিনি তৎক্ষণাৎ মুচ্ছিত হইয়া পড়িলেন। ঈশাখাঁ ও শ্রীমন্তের আশা পূর্ণ হইল।

এ দিকে দেওয়ান রঘুনন্দন শ্রীপুর রক্ষার বিশেষ বন্দোবস্ত করিয়া

চাঁদরায় ও কেদাররায়ের সংবাদ সংগ্রহের নিমিত্ত কলাগাছিয়া, ত্রিবেণী এবং খিজিরপুরে দূত প্রেরণ করিলেন। চাঁদরায় ও কেদাররায় তখন খিজিরপুরে শিবির সন্নিবেশ করিয়া অবস্থান করিতেছিলেন। দূত যাইয়া তাঁহাদিগকে শ্রীমন্তের দৌত্য এবং তাহার সহিত স্বর্ণমণির চন্দ্রদ্বীপে গমনের সংবাদ নিবেদন করিল। এই হুঃসংবাদ শ্রবণে ভ্রাতৃত্বের শিরে যেন সহস্র বজ্রাঘাত হইল। শিবিরের আনন্দ উৎসব বন্ধ হইয়া গেল। চাঁদরায় কেদাররায়কে বলিলেন, “ভাই, এ আর কিছুই নয়, শ্রীমন্ত তাহার প্রতিহিংসাবৃত্তি চরিতার্থ করিয়া লইল। আর বুঝি আমার স্বর্ণকে দেখিতে পাইব না। জানিনা, স্বর্ণের অদৃষ্টে কি আছে? যে স্বর্ণ আমার জাগরণে আনন্দ, নিদ্রায় স্বপ্ন, হুঃখে শান্তি, দর্শনে তৃপ্তি, চিন্তায় সুখ,—আমার যে স্বর্ণ শ্রীপুরের সৌন্দর্য্য, সে শ্রীপুর অন্ধকার করিয়া চলিয়া গিয়াছে। হয়ত সে চন্দ্রদ্বীপে যায় নাই, হয়ত শ্রীমন্তের কোশলে সে ঈশাখাঁর হস্তগত হইয়াছে!—উঃ! কি করিয়া তাহা হইলে আমি এ জীবন ধারণ করিব?—কেদার, ভাই আমার, আর যে ভাবিতে পারি না! তুমি চন্দ্রদ্বীপে লোক পাঠাও, আমি শ্রীপুরে চলিলাম।” কেদার ললাটের স্বেদ-বিন্দু মুছিতে মুছিতে কহিলেন, “শ্রীমন্তের মনে এই ছিল? উঃ, কি ভীষণ বিশ্বাসঘাতকতা!—আমাদের বিজয়লাভের পরিণাম কি এই হইল দাদা?”

“কেদার, যদি ঈশাখাঁ এই চক্রান্তে জড়িত থাকে তবে খিজিরপুরের চিহ্ন বিলুপ্ত করিয়া তারপর শ্রীপুরে প্রত্যাবর্তন করিও।—আমি চলিলাম।”—এই বলিয়া চাঁদরায় রাজধানী অভিমুখে যাত্রা করিলেন।

বাংলার বীর

প্রাণের সমস্ত উৎসাহ আনন্দ বিসর্জন দিয়া চাঁদরায় ত্রীপুরে ফিরিয়া আসিলেন। চন্দ্রদ্বীপ হইতে দূত ফিরিয়া আসিয়া সংবাদ দিল, স্বর্ণমণি তথায় যান নাই। চাঁদরায়ের আর বুদ্ধিতে বাকী রহিল না যে, তাঁহার হৃদয়ানন্দবিধায়িনী স্বর্ণ ঈশাখাঁর করতলগত হইয়াছেন। তাঁহার হৃদয় সে দারুণ আঘাতে চূর্ণ বিচূর্ণ হইয়া ভাঙ্গিয়া পড়িল। অতি প্রিয় রাজ-কার্য্যও আর তাঁহার ভাল লাগিল না। তিনি সমস্ত পরিত্যাগ করিয়া শয্যাগ্রহণ করিলেন। তারপর যে দিন সত্য সত্যই দূত আসিয়া সংবাদ দিল যে, ঈশাখাঁর অন্তঃপুরে স্বর্ণমণি বন্দিণী হইয়াছেন, সেই দিন আর চাঁদরায় জীবনের গুরুভার সহ করিতে পারিলেন না,—সাধের রাজ্য, রাজ-ভবন ও পরিজনবর্গকে শোকের সাগরে ভাসাইয়া তিনি অনন্ত-ধামে যাত্রা করিলেন।

কেদাররায় ঈশাখাঁর বিরুদ্ধে যুদ্ধ পরিচালনা করিয়া তাঁহাকে নানা স্থানে পরাজিত করিতেছিলেন। সহসা জ্যেষ্ঠের মৃত্যুসংবাদ শুনিয়া তাঁহাকে যুদ্ধ বন্ধ করিয়া রাজধানীতে প্রতিগমন করিতে হইল। জ্যেষ্ঠের মৃত্যুতে কনিষ্ঠের দক্ষিণ হস্ত ভাঙ্গিয়া পড়িল, হৃদয়ের শক্তি উৎসাহ সবই মন্দীভূত হইয়া গেল। তিনি কিছুদিন নিতান্ত অবসন্ন হৃদয়ে কাল কাটাইতে লাগিলেন,—রাজ্যের কোনও বিষয়েই তাঁহার লক্ষ্য ছিল না। বিচক্ষণ দেওয়ান রঘুনন্দনরায় রাজ্য পরিচালন করিতে লাগিলেন। দেশের তৎকালীন রাজনৈতিক অবস্থা যেকল্প সঙ্কটাপন্ন হইয়া উঠিতে-ছিল, তাহাতে কেদাররায় বেশী দিন উদাসীন থাকিতে পারিলেন না।

মোগল, মগ ও ফিরিঙ্গীরা কেদাররায়ের রাজ্যের উপর লোলুপ দৃষ্টি
নিষ্ক্ষেপ করিতেছিল। ইহাদিগকে দমন করিবার জন্ত আবার কেদারকে
কর্ণক্ষেত্রে অবতীর্ণ হইতে হইল। এবার তিনি মোগল-সম্রাটের বিরুদ্ধে
বিদ্রোহ ঘোষণা করিয়া আপনায় স্বাধীনতা প্রচার করিলেন। শ্রীপুর-
দুর্গশীর্ষে কেদারের স্বাধীন পতকা গর্বভরে পবনান্দোলনে আন্দোলিত
হইতে লাগিল।

পদ্মানদী যেখানে বাইয়া সাগরে পড়িতেছে তাহারই অনতিদূরে
সাগর-বক্ষে ‘সন্দীপ’ নামে একটা দ্বীপ অবস্থিত। এই দ্বীপ তখন
লবণের ব্যবসায়ের জন্ত ভারতে শীর্ষস্থান অধিকার করিয়াছিল। প্রতি
বৎসর দেশদেশান্তর হইতে শত শত জাহাজ লবণ লইবার জন্ত এইস্থানে
সমবেত হইত। শত-সম্পদেও এই দেশ যথেষ্ট খ্যাতিলাভ করিয়াছিল।
ফ্রেডারিক নামক একজন ইউরোপীয় পর্য্যটক ১৫৬০ খৃঃ অব্দে এই
দ্বীপ পরিভ্রমণ করিয়া ইহাকে ‘স্বর্ণদ্বীপ’ নামে উল্লেখ করিয়া গিয়াছেন।
বাস্তবিক ‘সন্দীপ’ তখন ‘স্বর্ণদ্বীপ’ই ছিল। এই দ্বীপ পূর্বে মুর নামক
মুসলমানদিগের অধিকৃত ছিল। পরে চাঁদরায় ও কেদাররায় মুরদিগকে
পরাসূত করিয়া এই দ্বীপের অধিপতী হন। কিন্তু তাঁহারা যখন
ঈশাখাকে সমুচিত শাস্তি প্রদানের নিমিত্ত সমস্ত শক্তি নিয়োগ করিয়া
সোণার গাঁ অভিমুখে ধাবিত হইয়াছিলেন সেই স্রবোগে মোগলেরা এই
দ্বীপ অধিকার করিয়া লয়।

পর্তুগীজ বীর কার্ভালো কেদাররায়ের নৌবিভাগের সেনাপতি ছিলেন।

বাংলার বীর

কেদাররায়ের নৌ-বাহিনী তৎকালে সর্বশ্রেষ্ঠ ছিল, এই নৌ-বাহিনীর প্রচণ্ড শক্তি দর্শনে মোগলেরাও ভীত ও বিস্মিত হইয়া মস্তক অবনত করিয়াছিল। কোথায় আজ বাঙ্গালীর সে প্রতাপ! কেদাররায়ের অনুমতি লইয়া কার্ভালো মোগলের হস্ত হইতে সন্দীপ অধিকার করিতে চলিলেন। জলে ও স্থলে যুদ্ধ হইল। মোগলেরা পরাস্ত হইয়া সন্দীপ পরিত্যাগ করিল। কার্ভালোর বীরত্বে মুগ্ধ হইয়া গুণগ্রাহী কেদার-
'তাঁহারই হস্তে সন্দীপের শাসনভার গ্রহণ করিলেন। কার্ভালো কেদার-
রায়কে বাৎসরিক কর প্রদান করিয়া সন্দীপ শাসন করিতে লাগিলেন।
এতদিনে পর্তুগীজ দিগের একটা নিজস্ব স্থান হইল, চতুর্দিক হইতে
পর্তুগীজেরা যাইয়া সেই দ্বীপে বাস করিতে লাগিল। আরাকানের
মগরাজ চিরদিনই পর্তুগীজদিগের উপর বিদ্রোহ ভাবাপন্ন; পর্তুগীজেরাও
মগদিগের উপর প্রতিহিংসাবৃত্তি চরিতার্থ করিবার সুযোগ পাইলে তাহা
পরিত্যাগ করিত না। এইবার পর্তুগীজেরা একটা নিজস্ব বাসস্থান
লাভ করিয়া সময়ে অসময়ে আরাকান-রাজের রাজ্যে আপতিত হইয়া
লুণ্ঠনাদি করিতে আরম্ভ করিল। আরাকান-রাজ তাহাদের এই স্পর্দ্ধা
সহ্য করিতে পারিলেন না, তিনি কার্ভালোর বিরুদ্ধে দেড় শত সুসজ্জিত
রণতরী প্রেরণ করিলেন। কেদাররায় এই সংবাদ পাওয়া মাত্র
সন্দীপ রক্ষার জন্ত অগ্রসর হইলেন। উস্তাল উম্মি-মুখর বঙ্গোপসাগর-
বক্ষে বাঙ্গালী-সৈন্তে ও মগ-সৈন্তে তুমুল সংগ্রাম হইল। কামানোদগীর
ধুমশিখার সমুদ্র-বক্ষ কুজ্জাটিকাচ্ছন্নবৎ প্রতীয়মান হইতে লাগিল। সেই

যুদ্ধে মগরাজ সম্পূর্ণরূপে পরাস্ত হইলেন, তাঁহার অধিকাংশ রণতরী ও সৈন্য বঙ্গবীরের হস্তে ধৃত হইয়া শ্রীপুরে আনীত হইল। কিন্তু মগরাজ পরাস্ত হইয়া নিরস্ত হইলেন না, তিনি পুনরায় প্রগল্ভ গৌরব উদ্ধারের আশায় যুদ্ধায়োজন করিতে লাগিলেন। এইবার এক সহস্র রণতরী সন্দীপের বিক্রমে প্রেরিত হইল। শত্রু-শোণিতে সাগর-বারি রঞ্জিত করিয়া এবারও বীরবর কেদাররায় বিজয়-মাণ্যে বিভূষিত হইয়া শ্রীপুরে প্রত্যাগমন করিলেন। রাজধানীতে বিরাট আড়ম্বরে বিজয়োৎসব চলিল। কেশর মা নানী জনৈক। বৃদ্ধা ধাত্রী কেদাররায়কে শৈশবে মালুষ করিয়াছিল। কেদার যুদ্ধ হইতে প্রত্যাগমন করিলে কেশর মা আসিয়া পুরস্কার চাহিল। কেদার বলিলেন, “ধাই মা, তোমাকে আমি এমন ভাবে পুরস্কৃত করিব যে, তোমার নাম চিরস্থায়ী হইয়া থাকিবে।—তুমি বিশ্রাম না করিয়া একবারে হাঁটিয়া যতদূর যাইতে পারিবে, আমি ততদূর একটা দীঘি কাটাইয়া দিব।” কেশর মা পরম আনন্দিত হইয়া হাঁটিতে আরম্ভ করিল, যতদূর সে একবারে হাঁটিয়া যাইতে সমর্থ হইল, কেদাররায় ততদূর প্রসারিত এক প্রকাণ্ড দীর্ঘিকা খনন করাইলেন। আজিও বিক্রমপুরে সেই দীঘি বিরাজিত থাকিয়া কেদাররায়ের মহাবিজয়-স্মৃতি বহন করিতেছে। সেই দীঘি “কেশর মার দীঘি” নামে পরিচিত। কেদাররায়ের এইরূপ বহু স্মৃতি বিক্রমপুরের বক্ষে আজও বিরাজ করিতেছে, কিন্তু কে তাহার সন্ধান লয় ?

কেদাররায় প্রবল পরাক্রান্ত স্বাধীন নৃপতির মত শাসনদণ্ড পরিচালন

বাংলার বীর

করিতেছিলেন, তাহার উপর আবার তাঁহার উক্ত বিজয়বাস্তা বঙ্গের তৎকালীন সুবাদার মানসিংহের কর্ণে পৌঁছিলে তিনি চিন্তিত হইয়া পড়িলেন, শীঘ্র কেদাররায়কে পরাজিত করিয়া তাঁহার উদীয়মান শক্তির মূলোচ্ছেদ করিতে না পারিলে উহা মোগল সাম্রাজ্যের অকল্যাণকর হইতে পারে, এই ভাবিয়া মানসিংহ মুকুটরায় (মান্দারায়) নামক জনৈক বাঙ্গালীর নেতৃত্বে একশত রণতরী ও তত্বপয়ুক্ত সৈন্য শ্রীপুরের বিরুদ্ধে প্রেরণ করিলেন। কেদাররায় শত্রুর আগমন-সংবাদ শুনিয়া তাঁহার রণতরী সমূহ বঙ্গীয় বীরবৃন্দে পরিপূর্ণ করিয়া মোগলের আক্রমণ প্রতিরোধ করিবার জন্য প্রেরণ করিলেন। পথে কালিন্দী নদীর বক্ষে যে যুদ্ধ হইল তাহাতে কেদাররায়ের হস্তে মুকুটরায় পরাজিত ও নিহত হইলেন। সে দিন কালিন্দীর কৃষ্ণজলে শোণিতের তরঙ্গ তুলিয়া বাঙ্গালী বীর যে সংগ্রাম করিয়াছিল সেই সংগ্রামের ভৈরবগর্জ্জন অতীতের গর্ভ ভেদ করিয়া আজিও যেন বিক্রমপুরের আকাশে বাতাসে ধ্বনিত হইতেছে।

মুকুটরায়ের পরাজয় এবং নিধনবাস্তা যখন মানসিংহের কর্ণে পৌঁছিল, তখন তিনি মগদিগের সহিত যুদ্ধে ব্যাপ্ত ছিলেন। গর্ভিত মানসিংহ মনে করিয়াছিলেন, দুর্বল বাঙ্গালী আবার কি যুদ্ধ করিবে, মোগল-সৈন্যের আগমন-সংবাদ শ্রবণ করিয়াই হয়ত শ্রীপুরাধিপতি ভীত-চিন্তে পলায়ন করিবে অথবা মোগলের চরণতলে অস্ত্র সমর্পণ পূর্বক অশুভ্রম প্রার্থনা করিবে। মানসিংহ যখন শ্রীপুরের বিরুদ্ধে প্রেরিত তাঁহার বাহিনীর সুরশিচিত বিজয়-স্বপ্নে বিভোর ছিলেন, তখন সহসা

এই সর্বনাশকর পরাজয়-সংবাদে তিনি বিচলিত হইয়া পড়িলেন। কাল-বিলম্ব না করিয়া কিল্মক্ খাঁকে এক বিরাট বাহিনীর নেতৃত্ব প্রদান করিয়া কেদাররায়ের বিরুদ্ধে প্রেরণ করিলেন। কেদার এই আক্রমণের জন্ত প্রস্তুত হইয়াছিলেন, তিনি বিন্দুমাত্র ভীত বা বিচলিত না হইয়া কিল্মকের গতিরোধের নিমিত্ত অগ্রসর হইলেন। বাঙ্গালী সৈন্তের অশ্রান্ত গুলি-বর্ষণে ও অদ্ভুত বীর্যমত্তায় মোগল-বাহিনী বিধ্বস্ত ও বিপর্যস্ত হইয়া পড়িল, অধিকাংশ সৈন্তই রণক্ষেত্রে চিরনিদ্রা বরণ করিয়া লইল। আর সেনাপতি কিল্মক্ ?—তিনি শৃঙ্খলাবদ্ধ হইয়া শ্রীপুর-কারাগারে নিক্ষিপ্ত হইলেন।

বড় আশা ও দর্প করিয়া মানসিংহ কিল্মক্কে পাঠাইয়াছিলেন। কেদারের হস্তে যখন তাঁহার সে দর্প চূর্ণ হইল তখন তিনি একথানা তরবারি, একগাছি শৃঙ্খল এবং একখানি পত্রসহ জনৈক দূতকে কেদাররায়ের নিকট প্রেরণ করিলেন,—ইহার তাৎপর্য্য এই যে, হয় কেদাররায় মোগলের বশ্বতা স্বীকার করুন, নতুবা সমরক্ষেত্রে অবতীর্ণ হউন। বীরবর কেদাররায় মোগল দূতকে সমাদরে অভ্যর্থনা করিয়া তরবারি গ্রহণ করিলেন! শ্রীপুর আবার রণোন্মাদনায় মাতিয়া উঠিল, সৈন্তগণ তাহাদের শিথিল শিরস্ত্রাণ দৃঢ় করিয়া বাঁধিয়া গুপ্তমর্দন পূর্বক যুদ্ধের জন্ত প্রস্তুত হইতে লাগিল। কেদাররায় পাঁচশত রণতরী লইয়া মোগলের বিরুদ্ধে অবতীর্ণ হইলেন। উভয় পক্ষে যুদ্ধ হইল। মানসিংহ কেদাররায়ের বীরত্বে মুগ্ধ হইয়া তাঁহার সহিত বন্ধুত্ব স্থাপন পূর্বক প্রস্থান করিলেন। কিন্তু বীরবর কেদাররায় অধিক দিন মোগলের পাছুকাবাহী মানসিংহের

বাংলার বীর

সহিত বন্ধুত্বের মর্যাদা রক্ষা করিতে পারিলেন না, সুতরাং আবার রাজ্যময় যুদ্ধের আগুন জলিয়া উঠিল। কেদার বুঝিতে পারিলেন, এ অনলে হয় মানসিংহ ভস্মীভূত হইবেন, নতুবা বিক্রমপুরের আশাভরসা সমুদায় পদ্মাগর্ভে চিরতরে বিসর্জিত হইবে। রণহুন্দুভির ভৈরব-রবে ও সৈন্তকোলাহলে শ্রীগুরের আকাশ-বাতাস কম্পিত হইয়া উঠিল। পদাতিক, অশ্বরোহী এবং নৌ-সৈন্ত লইয়া কেদাররায় যুদ্ধ-যাত্রা করিলেন। কোটীশ্বর মন্দিরে সপ্তাহকালব্যাপী পূজা, হোম ও আরতি চলিল। কোটীশ্বরের আশীর্বাদী নিষ্ঠালা মন্তকে ধারণ করিয়া বীরবর রণক্ষেত্রে অবতীর্ণ হইলেন। ফতেজঙ্গপুরের নৌযুদ্ধে ভীষণ অগ্নি-ক্রীড়া চলিল, বিজয়লক্ষ্মী কাহার গলায় জয়-মাল্য পরাইবেন ইত্যন্ততঃ করিতেছিলেন, এমন সময় বিপক্ষের একটা প্রকাণ্ড গোলা কেদাররায়ের সম্মুখে নিপতিত হইয়া বিদীর্ণ হইয়া গেল। সেই দারুণ আঘাতে বীরবর ভূতলশায়ী হইলেন। রাজাকে পতিত হইতে দেখিয়া বাঙ্গালী সৈন্তগণ ছত্রভঙ্গ হইয়া পড়িল। মানসিংহ জয়লাভ করিলেন। কেদাররায় আহত অবস্থায় মোগলের কারাগারে বন্দী হইয়া অল্পদিনমধ্যেই জীবন-লীলা সম্বরণ করিলেন। *

* বীরবর কেদাররায়ের মৃত্যু সম্বন্ধে অনেক প্রকার জনপ্রবাদ প্রচলিত আছে। কেহ কেহ বলেন, নয় দিবস যুদ্ধের পর দশম দিবসে যখন কেদাররায় যুদ্ধ-যাত্রার পূর্বে স্বীয় ইষ্টদেবী দশমহাবিচার সম্মুখে সাত্ত্বিক প্রণত হইয়া তাঁহার আশীর্বাদ ভিক্ষা করিতেছিলেন, তখন মোগলপক্ষীয় গুপ্ত খাতকের খড়্গাঘাতে তাঁহার শির দেহচ্যুত হইয়া মাটিতে লুটাইয়া পড়ে। পূর্বকথিত বিশ্বাসঘাতক ব্রাহ্মণ শ্রীমন্ত থাঁ এই হত্যা সাধনের নায়ক বলিয়া কথিত হইয়া থাকে।

বিজয়পুরকে চির অন্ধকারে ডুবাইয়া বাংলার একটা প্রদীপ্ত সূর্য্য অন্তর্মিত হইল। কেদাররায়ের মৃত্যুর পর মানসিংহ সহজেই শ্রীপুর অধিকার করিতে সমর্থ হন নাই। কেদার-মহিষী দেওয়ান রঘুনন্দন, সেনাপতি রামশরণ, রামরাজ সর্দার, কালী ঢালী প্রভৃতি বীরবৃন্দের সাহায্যে কিছুদিন প্রচণ্ড শক্তিতে মোগলের গতিরোধ করিয়াছিলেন। কিন্তু শেষ রক্ষা হইল না। শ্রীপুর মোগলের করতলগত হইল। মানসিংহ শ্রীপুরের অধিষ্ঠাত্রী দেবতা শিলাদেবীকে অশ্বরে লইয়া গিয়া জয়পুরে প্রতিষ্ঠিত করিলেন। আজিও এই দেবী জয়পুরে বাঙ্গালী ব্রাহ্মণগণ কর্তৃক নিত্য পূজিত হইতেছেন।

হায় বিংশ শতাব্দীর বিলাসনিমজ্জিত পরিশ্রমবিমুখ বাঙ্গালী! একবার কি তোমার দেশের, তোমার জাতির সেই বীরত্বের পুণ্যময়ী স্মৃতি স্মরণ করিয়া ভক্তিপ্রণতচিত্তে অশ্রুবিসর্জন করিতে ইচ্ছা হয় না? একবার কি ইচ্ছা হয় না তোমার যে, বাঙ্গালী আবার প্রতাপ, শীতারাম, কেদাররায়, রাজা কন্দর্পনারায়ণ, রামচন্দ্র প্রভৃতি বীরবৃন্দের পুত্ৰস্মৃতির উদ্দেশে প্রাতঃ-সন্ধ্যা ভক্তিঅর্ঘ্য প্রদান করুক। তুমি চিরদিনইত এমন দীন-হীন জীর্ণ কঙ্কালসার ছিলে না; একদিন তোমার রণপোত ভারতসাগরের বীচিবিক্ষোভ উপেক্ষা করিয়া সিংহল বিজয় করিয়াছিল,—একদিন তোমার আশ্বেয়াঙ্গ-নিষ্কিপ্ত গোলকের ধূমপটলে বঙ্গোপসাগর-বক্ষ আচ্ছন্ন করিয়াছিল; একদিন সুদূর রোম ও গ্রীসের রণভূমিতে ভারতের রণনিলাদ স্রুত হইয়াছিল (১),—একদিন তুমি

(১) "The Gandaris furnished their contingent to the army of Darius in the invasion of Greece"—*Buddhist Art in India*, Page 75.

প্রাচীনকালের গাঙ্কার বলিতে বর্তমান পেশোয়ার ও রাওলপিণ্ডি বুঝায়।

"The archers from India formed a valuable element in the army of Xerxes, and shared in the defeat of Mardonius at Platea."—*Early History of India : Vincent Smith, Page 34, (2nd Edition).*

বাংলার বীর

যাভা, সুমাত্রা, চীন, জাপানে উপনিবেশ গঠন করিয়াছিল (২);— একদিন, হে বাঙ্গালী! তোমার পণ্ডিত দীপঙ্কর শ্রীজ্ঞান হিমগিরি লঙ্ঘনপূর্ব্বক তিব্বতে গমন করিয়া জ্ঞানে, ধর্ম্মে, বিজ্ঞায় ও পবিত্রতায় তৎকালীন বৌদ্ধ পণ্ডিতমণ্ডলীর নিকট ভগবান বুদ্ধের তুল্য শ্রদ্ধাভক্তি লাভ করিয়াছিলেন (৩);—তোমার পণ্ডিত শীলভদ্র নালন্দার মহা-বিশ্ববিদ্যালয়ের প্রধান অধ্যক্ষের পদে বৃত্ত হইয়াছিলেন (৪);—হে বাঙ্গালী! ইচ্ছা হয় কি তোমার একবার প্রাণ ভরিয়া সেই অতীত গৌরবময় যুগের স্মৃতি-গাথা স্মরণ করিতে? হে বাঙ্গালী! ভুলিও না, তুমি একদিন কি ছিলে, আর আজ কোথায় তুমি?—ভুলিও না তোমার শতগৌরববিজড়িত সেই অতীত কাহিনী।—যে জাতি তাহার গৌরবময় অতীতের পূজা করিতে জানে না, ধ্বংস তাহার স্মৃতিশিখা।


কেদাররায় গিয়াছেন, তাঁহার রাজধানী শ্রীপুরও পদ্মার কুক্ষিগত, তাঁহার বহুকীর্ত্তি কালের ধ্বংসলীলায় লোক-চক্ষুর অন্তরালে নিপতিত হইয়াছে। কিন্তু তাঁহার শৌর্য্যখ্যাতি, বীরত্বের গাথা আজিও শতমুখে ঘোষিত হইতেছে। পদ্মা ও মেঘনার সম্মিলিত জলোচ্ছ্বাস শ্রীপুরের টেককে বিধৌত করিয়া রুদ্ধভৈরব কর্ত্তে গাহিতেছে—

“এ নহে কাহিনী এ নহে স্বপন,
আসিবে সে দিন আসিবে।”

(২) *Indian Shipping*—Page 156.

(৩) ৯৮০ খৃঃ অব্দে ঢাকা বিক্রমপুরস্থ বজ্রযোগিনী গ্রামে দীপঙ্কর শ্রীজ্ঞান অতীশ জন্মগ্রহণ করেন।

(৪) ৪৪৭ শকে মহামহোপাধ্যায় শীলভদ্র ঢাকা জিলার রামপাল নগরে জন্মগ্রহণ করেন।



Copy 410

রাজা সীতারাম শায়ের দোলমঞ্চ

বাংলার বীর—৬৩

রাজা সীতারাম

মোগল সম্রাট সাহজাহানের অন্তিম বয়সে যখন সিংহাসন লাভের নিমিত্ত পুঞ্জগণের মধ্যে দারুণ সংঘর্ষ চলিতেছিল, এবং কুচক্রী আওরঙ্গজেবের চক্রান্ত-জালে নিপতিত হইয়া যখন অশ্রান্ত ভ্রাতৃগণ একে একে জগৎ হইতে বিদায় লইতেছিলেন, ভারতের সেই সর্বব্যাপী সংগ্রাম-যুগে সীতারাম জন্মগ্রহণ করেন। তাঁহার পিতার নাম উদয়নারায়ণ। সীতারামের জন্মকালে উদয়নারায়ণ রাজমহলে নবাব-সরকারে সামান্য বেতনে চাকরী করিতেন। সীতারামের জননী একজন তেজোবীর্য্যসম্পন্ন বীরনারী ছিলেন; তিনি যখন পিত্রালয়ে অবস্থান করিতে ছিলেন, তখন এক দিবস নিশীথ সময় সহসা তাঁহার পিতৃভবন দম্ভ্যকর্জক আক্রান্ত হয়, এই তরুণী বীরনারী তখন একখানি তীক্ষ্ণ খড়্গ হস্তে লইয়া রণরঙ্গিনী চামুণ্ডা মূর্তিতে দম্ভ্যদলকে পরাভূত করিয়া বিতাড়িত করিতে সমর্থ হইয়াছিলেন। বীর সীতারাম এই বীরজননীর গর্ভসমুত এবং তাঁহারই স্তন্যদুগ্ধে পরিপুষ্ট। জননীর মানসিক ও শারীরিক শক্তি যে সম্ভানে সংক্রমিত হয় ইতিহাসে তাহার যথেষ্ট প্রমাণ আছে। সীতারাম যখন জন্মগ্রহণ করেন তখন উদয়নারায়ণের অবস্থা স্বচ্ছল ছিল না, কিন্তু ভাগ্যবান পুত্রের জন্মগ্রহণের সঙ্গে সঙ্গে পিতার অবস্থার উত্তরোত্তর অগ্রবৃদ্ধি সাধিত হইতে লাগিল। সামান্য একজন গৃহস্থের পুত্র সীতারাম

বাংলার বীর

শেষে স্বীয় বুদ্ধি ও বীরত্ববলে একজন স্বাধীন নরপতি হইয়া মোগল-সম্রাটের বিরুদ্ধে যুদ্ধ ঘোষণা করিয়াছিলেন। দুইশত বৎসর পরের বাঙ্গালী আমরা, সীতারামের সেই অলৌকিক বীরত্ব আমাদের নিকট স্বপ্নের মত মনে হইবে। আরও দুইশত বৎসর পরে না জানি আমরা কোন্‌ স্তরে গিয়া পৌঁছিব।

সীতারামের জন্মের পর উদয়নারায়ণ নবাব কর্তৃক ভূষণার তহশীলদার নিযুক্ত হইয়া তথায় গমন করেন এবং কিছুদিন পরে ক্ষুদ্র একটা তালুকদারী স্বত্ব গ্রহণ করিয়া মধুমতীতীরে হরিহর নগরে বাস করিতে থাকেন। এই মধুমতী তীরেই মধুময় সমীরণে সীতারামের বীরত্বসৌভাগ্যে দিকে দিকে বিচ্ছুরিত হইতে থাকে।

সীতারামের বালাজীবনের প্রথম কয়েক বৎসর মাতুলালয়েই অতিবাহিত হয়। তিনি সংস্কৃত ও বাংলা ভাষা উত্তমরূপে শিক্ষা করেন। সে সময়ে আরবী, ফার্সী এবং উর্দু ভাষা শিক্ষা না করিলে কোনও রাজকার্যে নিযুক্ত হওয়া যাইত না। বিশেষতঃ ফার্সী ও উর্দু উত্তমরূপে না জানিলে কেহই শিক্ষিত ও পদস্থ বলিয়া গণ্য হইত না। কাজেই তৎকালপ্রচলিত রীত্যনুসারে সীতারাম আরবী, ফার্সী এবং উর্দু ভাষা শিক্ষা করেন। কিন্তু মানসিক শক্তি চালনা করা অপেক্ষা শারীরিক শক্তি চালনা করিতেই সীতারাম বেশী ভাল বাসিতেন। এই ক্ষেত্রে মহারাষ্ট্র-বীর শিবাজীর সহিত বাংলার বীর সীতারামের অনেকটা সাদৃশ্য লক্ষিত হয়। শিবাজী যেমন লেখা-পড়ার দিকে ক্রক্ষেপ না

করিয়া সঙ্গিসমভিষাহারে মহারাজের দুর্গম শৈলমালায় অস্বারোহণে বিচরণ করিতেন এবং বীরগণের সহিত মল্লক্রীড়ায় রত থাকিতেন, সীতারাম রায়ও সেইরূপ অস্বারোহণ, অস্ত্রচালনা, লাঠিখেলা, কুস্তী প্রভৃতি বীরজনোচিত কৰ্মে কালক্ষেপ করিতে ভাল বাসিতেন। ভাবী-জীবনে তিনি যে এক জন বীরপুরুষ হইবেন তাহা তাঁহার বাল্য-কালীন ক্রীড়াকৌতুক হইতেই সম্যক্ উপলব্ধি হইত। লাঠিখেলায় সীতারাম এতদূর পারদর্শিতা লাভ করিয়াছিলেন যে, তিনি একাকী লাঠি ধারণ করিলে অস্ত্রধারী শত শত যোদ্ধা তাঁহার সন্মুখীন হইতে সাহসী হইত না। প্রাচীন বাংলার লাঠিই ছিল প্রধান অস্ত্র, কিন্তু আমরা সভ্য বাঙ্গালী, আজ বিদেশী সভ্যতার মোহে ভুলিয়া সেই লাঠির মর্যাদা বিস্মৃত হইয়াছি। বঙ্কিমচন্দ্র হুঃখ করিয়া লিখিয়া গিয়াছেন—
“হায় লাঠি! তোমার দিন গিয়াছে! তুমি ছার বাঁশের বংশ বটে, কিন্তু শিক্ষিত হস্তে পড়িলে তুমি না পারিতে এমন কাজ নাই। তুমি কত তরবারি ছই টুকরা করিয়া ভাঙ্গিয়া ফেলিয়াছ, কত ঢাল, কত খাঁড়া খণ্ড খণ্ড করিয়া ফেলিয়াছ, হায়! কত বন্দুক আর সঙ্গীন তোমার প্রহারে বোদ্ধার হাত হইতে খসিয়া পড়িয়াছে। যোদ্ধা ভাঙ্গা হাত লইয়া পলাইয়াছে। লাঠি! তুমি বাঙ্গালার আক্র-পরদা রাখিতে, মান রাখিতে, ধান রাখিতে, ধন রাখিতে, জন রাখিতে, সবার মন রাখিতে। বদমাইন্ তোমার ভয়ে ত্রস্ত ছিল, ডাকাইত তোমার জালায় ব্যস্ত ছিল, নীলকর তোমার ভয়ে নিরস্ত ছিল, তুমি তখনকার পীনা-

বাংলার বীর

কোড্ ছিলে,—তুমি পীনালকোডের মত শিষ্টেরও দমন করিতে এবং পীনালকোডের মত রামের অপরাধে শ্রামের মাথা ভাঙ্গিতে। তবে পীনালকোডের উপর তোমার এই সরদারি ছিল যে, তোমার উপর আপীল চলিত না। হায়! তোমার সে মহিমা গিয়াছে! পীনালকোড তোমাকে তাড়াইয়া তোমার আসন গ্রহণ করিয়াছে,—সমাজ-শাসন-ভার তোমার হাত হইতে তাহার হাতে গিয়াছে। তুমি লাঠি! আর লাঠি নও, বংশধরও মাত্র। ছড়িও প্রাপ্ত হইয়া শৃগালকুকুরভীত বাবুবর্গের হাতের শোভা কর; কুকুর ডাকিলেই সে ননীর হাতগুলি হইতে খসিয়া পড়। তোমার সে মহিমা আর নাই! * * * * *

* * * তুমি আর নাই,—গিয়াছ। ভরসা করি, তোমার অক্ষয় স্বর্গ হইয়াছে। তুমি ইন্দ্রলোকে গিয়া নন্দনকাননের পুষ্পভারাবনত পারিজাতবৃক্ষশাখার ঠেকুনা হইয়া আছ, দেবকন্তারা তোমার ঘাড়ে কল্প-বৃক্ষ হইতে ধর্ম-অর্থ-কাম-মোক্ষরূপ ফল সকল পাড়িয়া লইতেছে। এক আঘটা ফল যেন পৃথিবীতে গড়াইয়া পড়ে।*

সীতারাম বয়ঃপ্রাপ্ত হইয়া দেখিলেন, দস্যুতন্ত্রের অত্যাচারে বঙ্গদেশ শ্মশান হইতে চলিয়াছে। চোর-দস্যুর ভয়ে গৃহস্থগণ রাত্রিতে উৎকণ্ঠিত হইয়া কালযাপন করে। দিবাভাগে পর্যাস্ত নরহত্যা ও লুণ্ঠনের বিরাম নাই। পথঘাট অত্যন্ত বিপৎসঙ্কুল, লোকে সাহস করিয়া দেশান্তরে গমন অথবা তীর্থ ভ্রমণে বহির্গত হইতে পারে না। ব্যবসায়-বাণিজ্য একেবারে বন্ধ। জমীদারগণ কর্তৃক নবাব-সরকারে

রাজকর প্রেরণের সময় পথিমধ্যে প্রায়ই তাহা লুপ্তিত হয়। মগের উৎপাত তখনো দেশ হইতে অন্তর্হিত হয় নাই, সুন্দরবন অঞ্চল তখনো মগ-দস্যুর অত্যাচারে নিপীড়িত হইত। এতদ্ব্যতীত পাঠানেরা পুনরায় স্বাধীন হইবার জন্ত স্থানে স্থানে সময় সময় বিদ্রোহ ঘোষণা করিত, তাহাতে নিরীহ প্রজাবৃন্দের উপর ভীষণ অমানুষিক অত্যাচার অনুষ্ঠিত হইত। দেশের এই শোচনীয় দশা দর্শনে স্বদেশপ্রাণ বীর সীতারামের অন্তর দেশবাসীর হৃদয়ে কাঁদিয়া উঠিল, তিনি দেশ হইতে দস্যুতার বীজ সমূলে উৎপাটিত করিবার জন্ত কঠোর ব্রত গ্রহণ করিলেন। বাংলার নবাব সায়েরস্তা খাঁ তখন ঢাকায় অবস্থান করেন, ঢাকা তখন বঙ্গের রাজধানী। সীতারাম রায় কার্যোপলক্ষে মাঝে মাঝে ঢাকায় যাতায়াত করিতেন, তাহাতেই নবাব সায়েরস্তা খাঁ ক্রমে ক্রমে এই বীরযুবকের শক্তিমত্তার পরিচয় প্রাপ্ত হন। করিম খাঁ নামক এক জন পাঠান যশোহর অঞ্চলে বিদ্রাহী হইয়া ভীষণ অত্যাচার করিতে থাকে; বঙ্গের ফৌজদার পুনঃপুনঃ তাহার বিরুদ্ধে প্রেরিত হইয়াও যখন তাহাকে পরাস্ত করিতে অসমর্থ হইলেন, তখন তরুণ যুবক সীতারাম সায়েরস্তা খাঁর নিকট করিম খাঁর বিরুদ্ধে অভিযানের অভিপ্রায় নিবেদন করিলেন। নবাব সানন্দে তাঁহার এই প্রস্তাবে সম্মতি জ্ঞাপন পূর্বক অঝোরোহী ও পদাতিক সৈন্যসহ তাঁহাকে করিম খাঁর দমনের জন্ত পাঠাইলেন। জীবনের এই প্রথম পরীক্ষা-সাগর উত্তীর্ণ হইতে পারিলে সীতারাম যশঃ ও কীর্তির উচ্চ শৈলশিখরে আরোহণ করিতে পারিবেন;

বাংলার বীর

আম্র যদি ডুবিয়া যান, তবে সঙ্গে সঙ্গে তাঁহার জীবনের বাবতীয় উচ্চাকাঙ্ক্ষা চিরকালের মত সলিল-সমাধি লাভ করিবে। সীতারাম সর্ববিঘ্ননিবারণ নারায়ণ নাম স্মরণ করিয়া পরীক্ষা-সাগরে ঝুপ প্রদান করিলেন; বিজয়-লক্ষ্মী বীরপুত্রের জন্ত জয়মালা হস্তে দাঁড়াইয়া ছিলেন। সীতারাম করিমকে পরাস্ত করিয়া সেই মাতৃপ্রদত্ত বিজয়মালা কণ্ঠে ধারণ পূর্বক প্রত্যাবর্তন করিলেন। নবাব যুবকের বীরত্বে মুগ্ধ হইয়া পুরস্কার স্বরূপ তাঁহাকে নল্দি পরগণা জায়গীর অর্পণ করিলেন। নবাবের সঙ্গে এই সর্ভ সাব্যস্ত হইল যে, সীতারাম ভূষণা অঞ্চলকে দস্যুতন্ত্রের হস্ত হইতে রক্ষা করিবেন। সীতারাম প্রতিশ্রুত হইয়া নল্দি পরগণা গ্রহণ করিলেন। তাঁহার ভাবী সৌভাগ্যের ইহাই ভিত্তিপ্রতিষ্ঠা। এই নল্দি অঞ্চল তখন দস্যুর দৌরাণ্ড্যে এক প্রকার শ্মশানে পরিণত হইয়াছিল, দেশের লোক দেশ পরিত্যাগ করিয়া স্থানান্তরে পলায়ন করিয়াছিল। সীতারাম এই শ্মশানের শাসনভার গ্রহণ করিয়া স্বীয় প্রতিভাবলে অচিরে নল্দির পূর্ব ঐশ্বর্য্য ও বিলুপ্ত গৌরব পুনঃ প্রতিষ্ঠা করিতে সমর্থ হইয়াছিলেন।

মামুষের জীবনে যখন উন্নতির যুগ আসে তখন চারিদিক হইতে অহুকুল অবস্থা আসিয়া তাহার সহায় হয়। সীতারামও ভগবানের এই করুণা হইতে বঞ্চিত হন নাই। তিনি যখন ঢাকায় অবস্থান করিতে-ছিলেন, তখন মুনিরাম ঘোষ এবং রামরূপ ঘোষ নামক দুই জন কায়স্থ-সন্তানকে স্বীয় কর্মসঙ্গিরূপে প্রাপ্ত হন। সীতারাম তাঁহাদিগকে লইয়া

আসিয়া স্বীয় জমীদারীতে উচ্চ কক্ষে নিযুক্ত করেন। মুনিরাম মন্ত্রণা-
ঘারা এবং রামরূপ শারীরিক শক্তিদ্বারা সীতারামকে সাহায্য করিতেন।
রামরূপ অসীম দৈহিক শক্তিসম্পন্ন ছিলেন; তিনি পাঁচ হাত দীর্ঘ এবং
তদনুরূপ স্থূলকায় ছিলেন, এই জন্ত লোকে তাহাকে “মোনাহাতী”
বলিত। ক্ষুদ্রাকৃতি জী-হস্তীর নাম মোনাহাতী। রামরূপকেও ঐরূপ
একটা হস্তীর মত দেখাইত বলিয়া লোকে তাঁহার এই নামকরণ
করিয়াছিল। এই নামেই তিনি সর্বত্র পরিচিত ছিলেন। লোকে
তাঁহার প্রকৃত নাম একরূপ বিস্মৃত হইয়াছিল।

সীতারাম ঢাকা হইতে জার্মগীর লইয়া নৌকাযোগে দেশে প্রত্যাবর্তন-
কালে পথে একস্থানে রাত্রি হওয়ায় সেই স্থানেই নদীতীরে নৌকা
বাধিয়া রাত্রি যাপন করিতেছিলেন। গভীর নিশীথে অদূরবর্তী গ্রামে
ডাকাইতির শব্দ শুনিতে পাইয়া সীতারাম ও রামরূপ অসিহস্তে সেই দিকে
ধাবিত হইলেন। বক্তার খাঁ নামক দুর্দান্ত দস্যু কর্তৃক গ্রাম লুণ্ঠিত
হইতেছিল। সীতারাম ও রামরূপ ডাকাতদলকে আক্রমণ করিয়া
বিতাড়িত করিলেন। বক্তার খাঁ সীতারামের হস্তে বন্দী হইল। কিন্তু
আজীবন সীতারামের অধীনে কৰ্ম্ম করিবার প্রতিজ্ঞা করায় সে মুক্তিলাভ
করিল। এই বক্তার খাঁকে অল্পচররূপে পাইয়া পরবর্তীকালে সীতারামের
অগ্রাণু দস্যু-দলনে বিশেষ সাহায্য হইয়াছিল। আমলা বেগ নামক
জনৈক দুৰ্দ্ধৰ্ষ মোগল সৈনিক সীতারামের সহিত যোগদান করেন, তিনি
এত পরাক্রমশালী ছিলেন যে, লোকে তাঁহাকে “হামলা বাঘা” বলিয়া

বাংলার বীর

ডাকিত। এতদ্ব্যতীত আরও কয়েকজন বীর সীতারামের অধীনে কৰ্ম গ্রহণ করিয়া তাঁহার শক্তির পুষ্টি সাধন করিয়াছিলেন। সীতারাম ইহাদের সাহায্যে সৈন্ত সংগ্রহ পূৰ্ব্বক একটা ক্ষুদ্র সুশিক্ষিত সেনাদল গঠন করিলেন। এখন তাঁহার প্রধান এবং সৰ্ব্ব প্রথম কৰ্ম হইল দেশ হইতে দস্যুভীতি সমূলে উৎপাটন করা, বীরবর সীতারাম তৎসাধনকল্পে কায়মনঃ সমৰ্পণ করিলেন। তাঁহাকে কত বিনিদ্র রজনী যে সসৈন্তে নদীবক্ষে অতিবাহিত করিতে হইয়াছে,—কতদিন যে অনাহারে থাকিতে হইয়াছে তাহার সীমাসংখ্যা নাই। দেশ হইতে দস্যুতা উৎসাদনের নিমিত্ত তিনি স্বীয় সুখশান্তি, বিলাসব্যাসন সমস্তই বিসৰ্জন দিয়াছিলেন। যেখানেই তিনি দস্যুদলের সন্ধান পাইতেন, সসৈন্তে সেখানে ধাবিত হইয়া দস্যুদলকে পরাজিত ও বন্দী করিয়া বিজয়-গৌরবে প্রত্যাবৰ্ত্তন করিতেন। সীতারামের এই ভাবে অক্লান্ত পরিশ্রমের ফলে অত্যল্প দিনের মধ্যেই দেশের লুপ্ত শান্তি পুনরায় ফিরিয়া আসিল। দেশবাসী আবার সুখস্বাচ্ছন্দ্যের মুখ দেখিতে পাইল। দেশ সীতারামের কীর্তিগাথায় মুখরিত হইয়া উঠিল,—

“ধন্য রাজা সীতারাম বাঙ্গালা বাহাদুর।

যাঁর বলেতে চুরি ডাকাতি হ’য়ে গেল দূর ॥

বাঘে মানুষে একই ষাটে সুখে জল খাবে।

রামী শ্রামী পোঁটুলা বেঁধে গঙ্গান্নানে যাবে ॥”

সীতারামের গুণমুগ্ধ প্রজাগণ একান্তভাবে তাঁহার বাধ্য হইয়া পড়িল। কাজেই জায়গীর সুব্যবস্থিত করিয়া রীতিমত রাজস্ব আদায়ের কোনও

প্রকার বিঘ্ন হইল না। এখন সীতারাম একজন প্রবল প্রতাপশালী ভূস্বামী, অর্থের তাঁহার অভাব নাই ; আরও কয়েকখানি পরগণা তাঁহার আয়ত্তে আসিয়াছে। বাংলার নবাব সায়েরস্তা খাঁ তাঁহাকে অত্যন্ত স্নেহের চক্ষে দেখিতে লাগিলেন। সীতারাম এইবার রাজোপাধি লাভে অভিলাষী হইলেন, তাঁহার অভিলাষ পূর্ণ হইতে বিলম্ব হইল না। তিনি মুনিরামকে সঙ্গে লইয়া দিল্লীতে গমন পূর্বক বাদশাহের দরবারে স্বীয় প্রার্থনা নিবেদন করিলেন। ইতঃ পূর্বে সীতারামের গুণগ্রামের কথা বাদশাহের কর্ণ-গোচর হইয়াছিল, সীতারাম সত্য সত্যই রাজোপাধি লাভের উপযুক্ত বিবেচনায় তিনি সানন্দে সীতারামকে রাজোপাধির ফারমান দিয়া নিম্নবঙ্গের দক্ষিণদিকস্থ পতিত অরণ্যাবৃত স্থানসমূহের আবাদ এবং তথায় প্রজা-পত্তনের অধিকার দান করিলেন। সীতারাম বাদশাহী ফারমান ও সনন্দ লইয়া দেশে প্রত্যাবর্তন পূর্বক বিরাট সমারোহে এক মহাযজ্ঞের অনুষ্ঠান করিয়া শাস্ত্রীয় বিধানানুযায়ী রাজোপাধি ধারণ করিলেন। হরিহরনগর উৎসবানন্দের কোলাহলে মুখরিত হইয়া উঠিল। প্রজাবৃন্দ সোৎসাহে ও সানন্দে এই মহোৎসবে যোগদান করিয়া তাহাদের ভূস্বামীকে বখাযোগ্য শ্রদ্ধাভক্তি প্রদর্শন করিল। সেইদিন হইতে সীতারাম রায় “রাজা সীতারাম রায়” হইলেন। এই সময় তাঁহার বয়স ত্রিশ বৎসর মাত্র।

সীতারাম রাজা হইয়া দেখিলেন, রাজ্যের উপযুক্ত রাজ্য বা রাজধানী তাঁহার কিছুই নাই। রাজ্য ও রাজধানী বিহীন রাজোপাধি কলঙ্ক মাত্র। এই বিবেচনায় তিনি রাজধানী স্থাপনে মনোনিবেশ করিলেন। মহম্মদপুর

বাংলার বীর

নামক স্থান রাজধানীর পক্ষে উপযুক্ত মনে করিয়া তিনি ঐ স্থানকে পরিখা, দুর্গ, তোরণ, উত্তানবাটিকা, গুফরিণী, মন্দির, রাজপথ ও হস্তা-সুশোভিত করিয়া তথায় রাজধানী স্থাপন করিলেন। আজও মহম্মদপুর বর্তমান রহিয়াছে, কিন্তু সেই মহম্মদপুর আর নাই, কালের ধ্বংসলীলা রুদ্ধ নৃত্যে তাহা মহাশ্মশানে পরিণত করিয়াছে। সীতারামের রাজ-ভবনের ধ্বংসাবশেষ আজও বর্তমান। মহম্মদপুর এখন জঙ্গলাবৃত্ত হইয়া পড়িতেছে। এই মহম্মদপুর আরও একটা কারণে বিশেষ খ্যাতি লাভ করিয়াছে,—যে ম্যালেরিয়ার আজ সোণার বাংলা শ্মশান হইতে বসিয়াছে, মহম্মদপুরই সেই রাক্ষসী ম্যালেরিয়ার প্রথম জন্মস্থান।

এইবার রাজা নামের সার্থকতা সাধন করিতে রাজ্যবৃদ্ধি আবশ্যক, কিন্তু রাজ্য বৃদ্ধি করিতে হইলে দেশের পূর্ব জমীদার এবং মোগল বাদশাহের সহিত সংঘর্ষ অনিবার্য, স্মৃতরাং সেই সংঘর্ষে বিজয়ী হইবার মত উপযুক্ত শক্তিসঞ্চয় সর্বাগ্রে কর্তব্য। এই জন্ত সীতারাম ঢাকা প্রভৃতি অঞ্চল হইতে সুদক্ষ শিল্পীদিগকে আনাইয়া স্বীয় রাজধানী মহম্মদ-পুরে স্থাপন করেন। এই সমুদয় শিল্পীর নির্মিত বন্দুক কামান প্রভৃতি আত্মরক্ষার অস্ত্র সংহারিকা শক্তি দর্শনে মোগলেরা পর্যাস্ত ভীত ও বিস্মিত হইয়া পড়িয়াছিল।

পূর্বেই বলিয়াছি, সীতারাম দস্যুদলনে সিদ্ধহস্ত। যখন বঙ্গের বহু স্থান দস্যুদিগের অত্যাচারে উৎসন্ন বাইতেছিল, সেই সময় সীতারাম বাহুবলে স্বীয় জমীদারী এবং তন্নিকটবর্তী বহু স্থানে দস্যুদমন করিয়া

শাস্তি প্রতিষ্ঠা করিতেছিলেন, কাজেই দম্ভানিপীড়িত দেশসমূহ হইতে বহু গৃহস্থ পরিবার সুখশাস্তি লাভের আশায় আসিয়া সীতারামের জমীদারীতে বাস করিতে লাগিল। এইরূপে সীতারামের জমীদারী অল্পদিনের মধ্যেই সুখসমৃদ্ধি ও প্রজাপুঞ্জ পূর্ণ হইয়া উঠিল। তিনি মোগল সম্রাটের নিকট হইতে যে আবাদী সনন্দ লাভ করিয়াছিলেন, তাহার বলে সুন্দরবন অঞ্চলে রাজ্য বিস্তার করিতে বাইরা তাঁহাকে অনেক যুদ্ধবিগ্রহে অবতীর্ণ হইতে হইয়াছিল; কিন্তু কোনও বাধাবিঘ্নই সীতারামকে পশ্চাৎপদ করিতে পারে নাই, তিনি স্বীয় প্রতিভা ও বীর্যমত্তার তীক্ষ্ণধার কুঠারে সমস্ত বাধা ছেদন পূর্বক বিজয়লাভে সমর্থ হইয়াছিলেন। এইরূপে পরগণার পর পরগণা সীতারামের করায়ত্ত হইতে লাগিল। মোগল সম্রাট ইহাতে কোনও প্রকার বাধা দিলেন না, কারণ সীতারাম রাজস্ব প্রেরণে অবহেলা করেন নাই, বিশেষতঃ সীতারামের হস্তে বহু পাঠান নির্যাতিত ও দমিত হইতেছিল, ইহাতে সম্রাটের বরং লাভই হইয়াছিল। ৪৪ টা পরগণা লইয়া সীতারামের রাজ্য গঠিত হইয়াছিল এবং প্রায় এক কোটি টাকা রাজস্ব আদায় হইত।

যে রাজা প্রজার মঙ্গলবিধানে ও রাজ্যের উন্নতিসাধনে তৎপর না হইয়া কেবল রাজ্যবৃদ্ধি, কোষাগারপূর্ণ এবং বিলাসব্যসনই একমাত্র কর্তব্য কর্ত্ত্ব বলিয়া বিবেচনা করে, সে রাজা নামের কলঙ্ক মাত্র। সীতারামরায় সামান্য রাজা হইলেও রাজার কর্ত্তব্য তিনি অক্ষরে অক্ষরে পালন করিতেন, প্রজার হিতসাধন তাঁহার প্রধান লক্ষ্য ছিল। আর কিছু

বাংলার বীর

না ইউক, অন্ততঃ জলদান-কীর্তি সীতারামকে অমর করিয়া রাখিয়াছে। অত্য়াপি যশোহর-খুলনা অঞ্চলে সীতারাম কর্তৃক খনিত বহু বিশাল দীর্ঘিকা বিরাজিত থাকিয়া তাঁহার জলদানরূপ পুণ্যব্রতের সাক্ষ্য দিতেছে। সীতারামের সঙ্গে ২২০০ শত কোদালী থাকিত বলিয়া কথিত আছে, এই কোদালিদল আবশ্যক মত যুদ্ধ করিত এবং সীতারাম যে পথ দিয়া গমন করিতেন সেই পথে জলাশয় খনন করিতে করিতে অগ্রসর হইত। এইরূপ প্রবাদ যে, সীতারাম প্রত্যহ নূতন পুষ্করিণীর জলে স্নান করিতেন। সীতারামের এইরূপ জলাশয় প্রতিষ্ঠার প্রবৃত্তির ফলে তাঁহার রাজ্যের প্রজাবৃন্দ কখনও জলকষ্ট অনুভব করে নাই। জলকষ্ট যে কি ভীষণ তাহা বঙ্গের অধিবাসিগণ আজকাল গ্রীষ্মকালে বিশেষভাবে অনুভব করিতেছে। যদি এই হতভাগ্য বঙ্গদেশে সীতারামের মত একজন জলদানকারী মহাত্মা এ যুগে জন্মগ্রহণ করিতেন, তবে বঙ্গপল্লীর অধিবাসিগণ প্রাণ ভরিয়া সুপেয় জলপান পূর্বক তৃপ্তিলাভ করিতে পারিত। কিন্তু হায়, এ আশা যে শুধু কল্পনা মাত্র !

প্রজাগণের অল্লকষ্ট নিবারণের জন্ত রাজা সীতারাম যত্নের ক্রটি করেন নাই। আবাদী সনন্দের বলে তিনি সুন্দরবন অঞ্চলে এত অধিক আবাদী ভূমি আয়ত্ত করিয়া লইয়াছিলেন যে, সেই সকল ভূমি হইতে উৎপন্ন ফসলে রাজ্যের প্রজাবৃন্দ উদর পূরিয়া আহার করিয়া বিক্রয়, দান, বিতরণ প্রভৃতি সংকার্য্যদ্বারা সুখে স্বচ্ছন্দে কালাতিপাত করিত। এই সময়ে বাংলার নবাব ছিলেন শায়েস্তা খাঁ। তাঁহার সময় টাকায়

আট মণ চাউল বিক্রয় হইয়াছিল, ইহা এখন প্রবাদ-বচনের মধ্যে পরিণত হইয়াছে। বঙ্গের এই অন্নকষ্টের দিনে আমরা সেই বিগত স্বর্ণযুগের সুখসৌভাগ্যের পরিকল্পনাও করিতে পারি না।

শিক্ষাবিস্তার এবং জ্ঞানালোচনায়ও সীতারাম কোনও অংশে ন্যূন ছিলেন না। জ্ঞানালোচনায় রাজধানী মহম্মদপুর বিশেষ খ্যাতি ও প্রতিপত্তি লাভ করিয়াছিল। বহু টোল এবং চতুষ্পাঠীদ্বারা মহম্মদপুর পরিশোভিত হইয়াছিল। বিবিধ বিষয়ে পারদর্শী শাস্ত্রবিশারদ ব্রাহ্মণ-পণ্ডিতবর্গ সেই সমুদায় শিক্ষাকেতনে নানা বিষয়ের পঠনপাঠন করিতেন। সীতারাম অধ্যাপক এবং ব্রাহ্মণ পণ্ডিতগণকে বহু ভূমি দান করিয়াছিলেন, আজও তাঁহাদের অনেকের বংশধরগণ তাহা ভোগ করিতেছেন; এমন কি অনেকে সেই সমস্ত বৃত্তির বলে আজকাল জমীদার নামে অভিহিত ও সম্মানিত হইতেছেন। কেবল হিন্দুদিগের শিক্ষাবিস্তারই যে সীতারামের উদ্দেশ্য ছিল তাহা নহে, তিনি তাঁহার মুসলমান প্রজাগণের বিদ্যাশিক্ষার জন্ত মক্তব ও মাদ্রাসা স্থাপন করিয়া মৌলবী ও মুন্সীদিগকে ভূবৃত্তি দান করিয়াছিলেন। ধর্মপ্রবণতা বালাকাল হইতেই সীতারামের হৃদয়ে প্রবেশ লাভ করিয়াছিল এবং বয়োবৃদ্ধির সঙ্গে সঙ্গে তাহা পরিপুষ্ট লাভ করিতেছিল। রাজ্য এবং প্রতিপত্তি লাভ করিলে অনেকে যেমন ধর্মপ্রবৃত্তি জলাঞ্জলি দিয়া উচ্ছৃঙ্খল হইয়া ওঠে সীতারাম সেরূপ ছিলেন না। তাঁহার নৈতিক চরিত্র সম্বন্ধে অনেক প্রকার অপবাদ শুনিতে পাওয়া যায় বটে, কিন্তু তাহাদের অধিকাংশই

বাংলার বীর

অতিরঞ্জিত, ভিত্তিহীন এবং শত্রু-কপোলকল্পিত। যদিও তাঁহার চরিত্রে কোনও কলঙ্ক স্পর্শ করিয়া থাকে, তাহা চন্দ্রে কলঙ্ক-রেখার গায় ধর্তব্যের মধ্যে নহে। সীতারাম স্বীয় রাজ্যের নানাস্থানে মন্দিরাদি নির্মাণ এবং ব্রাহ্মণদিগকে ব্রহ্মোত্তর ও দেবোত্তর দান করিয়া দেবসেবায় বন্দোবস্ত করিয়া দিয়াছিলেন। সীতারাম-প্রতিষ্ঠিত বহু দেবালয়ে এখনো প্রাতঃ-সন্ধ্যায় আরতিধ্বনি তাঁহার ধর্মপ্রাণতা ঘোষণা করিতেছে ;—সীতারামের স্থাপিত শত শত বিগ্রহ এখনো ধর্মপ্রাণ হিন্দুর শ্রদ্ধাভক্তি আকর্ষণ করিয়া সেই অতীতকালের সাক্ষিস্বরূপ বিরাজ করিতেছে।

শিল্পবাণিজ্য সীতারামকর্তৃক বিশেষরূপ উৎসাহ পাইয়া বথেষ্ট উন্নতিলাভ করিয়াছিল। সেই উৎসাহ-দানের ফলেই রাজধানী মহম্মদপুর একটী সমৃদ্ধিপূর্ণ ধনজনশালী নগরে পরিণত হইয়াছিল।

সীতারামের রাজ্য বথেষ্ট বৃদ্ধি পাইয়াছে, সুরক্ষিত রাজধানী স্থাপিত হইয়াছে, তিনি রাজ্য উপাধি গ্রহণ করিয়াছেন, অস্ত্রশস্ত্র এবং দুর্গ ও সৈন্যাদিরও অভাব নাই, প্রজাবৃন্দ তাঁহার অনুগত, প্রভাবপ্রতিপত্তিও তিনি বথেষ্ট লাভ করিয়াছেন। প্রবল প্রতাপশালী আওরঙ্গজেব তখন আর ইহলোকে নাই। তাঁহার তিরোধানের সঙ্গে সঙ্গেই ভ্রাতৃবিরোধের ফলে মোগলরাজ্য বাণির বাঁধের মত শিথিল হইয়া ভাঙ্গিয়া পড়িতেছিল। বঙ্গের শাসনকর্তারাও ঘোর অত্যাচারী হইয়া প্রজাবর্গের প্রীতি ও শ্রদ্ধা হইতে বঞ্চিত হইয়া পড়িতেছিলেন। স্বাধীনতা প্রয়াসী সীতারাম এই সমুদায় অশুভ অবস্থা উপেক্ষা করিতে পারিলেন না। স্বাধীন

হিন্দুরাজের ছায় রাজশক্তি পরিচালনার জন্ত সীতারামের বীর-হৃদয় আকুল হইয়া উঠিল। সৌভাগ্যবশতঃ বঙ্গের তৎসাময়িক রাজনৈতিক অবস্থা তাঁহার অভীষ্টসাধনের অনুকূল হইয়া পড়িল। আজিম উদ্দীন তখন বঙ্গেশ্বররূপে ঢাকায় অবস্থান করিতেছিলেন। প্রজাপীড়ক অত্যাচারী আবুতোরাব ভূষণার ফৌজদার, তিনি কর আদায় করিতেন। কিন্তু সীতারাম এই অত্যাচারী ফৌজদারকে বিন্দুমাত্রও গ্রাহ করিতেন না। তিনি ফৌজদারকে কর প্রদান বন্ধ করিলেন। ফৌজদার সীতারামকে ভয় প্রদর্শন করিতে ক্রটি করিলেন না, কিন্তু সীতারাম তাহাতে বিচলিত হইলেন না। অবশেষে ফৌজদারের প্রেরিত অনুচর মহম্মদপুরে আসিয়া সীতারামের প্রকাণ্ড রাজসভায় বাকী রাজস্বের জন্ত তাঁহাকে অপমানিত করিল। আত্মসম্মানে আঘাত প্রাপ্ত হইয়া বীর সীতারামের ক্রোধান্বিত প্রজ্বলিত হইয়া উঠিল; তিনি প্রতিজ্ঞা করিলেন, মোগলকে আর রাজস্ব প্রদান করিবেন না।

বঙ্গের একজন সামান্য হিন্দু জমীদারের এই স্পর্ধা ফৌজদার সাহেবের সহ্য হইল না; তিনি সীতারামকে যথোচিত শিক্ষাদানের জন্ত বন্ধপরিষ্কার হইলেন। বঙ্গেশ্বর আজিম উদ্দীন তখন পুত্র ফরখশায়ারের উপর বঙ্গশাসন-ভার অর্পণ পূর্বক দিল্লীর সিংহাসন লাভের জন্ত তথায় গমন করিয়া ভ্রাতৃবিরোধে যোগদান করিয়াছিলেন। ফরখশায়ার পাটনায় অবস্থান করিয়া দিল্লী হইতে পিতার বিজয়-বার্তা প্রাপ্তির চিন্তায় কালক্ষয় করিতে লাগিলেন; সুতরাং ফৌজদার আবুতোরাবকে

বাংলার বীর

একাকীই সীতারামের বিরুদ্ধে অবতীর্ণ হইতে হইল। তিনি মনে করিয়া-
ছিলেন তাঁহার যে সেনাবল আছে, তদ্বারাই তিনি অনায়াসে বাংলার এই
সামান্য জমীদারকে শিক্ষাদান করিতে সমর্থ হইবেন। কিন্তু স্ক্রকৌশলী
সীতারাম স্বীয় রাজ্য রক্ষার জন্ত যে শক্তিসঞ্চয় করিয়া রাখিয়াছিলেন,
তাহা ফৌজদারের কল্পনার অতীত ছিল। সীতারামের রাজ্য নদনদী,
বন, খাল, বিল, ইত্যাদিতে সমাচ্ছন্ন, বিশেষতঃ রাজধানী মহম্মদপুর
এমন স্থানে সংস্থাপিত যে, সহসা কোনও বহিঃশত্রু আক্রমণ করিয়া তাহার
অনিষ্ট সাধন করিতে সমর্থ হইত না। ফৌজদার সৈন্তসামন্ত লইয়া
সীতারামের বিরুদ্ধে অবতীর্ণ হইলেন, কিন্তু তাঁহার সমস্ত দর্প, সমস্ত আশা-
ভরসা চূর্ণবিচূর্ণ হইল। একবার নয়, দুইবার নয়, পুনঃ পুনঃ এই-
ভাবে ফৌজদার সীতারামের নিকট পরাজিত হইতে লাগিলেন। পরাজিত
হইয়াও কিন্তু আবুতোরাব স্বীয় প্রতিজ্ঞার কথা বিন্ধিত হইতে পারিলেন
না। অবশেষে স্বীয় সেনাপতি পীর খাঁর উপর সীতারামকে সমুচিত শিক্ষা-
দানের ভার অর্পণ করিলেন। মধুমতী নদী উত্তীর্ণ হইয়া বাহাতে মুসলমান
সৈন্ত অগ্রসর হইতে না পারে এইজন্ত সীতারাম পারবাটার এবং মধুমতীর
বনময় তীরভাগে কামানশ্রেণী ও সেনানিবাস সুসজ্জিত করিয়া রাখিয়া-
ছিলেন। একদিন সহসা মধুমতী-তীর সৈন্ত-কোলাহলে ও কামানগর্জনে
প্রকম্পিত হইয়া উঠিল। শোণিত-শ্রোতে নদীকূল প্রাবিত হইয়া মধুমতী-
নীর রঞ্জিত হইয়া উঠিল। সীতারামের বীর সেনাপতি মুনিরামের
নেতৃত্বে এই যুদ্ধ পরিচালিত হইতেছিল, অপর পক্ষের নেতা ছিল স্বয়ং

আবুতোরাব খাঁ। এই যুদ্ধে আবুতোরাব পরাজিত ও নিহত হইলেন। মুসলমান সৈন্তগণ ছত্রভঙ্গ হইয়া পড়ায় সীতারাম অতি সহজেই ভূষণ-দুর্গ অধিকার করিয়া লইলেন। অতঃপর মহম্মদপুরের ভার মুনিরামের উপর অর্পিত হইল, সীতারাম স্বয়ং নববিজিত ভূষণ-দুর্গের ভার গ্রহণ করিয়া তথায় অবস্থান করিতে লাগিলেন। এই সময় হইতে সীতারামের পরাক্রম আরও বর্দ্ধিত হইল। তিনি বেশ বৃদ্ধিতে পারিয়াছিলেন যে, তাঁহার এই বিজয়লাভের পরিণাম অতি ভীষণ হইবে, এইবার হয়ত মোগল সম্রাটের সহিত সাক্ষাৎ সম্বন্ধে সমর-ক্ষেত্রে অবতীর্ণ হইতে হইবে। ইহা বৃদ্ধিতে পারিয়াই দূরদর্শী সমরনীতি-বিশারদ সীতারাম বিপুল অস্ত্রশস্ত্র সংগ্রহ করিয়া সৈন্তসংখ্যা বৃদ্ধি পূর্বক তাহাদিগকে সুশিক্ষিত করিতে লাগিলেন।

মোগল-ফৌজদারের নিধন-সংবাদ মুর্শিদাবাদে পৌঁছিল। মুর্শিদাবাদ তখন বাংলার রাজধানী, আর মুর্শিদকুলি খাঁ বাংলার নবাবী-গদীতে সমাসীন। তোরাব খাঁর এবস্থি শোচনীয় পরিণামে তিনি সীতারামের উপর অত্যন্ত বিরক্ত হইয়া তাঁহার কৃতকর্মের উপযুক্ত প্রতিকূল প্রদানের নিমিত্ত সঙ্কল্প করিলেন। হাসান আলি খাঁ নামক এক ব্যক্তি ভূষণার ফৌজদার নিযুক্ত হইয়া সৈন্তসহ তথায় প্রেরিত হইল। ভূষণার মোগল-মুগ্ধীত যাবতীয় জমীদারবর্গের উপর মুর্শিদকুলি খাঁ পরোয়ানা জারি করিলেন যে, সকলেই যেন সীতারামের বিরুদ্ধে ফৌজদারকে সাহায্য করে, কোনও জমীদার সীতারামকে কোনও প্রকারে সাহায্য করিতে

বাংলার বীর

পারিবে না। যদি কেহ সাহায্য করে, অথবা কাহারও জমীদারীর মধ্য দিয়া সীতারামের সৈন্য পলায়ন করে, তবে সেই জমীদারী বাজেয়াপ্ত করিয়া জমীদারকে কঠোর শাস্তি দেওয়া হইবে। প্রজাপীড়ক মুর্শিদকুলি খাঁর ভয়ে জমীদারবর্গ সন্ত্রাসিত হইয়া পড়িল। পূর্বে যাহারা সীতারামকে সাহায্য করিবে বলিয়া প্রতিশ্রুতি দিয়াছিল, আজ তাহারা উৎপীড়নের ভয়ে প্রতিজ্ঞা ভঙ্গ করিতে কুণ্ঠিত হইল না। কেহ বা বিশ্বাস-ঘাতকতারও পরাকাষ্ঠা প্রদর্শন করিয়া মুর্শিদকুলি খাঁর প্রিয়পাত্র হইবার স্লযোগ অন্বেষণ করিতে লাগিল। সীতারাম যাহাদের বলে বলীয়ান হইয়া মোগলের বিরুদ্ধাচরণে অবতীর্ণ হইয়াছিলেন, তাহারা আজ একে একে দূরে সরিয়া পড়িতেছে দেখিয়া তিনি হৃদয়ে দারুণ আঘাত পাইলেন। কিন্তু তজ্জাচ তিনি স্থায়ী সঙ্কল্প হইতে বিচলিত হইলেন না। শৃগালবৃত্তি অবলম্বন করিয়া মোগলের অনুরূপ-ভিখারী হওয়া অপেক্ষা স্বাধীনতা রক্ষার জন্ত সংগ্রাম করিয়া জীবন বিসর্জন দেওয়া গৌরবের কথা এবং তাহাই বীরবাহিত। সীতারাম যদি শৃগালবৃত্তি অবলম্বন করিয়া মোগলের পদানত হইতেন, তবে আজও এই বৃটিশরাজের যুগে তাঁহার বংশধর মহম্মদপুর রাজপ্রাসাদে অবস্থান করতঃ রাজা বা মহারাজের উচ্চ সম্মানে ভূষিত হইয়া অতুল সম্ভ্রম লাভ করিতে সমর্থ হইতেন। কিন্তু সীতারাম সেই হীন যশোলাভের জন্ত লালায়িত ছিলেন না; তাঁহার লক্ষ্য ছিল আরও উচ্চ,—বঙ্গের,—বাঙ্গালীর স্বাধীনতা ছিল তাঁহার আকাঙ্ক্ষা। তারপর যখন তিনি বুঝিতে পারিলেন যে, প্রচণ্ড মোগল শক্তির সহিত

সংঘর্ষে তিনি সম্পূর্ণরূপেই চূর্ণবিচূর্ণ হইয়া যাইবেন, দেশবাসী তাঁহার সাহায্য করিবে না, তখনও তিনি নিজের অথবা ভাবী বংশধরের জন্ত বিন্দুমাত্র চিন্তা করিলেন না, স্বীয় বীরত্বের মর্যাদা, আত্মগৌরব এবং প্রতিজ্ঞা রক্ষার জন্ত যত্নবান হইয়া সেই প্রচণ্ড ঘূর্ণাবর্তে বাম্প প্রদান করিলেন।

হাসান আলি খাঁ সংগ্রামসিংহ এবং দয়ারাম নামক দুইজন সহকারীকে লইয়া সীতারামের রাজ্য আক্রমণে যাত্রা করিলেন। সৈন্যদল দুইভাগে বিভক্ত হইল। একদল হাসানের এবং সংগ্রামের নেতৃত্বে পদ্মা দিয়া ভূষণা দখলের জন্ত যাত্রা করিল। অপর দল দয়ারামের নেতৃত্বে রাজধানী মহম্মদপুর আক্রমণে অগ্রসর হইল। এই দয়ারাম রায় রাজসাহীর অন্তর্গত দিঘাপাতিয়া রাজবংশের প্রতিষ্ঠাতা। সীতারাম আলিখাঁর অভিযান-সংবাদ শ্রবণ করিয়া সৈন্যসহ অগ্রসর হইলেন। ভূষণার অনতিদূরে একটা যুদ্ধ হইল, যুদ্ধে সীতারাম রায় জয়লাভ করিলেন। আলি খাঁ যুদ্ধে পরাস্ত হইয়া ভূষণার চারিদিকে সৈন্য সমাবেশ করতঃ অবস্থান করিতে লাগিলেন। এ দিকে দয়ারাম মহম্মদপুর আক্রমণের জন্ত অগ্রসর হইলেন। রাজধানী রক্ষার ভার সেনাপতি রামরূপের (মোনাহাতি) উপর হস্ত ছিল। তিনি বীর, ধার্মিক, প্রজাহরক্ত, অক্লুতদার সংসারে তাঁহার কোনও আসক্তি ছিল না, স্মৃতরাং দেশের জন্ত জীবনহুতি দিতে তিনি পরাঙ্মুখ নহেন। রামরূপের বীরত্বখ্যাতি দয়ারামের নিকট সুপরিচিত। শ্রায়-যুদ্ধে হস্ত দয়ারাম জয়লাভে সমর্থ

বাংলার বীর

হইবেন না, এই ভাবিয়া তিনি স্থগিত পস্থা অবলম্বন করিলেন। রামরূপের হত্যার জন্ত গুপ্ত ঘাতক নিযুক্ত হইল। একদিন রামরূপ তাঁহার চিরাচরিত প্রথামত অতি প্রত্যাষে গাত্রোখান করিয়া সন্ধ্যাবন্দনার জন্ত দোলমঞ্চের পার্শ্ব দিয়া অদূরবর্তী সরোবরে গমন করিতে ছিলেন, এমন সময় পাপিষ্ঠ গুপ্তঘাতকের দল সহসা দোলমঞ্চের চন্দ্রাতপের বন্ধনরজ্জু কাটিয়া দিয়া তদ্বারা রামরূপকে চাপিয়া ধরে। সিংহ জালবদ্ধ হইলে যেমন তাহার সমস্ত পরাক্রম নিষ্ফল হয়, বীর রামরূপ এই ভাবে সহসা চন্দ্রাতপ-দ্বারা চাপা পড়ায় কোনই পরাক্রম প্রদর্শন করিতে সমর্থ হইলেন না। নৃশংস ঘাতকের দল তখন তাঁহাকে পুনঃপুনঃ শূলাঘাতে জর্জরিত করিতে লাগিল। কিন্তু কিছুতেই তাঁহার প্রাণ বহির্গত হইল না। রামরূপ আর মৃত্যুযন্ত্রণা সহ করিতে না পারিয়া ঘাতকদিগকে তাঁহার সহজ হত্যার গুপ্তকথা বলিয়া দিলেন। তাঁহার দক্ষিণ বাহুতে মৃত্যুঞ্জয় কবচ ছিল, সেই কবচ দেহে সংলগ্ন থাকিতে কিছুতেই তাঁহার মৃত্যু হইবে না। ঘাতকগণ রামরূপের মৃত্যুসন্ধান জানিতে পারিয়া তাঁহার দেহ হইতে কবচ খুলিয়া ফেলিল। তখন আর রামরূপের প্রাণবায়ু বহির্গত হইতে বিলম্ব হইল না। কিন্তু বীরের প্রাণ বহির্গত হইবার পূর্বেই নিঃশ্বাস ঘাতকের দল তাঁহার মস্তক কর্তন করিয়া লইয়া চলিয়া গেল। দয়্যারাম স্বীয় কৃতিত্বের নিদর্শন স্বরূপ সেই ছিন্নমুণ্ড নবাব-দরবারে প্রেরণ করিলেন। নবাব মোনাহাতীর সেই বিশাল কর্তিত মস্তক দর্শনে, ভীত ও বিস্মিত হইয়াছিলেন। এমন বীরকে ঐ ভাবে



নবাব-সম্মুখে “মোনাহাতীর” কর্তিত মস্তক

বাংলার বীর—৮২

নিষ্ঠুররূপে হত্যার নিমিত্ত তিনি দয়্যারামকে যথোচিত তিরস্কার করিয়া সসম্মানে ছিন্নমুণ্ড মহম্মদপুরে প্রেরণ করিলেন। হায়, অর্থ-উপাধি রাজানিষ্পায় ভাই ভাইএর সম্মান করিতে পারে নাই, বাঙ্গালী বাঙ্গালীর বীরত্বের পূজা করিতে সমর্থ হয় নাই,—কিন্তু বিদেশী বিধর্মী নবাব বীরত্বের মর্যাদা বিস্মৃত হন নাই! দয়্যারামের দৃষ্টান্ত বাংলায় বিরল নহে, এইরূপ অনেক দয়্যারাম বাংলাদেশ কলুষিত ও কলঙ্কিত করিয়াছে, করিতেছে এবং ভবিষ্যতেও করিতে থাকিবে। ইহা বাংলার প্রতি বিধাতার অভিসম্পাত ; তাহা না হইলে বাংলার ভাগ্য আজ অন্ধকারাচ্ছন্ন কেন ?

কালীগঙ্গার উপকূলে বীরবর মোনাহাতীর মস্তকবিহীন দেহ সৎকার করিয়া দেহাবশেষ সমাহিত করা হইল। ইহার কয়েক দিন পরেই তাহার ছিন্নমুণ্ড নবাব কর্তৃক প্রেরিত হইয়া মহম্মদপুরে আসিয়া পৌঁছিলে, সেই ছিন্ন মস্তক ও ঐ সমাধিস্থলে প্রোথিত করিয়া তাহার উপর ইষ্টক নির্মিত এক স্মৃতিস্তম্ভ রচিত হইল। ৪০।৪৫ বৎসর পূর্বেও এই সমাধি চিহ্নের প্রতি দৃষ্টিপাত করিয়া পথিকগণের চক্ষু জলভারাক্রান্ত হইয়া আসিত,—বীরবরের এবম্বিধ শোচনীয় পরিণাম স্বরণ করিয়া তাহারা অশ্রুবিসর্জন করিত। কালের ঝড়বাত সহিয়া সহিয়া সে স্মৃতি-স্তম্ভ আজ চূর্ণ-বিচর্ণ হইয়া পৃথিবীর ধূলিকণার সহিত মিশিয়া গিয়াছে,—কোনও চিহ্নই সেখানে দেখিতে পাওয়া যায় না। লোকাল-বোর্ডের রাস্তা তাহার উপর দিয়া চলিয়া গিয়াছে। নিজ্জীব অলস বীরত্ব-বিমুখ ক্রাতি আমরা,

বাংলার বীর

কি করিয়া স্বদেশীয় বীরের স্মৃতির প্রতি শ্রদ্ধাঞ্জলি নিবেদন করিতে হয় তাহা আমরা জানিনা, সেই জন্ত এই বীরের স্মৃতিরক্ষার কোনই আয়োজন হইতেছে না। অথচ এই বাংলা দেশেই বিদেশীয়েদের স্মৃতি-ভাণ্ডারে সহস্র সহস্র টাকা চাঁদা দিবার লোকের অভাব দেখা যায় না! মোনাহাতী শুধু বীর ছিলেন না, তিনি রাজনীতি-বিশারদ, আজীবন অক্লান্তদার, আদর্শ চরিত্র, ধার্মিক ও দেবদ্বিজে ভক্তিপরায়ণ ছিলেন। পৃথিবীর অতি অল্প সংখ্যক দেশের ভাগ্যেই একরূপ লোক জন্মগ্রহণ করে। বীরবর মোনাহাতীর দুর্ভাগ্য যে তিনি এই ইতিহাস-বিমুখ আত্মবিশ্বৃত হতভাগ্য দেশে জন্মগ্রহণ করিয়াছিলেন।

ভূষণা দুর্গে যখন বীরবর রামরূপের এই শোচনীয় হত্যার সংবাদ পৌঁছিল তখন দুর্গে যেন একটা হাহাকার পড়িয়া গেল। মোনাহাতী ছিলেন সীতারামের দক্ষিণ হস্ত,—সহায়সম্বল, আশাভরসা। এই বিশ্বাসী বন্ধুর মৃত্যুসংবাদে সীতারামের শিরে যেন সহস্র অশনি-সম্পাত হইল,—তাঁহার চক্ষুর সম্মুখ হইতে সমস্ত আলোক নিভিয়া গেল, বিশ্ব-সংসার তিনি অন্ধকার দেখিতে লাগিলেন। শত্রুর কবল হইতে একই সময়ে ভূষণা এবং মহম্মদপুর রক্ষা করা তাঁহার পক্ষে অসম্ভব বোধ হইল, তিনি মনে মনে যে বিশাল সৌধ রচনা করিতেছিলেন এক নিমেষে তাহা ভাঙ্গিয়া পড়িল। ভূষণা রক্ষার আশা তিনি এক প্রকার বিসর্জন দিয়া মহম্মদপুর রক্ষার জন্তই অধিকতর যত্নবান হইলেন। ভূষণা দুর্গ হইতে অধিকাংশ সৈন্যই রাত্রিযোগে অতি গোপনে মহম্মদপুরে প্রেরিত

হইল এবং অল্প সংখ্যক সৈন্তসহ দুর্গ রক্ষার ভার জনৈক বিশ্বস্ত কর্মচারীর উপর অর্পণ করিয়া সীতারাম স্বয়ং ছদ্মবেশে নিশীথ সময়ে যাইয়া মহম্মদপুরে উপনীত হইলেন।

সীতারাম মহম্মদপুরে আসিয়াই দেখিতে পাইলেন, শত্রু-সৈন্তের বিজয়োল্লাসে চারিদিক কম্পিত হইতেছে। প্রজাগণ ধনজন লইয়া পলাইয়া গিয়াছে, মুসলমানেরা সেই পরিত্যক্ত বাসভবনে অগ্নি প্রদান করিয়া পাশবানন্দে নৃত্য করিতেছে। যদিও রামরূপের সহকারী সৈন্যদ্ব্যাক্ষগণ বিশেষ দক্ষতার সহিত দুর্গরক্ষা করিতেছিলেন, তথাপি সীতারাম বেশ বুঝিতে পারিলেন যে, এইবার তাঁহার আশাভরসা বিলুপ্ত ও জীবনের শেষ যবনিকা নিপতিত হইবে। যে সৈন্ত তাঁহার সম্বল তাহা লইয়া বিপুল শত্রু-সৈন্তের গতিরোধ সম্ভব হইবে না; বিশেষতঃ, দেশের যে জমিদারবর্গের শক্তির উপর নির্ভর করিয়া তিনি এই গুরুতর কার্য্যে হস্তক্ষেপ করিয়াছিলেন,—যাহারা তাঁহাকে আশাভরসা যথেষ্টই দিয়াছিল, তাহারা আজ বিশ্বাসঘাতকতা করিয়া শত্রু সৈন্তের সহিত যোগ দিয়া তাহাদিগকে সাহায্য করিতেছে। সীতারামের আর একটা প্রধান অভাব ছিল; জলযুদ্ধের তেমন কোনও উপযুক্ত উপকরণ তিনি সংগ্রহ করার অবসর পান নাই। দেশের ভবিষ্যৎ ভাবিয়া বীরবর সীতারামের হৃদয় শতধা চূর্ণবিচূর্ণ হইয়া যাইতে লাগিল। এখন তিনি কোন্ পথ অবলম্বন করিবেন? আত্ম-সম্মানে জলাঞ্জলি দিয়া স্বীয় প্রভাব-প্রতিপত্তি এবং জীবন রক্ষা করিতে হইলে মোগলের

বাংলার বীর

পদে মস্তক অবনত করিতে হয়, আর আত্ম-সম্মান রক্ষা করিতে হইলে ধনপ্রাণ, রাজ্যাকাঙ্ক্ষা সমস্তই বিসর্জন দিতে হয়। এতকাল স্বাধীনতার উপাসনা করিয়া শেষে কি তিনি মোগলের চরণে আত্মবিক্রয় করিবেন? কখনই না। রামরূপের অশরীরী আত্মা যেন অন্তরীক্ষে থাকিয়া বজ্রকটোর স্বরে বলিতেছিল,—“কখনই না, ধনপ্রাণ রাজ্যসম্পদ যায় যাউক, তথাপি পথচ্যুত হইও না, স্বাধীনতার সাধন বিন্ধুত হইও না!” সীতারাম যখন বুঝিলেন, এবার আর মোগলের কবল হইতে মহম্মদপুর রক্ষা করা যাইবে না, তখন তিনি দুর্গাভ্যন্তরবাসী আত্মীয়স্বজন বালকবালিকা ও স্ত্রীলোকদিগকে গোপনে নৌকাযোগে অন্ত্র প্রেরণ করিলেন।

হাসান আলি খাঁ এবং দয়ারামের সৈন্যদল মধুমতী নদী দিয়া নগর আক্রমণের জন্ত অগ্রসর হইতে লাগিল। তাহাদিগকে বাধা দিবার জন্ত মধুমতী নদীতীরে কামানশ্রেণী সজ্জিত করিয়া রাখা হইয়াছিল, কিন্তু সৈন্যপক্ষের রণতরী হইতে অশ্রান্ত গোলাবর্ষণের ফলে ঐ কামানশ্রেণী বিশেষ কিছু কার্য্য করিতে সমর্থ হইল না। শত্রুগণ সীতারামের কামানসমূহ অধিকার করিয়া লইল। রামসাগরের তীরভূমি হইতে দুর্গ-তোরণ পর্য্যন্ত সুবিস্তৃত ভূভাগ রণক্ষেত্রে পরিণত হইল। কয়েক দিন ধরিয়া ভীষণ যুদ্ধ চলিল। সীতারামের সৈন্য ও সেনাপতিগণ একে একে সমর-শয্যা শায়িত হইলেন। সীতারাম স্বয়ং দুর্গরক্ষায় নিযুক্ত ছিলেন, যখন দেখিলেন, সমস্তই নিঃশেষিতপ্রায়, আর জয়লাভের আশা নাই, তখন দুর্গ পরিত্যাগ করিয়া উদ্ধুক্ত তরবারি হস্তে রণক্ষেত্রে

অবতীর্ণ হইয়া অসাধারণ বীরত্বের পরিচয় প্রদান করিতে লাগিলেন, কিন্তু কিছুতেই কিছু হইল না। বীরবর যুদ্ধে আহত হইয়া অবসন্ন শরীরে দয়ারামকর্তৃক ধৃত হইলেন। এই স্থলে সীতারামের শৌর্য্যবীৰ্য্য আশা-আকাঙ্ক্ষা সমস্তের পরিসমাপ্তি হইল। সীতারাম দয়ারাম কর্তৃক বন্দী হইয়া মুর্শিদাবাদে নীত হইলেন, পথে নাটোরের কারাগারে তাঁহাকে কিছুদিন অবস্থান করিতে হইয়াছিল। মুর্শিদাবাদে বাইয়া তাঁহাকে বেশী দিন কারাযন্ত্রণা ভোগ করিতে হয় নাই, অল্পকাল পরেই বীরবর বীরের বাঞ্ছিত অমরধামে প্রস্থান করিলেন। মুর্শিদাবাদে গঙ্গাতীরে তাঁহার দেহ সৎকার করা হইল। সীতারাম গিয়াছেন, চিতাবন্দি নির্বাপিত হইয়া গিয়াছে, তাঁহার শ্মশানের চিহ্নমাত্র নাই, তাঁহার বংশ-ধরেরা ধরা-বন্ধ হইতে বিলুপ্ত হইয়াছেন, তাঁহার কীর্ত্তিরশিও অধিকাংশ কালের কুক্ষিগত হইয়াছে, কিন্তু সীতারামের বীরত্বকাহিনী, স্বাধীনতার প্রচেষ্টা চিরদিন ঘোষিত হইয়া তাঁহাকে অমর করিয়া রাখিবে।

হায় দুর্বল, ক্লম, আলস্য-নিদ্রাভিভূত বাঙ্গালী ! একবার প্রতাপের কীর্ত্তি, সীতারামের কীর্ত্তি,—তোমার স্বদেশীয়ের সংগ্রাম-কুশলতা,—তোমার পূর্বপুরুষগণের বীৰ্য্যমত্তা স্মরণ করিয়া অমৃতপ্ত হৃদয়ে দুই ফোঁটা অশ্রুবিসর্জন করিতে শিক্ষা কর,—আর সঙ্গে সঙ্গে তোমার বর্ত্তমান ও ভবিষ্যৎ সেই অতীত গৌরব-গরিমায় আবার ভূষিত করিতে চেষ্টা কর।

রাজা রামচন্দ্র

বর্তমান বাথরগঞ্জ জেলায় চন্দ্রদ্বীপ বা বাকলা অবস্থিত। চন্দ্রদ্বীপের রাজগণ শৌর্যবীর্যে সবিশেষ প্রতিষ্ঠাপন্ন ছিলেন। তাঁহাদের সামাজিক আধিপত্য, শাসন-নীতি, রণ-দক্ষতা, অসীম পরাক্রম, স্বাধীনতা সংরক্ষণের জন্ত সংগ্রাম প্রভৃতি গুণনিচয় ইতিহাসের পৃষ্ঠাকে গৌরবান্বিত করিয়া রাখিয়াছে। তৎকালীন চন্দ্রদ্বীপের অপ্রতিহত পরাক্রম সূদূর সমুদ্র-বেলা পর্য্যন্ত বিস্তৃতি লাভ করিয়াছিল। এমন কি অসীম প্রতাপশালী মোগল-সম্রাটের হৃদয়েও আশঙ্কা ও আতঙ্কের সৃষ্টি করিতে ক্রটি করে নাই।

অনুমান ১৫৮৫ খ্রীষ্টাব্দে আকবরের রাজত্ব সময়ে রাজা কন্দর্পনারায়ণ চন্দ্রদ্বীপের রাজসিংহাসনে উপবিষ্ট হন। ইনি বঙ্গীয় বারভূঞার অগ্রতম। মগ-দস্যুদিগের অত্যাচারনিবন্ধন তিনি পূর্ব রাজধানী কচুয়া হইতে রাজপাট স্থানান্তরিত করিয়া মাধবপাশা নামক স্থানে সংস্থাপিত করেন। এই স্থানে রাজ্যস্থাপন সময়ে “গাজী” নামধারী পাঠান সর্দারদিগের সহিত তাঁহার তুমুল সংগ্রাম হয়, যুদ্ধে কন্দর্পনারায়ণ জয়লাভ করেন, পরাজিত পাঠানেরা দেশত্যাগ করিয়া পলায়ন করে। তাঁহার বিরাট নৌবাহিনী ও অনলবর্ষী কামানসমূহ সর্বদা সমুদ্রকূলে শত্রুদলনের জন্ত প্রস্তুত থাকিত। পর্ভুগীজ ও মগ-দস্যুদিগের বিরুদ্ধে তাঁহাকে বহুবার অভিযান করিতে হইয়াছিল এবং বহু জল ও স্থল যুদ্ধে তাঁহার কমানসমূহ

অনল উদগীরণ করিয়া শত্রু-হৃদয়ে ভীতির সঞ্চার করিয়াছিল। বহু পর্য্যটকের ভ্রমণগ্রন্থে কন্দর্পনারায়ণের সেই বীরত্ব কাহিনী লিপিবদ্ধ রহিয়াছে। এখনও কন্দর্পনারায়ণের একটা পিত্তলের কামান বর্তমান রহিয়াছে। পর্ভুগীজ ও মগ-দস্যুদিগকে পরাজিত করিয়া তাহাদের অত্যাচার হইতে দেশ রক্ষা করিবার নিমিত্ত যশোহরেশ্বর প্রতাপাদিত্য এই বীরের সহিত বন্ধুত্ব স্থাপন করিয়াছিলেন। মগদিগের সহিত ২১১টী যুদ্ধে প্রতাপাদিত্যও কন্দর্পনারায়ণকে সৈন্যদ্বারা সাহায্য করিয়াছিলেন। মধ্যাহ্ন ভাস্করের ত্রায় প্রবল পরাক্রমে প্রায় ষোড়শবর্ষ রাজত্ব করিয়া বীরকেশরী কন্দর্পনারায়ণ বীরোচিত ধামে প্রস্থান করেন। বাংলার সেই বীর-যুগের ইতিহাস আজ আনন্দ-তন্দ্রাবিজড়িত বিলাসী বাঙ্গালীর চক্ষে একটা সুদূর অতীতের কল্পনা-রেখারই মত প্রতীয়মান হইতেছে। রাজা রামচন্দ্র এই বীর কন্দর্পনারায়ণের উপযুক্ত পুত্র।

যশোহরেশ্বর প্রতাপাদিত্য কন্দর্পনারায়ণের সহিত বন্ধুত্ব সুদৃঢ় করিবার জন্ত স্বীয় কনিষ্ঠা তনয়া বিমলার সহিত কন্দর্প-পুত্র রামচন্দ্রের বিবাহ-সম্বন্ধ স্থির করেন। কিন্তু পাত্রপাত্রী উভয়েই নিতান্ত নাবালক থাকায় বিবাহ কয়েক বৎসরের জন্ত স্থগিত থাকে। ১৫৯৬ খ্রীষ্টাব্দে সহসা পরপারের আফ্রানে কন্দর্পনারায়ণ মহাপ্রস্থান করিলেন, পুত্রের বিবাহ দর্শন তাঁহার অদৃষ্টে ঘটিল না। তখন রামচন্দ্রের বয়স মাত্র ছয় বৎসর। কন্দর্প-মহিষী এই অপ্রাপ্তবয়স্ক পুত্রের অভিভাবিকাস্বরূপ বাকলা-রাজ্যের শাসন-দণ্ড পরিচালনা করিতে লাগিলেন। যদিও তখনও

বাংলার বীর

প্রতাপহুহিতার সহিত রামচন্দ্রের বিবাহ হয় নাই, তথাপি এই দুই পরিবারে যথেষ্ট ঘনিষ্ঠতা বন্ধমূল হইয়াছিল। প্রতাপ ভাবী বৈবাহিকাকে রাজ্য-শাসনের গুরুতর বিষয়সমূহে যথাসাধ্য সাহায্য করিতেন।

১৬০২ খ্রীষ্টাব্দের শেষ ভাগে রামচন্দ্র ত্রয়োদশ বর্ষে পদার্পণ করিলেন, বিমলার বয়স তখন প্রায় দ্বাদশ বর্ষ। তৎকাল-প্রচলিত প্রথানুযায়ী বালিকার এই বয়সই বিবাহের পক্ষে অতিরিক্ত। কাজেই প্রতাপাদিত্যের আগ্রহাতিশয্যে বিবাহের দিন নির্দ্ধারিত হইল। রামচন্দ্রের জননীও কোনও আপত্তির কারণ নাই, কারণ ইহা বঙ্গদেশ, এদেশে মাতা পুত্রের বিবাহের জন্ত পরম আগ্রহান্বিতা; পুত্র রুগ্ন হউক, পরিবার প্রতিপালনে অসমর্থ হউক, তাহা বাঙ্গালীর স্নেহান্ব জননী বিন্দুমাত্রও বিবেচনা করিয়া দেখিবার অবসর পান না; পুত্রবধূর মুখদর্শন করিবার সুখকল্পনা সমস্ত প্রীতিবন্ধক, সর্বপ্রকার প্রতিকূলতাকে অগ্রাহ্য করিয়া কেবল মাত্র একটা মাদকতার নৃত্য করিয়া উঠে। জননীর স্নেহান্ব দৃষ্টি দোঁথিতে পায়না যে, সেই তাঁহার আনন্দের অন্তরালে গরল না অমৃত রহিয়াছে। এক্ষেত্রে বাকলার ভাবী রাজেশ্বরের বিবাহ, সুতরাং ক্ষমতা অক্ষমতার কোনও কথাই উঠিতে পারে না। চন্দ্রদ্বীপ ও যশোহর-রাজ্য বিবাহের আনন্দ-রবে মুগ্ধিত হইয়া উঠিল। তখন বাঙ্গালী পোতের প্রচলন হয় নাই, সুতরাং মাধবপাশা হইতে যশোহর পর্য্যন্ত সুদীর্ঘ পথ অতিক্রমের একমাত্র যান ছিল নৌকা। নির্দিষ্ট শুভদিনে প্রকাণ্ড প্রকাণ্ড নৌকার এক বিরাট বহর অপূর্ব সজ্জায় সজ্জিত হইয়া জনকোলাহলে ও বাস্তোত্তমে

উভয় তীরে বিস্ময় ও ভীতির সঞ্চার করিতে করিতে বর ও বরধাত্রীসহ যশোহর অভিমুখে যাত্রা করিল। অঙ্গরক্ষী সৈন্ত এবং কামানদ্বারা সজ্জিত কয়েকখানি বড় নৌকা তাহাদের অনুগমন করিল।

নির্বিঘ্নে বিবাহাদি ক্রিয়া সম্পন্ন হইল। কিন্তু এই সময় যে একটা দুর্ঘটনার সূত্রপাত হইল তাহা অতিরঞ্জনের তুলিকায় নানাভাবে রঞ্জিত হইয়া প্রতাপ চরিত্রে একটা দুঃপনেন্স কলঙ্ক-কালিমার আরোপ করিয়া রাখিয়াছে।

রামচন্দ্রের সহিত রমাই ঢুঙ্গী নামক জটৈক বিদূষক আসিয়াছিল। হাশুপরিহাসে জনমণ্ডলীকে আনন্দদানই তাহার কার্য। প্রকাশ যে, রমাই ঢুঙ্গীর কোনও বিশেষ পরিহাসে প্রতাপ-মহিষী অত্যন্ত অবমাননা অনুভব করিয়া স্বামিসকাশে ঢুঙ্গীর সেই অভদ্রতা জ্ঞাপন করেন। প্রতাপ তখন মত্তপানে অপ্রকৃতিস্থ ছিলেন, ঢুঙ্গীকর্তৃক পত্নীর অবমাননা অবগত হইয়া তিনি নবজামাতা ও ঢুঙ্গী উভয়েরই প্রাণবিনাশের আজ্ঞা দিলেন। বাসর-গৃহে রামচন্দ্র পত্নীর মুখে এই ভীষণ সংবাদ অবগত হইয়া পলায়নের চেষ্টা করেন, কিন্তু সুরক্ষিত রাজপুরীর গুপ্ত পথ অবগত না থাকায় নিশীথে পলায়ন তাঁহার পক্ষে অসম্ভব হইয়া উঠে। বিমলা পিতার প্রকৃতি সম্যক অবগত ছিলেন, তাঁহার আদেশ অশ্রুধা হইবার নহে। সাধবী স্বামীর জীবন রক্ষার জ্ঞাত গুপ্ত পথের সন্ধান বলিয়া দিয়া তাঁহাকে গোপনে রাজভবন হইতে বহির্গত করিয়া দিলেন। বহির্ভাগে রামচন্দ্রের শরীর-রক্ষী সৈন্ত এবং নৌকা সমূহ অপেক্ষা করিতেছিল। তিনি অনতিবিলম্বে

বাংলার বীর

একটা ৬৪ দাঁড় বিশিষ্ট কামান-সজ্জিত নৌকায় আরোহণ করিয়া সেই রাত্রিতেই যশোহর হইতে বহির্গত হইয়া পড়িলেন। যখন প্রতাপাদিত্যের নিকট জামাতার পলায়ন-সংবাদ পৌঁছিল, তখন তিনি স্বীয় ঔদ্ধত্যের জ্ঞাত অনুতপ্ত হইয়া জামাতাকে প্রত্যাবর্তন করাইবার নিমিত্ত নৌকা প্রেরণ করিলেন, কিন্তু রামচন্দ্রের বায়ুগামী তরণী তখন যশোহর-রাজ্যের সীমা অতিক্রম করিয়া বাকলা-রাজ্যের সীমান্তবর্তী হইয়া পড়িয়াছে।

কোনও কোনও ঐতিহাসিক বলেন, বাকলা-রাজ্য হস্তগত করাই প্রতাপের উদ্দেশ্য ছিল, এবং সেই উদ্দেশ্যসাধনের জ্ঞাতই রামচন্দ্রকে স্বগৃহে আনিয়া তাঁহার হত্যাসাধনের চেষ্টা করিয়াছিলেন। এই অভিমত যে সম্পূর্ণ ভিত্তিহীন এবং প্রতাপাদিত্য যে অতটা নারকীয় ভাবে পরিপূর্ণ নহেন, তাহা নানাদিক দিয়া বিচার করিয়া দেখিলে স্পষ্টই প্রতীয়মান হয়। বাকলা-রাজ্য অধিকার করিবার ইচ্ছা থাকিলে তিনি পূর্বে যথেষ্ট সূচোগ পাইয়াছিলেন, পুত্রতুল্য জামাতার জীবন ও স্নেহের পুত্তলী আদরিণী কনিষ্ঠা কন্যার সুখশান্তির বিনিময়ে সে সূচোগ অশেষবণের কোনই প্রয়োজন ছিল না। তবে যে কারণেই হউক, রামচন্দ্র বিবাহ-রজনীতেই যে স্বপ্নর-গৃহ হইতে পলায়ন করিয়াছিলেন এ কথা সত্য।

রামচন্দ্র মাধবপাশায় পৌঁছিলেন, নবপরিণীতা অভাগিনী বিমলা সর্বস্বত্ব বঞ্চিত হইয়া পিতৃভবনেই দিনপাত করিতে লাগিলেন। রামচন্দ্র স্বপ্নর বা পত্নীর সহিত আর কোনই সম্বন্ধ রাখিলেন না। কিন্তু কয়েক বৎসর পরে বিমলা পিতার অনুমতি লইয়া স্বয়ং আগিয়া পতি-

ভবনে উপস্থিত হন, রাজমাতা পুত্রবধূকে সম্মেহে সাদরে গৃহে তুলিয়া লইলেন। রামচন্দ্র যদিও কয়েক দিন, পত্নীর সহিত কোনও সংশ্রব রাখেন নাই, তথাপি অসীম গুণশালিনী সাধবী বিমলা স্বীয় পাতিত্রত্যে অল্প দিনের মধ্যেই স্বামীর হৃদয়রাজ্যের অধিকার লাভ করিতে সমর্থ হইয়াছিলেন। বিমলার এই পতি-গৃহে যাত্রা এবং স্বামিকর্তৃক তাঁহার পুনর্গ্রহণ বিষয়েরও নানাকাহিনী প্রচলিত থাকিয়া প্রকৃত তথ্যকে তিমিরাচ্ছন্ন করিয়া রাখিয়াছে।

রামচন্দ্র বিবাহার্থে যশোহর যাত্রা করিলে আরাকান-রাজ সেই সুযোগে বাকলা আক্রমণ করিয়া সমুদ্রোপকূলবর্তী কতকাংশ অধিকার করিয়া লন। রামচন্দ্র স্বীয় রাজ্যে প্রত্যাগত হইয়া আরাকান-রাজের বিরুদ্ধে যুদ্ধযাত্রা করেন; কিন্তু তিনি একে ষোড়শবর্ষবয়স্ক বালক, তল্পপরি আবার বিগত বিবাহ-ব্যাপারে তাঁহার মানসিক অবস্থা বিপর্যস্ত হইয়া পড়ায় তিনি যুদ্ধে জয়লাভ করিতে পারিলেন না। সাগরসন্নিকটস্থ কয়েকটা স্থান আরাকান-রাজকে অর্পণ করিয়া রামচন্দ্র সন্ধিসূত্রে আবদ্ধ হইতে বাধ্য হইলেন।

রামচন্দ্রের পিতা রাজা কন্দর্পনারায়ণের সময় হইতেই মেঘনা নদীর পূর্ব কূলে ভুলুয়া পরগণায় লক্ষ্মণমাণিক্য নামে রাজোপাধিদারী এক কায়স্থ জমীদার রাজত্ব করিতেন। তিনি বঙ্গীয় দ্বাদশ ভৌমিকের অগ্রতম। শৌর্য্যবীৰ্য্যে তিনি কাহারও অপেক্ষা হীন ছিলেন না, পাণ্ডিত্য এবং কবিত্ব শক্তিও তাঁহার অসাধারণ ছিল। রাজা লক্ষ্মণমাণিক্য স্বীয় বীরত্ব-

সাংলার বীর

গর্বে এতদূর গর্বিত ছিলেন যে, তৎকালীন বীরত্ব-খ্যাতি-সম্পন্ন যোদ্ধ-বর্গকে তিনি নিতান্ত তুচ্ছ বলিয়া মনে করিতেন। চন্দ্রদ্বীপরাজ রামচন্দ্র যদিও তখন যৌবন-দশায় উপনীত, তথাপি লক্ষ্মণমাণিক্য তাঁহাকে বালক-জ্ঞানে উপেক্ষা প্রদর্শন পূর্বক নানা ভাবে তাঁহার কাপুরুষতা ঘোষণা করিতেন। লক্ষ্মণমাণিক্যের এই ঔদ্ধত্য রামচন্দ্র সহ্য করিতে না পারিয়া অবিলম্বে ভুলুয়াধিপতির বিরুদ্ধে যুদ্ধযাত্রা করিলেন। লক্ষ্মণ-মাণিক্য তাঁহার বিরুদ্ধে বালক রামচন্দ্রের যুদ্ধাভিযানে গর্বে ও ক্রোধে আত্মহারা হইলেন, এবং অনায়াসে রামচন্দ্রকে যুদ্ধে পরাস্ত করিয়া নিহত করিতে সমর্থ হইবেন এই ছুরাকাঙ্ক্ষায় পরিপূর্ণ হইয়া একাকী রামচন্দ্রের সহিত যুদ্ধার্থে অগ্রসর হইলেন। নদী-বক্ষে যে স্থলে রাজা রামচন্দ্রের নৌ-বাহিনী অপেক্ষা করিতেছিল, ভুলুয়াধিপতি সেই স্থলে উপস্থিত হইয়া আর ক্রোধ সম্বরণ করিতে পারিলেন না; তরবারির আঘাতে রামচন্দ্রের মস্তক দ্বিখণ্ডিত পূর্বক তাঁহার তপ্ত তরল শোণিত-ধারায় স্বীয় ক্রোধান্নি নির্ঝাপণ মানসে কোবোমুক্ত অসি হস্তে লক্ষ প্রদান করিয়া রামচন্দ্রের নৌকার উপর পতিত হইলেন। কিন্তু ছুর্ভাগ্যবশতঃ তিনি নৌকার পাটাতনের উপর না পড়িয়া ডহরের মধ্যে পড়িয়াছিলেন। রামচন্দ্রের সহগামী বীরগণ ভুলুয়াধিপতিকে আর ডহরের মধ্য হইতে উঠিবার অবসর প্রদান না করিয়া সেই স্থলেই নৌকার কাঠের সহিত তাঁহাকে শৃঙ্খলাবদ্ধ করিয়া ফেলিলেন। রাজার এবস্থিধ শোচনীয় পরিণাম বার্তা রাজধানীতে পৌছিবার পূর্বেই রামচন্দ্র নৌকা খুলিয়া দিতে আদেশ করিলেন,

নৌকা তড়িৎ বেগে চন্দ্রদ্বীপ অভিমুখে ধাবিত হইল। লক্ষ্মণমাণিক্য নৌকার ডহরের মধ্যে হস্তপদবদ্ধ হইয়া কচ্ছপের মত রহিলেন।

মাধবপাশায় উপস্থিত হইয়া রামচন্দ্র তাঁহার চিরশত্রু লক্ষ্মণমাণিক্যকে ধরাধাম হইতে বিদায় দিবার নিমিত্ত তাঁহার হতাসাধনের সঙ্কল্প করিলেন। রামচন্দ্র স্বয়ং একজন বীর হইয়া বীরের সম্মান রক্ষা করিতে পারিলেন না। কিন্তু পুণ্যবতী করুণাময়ী রাজমাতা ভুলুয়াধিপতির বীরত্বব্যঞ্জক দীর্ঘাবয়ব, সুগঠিত বলিষ্ঠ দেহ, সর্বোপরি মুখমণ্ডলে বীরত্ব, পাণ্ডিত্য এবং আভিজাত্যের সংমিশ্রণজনিত অপূর্ব দীপ্তি দর্শন করিয়া পুত্রকে এই বীরের জীবননাশ করিতে নিষেধ করিলেন। পুত্র মাতৃ-আজ্ঞা অবহেলা করিতে পারিলেন না। লক্ষ্মণমাণিক্য লৌহপিঞ্জরাবদ্ধ হইয়া মাধবপাশায় দিনপাত করিতে লাগিলেন।

একদিন রামচন্দ্রকে ভৃত্যগণ তৈলমর্দন করিতেছে, লক্ষ্মণমাণিক্যকে পিঞ্জর হইতে বাহিরে আনা হইয়াছে, তিনি একটা নারিকেল বৃক্ষে পশ্চাৎভাগ ভর করিয়া দণ্ডায়মান রহিয়াছেন; সহসা তাঁহার হৃদয়ে বৈরনির্যাতন-স্পৃহা জাগ্রত হইল, তিনি স্বীয় শরীর দ্বারা নারিকেল বৃক্ষটাকে রামচন্দ্রের অভিমুখে ধাক্কা মারিতেই সেই প্রকাণ্ড বৃক্ষ ভীষণ শব্দে ভূপতিত হইল! বিধাতা নিতান্ত অমুকুল বলিয়া রামচন্দ্র সেইবার মৃত্যু-গ্রাস হইতে অব্যাহতি পাইলেন। কিন্তু সেই বৈরনির্যাতন-প্রচেষ্টাই ভুলুয়াধিপতির জীবন-দীপ নির্বাপনের হেতু হইল। রাজমাতা লক্ষ্মণমাণিক্য কর্তৃক পুত্রের জীবন-নাশের চেষ্টার কথা শুনিয়া সেই ভীষণ

শত্রুকে আর গৃহে রাখিতে স্বীকৃত হইলেন না। রামচন্দ্র বীর-ধর্ম্মে জলাঞ্জলি দিয়া নিতান্ত কাপুরুষের ভ্রাতৃ বীরশ্রেষ্ঠ লক্ষ্মণমাণিক্যের হত্যা-সাধন করিলেন। পিতৃব্য-হত্যা যেমন প্রতাপাদিত্যের চরিত্রের একটা অনপনেন্ন কলঙ্ক, এই লক্ষ্মণমাণিক্যের হত্যাও বাকলাধিপতি বীর রামচন্দ্রের জীবনেতিহাসের একটা ঘোর মসীলিপ্ত নিন্দনীয় অধ্যায়।

দক্ষিণে সমুদ্র মধ্যস্থ সন্দ্বীপ নামক স্থানটী কিছুদিন হইতে পর্তুগীজ-দিগের অধিকারভুক্ত ছিল। গোমেশ নামক একজন পর্তুগীজ যখন উহার শাসনকর্তা, তখন ফতে খাঁ নামক জনৈক পাঠান সন্দ্বীপ আক্রমণ করিয়া উহা দখল করিয়া বসে এবং দক্ষিণ সাহবাজপুরস্থ পর্তুগীজদিগকে সেই স্থান হইতে বিতাড়িত করিবার মানসে আক্রমণ করে। পর্তুগীজগণ উপায় না দেখিয়া রাজা রামচন্দ্রের শরণাপন্ন হইলে, তিনি সসৈন্তে ফতে খাঁর বিরুদ্ধে ধাবিত হন এবং সন্দ্বীপের সন্নিকটে একটা ভীষণ জলযুদ্ধে ফতে খাঁকে পরাজিত এবং নিহত করেন। সন্দ্বীপ পুনরায় পর্তুগীজগণের অধিকারে আসে। কিন্তু ধর্ম্মভয়হীন পাপিষ্ঠ পর্তুগীজগণ এই উপকারের বিনিময়ে রাজা রামচন্দ্রকে কৃতঘ্নতাবাদে পুরস্কৃত করে।

সম্রাট্ জাহাঙ্গীর যখন ভারতের সিংহাসনে সমাসীন, তখন ১৬০৮ খ্রীষ্টাব্দে নবাব ইস্লাম খাঁ প্রতাপাদিত্যের বিরুদ্ধে প্রেরিত হন। প্রতাপাদিত্যকে নির্ধ্যাতিত করিতে হইলে বঙ্গের অগ্রাগ্র স্বাধীনতাপ্রয়াসী ভৌমিক রাজগণকেও এককালে আক্রমণ করিয়া প্রতাপাদিত্যের সাহায্যে বাধা প্রদান আবশ্যক। চন্দ্রদ্বীপরাজ রামচন্দ্রের তখন প্রবল প্রতাপ,

বিশেষতঃ তিনি প্রতাপাদিত্যের জামাতা, কাজেই সূচতুর ইসলাম খাঁ একদল সৈন্য সৈয়দ হাকিমের নেতৃত্বে বাকলা আক্রমণের জন্ত প্রেরণ করিলেন। এই অতর্কিত আক্রমণের জন্ত রামচন্দ্র প্রস্তুত ছিলেন না, সহসা মোগলের ভেরীনিম্নাদে সন্ত্রস্ত হইয়া তিনি যতটা পারিলেন সৈন্য সমভিব্যাহারে শত্রুর গতিরোধে অগ্রসর হইলেন। কিন্তু বিজয়-লক্ষ্মী এবার তাঁহার প্রতি মুখ তুলিয়া চাহিলেন না। মোগলেরা বাকলার সীমান্ত ছুর্গ সকল অধিকার করিয়া লইয়া যখন রাজধানী অভিমুখে ধাবিত হইল, তখন রামচন্দ্র বিরাট বাহিনী লইয়া তাহাদিগকে আক্রমণের আয়োজন করিলে রাজমাতা তাঁহাকে মোগলের সহিত সন্ধিবন্ধনে আবদ্ধ হইবার আদেশ প্রদান করিলেন, এবং পুত্র যদি সে আদেশ পালন না করে, তবে তিনি বিষপানে আত্মহত্যার জন্ত দৃঢ়সঙ্কল্প হইলেন। মাতৃভক্ত পুত্র অগত্যা মায়ের আদেশ শিরে তুলিয়া লইয়া সন্ধির প্রস্তাব করিবার জন্ত মোগল-শিবিরে উপনীত হইলেন। কিন্তু ভূষণার রাজকুমার দেশ-দ্রোহী সত্রাজিতের প্ররোচনায় মোগল-সেনানী তাঁহাকে বন্দী করিয়া ঢাকায় প্রেরণ করিলেন। যশোহর-রাজ্য মোগল অধিকারে না আসা পর্য্যন্ত রামচন্দ্রকে বন্দী অবস্থায় ঢাকাতেই অবস্থান করিতে হয়। প্রতাপের পতনের পর তিনি মুক্তিলাভ করিয়া মাধবপাশায় প্রত্যাবর্তন পূর্ব্বক মোগলের সামন্তরাজরূপে দীর্ঘ কাল রাজত্ব করিয়া শেষে পরলোক গমন করেন।

পলাশী-বীর মোহনলাল

এই সেই বীর মোহনলাল যাহার রণনিদা বঙ্গের সেই শেষ
গৌরবের দিনের ভাগীরথীর তীরে পলাশী প্রান্তরে ধ্বনিত হইয়াছিল,—
এই সেই মোহনলাল যিনি বঙ্গের স্বাধীনতা রক্ষার জন্ত কামানোদগীর্ণ
অনলবর্ষণে আত্মকানন আচ্ছন্ন এবং ভাগীরথী-সলিল কম্পিত করিয়া
শেষে ভয়ঙ্কর মৃত্যুকে বরণ করিয়া লইয়াছিলেন,—এই সেই মোহনলাল
যিনি বিশ্বাসঘাতক সেনাপতি মীরজাফরকে পলাশী-রণক্ষেত্রে নীরবে
দণ্ডায়মান থাকিতে দেখিয়া হৃদয়ের মর্ম্মভুদ জ্বালায় তিরস্কার করিয়া-
ছিলেন :—

“সেনাপতি ! ছি ছি, একি ! হা ধিক্ তোমারে !

কেমনে বলনা হায়,

কাষ্ঠের পুতুল প্রায়,

সুসজ্জিত দাঁড়াইয়া আছ এক ধারে ?

ওই দেখ, ওই যেন চিত্রিত প্রাচীর,

ওই তব সৈন্তগণ

দাঁড়াইয়া অকারণ

গণিতেছে লহরী কি রণ-পয়োধির ?

ভেবেছ কি শুধু রণে করি পরাজয়

রণমত্ত শত্রুগণ

ফিরে যাবে ত্যজি রণ,

আবার যবন বঙ্গে হইবে উদয় ?

মূৰ্খ তুমি, মাটি কাটি লভি কোহিনুর,

ফেলিয়া সে রত্ন হায়,

কে ঘরে ফিরিয়া যায়

বিনিময়ে অঙ্গে মাটি মাখিয়া প্রচুর ?

সামান্য বণিক্ এই শত্রুগণ নয়

দেখিবে তাদের হায়,

রাজারাজ্য ব্যবসায়,

বিপণি সমর-ক্ষেত্র, অস্ত্র বিনিময় ।” ইত্যাদি

—পলাশীর যুদ্ধ

অষ্টাদশ শতাব্দীর মধ্যভাগেও বাঙ্গালীর বীর্য-বহ্নি নির্বাপিত হয় নাই,—তখনও বাঙ্গালী-বীরের রণহৃদুভির ভৈরবনিদাদ বঙ্গের আকাশ প্রতিধ্বনিত করিত, কিন্তু পলাশী প্রাক্কণেই বুঝি তাহার অবসান । সেই দিন ভাগীরথী-গর্ভে বাঙ্গালীর যে সমর-দক্ষতা চিরদিনের মত সলিল-সমাধি লাভ করিল, বুঝি তাহা আর ফিরিয়া আসিবে না ।

সামান্য দরিদ্র অবস্থা হইতে মাহুষ যে যশের উচ্চ শিখরে আরোহণ করিতে সমর্থ হয়, মহারাজ মোহনলাল তাহার একটা অশ্রুতম দৃষ্টান্ত ।

বাংলার বীর

তিনি সামান্য একজন সৈনিক মাত্র ছিলেন, নবাব-দরবারে তাঁহার কোনই বিশিষ্ট পদ-গৌরব ছিল না, কিন্তু শেষে স্বীয় বুদ্ধিমত্তায় সিরাজের প্রধান মন্ত্রিত্ব প্রাপ্ত হইয়াছিলেন, এবং বীরত্বের প্রভাবে সহকারী সেনাপতির পদ লাভ করিয়া অসীম বীরত্ব, প্রভুভক্তি এবং স্বদেশপ্রাণতার পরিচয় দিয়াছিলেন। গুণগ্রাহী সিরাজ মোহনলালকে তাঁহার কৃতকর্মের পুরস্কার স্বরূপ “মহারাজ” উপাধি-ভূষণে ভূষিত করিয়া বীরের প্রতি যথেষ্ট সম্মান প্রদর্শন করিয়াছিলেন। কোনও কোনও ঐতিহাসিক বলেন, মানসিংহ যেমন মোগলকে ভগিনীদান করিয়া উচ্চ রাজপদ লাভ করিয়াছিলেন, মোহনলালও তদ্রূপ স্বীয় রূপবতী সহোদরাকে সিরাজের অঙ্কলম্বী করিয়া তাঁহার প্রিয়পাত্র হইতে সমর্থ হইয়াছিলেন। তাঁহাদের মতে সিরাজের প্রধানা বেগম লুৎফ-উন্নিসাই মোহনলালের ভগিনী। কিন্তু অনেক ঐতিহাসিক আবার এই ভগিনী-সম্প্রদান স্বীকার করেন না। যাহা হউক, মোহনলাল সিরাজদ্দৌলার বিশ্বাস ও প্রীতি লাভ করিয়াই যে উচ্চ রাজপদে সমারূঢ় হইয়াছিলেন এবং সে পদোন্নতি যে অপাত্রে অযথা অনুগ্রহ প্রদর্শন হয় নাই, তাহা সর্ববাদিসম্মত। মোহনলাল জীবনে কখনও বিশ্বাসঘাতকতা করিয়া তাঁহার পদগৌরবের অমর্যাদা করেন নাই। এমন কি যখন রাজ্যের প্রধান প্রধান ব্যক্তিবর্গের বিশ্বাসঘাতকতায় সিরাজের সিংহাসন কম্পিত হইয়া উঠিয়াছিল, বীর মোহনলাল তখন প্রভুর জীবন ও রাজ্য-রক্ষার জন্ত যুদ্ধ করিয়া অকাতরে প্রাণ বিসর্জন দিয়াছিলেন।

পূর্ণিয়ার অধিপতি শওকতজঙ্গ বাংলা, বিহার ও উড়িষ্যার রাজতন্ত্র লাভ করিবার জন্ত বিদ্রোহঘোষণা করিয়া মুর্শিদাবাদ আক্রমণের আয়োজন করিতেছেন শুনিয়া, সিরাজ শওকতজঙ্গকে তাঁহার এই ছুরাকাজ্জার উপযুক্ত প্রতিকূল প্রদানের নিমিত্ত তিন জন সমরদক্ষ সেনাপতির অধীনে তিন দল সৈন্ত তিন দিকে প্রেরণ করিলেন। সেই তিনজনের মধ্যে মহারাজ মোহনলাল অগ্রতম। তিনি পূর্ণিয়া আক্রমণের ভার প্রাপ্ত হইয়া সসৈন্তে জলঙ্গী ও পদ্মানদী বাহিয়া ধাবিত হইলেন।

শওকতজঙ্গও বিপুল বিক্রমে সৈন্ত পরিচালন করিয়া আনিয়া একটা জলাভূমির সম্মুখে শিবির সন্নিবেশ করিলেন। জলাভূমির এক পারে শওকতজঙ্গের সৈন্ত এবং অপর পারে মোহনলালের সৈন্ত দণ্ডায়মান হইয়া গোলাবর্ষণ করিতে লাগিল। কোনও দলই অগ্রসর হইতে পারিল না, কারণ সম্মুখে ছুরতিক্রম্য বিস্তৃত জলাভূমি, তাহার উপর দিয়া পদাতিক, অশ্বারোহী বা গোলন্দাজ সৈন্তের অগ্রগমন অসম্ভব। মোহনলাল গগন আচ্ছন্ন করিয়া গোলানিষ্ক্ষেপ করিতে লাগিলেন, কিন্তু তাঁহার অধিকাংশ গোলাই জলাভূমিতে নিপতিত হইয়া ভস্মে পরিণত হইতে লাগিল। মধ্যে মধ্যে যে দুই চারিটা গোলা যাইয়া শওকতজঙ্গের শিবিরশ্রেণীর উপর নিপতিত হইতে ছিল, তাহাতেই শওকতজঙ্গের সৈন্তদল ছত্রভঙ্গ হইয়া পলায়নের উপক্রম করিল। এই অপ্রত্যাশিত ব্যাপারে শওকতজঙ্গ কিংকর্তব্যবিমূঢ় হইয়া পড়িলেন।

বাংলার বীর

উক্ত জলাভূমির মধ্য দিয়া একটা অতি সঙ্কীর্ণ পথ ছিল, সেই পথের মুখেই শওকতজঙ্গ সৈন্য সমাবেশ করিয়াছিলেন বলিয়া মোহনলাল এতক্ষণ সেই পথে সৈন্য চালনার সুবিধা পান নাই। এইবার শওকতজঙ্গের সৈন্যদিগকে পলায়নোন্মুখ দেখিয়া মোহনলাল সেই পথে অগ্রসর হইতে লাগিলেন। এই স্থলে আর একজন বাঙ্গালী বীরের শক্তি ও বীর্যমত্তা উল্লেখ করা প্রয়োজন। ইঁহার নাম শ্রামসুন্দর, জাতিতে কায়স্থ। তিনি শওকতজঙ্গের পিতার আমল হইতে গোলন্দাজ সৈন্য-বিভাগে মসিজীবীর কর্ম করিতেন; এই যুদ্ধের সময় তিনি মসি ফেলিয়া অসি ধারণ করিয়াছিলেন। যখন মোহনলালের গোলাবর্ষণে শওকত-সৈন্য বিপর্যস্ত হইয়া পলায়নপর হইতে লাগিল, তখন শ্রামসুন্দর আর স্থির থাকিতে পারিলেন না, তিনি শওকতজঙ্গের কোনও প্রকার অনুমতি গ্রহণ না করিয়া কামানসহ সেই অপরিসর পথে অগ্রসর হইলেন। যদিও ইতঃপূর্বে শ্রামসুন্দর কখনও আর রণক্ষেত্রে অবতীর্ণ হন নাই, তথাপি তাঁহার যুদ্ধকৌশল ও বীরবিক্রমে গোলাবর্ষণ দর্শন করিয়া সমরকুশল বীর মোহনলাল পর্যন্ত বিস্মিত ও স্তম্ভিত হইয়া পড়িয়াছিলেন। শ্রামসুন্দরের বীর্যে অনুপ্রাণিত হইয়া শওকতজঙ্গের ভীত ও ত্রস্ত সৈন্যদল আবার নবীন উৎসাহে ফিরিয়া দাঁড়াইয়া ভীমভৈরব গর্জনে রণভূমি কম্পিত করিয়া অগ্রসর হইতে লাগিল। শ্রামসুন্দরের কামানোৎক্ষিপ্ত অনল-বর্ষণে মোহনলালের সৈন্যগণ বিপর্যস্ত হইয়া পড়িবার উপক্রম হইল। কিন্তু শওকতজঙ্গের মূর্ত্যায় শ্রামসুন্দরের বীরত্ব কার্যকর হইল না।

শওকতজঙ্গ গুলির আঘাতে নিহত হইলেন। বিজয়লক্ষ্মী বীর মোহনলালকে জয়-কিরীটে ভূষিত করিলেন। অতঃপর মোহনলাল কিছুদিন পূর্ণিমার শাসনভার গ্রহণ করিয়া স্বীয় পুত্র-হস্তে উহা সমর্পণ পূর্বক মর্শিদাবাদে প্রত্যাবৃত্ত হইলেন।

ভাগীরথী-তীরে পলাশী-প্রান্তরে সিরাজের জীবনের শেষ ও চিরস্মরণীয় যুদ্ধয়োজন হইল। এই সেই পলাশী প্রান্তর, যেখানে মুসলমান কুল-কলঙ্ক ধর্মজ্ঞানহীন কৃতঘ্ন মীরজাফরের বিশ্বাসঘাতকতায় বঙ্গের স্বাধীনতাসূচী চির-অস্তমিত হইয়া ব্রিটিশগৌরব-রবির অরুণালোক পূর্বাকাশে ফুটিয়া উঠিয়াছিল। পূর্বেই নবাব ও ইংরেজ-সৈন্য পলাশী অভিমুখে অগ্রসর হইয়াছিল। লক্ষবৃক্ষসমাকুল “লাখবাগ” নামক আত্মকাননের সন্নিকটস্থ প্রান্তরে ক্লাইভ কর্তৃক ইংরাজ-বৃহৎ রচিত হইয়াছিল। আর সিরাজ ভাগীরথীর তীরে তেজনগরের বিস্তৃত প্রান্তরে তাঁহার সেনা সমাবেশ করিয়া অবস্থান করিতেছিলেন। মীরমদন, মোহনলাল, মীরজাফর, রায়জল্লভ, ইয়ার লতিফ এবং ফরাসী সেনাপতি সিনফ্রেঁ এক একটা বিভাগের নেতৃত্ব প্রাপ্ত হইয়াছিলেন। সিরাজও তাঁহার হীরাঝিলের প্রমোদ-কুঞ্জে নিশ্চিন্ত হইয়া বসিয়াছিলেন না, তিনিও সৈন্যসহ পলাশী প্রান্তরে উপস্থিত হইয়া-ছিলেন। ১৭৫৭ খ্রীষ্টাব্দের ২৩শে জুন প্রত্যুষেই সিরাজ-সৈন্য বিভিন্ন সেনাপতির অধীনে রণনিলাদে গগন কম্পিত করিয়া ইংরেজ শিবির বেষ্টিত করিবার জন্য অর্দ্ধবৃত্তাকারে আত্মকাননের দিকে অগ্রসর হইল। নবাবের সেনা-সমাবেশ দেখিয়া ইংরাজ-সেনাপতিরা প্রমাদ গণিলেন;—নবাব-সৈন্য যে

বাংলার বীর

ভাবে অগ্রসর হইতেছে এখন যদি কামানে অগ্নিসংযোগ করে, তবেই ইংরাজদিগের সমস্ত আশাভরসা একেবারে নিশ্খূল হইবে। ক্লাইভ তাড়াতাড়ি সৈন্ত সমাবেশ করিয়া ছয়টা কামান সম্মুখে রাখিয়া সিরাজ-সেনার গতিরোধের জন্ত দণ্ডায়মান হইলেন। মেজর কুট, মেজর কিলপ্যাট্রিক, মেজর গ্রাণ্ট ও ক্যাপ্টেন গফ্ ইংরাজ-সৈন্ত পরিচালন করিতে লাগিলেন। অপর পক্ষে এক পার্শ্বে বীর মোহনলাল, মধ্যস্থলে সেনাপতি মীরমদন, অপর পার্শ্বে ফরাসী সেনাপতি সিন্ফ্রেঁ সৈন্ত পরিচালন পূর্বক কামানোদগীর্ণ ধূমপটলে গগন আচ্ছন্ন করিয়া বীরবিক্রমে অগ্রসর হইতে আরম্ভ করিলেন। বাঙ্গালী বীর মীরমদনের প্রথম নিক্ষিপ্ত গোলার আঘাতেই ইংরাজ পক্ষের একজন নিহত ও একজন আহত হইল। তারপর প্রতিমুহূর্ত্তেই নবাব-পক্ষের গোলার আঘাতে ইংরাজ সৈন্ত ধরাশায়ী হইতে লাগিল; ইংরাজের কামানও নিষ্ক্রিয় ছিল না, তাহাদের গোলাবর্ষণেও নবাবসৈন্ত জীবনলীলা সম্বরণ করিতেছিল, কিন্তু ইংরাজের ক্ষতির তুলনায় নবাব-সৈন্তের ক্ষতি সামান্য মাত্র। অর্দ্ধ ঘণ্টার মধ্যেই ক্লাইভ হিসাব করিয়া দেখিলেন, তাঁহার ত্রিশজন সৈনিক শমন-সদনে প্রেরিত হইয়াছে। এইরূপে সৈন্ত হ্রাস পাইতে থাকিলে তিন সহস্র সৈন্ত কতক্ষণ আর নবাবের অজস্র গোলাবর্ষণ সহ করিয়া দণ্ডায়মান থাকিবে? তাঁহার অন্তরাত্মা কাঁপিয়া উঠিল, সুখস্বপ্ন বিলীন হইয়া গেল, তিনি সম্মুখে পরাজয়ের ভীষণ বিভীষিকা দর্শন করিয়া শিহরিয়া উঠিতে লাগিলেন। মীরজাফর এবং উমীচাঁদ তাঁহাকে আশ্বাস দিয়াছিল

যে, নবাব-সৈন্য সামান্য একটু কৃত্রিম রণাভিনয় করিবে মাত্র, তাহাতে ইংরাজ পক্ষের বিশেষ কোনও ক্ষতিই হইবে না, তাহারা অল্প সময়ের মধ্যেই জয়লাভে সমর্থ হইবে। কিন্তু কার্য্যতঃ অল্প প্রকার দেখিয়া উমীচাঁদ এবং মীরজাফরকে ধিক্কার দিতে দিতে ক্লাইভ সন্মুখ সমর হইতে পশ্চাৎপদ হইয়া স্বীয় সৈন্যসহ আত্রকাননের মধ্যে আশ্রয় গ্রহণ করিলেন। বীরবর মীরমদন সদর্পে আত্রকাননাভিমুখে সৈন্য পরিচালনা করিয়া অগ্রসর হইতে লাগিলেন। এই সময় যদি কৃত্রিম মীরজাফর বিশ্বাসঘাতকতা না করিত, তবে পলাশীর ইতিহাস অল্পরূপে লিখিত হইত। মীরমদন পাপিষ্ঠ মীরজাফরের নিকট হইতে কোনও প্রকার সাহায্য পাইলেন না। মীরজাফর, রায়দুল্লভ ও ইয়ার লতিফ স্ব স্ব সৈন্য লইয়া জড় পুত্তলিকার মত দণ্ডায়মান রহিল। সহসা দ্বিপ্রহর সময়ে চতুর্দিক অন্ধকারাচ্ছন্ন করিয়া প্রবল বারিবার্ষণ আরম্ভ হইল। এই বৃষ্টিতে মীরমদনের অধিকাংশ বারুদ জলসিক্ত হইয়া অব্যবহার্য্য হওয়ায় তাঁহার আশাভরসা নিঃশেষ হইল, কিন্তু তিনি নিরুৎসাহ হইলেন না, বিপুল উত্তমে পুনরায় প্রতিপক্ষ আক্রমণ করিতে আরম্ভ করিলেন, কিন্তু বিধাতার ইচ্ছা অল্পরূপ; সহসা বিপক্ষের একটা গোলার আঘাতে বীরবর ভগ্ন-উরু হইয়া নিপতিত হইলেন। মীরমদনের পতনে নবাব-সৈন্য অনেকটা নিরুৎসাহ হইয়া পড়িল, কিন্তু মোহনলাল অচিরে সেই স্থানে আবির্ভূত হইয়া অগ্নিময় বীরবাহীতে তাহাদিগকে উৎসাহিত ও উত্তেজিত করিতে লাগিলেন। নবাব-সৈন্যের হৃদয়ে আবার আশার

বাংলার বীর

সঞ্চার হইল, সেনাপতির মৃত্যুর প্রতিশোধ-জিঘাংসায় তাহারা অনুপ্রাণিত হইয়া শত্রুদলে খাবিত হইল। বীরকেশরী মোহনলাল তাহাদিগকে পরিচালিত করিতে লাগিলেন। আর কয়েকদণ্ড মাত্র মোহনলাল এই ভাবে সৈন্যচালনা করিতে পারিলে একটী ইংরাজ-সেনাও বোধ হয় আশ্রয়স্থান হইতে ফিরিতে পারিত না।

মীরমদনের পতনে সিরাজদ্দৌলার হৃদয় দুর্বল হইয়া পড়িল, তিনি কিংকর্তব্যবিমূঢ় হইয়া মীরজাফরকে শিবিরে আহ্বান পূর্বক স্বীয় রাজমুকুট তাহার পদপ্রান্তে রাখিয়া আকুলকণ্ঠে সজলনয়নে কহিলেন, “আলিবর্দীর পুণ্যস্মৃতি, মুসলমানের গৌরব বুঝি আজ বিলুপ্ত হয় ;— বাংলার সিংহাসন ও আমার জীবন তুমি আজ রক্ষা কর।” ধৃত মীরজাফর ধর্ম্মের নামে শপথ করিয়া কহিল, “সামান্য শত্রুদলকে পরাজিত করিতে মীরজাফরের কতক্ষণ? শত্রুপক্ষ কিছুতেই জয়লাভ করিতে পারিবে না। তবে আজ আমাদের সৈন্যগণ অত্যন্ত রণশ্রান্ত, এখন তাহাদিগকে বিশ্রামের অনুমতি দেওয়া হউক ; আগামী কল্য প্রভাতে আবার যুদ্ধ আরম্ভ হইবে।” সরলপ্রাণ সিরাজ স্বেচ্ছায় মীরজাফরের চাটুবাণ্যে মুগ্ধ হইয়া সৈন্যদিগের বিশ্রামের আজ্ঞা দিলেন। এই আজ্ঞাই তাঁহার সর্ব্বনাশের কারণ হইল। বীরবর মোহনলাল যখন বিপুল বিক্রমে অগ্রসর হইতেছিলেন, তখন প্রতিনিবৃত্ত হইবার আদেশ প্রাপ্ত হইলেন। শত্রুদল না করিয়া তাঁহার প্রত্যাবৃত্ত হইবার ইচ্ছা ছিল না ; কিন্তু উপায় নাই, তিনি মনস্বেদার মাত্র, নবাব এবং প্রধান সেনাপতির



পলাশীয়া যুদ্ধ
বাংলা

অদেশে ছায় হউক, অতায় হউক তিনি পালন করিতে বাধ্য। মোহনলাল অন্তর্দাহে দগ্ধ হইতে হইতে সেনাদল লইয়া শিবিরে প্রত্যাগমন করিলেন।

নবাব-সৈন্যকে প্রত্যাবৃত্ত হইতে দেখিয়া ইংরাজ সৈন্যের নিরাশ হৃদয়ে আশার সঞ্চার হইল। বিশ্বাসবাতক মীরজাফরের ইঙ্গিতে এইবার তাহারা আশ্রয়কানন হইতে বহির্গত হইয়া গমনোন্মুখ সিরাজ-সেনার উপর গুলিবর্ষণ করিতে লাগিল। বীরবর মোহনলাল সমস্তই বুঝিতে পারিয়া বাংলা, বিহার ও উড়িষ্যার সিংহাসন রক্ষার জন্ত তৎক্ষণাৎ ফরাসী বীর সিন্ধের সহিত পুনরায় যুদ্ধক্ষেত্রে অবতীর্ণ হইলেন। কিন্তু হতোভয় সৈন্যদিগের হৃদয়ে পূর্ব বীরত্ব আর প্রকাশ পাইল না। মোহনলাল সবিস্ময়ে দেখিলেন, কেবল তাঁহার ও সিন্ধের সৈন্যদল ব্যতীত নবাবপক্ষের অপর সৈন্যদল মীরজাফরের প্ররোচনায় রণে ভঙ্গ দিয়া পলায়ন করিতেছে। অপরপক্ষে ইংরেজ-সেনা বর্ষাপ্লাবিত গিরিতরঙ্গিনীর প্রবল ধারার ছায় সবেগে ও সহর্ষে বিজয়-নিদাদ করিতে করিতে করিতে অগ্রসর হইতেছে। মোহনলাল বুঝিলেন, আর রক্ষা নাই, আজ এই সন্ধ্যাগমের সঙ্গে সঙ্গে বাংলা, বিহার ও উড়িষ্যার ভাগ্যগগন চিরতমসাবৃত হইবে। তথাপি তিনি নিরুৎসাহ হইলেন না, শরীরের শেষ রক্ত-বিন্দু দিয়া বাঙ্গালীর গৌরব-রক্ষায় যত্নবান হইয়া সিংহবিজ্রমে সেনাপরিচালন করিতে লাগিলেন। বিপক্ষের নিষ্কিপ্ত গোলার আঘাতে তাঁহার শরীর ক্ষতবিক্ষত হইতেছিল, তবুও তিনি তাহাতে

বাংলার বীর

ক্রক্ষেপ করিলেন না, কিন্তু আর কতক্ষণ? যেখানে গৃহ-শত্রুর বিশ্বাসঘাতকতা, সেখানে কোনও রূপ শক্তির কার্য্যকরী হয় না।

সিরাজ স্বয়ং শিবির হইতে যুদ্ধের অবস্থা পর্যা্যক্ষণ করিয়া সমস্তই বুঝিতে পারিলেন। পলাশী-প্রাঙ্গণে আর বিজয়লাভের আশা নাই দেখিয়া শীঘ্র শীঘ্র রাজধানী মুর্শিদাবাদ রক্ষার জন্ত ধাবিত হইলেন, কিন্তু সেখানেও যাইয়া দেখিলেন, সেই অবস্থা। বিশ্বাসঘাতকদের প্ররোচনা-জাল সেখানেও বিস্তৃত হইয়া তাঁহার সর্বনাশের আয়োজন করিয়া রাখিয়াছে। তিনি মুর্শিদাবাদ রক্ষার জন্ত সৈন্তসমাবেশে যত্নবান হইলেন, কিন্তু বিশ্বাসঘাতকদের কোশলে তাঁহার সে চেষ্টা ব্যর্থ হইল। তখন সিরাজ ধনাগার উন্মুক্ত করিয়া সৈন্তদিগকে দুই হস্তে ধন বিতরণ করিতে লাগিলেন,—যদি সৈন্তদল সন্তুষ্ট হইয়া মুর্শিদাবাদ রক্ষায় বদ্ধপরিকর হয়। কিন্তু তাহাও বিফল হইল। যাহারা সিরাজের পরমাশ্রয় ছিলেন তাঁহারাও আজ তাঁহার বিরুদ্ধাচারী, সকলেই স্বার্থান্ধ। সিরাজ সকলের নিকট করপুটে সাহায্য প্রার্থনা করিলেন, কিন্তু স্বার্থবধির বিশ্বাসঘাতকের দল তাঁহার সে করুণ নিবেদনে কর্ণপাত না করিয়া তাঁহাকে পলায়নের পরামর্শ দিলেন। এদিকে স্বদেশদ্রোহী পাষণ্ডের দল চতুর্দিকে সিরাজের পরাজয়-সংবাদ রটনা করিতে লাগিল। অনতিবিলম্বে বিজয়া ইংরাজ-সৈন্ত আসিয়া মুর্শিদাবাদ লুণ্ঠনপূর্ব্বক নাগরিক-দিগের প্রাণসংহার করিবে এই আশঙ্কায় সমগ্র রাজধানী আতঙ্কিত হইয়া উঠিল; যে যেদিকে পারিল পলায়ন করিতে লাগিল। বহুবর্ষের যজ্ঞ

গঠিত স্মরণীয়তুল্য মুর্শিদাবাদ একদিনেই শ্মশানের বিভাষিকা ধারণ করিল। সিরাজ প্রাসাদ-শিখরে দণ্ডায়মান হইয়া তাঁহার শৈশবের আনন্দনিকেতন, যৌবনের স্বপ্নসৌন্দর্য্যভরা মাতামহের স্নেহানুলিপ্ত মুর্শিদাবাদের এই ভীষণ নগ্নদৃশ্য একবার শেষ দর্শন করিলেন। তাঁহার বক্ষঃস্থল বেদনার আঘাতে শতধা বিদীর্ণ হইতে লাগিল, নগ্ননয়নগুলি অশ্রুসমাগমে পূর্ণ হইয়া উঠিল। অদূরে বিশ্বাসঘাতকদের বিজয়োন্মত্ত উল্লাসধ্বনি কামানগর্জনের সহিত মিলিত হইয়া মুহূর্ত্তঃ নৈশাককারকে কম্পিত করিয়া তুলিল। আর মুর্শিদাবাদে অবস্থান নিরাপদ নহে; বাংলা-বিহার-উড়িষ্যার ভাগ্যবিধাতা সিরাজ স্মৃতে-স্মৃতে একমাত্র জীবন-সঙ্গিনী লুৎফ-উরিসার হাত ধরিয়া জনৈক বিশ্বস্ত ভৃত্যের সমভিব্যাহারে রাত্রির অন্ধকারে পথে বাহির হইয়া পড়িলেন। হতভাগ্য সিরাজের সেই শেষ ভীষণ মর্ম্মস্পর্শী পরিণতির হৃদয়বিদারক দৃশ্যপট উদঘাটনের আবশ্যকতা নাই।

বাজলী বীর মোহনলাল ও ফরাসী বীর সিন্‌ফ্রেঁ নবাবপক্ষীয় সৈন্যের বিশ্বাসঘাতকতায় ক্ষুব্ধ ও মর্ম্মাহত হইয়া যুদ্ধে ক্ষান্ত হইয়া শিবিরে প্রত্যাগমন করিলেন। কিন্তু মোহনলালের মনে হইল, এখন তাঁহার ওদাসীত্ব অবলম্বন করিয়া বিশ্রামের সময় নহে; মুর্শিদাবাদ, সিরাজের জীবন ও নবাব-অস্তঃপুর রক্ষার জন্ত তাঁহার এখনই ধাবিত হওয়া প্রয়োজন। আর বিলম্ব করিতে পারিলেন না, কর্তব্যের অনুপ্রেরণা তাঁহাকে উদ্বিগ্ন করিয়া তুলিল, তিনি অনতিবিলম্বে রুধিরাক্ত দেহে,

বাংলার বীর

রণক্লান্ত শরীরে, সর্বসঙ্গে রাজধানী অভিমুখে ধাবিত হইলেন। মুর্শিদাবাদে উপস্থিত হইয়া শুনিতে পাইলেন, সিরাজ পলায়ন করিয়াছেন ; তাঁহার হৃদয়ে যেটুকু আশাভরসা এবং শরীরে যেটুকু শক্তি ছিল, সিরাজের পলায়নবার্তা শ্রবণে তাহাও নিমেষে অন্তর্হিত হইয়া গেল। মোহনলাল অগত্যা সিরাজের সঙ্গে যোগদান করিবার জন্ত ভগবানগোনার অভিমুখে অগ্রসর হইতে লাগিলেন, কিন্তু পথেই মীরজাফরের সৈন্যকর্তৃক বন্দী হইয়া তাঁহাকে কারাগারে নিক্ষিপ্ত হইতে হইল। সিরাজের অনুগত জনপ্রিয় বীরেন্দ্রকেশরী মোহনলালকে বেশী দিন ধরাধামে জীবিত রাখা নিরাপদ নহে মনে করিয়া, বিদ্বেহী সেনাপতি বাঙ্গালী হিন্দু-কুলাঙ্গার ছল্লভরাম তাঁহাকে নিহত করিল। বাঙ্গালী-কুলগৌরব মোহনলালের বীরত্বগৌরবোদ্ভাসিত জীবন এইরূপে ঘাতকের শাণিত কুঠারে নিঃশেষিত হইল ! ইতিহাস অনন্তকাল বিশ্বাসঘাতকতার কলঙ্কময় কাহিনীর সহিত মোহনলালের স্বদেশপ্রাণতার বীরত্বমণ্ডিত কীর্তি-কথা সর্গোরবে বক্ষে ধারণ করিয়া থাকিবে। বাঙ্গালি ! যদি পার, দিনান্তে,—মাসান্তে,—বৎসরান্তেও একবার করিয়া এই বীরের গুণ্যময় স্মৃতির উদ্দেশে তোমার শ্রদ্ধাঞ্জলি নিবেদন করিও। তুমি, তোমার জাতি ও তোমার দেশ ধন্ত হইবে।



কর্নেল সুরেশচন্দ্র দিগাস

বাংলার বীর—১১১

কর্ণেল সুরেশচন্দ্র বিশ্বাস

১৮৬১ খ্রীষ্টাব্দে নদীয়া জেলার নাথপুর নামক একটা গ্রামে সম্ভ্রান্ত বিশ্বাস-বংশে সুরেশচন্দ্র জন্মগ্রহণ করেন। তাঁহার পিতার নাম গিরিশচন্দ্র বিশ্বাস। ইচ্ছামতীর তীরে শান্তস্নিগ্ধছায়াচ্ছন্ন পল্লীজননীর নিভৃত নিকেতনে যে শিশু জন্মগ্রহণ করিয়াছিল, একদিন তাঁহার রণনিিনাদে, বীর্য্যমত্তায়, সাহসে ও অসিঘূর্ণনে সূদূর ব্রেজিল-রাজ্যও বিস্ত্রিত ও চমৎকৃত হইয়াছিল।

বালকের বিকাশোন্মুখ জীবনের কার্য্য-ধারা হইতেই তাহার গৌরবদীপ্ত ভবিষ্যজীবনের একটা স্ফীপ আভাস পাওয়া যায়। যে বালক একদিন বড় হইবে বাল্যকালেই তাহার বৃত্তিসমূহ স্ফুরিত হইতে থাকে। সুরেশচন্দ্রও তাঁহার সূকুমার শৈশবজীবনে যে সাহস, অকুতোভয়তা ও বীরত্বের পরিচয় দিয়াছিলেন তদর্শনে অনেকেই মনে করিয়াছিলেন যে, এই বালক কালে একজন বীর বলিয়া খ্যাতিলাভে সমর্থ হইবে। সুরেশচন্দ্র লেখাপড়ার প্রতি মোটেই মনোযোগী ছিলেন না, কিন্তু তিনি ভ্রমণ ও বীরত্বকাহিনী শ্রবণে ও দুঃসাহসিক কার্য্য সম্পাদনে খুবই আনন্দ উপভোগ করিতেন। যেখানেই বীরত্ব-কাহিনীর আলোচনা হইত বালক সুরেশ মন্ত্রমুগ্ধের স্থায় সেই বীরত্বগাথা শ্রবণ করিতেন। শুনিতে শুনিতে তাঁহার মুখমণ্ডল অপূর্ব্ব জ্যোতিতে সমুদ্ভাসিত হইয়া

বাংলার বীর

উঠিত। উচ্চ বৃক্ষচূড়ায় আরোহণ করিয়া পক্ষিশাবক আহরণ, নদীতে সম্ভরণ, দাঁড়টানা, মাছধরা, কাহারও উদ্যানের ফলমূল অপহরণ, গভীর অন্ধকার রাত্রিতে বাজী রাখিয়া দূরবর্তী স্থান হইতে কোনও দ্রব্য আনয়ন, পক্ষিশিকার, গর্ভ খুঁড়িয়া শৃগালশাবক বাহির করা,—এই সমুদয় দুর্কৃত্তজনোচিত কার্যসাধনে বালক অপরিমিত আনন্দ উপভোগ করিতেন। তাঁহার আর একটা প্রিয় কার্য ছিল সতরঞ্চ খেলা; লোকাভাবে তিনি একাকীই উভয়পক্ষীয় গুটিকা যথাস্থানে সন্নিবেশিত করিয়া উহা পরিচালনা করিতেন। সুরেশচন্দ্রের একটা দল ছিল, সহচরেরা তাঁহার আদেশ ভয়ে হউক, ভালবাসায় হউক নতশিরে পালন করিত। মুকুন্দরাম বর্ণিত ব্যাধবালক কালকেতু ‘শিশু মাঝে যেমন মণ্ডল,’ সুরেশচন্দ্রও তদ্রূপ সমুদয় বালকের নেতা ছিলেন। এই বালকদিগকে লইয়া সুরেশ সময় সময় কৃত্রিম যুদ্ধের অভিনয় করিতেন। বালক নেপোলিয়ন, যেমন বরফের দুর্গ নিৰ্ম্মাণ করিয়া বরফখণ্ড নিক্ষেপ পূর্বক গোলাবর্ষণের আকাঙ্ক্ষা চরিতার্থ করিতেন, সুরেশচন্দ্রও তদ্রূপ টিনের তরবারি, বংশদণ্ড, বৃক্ষশাখা, উপলখণ্ড এবং নবকর্ষিত ক্ষেত্রের মৃত্তিকা-রাশি লইয়া রণাভিনয় করিতেন।

সুরেশচন্দ্র তখন একাদশ বৎসর বয়সের বালক। একটা বৃক্ষে পক্ষিশাবক হইয়াছে দেখিয়া তিনি আর লোভ সম্ভরণ করিতে পারিলেন না, শাবক পাড়িবার জন্ত বৃক্ষে আরোহণ করিয়া পক্ষি-নীড়ের নিকটবর্তী হইয়াছেন, এমন সময় ভীষণ গর্জন শুনিয়া নীচের দিকে চাহিয়া দেখেন,

এক ভয়ঙ্কর বিষধর সর্প কোটর হইতে বহির্গত হইয়া ফণা বিস্তার করিয়া তাঁহার দিকে ধাবিত হইতেছে। সর্পের ক্রোধদীপ্ত নয়ন হইতে যেন অনল-শিখা নির্গত হইতেছিল। অবতরণ করিয়া পলায়ন করিতে গেলে তিনি সর্পের হস্ত হইতে নিস্তার পাইবেন না, এবং অত উর্দ্ধ হইতে লম্ফ দিলেও মৃত্যু অনিবার্য। বালক আগ্নেয় মৃত্যু দর্শনে ভীত হইলেন না; কর্তব্য স্থির করিয়া শাখার উপর উপবিষ্ট রহিলেন। উত্ততফণ সর্প লেলিহান জিহ্বা বিস্তার করিয়া গর্জ্জন করিতে করিতে নিকটে আসিয়া যেমন তাঁহাকে দংশন করিতে উত্তত হইল, অমনি বালক দৃঢ় মুষ্টিতে সর্পের মস্তক চাপিয়া ধরিলেন। সর্প তখন লাজুল দ্বারা সুরেশচন্দ্রের হস্ত বেঁধেন করিতে আরম্ভ করিল। সুরেশচন্দ্র বাম হস্তে পকেট হইতে একখানি তীক্ষ্ণধার ছুরিকা বাহির করিয়া দস্তদ্বারা খুলিয়া ফেলিয়া সর্পের গ্রীবাদেশ কর্তনপূর্বক ভূতলে নিক্ষেপ করিলেন।

পূর্বেই পিতা গিরিশচন্দ্র পুত্রকে কলিকাতায় লইয়া গিয়া ভবানীপুরস্থ লণ্ডন মিশন স্কুলে ভর্তি করিয়া দিয়াছিলেন। কিন্তু কলিকাতার বন্ধ আবেষ্টনের মধ্যে সুরেশচন্দ্রের ভাল লাগিত না। জন্মভূমির বিস্তৃত মাঠ, নদীর তীর, উন্মুক্ত বাতাস, বিহঙ্গ-কল-কুজিত বনভূমি, পক ফলভারাবনত বৃক্ষরাজিপরিশূণ্য উদ্যান সুরেশচন্দ্রকে যেন সম্বরে আহ্বান করিত; সুরেশচন্দ্র ছুটি পাইলেই নাথপুরে আসিয়া স্বস্তির নিশ্বাস ফেলিতেন। কি একটা অবকাশ উপলক্ষে সুরেশচন্দ্র সেবার নাথপুরে আসিয়াছেন। ছিপ দিয়া মাছ ধরা তাঁহার একটা প্রিয় কার্য ছিল। সেদিন তাঁহার

বাংলার বীর

তিন বন্ধু মিলিয়া গ্রামান্তর হইতে মাছ ধরিয়া ছিপ স্বন্ধে গৃহাভিমুখে আসিতেছিলেন, তখন সন্ধ্যা আগতপ্রায়। যখন তাঁহারা একটা মাঠের ভিতর আসিয়া উপস্থিত হইলেন, তখন দেখিতে পাইলেন, একটা বগবরাহ ক্ষিপ্তপ্রায় হইয়া তাঁহাদের দিকে ছুটিয়া আসিতেছে, একদল কুকুর লইয়া কয়েকজন শিকারী সাহেব গুলি নিক্ষেপ করিতে করিতে বরাহটাকে তাড়া করিতেছেন। সুরেশ কোতূহলক্রান্ত হইয়া সেখানে দণ্ডায়মান হইলেন, কিন্তু তাঁহার সঙ্গিদ্বয় নিতান্ত ভীত হইয়া পড়িল। নিকটে কোনও বৃক্ষ নাই যে, তাহাতে আরোহণ করিলে এই আসন্ন বিপদ হইতে মুক্তিলাভ হয়। সুরেশচন্দ্রের একান্ত ইচ্ছা যে, তিনি বরাহ-শিকার দর্শন করেন, তাই তিনি সঙ্গিদ্বয়কে পলাইতে ইঙ্গিত করিয়া সেই স্থানে দণ্ডায়মান রহিলেন। আহত ক্রুদ্ধ বগবরাহ অতীব ভীষণ, উহার বাহাকে সম্মুখে পায় তাহারই উপর আপতিত হইয়া দস্তাঘাতে তাহার প্রাণবিনাশ না করিয়া ক্ষান্ত হয় না। শিকারী সাহেবগণ চীৎকার করিয়া সুরেশচন্দ্রকে পলায়ন করিতে বলিতে লাগিলেন, কিন্তু বীর বালক নির্ভীক চিত্তে তথায় দণ্ডায়মান রহিলেন। ক্ষতবিক্ষতান্ন রক্তাক্তকলেবর ক্রোধ-কণ্টকিতদেহ বরাহ বজ্রনির্ঘোষে দিগ্ভাগুল কম্পিত করিয়া সুরেশের উপর নিপতিত হইল। বালক অমনি দৃঢ়মুষ্টিতে ছিপ ধরিয়া বরাহের মস্তকে আঘাত করিলেন, বরাহ ঘূর্ণিত হইয়া পড়িয়া গেল। বালকের পুনঃ পুনঃ আঘাতে বরাহ প্রতিআক্রমণের অবসর পাইল না। ইত্যবসরে শিকারীদিগের কুকুরের দল আসিয়া বরাহটাকে আক্রমণ করিল এবং

অল্পক্ষণমধ্যে সাহেবেরাও আসিয়া পড়িলেন স্তত্রাং বরাহ আর নিস্তার পাইল না, বন্দুকের আঘাতে সেই স্থানে পঞ্চত্বলাভ করিল। সাহেবেরা অদূরবর্তী গ্রামের নীলকুঠীর কর্মচারী। ইংরাজ জাতির একটা বিশেষ গুণ এই যে, তাহারা বীরত্বের আদর করিতে জানে। বালক সুরেশচন্দ্রের এই নির্ভীকতায় সাহেবেরা বিস্মিত ও মুগ্ধ হইয়া তাঁহার উপর অজস্র প্রশংসাবাদ বর্ষণ করিতে লাগিলেন। এই বরাহ-শিকার হইতেই তাঁহার ভাবী উজ্জ্বল গৌরবময় জীবনের সূচনা হইল।

তিনি প্রায়ই নাথপুরের নীলকুঠীতে যাতায়াত করিতে করিতে ক্রমশঃ সাহেব ও মেমদিগের প্রিয়পাত্র হইয়া পড়িলেন। কুঠীর অধ্যক্ষ সাহেবের মেম সুরেশচন্দ্রকে পুত্রের ছায়া ভাল বাসিতেন, সুরেশও মেমকে মায়ের মত শ্রদ্ধাভক্তি করিতেন। এই কুঠীতে যাতায়াতে সুরেশচন্দ্র ইংরেজী কথোপকথনে সুদক্ষ হইয়া উঠিতে লাগিলেন। কিন্তু অধিক দিন সুরেশচন্দ্র এই সৌভাগ্য ভোগ করিতে পারিলেন না; অল্পদিন পরেই তাহাকে বালিগঞ্জে ফিরিতে হইল।

সুরেশচন্দ্র একদিন সঙ্গীদিগকে লইয়া গড়ের মাঠে বেড়াইতে গিয়াছিলেন। মাঠে দুই জন ইংরাজ যুবক তাঁহাদিগকে ‘নেটিভ’, ‘নিগার’, ‘ক্রেট’ প্রভৃতি নীচজনোচিত ভাষায় বিদ্রূপ করিতে লাগিল। তিনি প্রথমতঃ কিছু বলিলেন না, কিন্তু যখন দেখিলেন, ইংরেজদ্বয় নিবৃত্ত না হইয়া ক্রমশঃ বিদ্রূপের মাত্রা বৃদ্ধি করিতেছে, তখন আর তাঁহার সহ হইল না; তিনিও যাহা মুখে আসিল তাহা বলিয়া গালি দিতে লাগিলেন। তারপর

বাংলার বীর

ঘুৰাঘুৰি আরম্ভ হইল। কিন্তু সুরেশের বজ্রমুষ্টির আঘাত সহ্য করিয়া ইংরেজ যুবকদ্বয় বেশীক্ষণ দাঁড়াইয়া থাকিতে পারিল না, রক্তাক্তশরীরে ভূমিসাৎ হইল।

বয়োবৃদ্ধির সঙ্গে সঙ্গে সুরেশচন্দ্রের হৃদমনীয়তা প্রশমিত না হইয়া আরও বৃদ্ধি পাইতে লাগিল। তিনি লণ্ডন মিশন স্কুলের ছাত্র বটে, কিন্তু মাসের অধিকাংশ দিনই স্কুলে যাইতেন না, যেদিন যাইতেন সেইদিন শিক্ষকেরা তাঁহার দৌরাণ্যে অস্থির হইয়া উঠিতেন,—সহপাঠীরা প্রমাদ গণিত। সুরেশচন্দ্র মস্তিস্ক চালনা অপেক্ষা শরীর চালনাই বেশী ভাল বাসিতেন এবং তাহাতেই তাঁহার তৃপ্তি সাধিত হইত। তাঁহার মাতাপিতা এবং খুল্লতাত তাঁহার এই উচ্ছৃঙ্খলতায় বড়ই মনঃপীড়া অনুভব করিতে লাগিলেন। গিরিশচন্দ্র পুত্রকে সংপথে আনিবার জন্ত তিরস্কার এবং অবশেষে প্রহার পর্য্যন্ত করিতে আরম্ভ করিলেন। তিরস্কৃত ও প্রহৃত হইয়া তিনি মধ্যে মধ্যে বাড়ী হইতে পলায়ন করিয়া খুঁটান বন্ধুদিগের গৃহে অবস্থান এবং তাহাদের সহিত আহার বিহার করিতেন, এইরূপে ক্রমশঃ তাঁহার হিন্দুধর্মের প্রতি অশ্রদ্ধা এবং খৃষ্টধর্মের প্রতি আন্তরিকতা বৃদ্ধি পাইতে লাগিল। পরম বৈষ্ণববংশে জন্মগ্রহণ করিয়া তাঁহার এই যবনোচিত ব্যবহারে পিতা গিরিশচন্দ্র অত্যন্ত মর্ম্মাহত হইয়া একদিন সুরেশচন্দ্রকে ভীষণভাবে প্রহারপূর্ব্বক বলিয়া দিলেন, যদি তিনি খুঁটানদিগের সংস্রব পরিত্যাগ না করেন তবে তিনি তাঁহাকে ত্যাজ্যপুত্র করিবেন। কিন্তু স্বাধীনতাপ্রিয়ালী স্বেচ্ছাপরতন্ত্র বালক এই তাড়নায় ক্রুদ্ধ হইয়া

মাতাপিতার, আত্মীয় স্বজন এমন কি হিন্দুসমাজের সংস্রব পরিত্যাগ করিয়া স্বীয় ভাগ্যানির্দিষ্ট পথাবলম্বনে কৃতসঙ্কল্প হইলেন। তিনি জানিতেন, সে পথে পদার্পণ করিলে তাঁহার হৃদয়সীমা পরিসীমা থাকিবে না, তথাপি তিনি তাঁহার অভীষ্টসাধনেই যত্নবান হইলেন। লণ্ডন মিশন কলেজের অধ্যক্ষ আর্ষ্টন সাহেব সুরেশকে তাঁহার নির্ভীকতার জ্ঞাত সমধিক স্নেহ করিতেন। সুরেশ তাঁহার নিকট গমন করিয়া খৃষ্টধর্ম্মে দীক্ষিত হইলেন। তখন তাঁহার বয়স মাত্র ত্রয়োদশ বৎসর। পিতা পুত্রের এই ধর্ম্মান্তর গ্রহণ-সংবাদ শ্রবণমাত্র ক্রুদ্ধ ও মর্ম্মপীড়িত হইয়া তাঁহাকে ত্যাজ্যপুত্র করিলেন, স্নেহময়ী জননী কাঁদিয়া বুক ভাসাইলেন। আর্ষ্টন সাহেব সুরেশচন্দ্রের আহ্বার ও বাসস্থানের ব্যবস্থা করিয়া দিয়াছিলেন, কিন্তু পরের গলগ্রহ হইয়া থাকা তাঁহার মোটেই ভাল লাগিল না। তিনি স্বীয় জীবিকার্জনের নিমিত্ত একটা চাকরীর চেষ্টা করিতে লাগিলেন। কিন্তু অল্প বয়স, সামান্য শিক্ষা এবং সর্বোপরি খৃষ্টধর্ম্ম গ্রহণ তাঁহার কর্ম্মপ্রাপ্তির পক্ষে বিশেষ অন্তরায় হইল। আর্ষ্টন সাহেবের আশ্রয়ে থাকিয়া তিনি ইচ্ছামত লেখাপড়া শিক্ষা করিয়া অনায়াসে স্বীয় জীবিকার্জনের পথ কুহুমাস্তৃত করিয়া লইতে পারিতেন, কিন্তু লেখাপড়া তাঁহার মোটেই ভাল লাগিল না। তিনি আফিসে আফিসে রাস্তায় রাস্তায় ঘুরিয়া চাকরীর সন্ধান করিতে লাগিলেন, তাঁহার হৃদয়ের একশেষ হইল, কিন্তু চাকরী জুটিল না। খৃষ্টান মিশনারীরা এদেশীয়দিগকে খৃষ্টান করিবার সময় নানা প্রলোভন

বাংলার বীর

দেখায়, এমনকি অৰ্দ্ধ রাজ্য ও রাজকথা হাতে হাতে পাওগ্নাইয়া দিবার প্রতিশ্রুতি পর্য্যন্ত করিয়া থাকে, কিন্তু কার্যোদ্ধার হইয়া গেলে যাহার সর্বনাশ করিল সে দুই বেলা দুই মুষ্টি পেট ভরিয়া থাইতে পাইতেছে-কিনা তাহা দেখিবার বড় একটা অবসর পায় না। সুরেশচন্দ্রের অবস্থাও তাহাই হইল। তথাপি তিনি হৃদয়ের বল এবং আত্মপ্রত্যয় হারাইলেন না। অবশেষে স্পেন্সেস্ হোটেলে স্বল্প বেতনে একটা কক্ষ জুটিল। এইবার তাঁহার দাঁড়াইবার একটু স্থান হইল। এই হোটেলে সাহেব মেমদিগের মধ্যে সর্বদা থাকিয়া তিনি ইংরাজদিগের আচারব্যবহার সম্বন্ধে অনেকটা অভিজ্ঞতা অর্জন করিলেন ও বেশ দ্রুত ইংরাজীতে কথা কহিতে শিখিলেন। ইহা তাঁহার ভাবী জীবনে বিশেষ উপকারে আসিয়াছিল।

স্পেন্সেস্ হোটেলে কক্ষ করিবার কালে তাঁহাকে স্বদেশ হইতে নবাগত সাহেবদিগকে হোটেলে লইয়া আসিবার জন্ত জাহাজ-ঘাটে যাইতে হইত। এইরূপে যাওয়া-আসা করিতে করিতে তাঁহার হৃদয় আর একটা অভিনব আকাঙ্ক্ষায় মাতিয়া উঠিল। বিলাতযাত্রার জন্ত তিনি উৎসুক হইলেন। কিন্তু অর্থ কোথায়? তাঁহার ত্রায় সহায়-সম্বল বিহীন নিঃস্ব দরিদ্রের পক্ষে বিলাতযাত্রার কল্পনা স্বপ্নমাত্র! যখন তিনি দেখিলেন যে, বিলাত-যাত্রা তাঁহার পক্ষে অসম্ভব, তখন তিনি রেঙ্গুন যাইয়া সমুদ্র-যাত্রার সাধ মিটাইবার সঙ্কল্প করিলেন। তাঁহার নিকট যে অর্থ ছিল, তদ্বারা রেঙ্গুনযাত্রা অনায়াসে সম্পন্ন হইতে পারিবে।

অবশেষে একদিন সত্য সত্যই তিনি রেঙ্গুনযাত্রা করিলেন। রেঙ্গুনে অবতরণ করিয়া জর্নেক পুরাতন বন্ধুর সহিত সন্ধ্যা হওয়ায় তাঁহার খুবই সুবিধা হইল। বন্ধুর বাসাতেই অবস্থান করিয়া তিনি চাকরীর অন্বেষণ করিতে লাগিলেন।

রেঙ্গুন তখন নিরাপদ স্থান ছিল না। পথে ঘাটে দিবাধিপহরে দস্যুতন্ত্রের পথিকের প্রাণসংহার করিয়া যথাসর্বস্ব লুণ্ঠন করিত। একদিন সন্ধ্যার অব্যবহিত পরেই সুরেশচন্দ্র ইরাবতী নদীতে দাঁড় টানিয়া প্রাস্তদেহে বাসায় ফিরিতেছিলেন। তাঁহার সহিত একটা কল ব্যতীত আর কোনও অস্ত্রই ছিল না। সহসা একটা গলির মধ্যে দুইজন মগদস্যু তাঁহাকে আক্রমণ করিল। সুরেশ তৎক্ষণাৎ একজনের মস্তকে কল দিয়া এমন দারুণ প্রহার করিলেন যে, মগ সেই আঘাতেই ঘুরিয়া পড়িয়া ধরাশায়ী হইল। তখন অপর সঙ্গী মগটা আসিয়া তাঁহাকে আক্রমণ করিল, এই আক্রমণের ফলে উভয়েই ভূশায়ী হইয়া ধবস্তাধবস্তি আরম্ভ করিল। অমিতবলশালী মগের আক্রমণে চতুর্দশবর্ষীয় বালক অতিশয় কাতর হইয়া পড়িলেন। এমন সময় সৌভাগ্য বশতঃ একদল বরযাত্রী সেই পথে আসিয়া পড়ায় মগেরা প্রস্থান করিল।

আর একদিন তিনি সন্ধ্যার পর রেঙ্গুনের রাজপথে ভ্রমণ করিতেছিলেন, সহসা দেখিতে পাইলেন, একটা বাড়ীতে আগুন লাগিয়াছে। অগ্নি শত জিহ্বা বিস্তার করিয়া নিকটবর্তী আরও দুই একখানি বাড়ীকে গ্রাস করিবার চেষ্টা করিতেছে। তিনি ছুটিয়া সেই স্থানে গিয়া

বাংলার বীর

দেখিলেন, সেই বাড়ীর] গবাক্ষ-পথে ধূম ও অগ্নিশিখার মধ্যে এক অসহায় নারী দণ্ডায়মান হইয়া মুক্তিলাভের জন্ত কাতর প্রার্থনা করিতেছে। জনতার মধ্য হইতে সেই যুবতীকে রক্ষা করিবার জন্ত কেহই অগ্রসর হইল না। কাহার জীবন এত তুচ্ছ যে, সামান্য একজন রমণীর জীবন রক্ষা করিতে যাইয়া ঐ অগ্নিকুণ্ডে নিজের জীবন আহুতি দিবে? অগ্নি ক্রমেই ভীষণ মূর্তি ধারণ করিতেছে, মুহূর্ত্ত পরেই রমণীর কুসুমসুসুমার দেহ অগ্নিতে ভস্মীভূত হইয়া যাইবে। বালক সুরেশচন্দ্র আর স্থির থাকিতে পারিলেন না, একখানি মইএর সাহায্যে সেই অগ্নিময় গৃহের উপরে আরোহণ করিয়া অগ্নিকুণ্ড হইতে রমণীকে উদ্ধার পূর্বক অর্দ্ধদগ্ধশরীরে নীচে অবতরণ করিলেন। অবতরণ করিয়াই তাঁহার চেতনা বিলুপ্ত হইল। অনেক দিন চিকিৎসার পর তিনি আরোগ্য লাভ করিলেন।

রেঙ্গুনে কিছু দিন কাটাইয়াও তিনি কোনও চাকরী জুটাইতে পারিলেন না। রেঙ্গুনের মোহ তাঁহার ভাঙ্গিয়া গেল। তখন তিনি অন্ত্র চাকরীর সন্ধান করিতে মনস্থ করিয়া একদিন মালদ্রাজ যাত্রা করিলেন। মালদ্রাজে আসিয়া তাঁহার হৃদশার সীমা রহিল না, এখানে কোনও পরিচিত লোক নাই যে, তাহার কাছে গিয়া দাঁড়াইবেন। একটা জঘন্য পল্লীতে শৃগালকুকুরাদির বাসেরও অযোগ্য একটা ঘর ভাড়া লইয়া তিনি চাকরীর সন্ধান করিতে লাগিলেন। কিন্তু তামিল-তেলুগুর রাজ্যে কে তাঁহাকে দয়া করিয়া চাকরী দিবে? তাঁহার হাতে

যে কয়টা টাকা ছিল তাহাও নিঃশেষ হইয়া সামান্য কয়েকটা আনাশ্ব পর্য্যবসিত হইল। তাঁহার অনাহারক্লিষ্ট মুখ ও শতছিদ্রবিশিষ্ট মলিন পরিচ্ছদ কাহারও দয়া আকর্ষণ করিতে সমর্থ হইল না। দেশে ফিরিয়া যাইবার জন্য তাঁহার প্রাণ আকুল হইল, দেশে ফিরিলে হয়ত দুই বেলা দুই মুষ্টি আহাৰ যে কোনও উপায়ে সংগ্রহ করিতে পারিবেন। কিন্তু দেশে ফিরিবার কথাত দূরে থাকুক একবেলা আহাৰের উপযোগী পয়সা পর্য্যন্ত তাঁহার হাতে নাই। তিনি দারিদ্র্যের তাড়নায় উন্মাদের মত হইয়া সাগরতীরে ভ্রমণ করিতেন, সময় সময় সাগর-জলে ঝাঁপাইয়া পড়িয়া জীবন বিসর্জন দিতে ইচ্ছা হইত। কিন্তু ভাগ্যদেবী যে তাঁহার জন্য বিজয়-মুকুট সযত্নে রক্ষা করিতেছেন, সমুদ্রে জীবন বিসর্জন দিলে সে গৌরব-কিরীট ধারণ করিবে কে ? সহসা এক পাদ্রীর সহিত তাঁহার পরিচয় হইল। পাদ্রী তাঁহার ছরবস্ত্রা দর্শন করিয়া স্থায় গৃহে তাঁহাকে একটা চাকরী করিয়া দিলেন। কিছু দিন চাকরী করিয়া কলিকাতায় ফিরিবার উপযুক্ত অর্থ সঞ্চিত হইলে তিনি পাদ্রী সাহেবের নিকট বিদায় লইয়া কলিকাতায় চলিয়া আসিলেন।

কলিকাতায় আসিয়া এবারও আষ্টন সাহেবের আশ্রয়ে লণ্ডন মিশন স্কুলের বোর্ডিংএ তিনি আহাৰ ও বাসস্থান পাইলেন। এই সময় তিনি মধ্যে মধ্যে জননীর সহিত গোপনে সাক্ষাৎ করিতে যাইতেন, পুত্রবৎসলা জননী সন্তানের ক্লিষ্ট মুখ দর্শন করিয়া স্থির থাকিতে পারিতেন না, তিনি স্বামীর অজ্ঞাতসারে পুত্রকে দুই একটা করিয়া টাকা দিয়া সাহায্য

বাংলার বীর

করিতেন। এবারও সুরেশচন্দ্র চাকরীর চেষ্টা করিয়া বিশেষ কিছুই সুরবিধা করিতে পারিলেন না। বিধাতা তাঁহার জ্ঞাত বিদেশে' কর্মক্ষেত্রে নির্ধারণ করিয়া রাখিয়াছিলেন। রেঙ্গুন এবং মাদ্রাজে দারিদ্র্যের নানারূপ নিষ্পেষণ সহ করিয়া তিনি বুঝিতে পারিয়াছিলেন, ভালরকম লেখাপড়া শিখিতে না পারিলে কোথাও সুরবিধা করিতে পারিবেন না; সুতরাং তিনি আবার পুস্তকাদি পাঠ করিতে আরম্ভ করিলেন। বিলাত-যাত্রার জ্ঞাত তাঁহার মন আবার উদ্বিগ্ন হইয়া উঠিল, তিনি সুযোগের অন্বেষণ করিতে লাগিলেন। এবার সত্য সত্যই তাঁহার ভাগ্যবিধাতা প্রসন্ন হইলেন। জেটিতে যাতায়াত করিতে করিতে বি, এন্স, এন্স, কোম্পানীর একখানি বিলাত-গামী জাহাজের অধ্যক্ষের সহিত তাঁহার আলাপ হইল। ক্রমে এই আলাপ পরিচয় এত ঘনিষ্ঠ হইল যে, সাহেব তাঁহার বিলাত-যাত্রার অভিপ্রায় অবগত হইয়া তাঁহাকে উক্ত জাহাজের সহকারী ষ্টুয়ার্ডের পদে নিযুক্ত করিয়া বিলাতগমনের পথ সুপ্রশস্ত করিয়া দিলেন। নির্দিষ্ট দিনে জাহাজ কলিকাতা পরিত্যাগ করিয়া বঙ্গোপসাগরের দিকে চলিল। সপ্তদশবর্ষীয় বালক সুরেশচন্দ্র চিরদিনের মত স্বদেশ, জনকজননী ও আত্মীয়স্বজন পরিত্যাগ করিয়া অপরিচিত অজ্ঞাত দেশে যাত্রা করিলেন। জাহাজের ডেকের উপর দাঁড়াইয়া কলিকাতার দিকে চাহিতে চাহিতে তাঁহার হৃদয় দ্রবীভূত হইয়া আসিল, চক্ষুদ্বয় অশ্রুভারাক্রান্ত হইল; বালক অশ্রু মুছিয়া স্বীয় কর্তব্য কর্ম সম্পাদনে নিযুক্ত হইলেন।

জাহাজ লগুনে আসিয়া নঙ্গর করিল। সুরেশচন্দ্র জাহাজ হইতে অবতরণ করিয়া লগুনের “ইষ্ট-এণ্ড” নামক পল্লীতে একটা ঘর ভাড়া নইলেন। এই পল্লীটা লগুনের একটা অতি জঘন্ত স্থান। যত রকম পাপ, যত রকম ব্যভিচার, দুর্নীতি, কদাচার আছে, তাহা যেন এই পল্লীটির নিজস্ব। এই পল্লীতে যাহারা বাস করে তাহাদের মত স্বর্ণিত ও জঘন্ত জীব বোধ হয় অত্র দৃষ্ট হয় না। তিনি কয়েক দিন এই অসংস্কে বাস করিয়া রিক্তহস্তে পথে দাঁড়াইলেন। এক টুকরা রুটি কিনিবার পয়সা পর্য্যন্ত তিনি মত্তপানে ব্যয় করিয়া ফেলিয়াছিলেন। অবশেষে সংবাদপত্র বিক্রেতা এক সহৃদয় ইংরাজ বালকের অনুগ্রহে তিনি সংবাদপত্র বিক্রয় করিয়া কিছু কিছু উপার্জন করিতে লাগিলেন, ইহাতে তাঁহার দৈনন্দিন ব্যয় এক প্রকার নির্বাহ হইত। “ইষ্ট-এণ্ড” পল্লী পরিত্যাগ করিয়া তিনি ঐ বালকের সহিত বাস করিতে লাগিলেন। কিন্তু বেশী দিন সংবাদপত্র বিক্রয় তাঁহার ভাল লাগিল না, তিনি ঐ কার্য পরিত্যাগ করিয়া আবার কষ্টে পতিত হইলেন। লগুন বড় ভীষণ স্থান। এখানে পয়সা থাকিলে দরদী বন্ধুর অভাব হয় না, কিন্তু নিঃসম্বল হইলে কেহ ডাকিয়াও জিজ্ঞাসা করে না। সুরেশচন্দ্র দারিদ্র্যের তাড়নায় কিংকর্তব্যবিমূঢ় হইয়া মুটেগিরি করিতে আরম্ভ করিলেন, ইহাতে তাঁহার হু’পয়সা আয় হইতে লাগিল। কিন্তু কিছুদিন পরে এ কর্মও পরিত্যাগ করিলেন।

এবার তাঁহার লগুনের সহরতলীস্থ পল্লীসমূহ দেখিবার প্রবল আকাঙ্ক্ষা

:বাংলার বীর

:হইল। তিনি সামান্য কিছু জিনিস ক্রয় করিয়া গ্রামে গ্রামে ঘুরিয়া তাহা বিক্রয় করিতে লাগিলেন, ইহাতে তাঁহার বেশ লাভ হইতে লাগিল। যখন যেখানে রাত্রি হইত, তখন সেখানেই হোটেলের রাত কাটাইতেন। গ্রামে গ্রামে ঘুরিয়া অনেক ইংরাজ-পরিবারের সহিত তিনি পরিচিত হইয়া পড়িলেন। এই সময় তিনি রসায়ন, গণিত, গ্রীক, ল্যাটিন এবং কিছু ইন্দ্রজাল-বিদ্যাও শিক্ষা করেন ; এখন তিনি পূর্ণ মাত্রায় সাহেব।

ফিরিওয়ালারূপে ভ্রমণ করিতে করিতে এক সার্কাসদলের সহিত তাঁহার পরিচয় হয়। তিনি শারীরিক শক্তির পরিচয় দিয়া সপ্তাহে ১৫ শিলিং বেতনে উক্ত সার্কাসদলে ভর্তি হন। সার্কাসে প্রবিষ্ট হইয়া তিনি দিন দিন উন্নতিলাভ করিতে লাগিলেন। তাঁহার অদ্ভুত ক্রীড়া-দর্শনে দর্শকমণ্ডলী বিমোহিত হইয়া করতালি দ্বারা তাঁহাকে অভিনন্দিত করিত। তাঁহার জগৎ সার্কাসদলের প্রসার-প্রতিপত্তিও দিন দিন বর্দ্ধিত হইতে লাগিল। সার্কাসের ম্যানেজার তাঁহাকে নিরতিশয় স্নেহের চক্ষে দেখিতে লাগিলেন। তাহার বেতনও বর্দ্ধিত হইতে আরম্ভ করিল। বহু দুঃখ-কষ্টের পর তিনি সুখের মুখ দেখিতে পাইলেন। শারীরিক শক্তি প্রদর্শন করিয়া প্রতিষ্ঠালাভ তাঁহার অত্যধিক প্রীতিপ্রদ বলিয়া মনে হইল ; অতএব তিনি অতি যত্নে ও আগ্রহে নানাবিধ কৌশল শিক্ষা করিতে লাগিলেন। এই সময় সার্কাসদলের জনৈক জার্মান-বালিকার নিকট তিনি কিছু কিছু জার্মান এবং ফরাসী ভাষাও শিক্ষা করিয়াছিলেন।

সুরেশচন্দ্র ভীষণ হিংস্র বয় পশু বশ করিবার আশ্চর্য্য ক্ষমতা লাভ করিয়াছিলেন। সন্তুষ্ট ভীষণাকৃতি সিংহব্যাঘ্রের পিঞ্জরে প্রবেশ করিয়া তিনি তাহাদের সহিত মল্লক্রীড়া প্রদর্শন পূর্ব্বক দর্শকমণ্ডলীকে বিস্ময়াবিষ্ট করিতেন। একদিন প্রসিদ্ধ পশুবশকারী জামবাক সাহেবের সহিত তাঁহার সাক্ষাৎ হওয়ায় তিনি সুরেশচন্দ্রকে সহকারীরূপে স্বীয় পশুশালায় নিযুক্ত করেন। জামবাক সাহেবের পশুশালায় কর্ম্ম করিবার সময় তিনি সিংহব্যাঘ্রাদির সহিত ক্রীড়া করিবার উত্তম সুযোগ প্রাপ্ত হইলেন। ক্রমেই তাঁহার খ্যাতি বিস্তৃতি লাভ করিতে লাগিল। হৃদ্যন্ত হিংস্র পশুদিগকে গৃহপালিত বিড়াল কুকুরের ছায় বশীভূত করিয়া অবলীলাক্রমে তিনি তাহাদের সহিত ক্রীড়া করিতেন। নিতান্ত অল্পগত ভৃত্যের মত তাহারা তাঁহার আদেশ অবনত মস্তকে পালন করিত। সুরেশচন্দ্রের দারিদ্র্য কষ্ট তিরোহিত হইয়াছে, তিনি এখন ধনে মানে ও যশে যথেষ্ট খ্যাতি লাভ করিয়াছেন।

তিনি আবার সার্কাস দলে ভর্তি হইয়া ইয়োরোপের সমুদয় দেশ ভ্রমণ করিতে করিতে জার্মানীতে উপস্থিত হইলেন। এখানে এক ধনাঢ্য জার্মান বালিকা তাঁহাকে ভালবাসিতে আরম্ভ করিলেন, সুরেশচন্দ্রও তাঁহাকে ভালবাসিতে লাগিলেন। কিন্তু এক জন সম্ভ্রান্তবংশীয় জার্মান মহিলা একজন সামান্য অবস্থাপন্ন কৃষকায় ভারতবাসীর সহিত বিবাহবন্ধনে আবদ্ধ হইবে, ইহা বালিকার আত্মীয় স্বজনেরা কিছুতেই সহ্য করিতে পারিলেন না। তাঁহারা সুরেশচন্দ্রের প্রাণসংহার করিবার জন্ত বদ্ধপরিকর

বাংলার বীর

হইলে তিনি আর ইয়োরোপখণ্ডে অবস্থান করা শিরাপদ মনে করিলেন না ; এক বৃহৎ সার্কাসদলের সহিত আমেরিকায় প্রস্থান করিলেন ।

নিউইয়র্ক সহরে তিনি অদ্ভুত ক্রীড়া প্রদর্শন করিয়া সকলকে মুগ্ধ ও বিস্মিত করিলেন । চতুর্দিকে তাঁহার নাম ও খ্যাতি বিস্তৃত হইয়া পড়িল । নানা সংবাদপত্রে তাঁহার বীরত্বের খ্যাতি ও চিত্র প্রকাশিত হইতে লাগিল । সেখান হইতে তিনি মেক্সিকো এবং মেক্সিকো হইতে দক্ষিণ আমেরিকার ব্রেজিলরাজ্যে উপনীত হইলেন । ব্রেজিলের প্রাকৃতিক সৌন্দর্য্য তাঁহার অন্তরকে মুগ্ধ করিল, তিনি এই দেশে স্থায়ী বসবাস করিবার সঙ্কল্প করিলেন । ব্রেজিলের রাজধানী রাইও-ডি-জেনিরো । সুরেশচন্দ্র সেখানে যাইয়া সার্কাস দেখাইতে লাগিলেন । এই সময়ে নানা বিষয়ে বক্তৃতা প্রদান করিয়াও তিনি বিদ্বৎসমাজে যথেষ্ট খ্যাতি অর্জন করিয়াছিলেন । ইংরাজী, ফ্রেঞ্চ, পর্তুগীজ, জার্মান, স্পেনীয়, ডানিস্, ডাচ, ইটালিয়ন, গ্রীক, লাতিন এই কয়টা ভাষায় তিনি দক্ষতা লাভ করিয়াছিলেন । গণিত, দর্শন ও রসায়ন শাস্ত্রেও তিনি বক্তৃতা প্রদান করিতেন । অতঃপর ব্রেজিলের সরকারি পণ্ডশালায় সুপারিণ্টেন্ডেন্টের পদ শূন্য হওয়াতে তিনি উক্ত দায়িত্বপূর্ণ পদে নিযুক্ত হইলেন । ক্রমেই তাঁহার সৌভাগ্যের পথ পরিষ্কৃত হইতে লাগিল । এই সময় এক চিকিৎসক-নন্দিনী তাঁহার বৈচিত্র্যপূর্ণ জীবন-কাহিনী শুনিয়া তৎপ্রতি আকৃষ্ট হইয়া পড়েন । তিনিও তাঁহার প্রতি অনুরাগী

হইয়া তাঁহাকে স্বীয় সহধর্ম্মিণীরূপে গ্রহণ করিতে অভিলাষী হন। তাঁহারই ইচ্ছানুসারে, তাঁহারই সম্ভৃতিবিধানের নিমিত্ত সুরেশচন্দ্র ব্রেজিলের রাজকীয় অখারোহী সৈন্তশ্রেণীতে কর্ম্ম গ্রহণ করেন। তথা হইতে তিনি সেন্টাক্রুজে একদল পদাতিক সৈন্তের কর্পোরাল রূপে প্রেরিত হন। সৈনিক বিভাগেও তিনি প্রতিভা ও বীরত্বের পরিচয় দিয়া কর্তৃপক্ষের স্তুতি আকর্ষণ করেন। ঈহাদের ভিতর প্রতিভার বীজ নিহিত রহিয়াছে তাঁহারা সর্বকালে সর্বদেশে ও সর্ব অবস্থার মধ্যেই স্বীয় শক্তির পরিচয় প্রদান করিয়া কীর্তিলাভে সমর্থ হন। সেন্টাক্রুজে কিছুদিন কার্য্য করিবার পর তিনি রাইও-ডি-জেনিরোর সামরিক চিকিৎসালয়ের তত্ত্বাবধায়ক নিযুক্ত হইয়া তথায় প্রেরিত হন। এই কার্য্যে অবস্থান কালে তিনি চিকিৎসাবিজ্ঞান,— বিশেষতঃ অস্ত্রচিকিৎসায় বিশেষ পারদর্শিতা অর্জন করেন। এই সময় মার্কিন দেশে পীতজ্বরে বহু সংখ্যক নরনারী আক্রান্ত হইয়া হাসপাতালে চিকিৎসার্থ আসিতে লাগিল। তাহার উপর আবার এদেশে ঘোর বিদ্রোহ-বহি প্রজ্জ্বলিত হওয়ায় বহু শত মরণোন্মুখ আহত বিদ্রোহী ও সৈনিক প্রতীহ ঐ হাসপাতালে প্রেরিত হইতেছিল। তিনি গভীর মনোনিবেশ ও কঠোর পরিশ্রম সহকারে উহাদের তত্ত্বাবধান করিয়া কর্তৃপক্ষের প্রশংসাজনন হন। যুদ্ধ উপস্থিত হইলে সামরিক হাসপাতাল একটা মৃত্যু-নিকেতনে পরিণত হয়, বীর সুরেশচন্দ্র নির্ভীক চিত্তে সেই মৃত্যুপথ-যাত্রীগণের দাক্ষণ বিকট চীৎকার এবং বিকৃত-বদন শবরাশির বীভৎস দৃশ্য উপেক্ষা করিয়া স্বীয় কর্তব্যকর্ম্ম সম্পাদন করিতেন।

ইহার পর তিনি পদাতিক সেনাদলের সার্জেন্ট পদে উন্নীত হন। পূর্বেই বলিয়াছি, তখন ব্রেজিল-রাজ্যের সর্বত্র বিপ্লব-বহি জলিয়া উঠিয়া ছিল। এই বিপ্লব দমনের জন্ত নানা স্থানে বিদ্রোহীদিগের সহিত রাজকীয় সৈন্তের খণ্ড-যুদ্ধ হইত। সুরেশচন্দ্র একদল সৈন্ত পরিচালনের ভার প্রাপ্ত হইয়া এই যুদ্ধে প্রেরিত হইয়াছিলেন। তিনি এই সকল যুদ্ধে যে নির্ভীকতা, প্রত্যাশপন্নমতিত্ব, অমাহুষিক বীরত্ব ও তেজস্বিতার পরিচয় দিয়াছিলেন, তাহাতে তাঁহার উচ্চপদস্থ কর্মচারিগণ তাঁহার ভূয়সী প্রশংসা করিয়াছিলেন। কিন্তু হুর্ভাগ্যবশতঃ তিনি কৃষ্ণকায় বলিয়া তিন বৎসরের মধ্যে তাঁহার আর পদোন্নতি হইল না, সার্জেন্ট পদেই অবস্থান করিতে লাগিলেন। যে বীরত্ব দেখাইয়া শ্বেতকায় সৈনিকগণ ক্রমশঃ উচ্চতর পদে অরোহণ করিতে লাগিলেন, বাঙ্গালী সুরেশচন্দ্র তাহা অপেক্ষা চতুর্গুণ বীরত্ব দেখাইয়াও উচ্চতর পদ প্রাপ্ত হইলেন না। সর্বত্রই এই বর্ণবৈষম্য! কিন্তু আমাদের সকল কর্মের বিচারক ভগবান, এই পক্ষপাতিত্ব তিনি বেশী দিন সহ্য করিতে পারিলেন না, বীর সুরেশচন্দ্র তাঁহার কর্মের পুরস্কার স্বরূপ লেপ্টেন্যান্টপদে উন্নীত হইলেন। কমলা বীর-ভোগ্যা। কর্মক্ষেত্রে যাহারা প্রকৃত বীরত্বের পরিচয় প্রদান করেন, তাঁহাদের উন্নতির পথ কোনও বাধাবিঘ্ন দ্বারাই রুদ্ধ থাকিতে পারে না।

নানা যুদ্ধক্ষেত্রে শৌর্য্য-বীর্য্যের পরিচয় প্রদান করিয়া সুরেশচন্দ্র অনেক দিন পরে রাজধানী রাইও-ডি-জেনিরো নগরে প্রত্যাধর্ভন করিলেন। তখন তিনি লেপ্টেন্যান্ট। এইবার তিনি তাঁহার সেই প্রণয়প্রার্থিনী

চিকিৎসক-হুহিতাকে বিবাহ করিয়া সুরেশ সংসার সাজাইয়া বসিলেন। সুরেশচন্দ্রের বিক্ষিপ্ত, বিপর্যস্ত জীবন-ধারা কলনাদিনী কল্লোলিনীর মত আনন্দে ছুই কূল প্লাবিত করিয়া যশঃ ও প্রতিভার স্বর্ণশীর্ষ বীচিমালায় বিভূষিত হইয়া বহিয়া চলিল। সম্মান, অর্থ, প্রণয়, শান্তি, সুখ,—এ সংসারে মানুষের যাহা প্রার্থনীয়, সবই তাঁহার হইল। তিনি তখন ব্রেজিলের সম্রাস্তবংশীয়দিগের মধ্যে অগ্রতম। যে সুরেশচন্দ্র একদিন মাদ্রাজে অনাহার-ক্লেশ সহ্য করিতে না পারিয়া সমুদ্রে আত্মবিসর্জন দিতে প্রস্তুত হইয়াছিলেন,—যে সুরেশচন্দ্র একদিন কপর্দকবিহীন অবস্থায় লণ্ডন হাইড্ পার্কে নিজের ভাগ্য চিন্তা করিয়া অশ্রুবিসর্জন করিয়াছিলেন, আজ সেই সুরেশচন্দ্র যশে, সম্পদে, পদমর্যাদায় রাইও-ডি-জেনিরো নগরের একজন সম্রাস্ত ব্যক্তি।

সেই উন্নতিই তাঁহার চরম উন্নতি নহে, ভাগ্যলক্ষ্মী তখনও জয়-মালা হস্তে তাঁহার জন্ত অপেক্ষা করিতেছিলেন। ব্রেজিলের রাষ্ট্র-বিপ্লব ক্রমশঃ বিস্তৃতিলাভ করিতে লাগিল। রাজকীয় নৌ-সেনা বিদ্রোহের ধ্বজা তুলিয়া রাজধানী রাইও-ডি-জেনিরো আক্রমণ করিয়া গুলি বর্ষণ করিতে লাগিল। ভীষণ যুদ্ধ আরম্ভ হইল। নৌ-সৈন্য স্থলসৈন্য অপেক্ষা অধিক বিক্রমশালী ছিল, কাজেই তাহারা প্রথমতঃ জয়লাভ করিতে লাগিল। তাহাদের রণপোত-নিষ্কিপ্ত গোলার আঘাতে রাজধানীর কতক অংশ ধ্বংস হইয়া গেল। স্থল-সৈন্যেরাও যুদ্ধক্ষেত্রে অবতীর্ণ হইয়া বিপক্ষ-সৈন্যের উপর গুলি বর্ষণ করিতে লাগিল। সুরেশচন্দ্র একদল

বাংলার বীর

সৈন্তের নেতৃত্ব গ্রহণ করিয়া এই যুদ্ধে অবতীর্ণ হইলেন। তাঁহার বীরত্বে, নির্ভীকতায় এবং সৈন্ত-পরিচালন-কৌশলে বিপক্ষদল স্তম্ভিত হইল। অবিরত গোলাবর্ষণের মধ্যে তিনি স্বীয় সৈন্ত লইয়া বিপক্ষদিগের বিরুদ্ধে সংগ্রাম করিতে লাগিলেন। বিদ্রোহী নৌ-সেনাদল তখন রাজধানী অবরোধের আশা বিসর্জন দিয়া রাজধানীর নিকটবর্তী নাথেরা নামক স্থান আক্রমণের জন্ত ধাবিত হইল। সাণ্টাক্রুজ প্রভৃতি নগরের দুর্গ সকল শত্রুদলের গোলার আঘাতে চূর্ণবিচূর্ণ হইয়া ভূমিসাৎ হইতে লাগিল। ব্রেজিল-সৈন্তগণও তাহাদিগকে বাধা প্রদান করিতেছিল। সুরেশচন্দ্র একদল সৈন্ত লইয়া এই সমরক্ষেত্রে উপস্থিত ছিলেন। উভয় পক্ষে কয়েক দিন ধরিয়া তুমুল সংগ্রাম চলিল। কোনও পক্ষেরই জয়পরাজয় নির্দ্ধারিত হইল না। বিদ্রোহিগণ যখন দেখিল যে, এইরূপ আক্রমণে বিশেষ কোনই লাভ হইবে না, তখন তাহারা এক বিরাট বাহিনী পশ্চাৎদিক হইতে নগর আক্রমণ করিবার জন্ত প্রেরণ করিল। গভীর তামসী রজনী, শত্রুমিত্র কিছুই দৃষ্টিগোচর হইতেছিল না। রাজকীয় সৈন্তগণ উভয় দিক হইতে শত্রু কর্তৃক অক্রান্ত হইয়া বিষম বিপদে পতিত হইল। সৈন্তাধ্যক্ষগণ বিচলিত ও স্তম্ভিত হইয়া পড়িলেন, এখন কোন্ দিক রক্ষা করিবেন? বুঝি বা বিদ্রোহীদিগের হস্তে সমূলে বিনষ্ট হইতে হয়। শত্রুদিগকে এক দিক হইতে দূরীভূত করিতে না পারিলে নগর রক্ষার আর আশা নাই, অথচ অধিক সংখ্যক সৈন্তও সেই দিকে প্রেরণ করা অসম্ভব। তখন

প্রধান সেনাপতি অধীন সেনাপতিদিগকে সম্বোধন করিয়া কহিলেন, “তোমাদিগের মধ্যে এমন কে বীর আছে যে, মাত্র ৫০ জন সৈন্য লইয়া বিপক্ষদিগকে আক্রমণ করিতে সাহস কর?” সকলেই নীরব। কে এমন দুঃসাহসিক কার্যে অগ্রসর হইবে? একজন সেনাপতি উত্তর করিলেন, “আমি পারি।”—ইনি আর কেহ নহেন, আমরা যাহার জীবন-কথা লিখিতে বসিয়াছি, ইনি সেই বাংলার বীর-সন্তান সুরেশচন্দ্র বিশ্বাস। সুরেশচন্দ্র অন্ধকার রাত্রিতে মাত্র ৫০ জন সৈন্য লইয়া সেই মৃত্যুমুখে ধাবিত হইলেন। যেখানে বিদ্রোহী সৈন্যগণ অবস্থান করিতেছিল, তিনি বিপুল বিক্রমে সেই দিক আক্রমণ করিলেন। বিরাট বিদ্রোহিবাহিনীর নিকট এই ৫০ জন সৈনিক প্রচণ্ড দাবানলের সম্মুখে সামান্য তৃণখণ্ড মাত্র। বিপক্ষ-সৈন্যের আক্রমণে সুরেশচন্দ্রের সৈন্যদল স্থির থাকিতে পারিল না। সুরেশচন্দ্র দেখিলেন, হয়ত ক্ষণকাল পরেই তাহার সৈন্যগণ পলায়ন করিতে বাধ্য হইবে, তিনি বীরদর্পে হুঙ্কার করিয়া বলিলেন, “সৈন্যগণ, ভীত হইও না, আমরা নিশ্চয় আজ জয়লাভ করিব, এস, আমার অনুসরণ করিয়া শত্রুপক্ষকে আক্রমণ কর।”—এই বলিয়া তিনি শত্রুপক্ষের গুলিবর্ষণ উপেক্ষা করিয়া অগ্রসর হইলেন। সেনাপতির বীরবাহীতে সৈন্যগণের হৃদয়েও বীরত্বের সঞ্চার হইল, তাহারা তাহার অনুগমন করিয়া শত্রুদিগকে আক্রমণ করিল। শত্রু-সৈন্য সংখ্যায় অধিক হইলেও এই আক্রমণ প্রতিরোধের সাধ্য তাহাদের হইল না, তাহারা পৃষ্ঠ প্রদর্শন করিয়া পলায়ন করিতে লাগিল। কিন্তু পলায়ন

বাংলার বীর

করিয়াও নিষ্কৃতি পাইল না, তাঁহার সৈন্যগণ হস্তস্থিত তরবারি ও সজ্জাণের
ঘায় তাহাদিগকে দ্বিখণ্ডিত ও বিদ্ধ করিয়া শমন-সদনে প্রেরণ করিতে
লাগিল। বিজয়ী সুরেশচন্দ্র কতকগুলি শত্রু-সৈন্যকে বন্দী করিয়া
শিবিরে প্রত্যাবর্তন করিলেন। বীরবর রণ-ক্লান্তি নিবারণের জন্ত
শিবিরের সম্মুখভাগে বায়ুসেবনার্থ বহির্গত হইলে একজন ভদ্রবেশ-
ধারিণী রমণী তাঁহার নিকট আসিয়া মৃতব্যক্তিগণ কোথায় রক্ষিত বা
স্থানান্তরিত হইয়াছে তাহা জানিতে চাহিলেন। সুরেশচন্দ্র কোনও
প্রকার সন্দেহের বশবর্তী না হইয়া রমণীর সমভিব্যাহারে গমন করিয়া
সেই স্থানের দিকে অগ্রসর হইলেন। কিয়দূর গমনের পর সহসা
দুইজন বিদ্রোহী নৌ-সেনা তরবারি হস্তে আসিয়া তাঁহাকে আক্রমণ
করিল। যে বীর শত শত বীরকে যুদ্ধস্থলে নিপাতিত করিয়াছেন,
দুইজন সামান্য সৈনিকের তুচ্ছ শক্তি তাঁহার কি করিবে? সুরেশচন্দ্র
স্বয়ং তরবারি কোষমুক্ত করিয়া তাহাদিগকে আক্রমণ করিলেন;
সৈনিকদ্বয় সে আক্রমণ সহ্য করিতে না পারিয়া পলায়ন করিল।
শিবিরে প্রত্যাগমনকালে সহসা তাঁহার নাসিকায় এমন একটা দুর্গন্ধ প্রবেশ
করিল যে, তিনি আর স্থির হইয়া দণ্ডায়মান থাকিতে পারিলেন না,
সেই স্থানে বসিয়া পড়িলেন। সর্বাঙ্গ-অবশকারী একটা শৈত্য ধীরে
ধীরে তাঁহার পদতল হইতে উত্থিত হইয়া যেন সর্কশরীর শিথিল করিয়া
ফেলিতে আরম্ভ করিল। তিনি অজ্ঞান হইয়া সেই স্থানে পতিত
হইলেন। দুইজন অপরিচিত লোক তাঁহাকে ধরাধরি করিয়া হাসপাতালে

লইয়া গেল। তিন দিবস পরে সেখানে তিনি চৈতন্যলাভ করিলেন, কিন্তু সম্পূর্ণ আরোগ্যলাভ করিতে তাঁহার প্রায় আট দশ দিন লাগিয়াছিল। শিবিরের অগ্রাগ্র সৈনিক ও সেনাপতিগণ তাঁহার এইরূপ সহসা অন্তর্দ্বানে চিন্তিত হইয়া পড়িলেন; তাঁহারা মনে করিলেন, সুরেশচন্দ্র নিশ্চয়ই বিপক্ষকর্তৃক আক্রান্ত হইয়া বন্দী বা নিহত হইয়াছেন। কেহ কেহ ইহাতে পরম শাস্তি এবং আত্মপ্রসাদ লাভ করিল। কারণ তাঁহার বশঃখ্যাতি এবং পদগৌরব অনেকের ঈর্ষ্যার সঞ্চার করিয়াছিল।

নাথেরা সমরাজ্ঞে ব্রেজিল রাজকীয় সৈন্তের জয়লাভের গৌরব একমাত্র সুরেশচন্দ্রেরই প্রাপ্য। তিনি যদি সেই গভীর রাত্রিতে অসম সাহসে নির্ভর করিয়া বীর বিক্রমে বিদ্রোহীদিগকে আক্রমণ না করিতেন তবে নাথেরা নগর শত্রুকর্তৃক অনায়াসে অধিকৃত হইত; অধিকন্তু, উভয় দিক হইতে আক্রমণে রাজকীয় সৈন্ত নিষ্পেষিত হইয়া মরণ বরণ করিয়া লইতে বাধ্য হইত। কিন্তু সুরেশচন্দ্র বিদেশীয় বলিয়াই কেহ তাঁহার এই বীরত্বের উপযুক্ত সম্মান প্রদর্শন করিল না। যদি তিনি বিদেশীয় না হইয়া তদ্দেশবাসী হইতেন, তাহা হইলে তাঁহার স্মৃতির প্রতি যথেষ্ট সমাদর প্রদর্শিত হইত সন্দেহ নাই। যাহারা বাঙ্গালী জাতিকে ভীক, গৃহ-প্রিয়, কাপুরুষ, দুর্বল বলিয়া ঘৃণাভরে সামরিক অধিকার প্রদানে অসম্মত, তাহারা সুরেশচন্দ্রের বীরত্বমহিমামণ্ডিত জীবনের কথা ভাবিয়া দেখুক। বাঙ্গালী উপযুক্ত ক্ষেত্র পাইলে বীরত্ব প্রদর্শন করিতে কুণ্ঠিত ও অক্ষম নহে। গত ইউরোপীয় মহাযুদ্ধে বাঙ্গালী-সৈন্ত ভীষণ অগ্নিবর্ষণ

বাংলার বীর

উপেক্ষা করিয়া বিভিন্ন রণক্ষেত্রে যে অসমসাহসিকতার পরিচয় দিয়াছে, কোনও কোনও সহৃদয় গুণগ্রাহী ইংরাজ তাহার শতযুগে প্রশংসা না করিয়া থাকিতে পারেন নাই। চতুর্দশ বৎসর বয়ঃক্রম হইতে সুরেশচন্দ্র মাতাপিতা ও আত্মীয়স্বজনের স্নেহে বঞ্চিত হইয়া জীবনসংগ্রামে অবতীর্ণ হইয়াছিলেন। কত দুঃখকষ্ট,—কত বিড়ম্বনা,—কত আপদবিপদ চেলিয়া তাঁহাকে অগ্রসর হইতে হইয়াছে! সংসার-সাগরের বীচি-বিক্ষেপিত দর্শনে তিনি ভীত হন নাই। তখন যদি তিনি অভিভূত হইয়া পড়িতেন, তবে আজ কে তাঁহার নাম জানিত? স্বাবলম্বন, আত্মপ্রত্যয় এবং আত্মপ্রতিষ্ঠার উচ্চাকাঙ্ক্ষাই মানুষকে উন্নত করে,—তাহার নাম চিরস্মরণীয় করিয়া রাখে। বীর সুরেশচন্দ্রের জীবন-কথা আমাদের ঘরে ঘরে রামায়ণ মহাভারতের গায় শ্রদ্ধায় কীৰ্ত্তিত হওয়া আবশ্যক।

সুরেশচন্দ্র ক্রমে কর্ণেল পদে উন্নীত হইয়া ১৯০৫ খৃষ্টাব্দের ২২ শে সেপ্টেম্বর মহাপ্রস্থান করেন। মৃত্যুকালে তাঁহার বয়স মাত্র ৪৫ বৎসর হইয়াছিল। তিন পুত্র, এক কন্যা এবং অগাধ সম্পত্তি রাখিয়া তিনি ইহলোক হইতে প্রস্থান করেন। বিদেশে অতুল যশঃমান ও ধনের অধিকারী হইয়া এবং প্রেমময়ী পত্নী ও স্নেহের পুত্তলি পুত্রকন্যা লাভ করিয়াও সুরেশচন্দ্র তাঁহার জনকজননী, আত্মীয়স্বজন এবং জন্মভূমি বিস্মৃত হন নাই। তিনি তাঁহার খুল্লতাতে নিকট সর্বদা পত্রাদি লিখিতেন, সে সমুদায় পত্র দেশ ও দেশবাসীর জ্ঞাত আকুলতায় পূর্ণ থাকিত। হয়ত জন্মভূমি দর্শনের জ্ঞাত সুরেশচন্দ্র একদিন ভারতে আসিতেন, কিন্তু অকাল মৃত্যু তাঁহার সে বাসনা পূর্ণ করিতে দিল না।

আজ সুরেশচন্দ্র নাই। কিন্তু যতদিন বাঙ্গালীর ইতিহাস থাকিবে, ততদিন তাঁহার বীরত্বের কাহিনী সে ইতিহাসের পৃষ্ঠা উজ্জ্বলবর্ণে রঞ্জিত করিয়া বিরাজিত রহিবে।

হে বাংলার সন্তান, বীরত্বের অর্চনা করিতে শিক্ষা কর। তোমরা “অলস, দুর্বল, ভীক, কাপুরুষ” এই অখ্যাতি দূর কর,—বাংলা আবার সেই প্রতাপের বাংলা, সীতারামের বাংলা, চাঁদরায়-কেদাররায়ের সোনার বাংলা হউক।

রাসবিহারী ঘোষ

১৮৫৭ খ্রীষ্টাব্দে যখন সিপাহী-বিদ্রোহের অনল সমগ্র উত্তর ভারতে বিস্তৃত হইয়া পড়িয়াছিল, যখন সিপাহী-দলের নিশ্চয় নিষ্ঠুরতায় নগর সমূহ নিরীহ নরনারীর রুধির-স্রোতে পরিপ্লাবিত হইতেছিল, তখন বীর রাসবিহারী ঘোষের অদম্য সাহস, অকুতোভয়তা এবং প্রত্যাশাপূর্ণমতি-প্রভাবে কত বালকবালিকা নরনারী যে উন্নত হিংস্র সিপাহীদলের উত্তম শাণিত তরবারি হইতে রক্ষা পাইয়াছে তাহার ইয়ত্তা নাই।

রাসবিহারী বাবুর পিতার নাম ৬ গুরুনাথ ঘোষ। তিনি ১৮০৭ খ্রীষ্টাব্দে ২৪ পরগণার অন্তর্গত আনোরপুর গ্রাম হইতে এলাহাবাদে আসিয়া তত্রত্য কালেক্টরীর প্রধান কেরানীর পদগ্রহণ করেন। এলাহাবাদের মুটীগঞ্জস্থ বাসভবনে ১৮১৫ খ্রীষ্টাব্দের মে মাসে এই বীর বালকের জন্ম হয়। পঞ্চমবৎসর বয়ঃক্রমকালে রাসবিহারী আনোরপুর গ্রামে আগমন করেন, এবং বারাসত স্কুলে ইঁহার বাল্যশিক্ষা আরম্ভ হয়। এই সময় তাঁহার পিতৃবিয়োগ হয়। দ্বাদশবর্ষ বয়ঃক্রমকালে ইনি পুনরায় এলাহাবাদে প্রত্যাবর্তন করিয়া সরকারী বিদ্যালয়ে ভর্তি হইয়া অধ্যয়ন করিতে আরম্ভ করেন।

রাসবিহারী অত্যন্ত মেধাবী বালক ছিলেন বটে, কিন্তু শাস্ত্র স্নবোধ বালকটির মত কেবল পুস্তকাদি লইয়াই নিবিষ্টচিত্তে বসিয়া থাকা তাঁহার

ভাল লাগিত না। ভগবান তাঁহার প্রকৃতি অথ উপাদানে গঠন করিয়াছিলেন। প্রিয়দর্শন বলক এতই আমোদপ্রিয় ও মধুরভাবী ছিলেন যে, অনায়াসেই অপরের চিত্ত অধিকার করিয়া লইতে সমর্থ হইতেন। তিনি উত্তম সেতার এবং তবলা বাজাইতে পারিতেন, তাঁহার সঙ্গীতের একটা মোহকরী শক্তি ছিল। এই গুণে তাঁহাকে অনেকেই ভালবাসিত। কিন্তু ললিতকলার চর্চা অপেক্ষা তিনি শারীরিক চর্চাই সমধিক ভাল বাসিতেন। অস্বারোহণে তাঁহার অসামান্য দক্ষতা ছিল, যে কোনও প্রকার ছুঁই অশ্বকে তিনি অনায়াসে বশীভূত করিয়া ফেলিতে পারিতেন। তাঁহার শারীরিক শক্তিও ছিল অসীম। মীর্জাপুরের তৎকালীন বিখ্যাত পালোয়ান সর্নাম সিংহের নিকট ~~শিক্ষা~~ ^{শিক্ষা} করেন; উক্ত বিদ্বায় তিনি এতদূর পারদর্শিতা লাভ করিয়াছিলেন যে, তৎকালীন প্রায় সমস্ত বিখ্যাত কুস্তী-বীরই রাসবিহারী বাবুর নিকট মস্তক অবনত করিতে বাধ্য হইয়াছিল। এই শারীরিক শক্তির সহিত নৈতিক সাহস সংযুক্ত হইয়া তাঁহার বীর্যমত্তাকে পরোপকার-ধর্মসাধনে বিশেষ সাহায্য করিয়াছিল। এই দৈহিক শক্তি এবং নৈতিক সাহসের জগুই দুর্দান্ত দস্যুতন্ত্রের রাসবিহারী বাবুকে বিশেষ ভয় এবং ভক্তির চক্ষে দর্শন করিত। একবার তাঁহার জনৈক আত্মীয়ের গৃহে ডাকাত পড়িয়াছিল। রাসবিহারী বাবু সংবাদ পাইয়া তৎক্ষণাৎ কয়েকজন লোক সঙ্গে লইয়া সেখানে যাইয়া উপস্থিত হইলেন। তাঁহাকে দেখিয়া দস্যু-দলপতি সভয়ে এবং সসন্ত্রমে মস্তক অবনত করিয়া কহিল, “ইহা আপনার

বাংলার বীর

আত্মীয়ের বাড়ী জানিতে পারিলে কখনই আসিতাম না।” সে দুঃখ প্রকাশ করিয়া তৎক্ষণাৎ দলবল লইয়া প্রস্থান করিল। এই শক্তির চর্চা করিতে যাইয়াই তিনি বিদ্বার্জনের পথে বেশী দূর অগ্রসর হইতে পারিলেন না। স্ততরাং সরস্বতীর উপাসনা পরিত্যাগ পূর্বক কমলার অর্চনাতেই মনোনিবেশ করিবার জন্ত কলেঙ্করী আফিসে একটা কক্ষ গ্রহণ করিলেন। কিন্তু অধিক দিন তাঁহার সেই কক্ষ ভাল লাগিল না। কক্ষ পরিত্যাগ করিয়া তিনি বুঁদেলখণ্ডে শ্বশুর-গৃহে গমন করেন।

ঘোবনের প্রারম্ভে একবার তিনি সন্ন্যাস গ্রহণের নিমিত্ত গৃহ হইতে চলিয়া যান, কিন্তু জ্যেষ্ঠ ভ্রাতৃগণের নিতান্ত উৎপীড়নে তাঁহাকে সে সঙ্কল্প পরিত্যাগ করিয়া গৃহে প্রত্যাবর্তন পূর্বক বিবাহ-বন্ধনে আবদ্ধ হইতে বাধ্য হইতে হইয়াছিল।

অতঃপর তিনি বাদার ৬০ নং পূর্বিয়া পন্টনে কেরানীগিরি কক্ষ গ্রহণ করেন। এই কক্ষোপলক্ষে তাঁহাকে সপরিবারে আশ্বালার যাইতে হয়। সেখানে কিছুদিন অবস্থানের পর পন্টনের দিল্লী যাইবার আদেশ হয়, স্ততরাং স্থালকের নিকট জীপুল রাখিয়া রাসবিহারী বাবুও সেই সঙ্গে দিল্লী যাত্রা করেন। কিন্তু সৈয়দদল যখন দিল্লীর পথে কার্ণালে উপস্থিত হইল, তখন সেখানে সংবাদ আসিল যে, রোহটকে সিপাহীগণ বিদ্রোহী হইয়া সরকারের ধনাগার লুণ্ঠন করিয়াছে, ইংরাজ দেখিলেই তাহাকে হত্যা করিতেছে, প্রজাদিগের ধনপ্রাণও নিরাপদ নহে, অতএব তাঁহারা যেন অনতিবিলম্বে সৈয়দদল লইয়া বিদ্রোহ দমনের জন্ত রোহটক

যাত্রা করেন। সেই সৈন্তদলের অধিনায়ক ছিলেন কর্ণেল ব্যাণ্ডেল এবং ক্যাপ্টেন সেবিয়ার। পল্টনদল অবিলম্বে রোহটক যাত্রা করিল। এই স্থান হইতে রাসবিহারী বাবুর প্রকৃত কর্মময় জীবনের সূচনা।

সৈন্তদল রোহটকে উপস্থিত হইয়াই প্রথম দিন ৩০ জনকে বিদ্রোহী বলিয়া গ্রেপ্তার করিয়া তাহাদের ফাঁসী দিল। এই দণ্ডিত ব্যক্তিদিগের মধ্যে বহু গণ্যমান্য ভদ্রলোক এবং জমাদার ছিলেন। দ্বিতীয় দিবসেও প্রায় ৫০ জনের মৃত্যুদণ্ডের আদেশ হইল, রাসবিহারী বাবু দেখিলেন, এইরূপ বিনা বিচারে শাস্তি দেওয়ায় দোষীর সহিত ঈহ নির্দোষ ব্যক্তিও জীবনান্ত হইবার উপক্রম হইয়াছে। ধর্মভীরু রাসবিহারী বাবুর হৃদয়ে বিশেষ আঘাত লাগিল; তিনি অনুসন্ধান করিয়া জানিতে পারিলেন, উক্ত দণ্ডাদেশ প্রাপ্ত ব্যক্তিদিগের মধ্যে প্রায় ৩০ জন নির্দোষ ব্যক্তি রহিয়াছে। তিনি কর্তৃপক্ষের নিকট আবেদন নিবেদন করিয়া সেই ত্রিশজন নির্দোষ ব্যক্তিকে অব্যাহতি প্রদান করাইলেন। এই ব্যাপারের পর হইতেই রাসবিহারী বাবু তত্রত্য অধিবাসিবর্গ এবং সৈন্তগণের বিশেষ শ্রদ্ধা ও ভক্তির পাত্র হইয়া পড়িলেন। দলে দলে বিদ্রোহীদের ধরিয়া আনিয়া ফাঁসী-কাঠে ঝুলান হইতেছিল, কিন্তু রাসবিহারী বাবুর কৃপায় নির্দোষ ব্যক্তিগণের কোনও প্রকার অনিষ্ট হইত না। সরকার-পক্ষ যতই কঠোরতা অবলম্বন করিতে লাগিলেন, বিদ্রোহ-বলি ততই তীব্রতর হইয়া জলিয়া উঠিতে লাগিল। বিদ্রোহিণ দল বৃদ্ধি করিয়া চতুর্দিকে মহাবিভীষিকার সৃষ্টি করিল।

বাংলার বীর

রাসবিহারী বাবুর দলের পণ্টনেরা তখনো বিদ্রোহী হয় নাই। কিন্তু প্রচণ্ড ঝঞ্ঝার পূর্বে যেমন প্রকৃতি স্থির ধীর ভাব ধারণ করে, এই সৈন্যদলের মধ্যেও ঠিক সেই ভাব পরিলক্ষিত হইল। ইহারা যেন কাহার আদেশের অপেক্ষা করিতেছিল, আদেশ পাইলেই প্রজ্জ্বলিত হইয়া উঠিবে। ধীরে ধীরে তাহাদের ভিতর উন্মত্ততার ভাব ফুটিয়া উঠিতে লাগিল। রাসবিহারী বাবু তাহা বুঝিতে পারিয়া তাহাদিগকে মুছ তিরস্কার করিলেন। তাহারা কিছু শান্ত হইল। কিন্তু প্রাণের ভিতর যে দাবান্নি ধুমায়িত হইতেছিল তাহা নিবারণ করিবে কে? এক দিন এই দলের কয়েক জন সিপাহী ২০।২৫ জন স্ত্রীলোক ধরিয়া আনিয়া রাসবিহারী বাবুর নিকট উপস্থিত করিল। ইহারা ক্ষত্রিয়া স্ত্রীলোক, অনেকেই সুন্দরী এবং যুবতী, সঙ্গে মাত্র দুই জন পুরুষ, ইহারা বিদ্রোহীদের হস্তে নির্যাতনের ভয়ে বাড়ীঘর পরিত্যাগ করিয়া ধনরত্নাদিসহ পাটিয়ালি অভিমুখে যাইতেছিল। পথে এই সিপাহীগণের হস্তে নিপতিত হইয়াছে। যে ভয়ে ভীত হইয়া তাহারা পলায়ন করিতেছিল ভবিতব্যতা ইহাদিগকে সেই বিপদ-সমুদ্রেই নিক্ষেপ করিলেন। স্ত্রীলোকেরা মানসজ্ঞম এবং সতীত্বের লাক্ষ্যনাভয়ে কাঁদিয়া আকুল হইল। সিপাহীরা ইহাদিগকে রাসবিহারী বাবুর তত্ত্বাবধানে রাখিয়া প্রস্থান করিলে ইনি রমণীদিগকে মাতৃসম্বোধনে অভয় প্রদান করিয়া শীঘ্র পলায়নের পস্থা বলিয়া দিলেন। রাসবিহারী বাবু বুঝিতে পারিলেন, স্ত্রীলোকদিগকে সত্বর সেখান হইতে বিদায় করিয়া দিতে না পারিলে

পশু-প্রকৃতি সিপাহীদিগের হস্তে তাহাদিগের নারীমর্যাদার সম্মান রক্ষিত হইবে না। স্ত্রীলোকেরা প্রস্থানসময় তাহাদের সমুদায় স্বর্ণমুদ্রা এবং হীরাজহরতের অলঙ্কার রাসবিহারী বাবুকে অর্পণ করিতে চাহিল, ঐ সমুদায়ের মূল্য অনূন ৫০ হাজার টাকা। রাসবিহারী বাবু কিছুতেই উহা লইতে স্বীকৃত হইলেন না; কিন্তু সত্যসত্যই যখন তাহারা উহা তাঁহার গৃহ-প্রাঙ্গনে ফেলিয়া চলিয়া গেল, তখন ধর্মভীরু রাসবিহারী বাবু সেবিয়ার সাহেবকে তাহা জ্ঞাপন করিলেন; সাহেব শুনিয়া কহিলেন, “ভগবান তোমাকে ঐ সমস্ত ধনরত্ন তোমার সংকল্পের পুরস্কার স্বরূপ প্রদান করিয়াছেন, অতএব তুমিই উহার যথার্থ অধিকারী।” কিন্তু রাসবিহারী বাবু যখন একান্তই উহা লইতে স্বীকৃত হইলেন না, তখন সেবিয়ার সাহেব বলিলেন, “অপাততঃ উহা তোমার নিকট গচ্ছিত থাকুক, পরে সময় মত রাজসরকারে জমা করিয়া দেওয়া যাইবে।”

এদিকে রাজিযোগে সিপাহীরা রাসবিহারী বাবুর নিকট আসিয়া যখন শুনিল, তিনি স্ত্রীলোকদিগকে মুক্তি দিয়াছেন, তখন তাহাদের ক্রোধের সীমা রহিল না। কিন্তু সূচতুর রাসবিহারী বাবু তাহাদিগকে এমন ভাবে মধুরবাক্যে তুষ্ট করিয়া দিলেন যে, তাহারা আর বাক্যব্যয় না করিয়া যথাস্থানে প্রস্থান করিল।

৭ই জুন গভীর নিশীথিনীর সুষুপ্তি ভঙ্গ করিয়া সহসা ভীষণরবে রণ-ভেরী বাজিয়া উঠিল। বিদ্রোহী সৈন্যদিগের উল্লাস-চীৎকারে নীরব নৈশনিসর্গ কম্পিত হইল। সিপাহীগণ “দিল্লী চল, দিল্লী চল” বলিয়া

বাংলার বীর

চীৎকার করিতে করিতে আসিয়া একস্থানে সমবেত হইতে লাগিল। যে সৈন্তদলকে লইয়া র্যাণ্ডেল এবং সেবিয়ার সাহেব বিদ্রোহ দমন করিতে রোহটকে আসিয়াছিলেন, তাহারাই আজ বিদ্রোহ ঘোষণা করিয়া উন্মত্ত হইয়া উঠিল। তাহারা যেন কাহার আদেশের অপেক্ষা করিতেছিল। ঐ দিবস দেখা গিয়াছিল, এক জন লোক আসিয়া একজন সিপাহীর হস্তে একখানি পত্র দিয়া গেল। ঐ পত্র পাইয়াই সিপাহীরা রাত্রিতে বিদ্রোহ ঘোষণা করিয়া দিল্লীযাত্রার আয়োজন করিল। সেই পত্র দিল্লীর বিদ্রোহী সৈন্তগণের আমন্ত্রণ-লিপি। র্যাণ্ডেল, সেবিয়ার এবং রাসবিহারী বাবু সহসা এই গভীর রণনিদাদ শ্রবণে চমকিত হইয়া উঠিলেন, তাহারা বুঝিলেন, যে উদ্ধাম জলশ্রোতকে তাহারা এত দিন বাঁধ বাঁধিয়া প্রতিরোধ করিতেছিলেন, আজ সেই জলশ্রোত সমস্ত প্রতিরোধের বাঁধ ভাঙ্গিয়া ছুটিতে আরম্ভ করিয়াছে, আর তাহা বাধা দিয়া রাখা সম্ভবপর হইবে না। রাসবিহারী বাবু সাহেবদিগকে বুঝাইয়া দিলেন, এই সৈন্তেরা দিল্লীর বিদ্রোহিদলের সহিত যোগদান করিতে যাইতেছে, উহাদিগকে এখন বাধা দিলে মহা অনর্থপাত হইবে। তাহার উপদেশ মত কর্ণেল র্যাণ্ডেল, ক্যাপ্টেন সেবিয়ার এবং আরও কয়েকজন ইংরাজ কর্মচারী অনতিবিলম্বে দিল্লী প্রস্থান করিলেন। তাহাদের প্রস্থানের অব্যবহিত পরেই বিদ্রোহোন্মত্ত সিপাহীদল নগ্ন কৃপাণ হস্তে সাহেবদিগের অগ্ন্যুৎসাহে আসিল, তাহাদিগকে না পাইয়া অবশেষে রাসবিহারী বাবুর খোঁজ করিল। রাসবিহারী বাবুকে দেখিয়া কহিল, “বাবু, তোমাকে আমাদের দলের নেতা

হইয়া দিল্লী যাইতে হইবে, দিল্লীজয় করিয়া আমরা তোমাকে পুরস্কার দিব, আর আমরা তোমার দাসামুদাস হইয়া থাকিব।” এই কথা শুনিয়া রাসবিহারী বাবু বিষম বিপদে পতিত হইলেন। অস্বীকার করিলে এখনই সিপাহীদিগের হস্তে জীবন বিসর্জন দিতে হইবে। ভাবিয়া চিন্তিয়া তিনি পলায়নের এক কৌশল অবলম্বন করিলেন। সিপাহী-দিগকে কহিলেন, “বেশ যাইতেছি, কিন্তু আমার জিনিসপত্র লইয়া আসি।” সিপাহীরা রাসবিহারী বাবুকে ছাড়িয়া দিতে অসম্মত হইল। কিন্তু তিনি উহাদের নিষেধবাক্য অগ্রাহ করিয়া অগ্রসর হইলে সিপাহীরা ৪।৫ জন একত্রে তৎপ্রতি গুলি নিক্ষেপ করিতে লাগিল। গুলি আসিতেছে দেখিয়া তিনি প্রত্যাগমনমতিত্ব প্রভাবে ধরাশায়ী হইয়া পতিত হইলেন, গুলি তাঁহার উপর দিয়া চলিয়া গেল। রাসবিহারী বাবু তখন গাত্রোত্থান করিয়া সিপাহীদিগকে তিরস্কার করিয়া কহিলেন, “ধিক্! তোরা হিন্দু হইয়া হিন্দুকে মারিতে চাস্?” সিপাহীরা রাসবিহারী বাবুর তিরস্কারে লজ্জিত হইয়া বলিল, “ক্ষমা করুন আমাদের, আমাদের অত্মায় হইয়াছে, এখন আপনি চলুন, আমাদের সহিত দিল্লী যাইতে হইবে, আমরা আপনার দ্রব্যাদি আনাইয়া দিতেছি।” এই বলিয়া তাহারা কালবিলম্ব না করিয়া রাসবিহারী বাবুর জিনিসপত্র লইয়া আসিল। নিরুপায় রাসবিহারী বাবু অগত্যা বিদ্রোহীদের সহিত দিল্লী যাত্রা করিতে বাধ্য হইলেন।

দিল্লীর অবস্থা তখন অতি ভীষণ। তত্রত্য বিদ্রোহী সৈন্যগণ দিল্লীর

বাংলার বীর

প্রবেশদ্বার রুদ্ধ করিয়া ভিতরে অবস্থান করিতেছিল। দিল্লীর বহির্ভাগে হিন্দুরায়ের কুঠী নামক স্থানে শিবির সংস্থাপন করিয়া ইংরাজ সেনাপতিগণ শিখ এবং ইউরোপীয় সৈন্তগণের সমভিব্যাহারে বিদ্রোহীদের সহিত যুদ্ধ করিতেছিলেন। এমন সময় রোহটকের নবীন বিদ্রোহী সৈন্তদল বাইয়া তথায় উপনীত হইল। তাহারা নগরে প্রবেশ করিতে চাহিলে অভ্যন্তরস্থ বিদ্রোহী সৈন্তগণ উত্তর করিল, “তোমরা আমাদের শত্রু কি মিত্র কি করিয়া বুঝিব? যদি আমাদের সাহায্যার্থে তোমরা আসিয়া থাক, তবে ইংরাজদিগের সহিত অগ্রে যুদ্ধ করিয়া আমাদের বিশ্বাস-ভাজন হও, তবে আমাদের সহিত যোগদান করিতে পারিবে।” রোহটকের সৈন্তগণ ইংরাজদিগের সহিত যুদ্ধে ব্যাপৃত হইলে রাসবিহারী বাবু সেই সুযোগে যথাসর্বস্ব পরিত্যাগ পূর্বক মাত্র ২০০ টাকা পাথেয় স্বরূপ লইয়া সন্ধ্যাকালে পদব্রজে রোহটকাভিমুখে যাত্রা করিলেন। যে পথ অতিক্রম করিতে গতবার তিন দিবস লাগিয়াছিল, রাসবিহারী বাবু একটা অচিন্ত্য অমাহুযিক শক্তিবলে সেই সূদূর পথ এবার এক রাত্রিতে অতিক্রম করিয়া প্রভাতে আসিয়া রোহটকে উপস্থিত হইলেন! এই পথ পর্যাটনে তাঁহার পদদ্বয় এতদূর ক্ষীণ হইয়া পড়িয়াছিল যে, তাঁহার জুতা কাটিয়া খুলিতে হইয়াছিল!

রাসবিহারী বাবু রোহটকে ফিরিয়া আসিলেন বটে, কিন্তু রোহটকের অবস্থাও তখন ভীষণ। চতুর্দিকে হত্যা, লুণ্ঠন, নির্যাতন, আত্মনাশ, হাহাকার। দুর্বৃত্ত বদমায়েসগণ সুযোগ পাইয়া গৃহস্থ, পথিক, এমন কি

সন্ন্যাসী ও ফকিরগণের যথাসর্বস্ব লুণ্ঠনে তৎপর। সন্ন্যাসী অথবা ফকির দেখিলে তাহারা মনে করিত যে, হস্তত গৃহস্থগণ ছদ্মবেশ ধারণ করিয়া ধনরত্ন লইয়া পলায়ন করিতেছে; কাজেই তাহাদের উপর নির্যাতন চলিত। অপর পক্ষে বিদ্রোহী সিপাহীরা মনে করিত, বুঝি ইংরাজের দূত ছদ্মবেশে সংবাদ সংগ্রহের নিমিত্ত আসিয়াছে, তাই তাহারা সন্ন্যাসী ও ফকিরদিগকে ধরিয়া হত্যা করিত। কোনও কোনও সময় যে তাহাদের অনুমান সত্য না হইত, এমন নহে। রাসবিহারী বাবু রোহটকে আসিয়া বিষম বিপদে পতিত হইলেন; কেহ কাহাকেও আশ্রয় দিতে চাহে না, তিনি কোথায় যাইয়া দাঁড়াইবেন? পূর্বে রোহটকে অবস্থান-কালে এক সন্ন্যাসীর সহিত তাঁহার পরিচয় ছিল, তিনি অগত্যা তাঁহার নিকট যাইয়া আশ্রয় গ্রহণ করিলেন। সন্ন্যাসী তাঁহাকে আশ্রয় দিয়া তাঁহার বেশ পরিবর্তন করাইলেন। রাসবিহারী বাবু রীতিমত সন্ন্যাসী সাজিয়া সেখানে অবস্থান করিতে লাগিলেন। কয়েক দিন বেশ নিরাপদেই অতিবাহিত হইল,—কিন্তু প্রতি মুহূর্ত্তেই বিপদের সম্ভাবনা ছিল।

এক দিন কয়েক জন সন্ন্যাসী আসিয়া সেই আশ্রমে উপস্থিত হইল। কিছুক্ষণ কথাবার্তার পর আগন্তুক সন্ন্যাসীদের অনুরোধে রাসবিহারীবাবু তামাক আনিবার জন্ত উঠিয়া গেলে সন্ন্যাসীরা সেই আশ্রমাদিকারী সন্ন্যাসীকে কহিল, “তোমার কাছে যাহা আছে তাহা আমাদিগকে প্রদান কর, নতুবা তোমার জীবনান্ত ঘটবে।” রাসবিহারী বাবু দূর হইতে এই কথা শুনিতে পাইয়া বুঝিতে পারিলেন; এই সন্ন্যাসিদল ছদ্মবেশী

বাংলার বীর

দম্ভ্যমাত্র। ইহারা সংখ্যায় অধিক, স্তত্রাং বল প্রকাশ করিতে গেলে জীবন দিতে হইবে, কাজেই তিনি একটা ঘনপত্রাচ্ছন্ন উচ্চবৃক্ষে আরোহণ করিয়া উহাদের ক্রিয়াকলাপ পর্য্যবেক্ষণ করিতে লাগিলেন। ছদ্মবেশী দম্ভ্যগণ অর্থের আশায় সন্ন্যাসীর হস্তপদ বন্ধন করিয়া চিমটা গরম করিয়া তাঁহার সর্বাস্থে সেকা দিতে লাগিল। কিন্তু সন্ন্যাসী সত্য সত্যই রিক্ত, কাজেই, তিনি দম্ভ্যদিগের প্রার্থনা পূরণে সমর্থ হইলেন না, অসহ্য যন্ত্রণায় চীৎকার করিতে করিতে হতচৈতন্ত হইয়া পড়িলেন। দম্ভ্যরা সন্ন্যাসীর সমুদায় তন্ন তন্ন করিয়া অনুসন্ধান করিয়া যখন কিছুই পাইল না, তখন তাঁহাকে তদবস্থায় ফেলিয়া রাখিয়া রাসবিহারী বাবুকে অনুসন্ধান করিতে লাগিল। রাসবিহারী বাবু তখন উচ্চ বৃক্ষ-চূড়ে প্রজাবরণে দেহ লুকাইয়া নীরবে অবস্থান করিতে ছিলেন, স্তত্রাং তাঁহাকে না পাইয়া দম্ভ্যগণ প্রস্থান করিল। রাসবিহারী বাবু তখন বৃক্ষ হইতে অবতরণ পূর্বক সন্ন্যাসীর নিকট আসিয়া তাঁহার বন্ধন মুক্ত করিয়া চৈতন্ত সম্পাদন করিলেন। সন্ন্যাসী রাসবিহারী বাবুকে দেখিয়া কহিলেন, “সাধু, তুমি এখানে না থাকিয়াই ভাল করিয়াছিলে, নতুবা তোমাকেও আমার গ্রায় দম্ভ্যহস্তে লাক্ষিত হইতে হইত; চল, আর আমরা এখানে অবস্থান করিব না, আজই এখান হইতে প্রস্থান করি।” রাসবিহারী বাবুও সন্মত হইলেন। তাঁহারা সে স্থান হইতে যাত্রা করিয়া কিছুদূর অগ্রসর হইলে বৃষ্টিতে পারিলেন যে, একদল দম্ভ্য তাঁহাদিগকে অনুসরণ করিতেছে। উপায়ান্তর না দেখিয়া তাঁহারা নিকটবর্তী একটা জলাশয়ে ঝম্প প্রদান

পূর্বক সস্তরণ করিয়া উহা পার হইতে লাগিলেন। ঐ জলাশয়ে একটা প্রস্তর স্তম্ভ থাকায় সস্তরণ-কালে সন্ন্যাসীর মস্তকে দারুণ আঘাত লাগে এবং তন্নিবন্ধন রক্তপাত হইয়া তিনি প্রায় হতচৈতন্য হইয়া পড়েন। রাসবিহারী বাবু এক হাতে সন্ন্যাসীকে জড়াইয়া ধরিয়া আর এক হাতে সস্তরণ পূর্বক অপর তীরে নিরাপদ স্থানে উপনীত হইলেন। সেস্থলে রাসবিহারী বাবুর যত্ন ও গুণ্ণায় সন্ন্যাসী সুস্থতা লাভ করিলে উভয়ে বিভিন্ন পথে প্রস্থান করিলেন। দিল্লী হইতে পলায়ন-কালে রাসবিহারী বাবু পাথের স্বরূপ যে ছুইশত মুদ্রা লইয়া আসিয়াছিলেন, তাহা তখনও তাঁহার সঙ্গেই ছিল, সেই অর্থদ্বারাই অনর্থপাত হইতে পারে মনে করিয়া তাহা তিনি উক্ত জলাশয়তটে মৃত্তিকাগর্ভে প্রোথিত করিয়া কপর্দকহীন অবস্থায় প্রস্থান করিলেন।

রোহটক-প্রবাসী জন্মেজয় ঘোষ নামক জনৈক বাঙ্গালীর সহিত রাসবিহারীবাবু বিশেষ পরিচিত ছিলেন, তিনি তাঁহাকে পিতৃব্য বলিয়া সম্বোধন করিতেন। সন্ন্যাসিবেশেই তিনি জন্মেজয় বাবুর বাড়ীতে যাইয়া উপস্থিত হইলেন; কিন্তু গিয়া দেখেন সে গৃহ ইতঃপূর্বেই দম্বাকর্ত্তক লুপ্তিত হইয়াছে। সে স্থানে কিয়দ্দিবস অবস্থানের পর একদা সন্ধ্যাকালে তিনি স্থানান্তর হইতে প্রত্যাবর্তন করিতেছিলেন, এমন সময় দেখিতে পাইলেন, কয়েকজন লোক একটা খাটিন্নায় মৃত দেহ বহন করিয়া জন্মেজয় বাবুর গৃহে প্রবেশ করিতেছে। প্রকৃত ঘটনা জ্ঞাত হইবার জন্ত তিনি একটু অন্তরালে অবস্থান করিয়া গুনিতে পাইলেন, লোকগুলা

বাংলার বীর

জন্মেজয়বাবুকে বলিতেছে,—তাহারা পন্টনের বাবু (রাসবিহারী বাবু) মনে করিয়া জন্মেজয়বাবুর পুত্রকে হত্যা করিয়াছে! লোকগুলা প্রস্থান করিলে রাসবিহারী বাবু মৃতদেহের নিকট আসিয়া সবিস্ময়ে দেখিলেন, জন্মেজয়বাবুর পুত্র কালীবাবু দস্যুগণের অস্ত্রাঘাতে ক্ষতবিক্ষত হইয়াছেন, তাঁহার সর্বশরীর শোণিতান্মুত, কিন্তু প্রাণ তখনো দেহ হইতে বহির্গত হয় নাই, চেষ্টা করিলে জীবন রক্ষা হইতে পারে। ভগবানের রূপায় কালীবাবু সে যাত্রা মৃত্যু-কবল হইতে রক্ষা পাইয়াছিলেন।

রাসবিহারীবাবু পন্টনে চাকরী করিয়া যথেষ্ট অর্থ সঞ্চয় করিয়াছিলেন বলিয়া অনেকেরই ধারণা ছিল, তাহার উপর আবার তিনি ইংরাজের পক্ষপাতী এবং বিশ্বাসভাজন, সেই ধারণার বশবর্তী হইয়া দুর্বৃত্ত সিপাহীগণ তাঁহার অহুসন্মানে ফিরিতেছিল। অপর একদিন তিনি পথে বাহির হইয়াছিলেন, এমন সময় কয়েকটা গুলি শন্ শন্ শব্দে তাঁহার কাণের কাছ দিয়া চলিয়া গেল। তাঁহাকে হত্যা করার জগুই গুলি নিক্ষিপ্ত হইয়াছিল, কিন্তু ভগবানের রূপায় তিনি রক্ষা পাইলেন।

রোহটকে তাঁহার জীবন পদে পদে বিপন্ন হইতেছে দেখিয়া তিনি আর সেখানে অবস্থান করা নিরাপদ মনে করিলেন না। এক গ্রামে যাইয়া একটা শিব-মন্দিরে আশ্রয় গ্রহণ পূর্বক সন্ন্যাসি-জীবন যাপন করিতে লাগিলেন। তাঁহার স্নমধুর কণ্ঠে ভজন-গান, সেতার বাদনে অপূর্ব দক্ষতা, শাস্ত্রজ্ঞান, সাধুজ্ঞানোচিত প্রশান্তমূর্ত্তি ও অমায়িক ব্যবহারে মুগ্ধ হইয়া দলে দলে নরনারী তাঁহার নিকট আসিতে লাগিল। তিনি কিঞ্চিৎ

চিকিৎসা-বিজ্ঞা জানিতেন, অনেকে তাঁহার নিকট হইতে ঔষধ লইয়া উপকারও পাইয়াছিল। সুতরাং কেহ কেহ তাঁহাকে সিদ্ধ পুরুষ বলিয়া মনে করিত এবং গ্রামবাসিগণ তাঁহাকে ফলমূল দিয়া যাইত। এই সন্ন্যাসি-জীবন তাঁহার এক প্রকার মন্দ কাটিল না।

চারিদিকে বিদ্রোহানল ক্রমে নির্বাপিত হইয়া আসিল। একদিন দৈবক্রমে সেবিয়ার সাহেবের কয়েকজন অনুচর আসিয়া সেই গ্রামে উপস্থিত হইল। রাসবিহারী বাবু তাহাদের নিকট সমুদয় সংবাদ অবগত হইয়া সেবিয়ার সাহেবের নিকট একখানি পত্র লিখিয়া দিলেন,—“আমি এখানে অবস্থান করিতেছি, আমাকে উদ্ধার করিয়া লইয়া যাইবেন।” সেবিয়ার সাহেব এই পত্র পাইয়া ক্যাপ্টেন হাড্‌সন সাহেবকে একশত সৈন্য সহ রাসবিহারীবাবুকে উদ্ধারের জন্ত পাঠাইয়া দেন। সৈন্যগণ সেই গ্রামে আসিয়া রাসবিহারী বাবুকে খুঁজিয়া না পাইয়া গ্রামের ঘরে ঘরে যাইয়া বলিতে লাগিল, “তোমরা যদি পন্টনের বাবুর সন্ধান বলিয়া না দাও, তবে আমরা তোপের মুখে এই গ্রাম উড়াইয়া দিব।” নিরীহ গ্রামবাসিগণ এই ভীষণ কথা শুনিয়া তাহাদের সাধুবাবার নিকট আসিয়া ইহার প্রতীকার প্রার্থনা করিল। রাসবিহারী বাবু তাহাদিগকে আশ্বস্ত করিয়া সৈন্যদিগকে কহিলেন, “তোমরা আমাকে সাহেবের কাছে লইয়া চল, আমি পন্টনের বাবুর সন্ধান বলিয়া দিব।”

সৈন্তেরা সন্ন্যাসিবেশী রাসবিহারী বাবুকে হাড্‌সন সাহেবের নিকট উপস্থিত করিল। তিনি সাহেবকে সমস্ত কথা জ্ঞাপন করিলেন। সাহেব

বাংলার বীর

ইতঃপূর্বে তাঁহাকে কখনও দেখেন নাই, তাহার উপর আবার সন্ন্যাসীর বেশে, কাজেই তিনি রাসবিহারী বাবুর কথায় অস্থা স্থাপন করিতে পারিলেন না। অবশেষে রাসবিহারী বাবুর পূর্বলিখিত চিঠির সহিত তাঁহার হস্তাক্ষর মিলাইয়া লইয়া এবং নানা কথাবার্তা জিজ্ঞাসা করিয়া বুঝিতে পারিলেন যে, ইনিই তাঁহাদের সেই পন্টনের বাবু। হাড্‌সন সাহেব তখন তাঁহাকে লইয়া সেবিয়ার সাহেবের নিকট উপস্থিত হইলেন। সেবিয়ার রাসবিহারী বাবুর ঐক্লপ সন্ন্যাসিবেশ দর্শন করিয়া এবং তাঁহার মুখে সমুদায় কথা শুনিয়া বিশেষ চুঃখিত হইলেন।

দিল্লীতে শাস্তি স্থাপিত হইলে রাসবিহারী বাবু পন্টনের সহিত আশ্বালায় এবং তথা হইতে সপরিবারে এলাহাবাদে গমন করেন। সেই দেশব্যাপী ভীষণ বিপ্লবের দিনে রাসবিহারী বাবুর আত্মীয় স্বজনেরা দীর্ঘকাল তাঁহার কোনও সন্ধান না পাইয়া মনে করিয়াছিলেন, সিপাহী-দিগের গুলির আঘাতে হয়ত তাঁহার জীবনান্ত হইয়াছে। কিন্তু জীবনমরণের একমাত্র কর্তা ভগবান, ভবিতব্যতার উপর কাহারও কোনও কর্তৃত্ব খাটে না। সিপাহী-বিদ্রোহের পরও তিনি ৪৩ বৎসর জীবিত ছিলেন।

এলাহাবাদে গমন করিয়া তিনি আবার কলেঙ্কীরীতে কশ্ম গ্রহণ করিলেন। কিছুদিন কশ্ম করার পর তিনি অবসর গ্রহণ করেন। অবসর-কালে তিনি ধর্মচর্চাতেই সময় অতিবাহিত করিতেন। ২৮ বৎসর পেন্সন ভোগের পর ৮৫ বৎসর বয়সে ১৯০০ সালের ৭ই ডিসেম্বর

রাসবিহারী বাবু ইহলোক ত্যাগ করেন। মৃত্যুকাল পর্য্যন্ত তিনি বেশ সবল ও সুস্থ ছিলেন। রাসবিহারী বাবু এলাহাবাদে অনেক জনহিতকর কার্য্য করিয়া চিরস্মরণীয় হইয়া আছেন; এলাহাবাদের কালীবাড়ী ও কালীমূর্ত্তি তাঁহারই প্রতিষ্ঠিত।

সূর্যকুমার সর্বাধিকারী

কলিকাতার সর্বাধিকারি-বংশ পূর্বকাল হইতেই ধনে, মানে ও যশে প্রতিষ্ঠাসম্পন্ন। বহু কৃতী সন্তানের বিভিন্নমুখী প্রতিভায় এই বংশ উজ্জল হইয়াছে। স্বর্গীয় ডাক্তার সূর্যকুমার সর্বাধিকারী মহাশয় এই বংশের একটা উজ্জল নক্ষত্র। ইনি কলিকাতা মেডিক্যাল কলেজ হইতে “জি, এম, সি, বি” উপাধি * লাভ করিয়া গভর্ণমেন্টের কন্স গ্রহণ করেন। ১৮৫২ খ্রীষ্টাব্দে ব্রহ্মরাজ খিবের কন্সচারিগণ ইংরাজ বণিকগণের উপর অত্যাচার করায় এবং লর্ড ডালহৌসী-প্রেরিত দূত ব্রহ্মরাজ কর্তৃক অবমানিত হওয়ায় দ্বিতীয় ব্রহ্ম-যুদ্ধের সূচনা হয়। এই যুদ্ধের সময় ইংরাজ পক্ষের “ফায়ার কুইন” নামক রণতরীর Naval Surgeon নিযুক্ত হইয়া সর্বাধিকারী মহাশয় রেস্কুণে প্রেরিত হন এবং সেখানে বিশেষ কৃতিত্বের পরিচয় প্রদান করেন। এই যুদ্ধে ইংরাজগণ জয় লাভ করেন এবং পেশু প্রদেশ ইংরাজ-রাজ্যের সহিত সংযোজিত হয়। যুদ্ধ শেষ হইলে সূর্যবাবু স্বদেশে প্রত্যাগমন করেন এবং গাজীপুরের সরকারী চিকিৎসা-লয়ের ডাক্তারের পদ গ্রহণ করিয়া তথায় গমন করেন। জেনারেল

* পূর্বে কলিকাতা মেডিক্যাল কলেজের নাম ছিল “Graduate Medical College”, এবং যাহারা এই কলেজের শেষ পরীক্ষায় উত্তীর্ণ হইতেন তাহারা G. M. C. B. উপাধি লাভ করিতেন। তখন L. M. S. অথবা M. B. উপাধির সৃষ্টি হয় নাই। সিপাহী-বিদ্রোহের পর L. M. S. উপাধির সৃষ্টি হয়।

মেসন্ তৎকালে গাজীপুরের ব্রিগেড্-ইন-চার্জ ছিলেন। তিনি দেশীয় লোকদিগকে এত হীনচক্ষে দেখিতেন যে, কাহারও জুতা পায়ে দিয়া তাঁহার সম্মুখে যাইবার উপায় ছিল না। সর্ব্বাধিকারী মহাশয় যখন মেসন সাহেবের সহিত সাক্ষাৎ করিবার জন্ত তাঁহার গৃহদ্বারে উপস্থিত হইলেন, তখন দ্বাররক্ষক তাঁহাকে নম্রপদে সাহেব-সাক্ষাতে বাইবার রীতি জ্ঞাপন করিল। নীচস্থ কর্ম্মচারী হইলেও উচ্চ কর্ম্মচারীর এতদূর স্পর্ধা তিনি অবনত মস্তকে সহ করিতে পারিলেন না। বাঙ্গালী কৃষ্ণাঙ্গ এবং বিজিত জাতি বলিয়াই কি তাহাদের আত্মমর্য্যাদাও লুপ্ত হইয়া গিয়াছে? নম্রপদে সাহেব-সাক্ষাতে যাওয়া একটা দারুণ অবমাননা ব্যতীত আর কি হইতে পারে? দ্বাররক্ষককে কয়েকটা কড়া কথা শুনাইয়া দিয়া তিনি বাহির হইয়া আসিলেন। মেসন্ সাহেব উপর হইতে এই যুবকের তেজস্বিতা লক্ষ্য করিতেছিলেন। তিনি দ্বাররক্ষককে ইঙ্গিত করিলেন, “উহাকে জুতা পায়েই আসিতে দাও।”

সূর্য্যকুমার বাবু বীরের মত গর্ব্বভরে সাহেবের গৃহে প্রবেশ করিয়া তাঁহাকে অভিবাদন করিলেন। সাহেবও প্রত্যাভিবাদন পূর্ব্বক তাঁহাকে বসিতে বলিয়া জিজ্ঞাসা করিলেন, “তুমি ফিরিয়া বাইতেছিলে কেন, ডাক্তার?”

সূর্য্যবাবু নির্ভীকচিত্তে অসঙ্কুচিতভাবে উত্তর করিলেন, “আমি তোমার ভৃত্যের মুখে শুনিলাম যে, কোনও দেশীয় লোকের জুতা পায়ে তোমার গৃহে প্রবেশের অধিকার নাই, কিন্তু আমি ঐরূপ আদেশ

বাংলার বীর

:প্রতিপালন করা আত্মসম্মানের গ্লানিকর বলিয়া মনে করি, তাই ফিরিয়া যাইতেছিলাম।”

সাহেব এ পর্য্যন্ত কোনও দেশীয় ব্যক্তির মুখে এই রূপ নির্ভীক বীরত্বব্যঞ্জক প্রতিবাদ শ্রবণ করেন নাই। কিন্তু ইঁহারা বীরের জাতি, ইঁহাদের নিকট বীরের সম্মান আছে। সাহেব এই বাঙ্গালীর আত্মসম্মান-বোধ ও নির্ভীকতা দর্শন করিয়া এবং তাঁহার সহিত আলাপ করিয়া পরম পরিতুষ্ট হইলেন। এই ঘটনার পর হইতে মেসন্ সাহেব সূর্য্যবাবুকে বিশেষ শ্রদ্ধার চক্ষেই দেখিতেন।

গোরা-সৈন্তগণ বাঙ্গালী ডাক্তার সর্বাধিকারী মহাশয়ের হস্তে চিকিৎসিত হইতে আপত্তি করিতে থাকে। ইংরাজ ডাক্তার রাখিতে হইলে বেশী বেতনের প্রয়োজন, কাজেই উচ্চকর্ম্মচারিগণ সৈনিকদিগের মন হইতে এই বাঙ্গালীবিদ্বেষ দূরীভূত করিতে চেষ্টা করিতে লাগিলেন। সুযোগও উপস্থিত হইল। জেনারেল নীলের হস্তে একটা স্ফোটক হয়। সৈন্তদিগকে বাঙ্গালী ডাক্তারের অস্ত্রোপচার প্রত্যক্ষ করা হইবার জন্য এক দিন কাণ্ডাজের সময় তিনি সর্বাধিকারী মহাশয়কে আহ্বান করিয়া শ্রেণী-বদ্ধ সৈন্তগণের সম্মুখেই তাঁহার হাতের ফোড়া অস্ত্র করিতে বলেন। সূর্য্যবাবু অকম্পিত হস্তে বিশেষ দক্ষতার সহিত সেই সৈন্তমণ্ডলীর সম্মুখে সেনাপতির স্ফোটকে অস্ত্রোপচার করিয়া তাহা সুন্দররূপে বাঁধিয়া দিলেন। জেনারেল নীল সূর্য্যবাবুকে সৈন্তদিগের সম্মুখেই তাঁহার অস্ত্রচিকিৎসার দক্ষতার নিমিত্ত অজস্র প্রশংসা করিলেন। চক্ষের সম্মুখে বাঙ্গালী

ডাক্তারের দক্ষতা দর্শন করিয়া এবং সেনাপতির মুখে তাঁহার প্রশংসাবাদ শ্রবণ করিয়া সৈন্যগণের সেই পূর্ব বিদ্বেষ বিদূরিত হইল, তাহারা আনন্দ-স্বচক কোলাহল করিতে করিতে স্বর্ঘ্যাবাকে স্বাক্ষে লইয়া প্রস্থান করিল।

চতুর্দিকে সিপাহী-বিদ্রোহের আগুন জলিয়া উঠিল। গাজীপুর তখনও শান্ত, কিন্তু আগুন জলিতে আর বেশী বিলম্ব ছিল না। প্রতি মুহূর্তেই সকলে সে আশঙ্কা করিতেছিল। এক দিন স্বর্ঘ্যাবা তাঁহার দুইজন বন্ধুর সহিত গঙ্গাতীরে সান্ধ্য ভ্রমণ করিতেছিলেন, এমন সময় কয়েকজন সিপাহীর উদ্ধত ব্যবহার দেখিয়া তাঁহার দৃঢ় প্রতীতি জন্মিল যে, গাজীপুরেও বিদ্রোহের শুল্ক আসিয়া পতিত হইয়াছে, এখনই সাবধানতা অবলম্বন না করিলে ভীষণ বিপদে পতিত হইতে হইবে। তিনি তখনই আসিয়া সাহেবদিগকে সেই ভাবী বিপদের কথা জ্ঞাপন করিলেন, কিন্তু সাহেবেরা তাঁহার আশঙ্কা অমূলক বলিয়া উপেক্ষার সহিত উড়াইয়া দিলেন। স্বর্ঘ্য বাবু কিন্তু সাবধানতা অবলম্বন করিতে ক্রটি করিলেন না, তিনি ময়দা ও চিনি পূর্ণ বস্তা চতুর্দিকে স্তূপাকারে স্তম্ভজিত করিয়া সরকারী চিকিৎসালয়টা সুরক্ষিত করিয়া রাখিলেন। যখন সত্য সত্যই বিপদ উপস্থিত হইল তখন সেই সাহেবেরা আসিয়া হাসপাতালের অভ্যন্তরে আশ্রয় লইয়া জীবন রক্ষা করিতে সমর্থ হইয়াছিলেন। সর্ববাধিকারী মহাশয় এই দূরদর্শিতার জ্ঞাত তিনি অবশেষে কর্তৃপক্ষের নিকট হইতে বিশেষ প্রশংসালভ করিয়াছিলেন। ৭২ সংখ্যক লী ফোর্ডস্ রেজিমেণ্টের

বাংলার বীর

ইউরোপীয় ডাক্তার যখন গাজীপুর যুদ্ধে বিদ্রোহীদের হস্তে নিহত হন, তখন স্বর্ঘ্য বাবু উহার সার্জন নিযুক্ত হন।

গাজীপুর সুশাসিত হইলে লক্ষ্মী-বিদ্রোহ দমনের জন্ত সৈন্তে জেনারেল হাভলক্ সাহেবকে যাইতে হয়, উক্ত রেজিমেন্টে একজন সুদক্ষ ইংরেজ ডাক্তারের প্রয়োজন হওয়ায় পামার সাহেবের উপর সেই ডাক্তার নিয়োগের ভার অর্পিত হয়। স্বর্ঘ্যকুমার বাবুকে ইউরোপীয় ডাক্তার অপেক্ষা কোনও অংশে নূন মনে না করায় পামার সাহেব তাঁহাকেই ব্রিগেড সার্জন স্বরূপ লক্ষ্মী প্রেরণ করেন। একদিন বিদ্রোহীদের দ্বারা রসদভাণ্ডার একরূপভাবে লুণ্ঠিত হয় যে, এক বোতল মদও অবশিষ্ট ছিল না। মদ না হইলে গোরাসৈন্তদের চলে না, বিশেষতঃ সমস্ত দিন যুদ্ধের পর রণক্লান্ত সৈন্তদিগকে শ্রান্তি অপনোদনের জন্ত মত্ত দিতেই হইবে। ডাক্তারখানায় যে মত্ত ছিল তদ্বারা আপাততঃ চলিতে পারে বলিয়া হাভলক্ সাহেব এড্‌জুট্যান্টকে মত্ত আনিবার জন্ত স্বর্ঘ্য বাবুর নিকট প্রেরণ করেন। স্বর্ঘ্যবাবু এড্‌জুট্যান্টের মুখে সমুদয় অবগত হইয়া বলিলেন, সেনাপতির লিখিত আদেশ ব্যতীত আমি মেডিক্যাল ষ্টোর হইতে কোনও জিনিস দিতে পারিব না। হাভলক্ সাহেব স্বর্ঘ্য-কুমার বাবুর এই অবাধ্যতার কথা শুনিয়া যুক্ত তরবারি হস্তে তাঁহার নিকট উপস্থিত হইয়া বলিলেন, “সামরিক বিভাগে আদেশ অবহেলার দণ্ড কি তাহা তুমি জান?” স্বর্ঘ্য বাবু ধীর বীরত্বব্যঞ্জকস্বরে উত্তর করিলেন, “জানি,—মৃত্যু, কিন্তু আপনার লিখিত আদেশের মূল্য অধিক।”

হাভল্‌ক কোর্টমার্সাল আইন অনুসারে তাঁহার বিচার হইবার আদেশ প্রদান করিলেন। বিচারক স্বয়ং হাভল্‌ক। বিচার-দিবসে তিনি সূর্য্য বাবুকে বলিলেন, “তুমি আমার আদেশ শুনিয়াও তাহা পালন কর নাই, সামরিক আইনে অবাধ্যতার দণ্ড কামানের মুখে উড়াইয়া দেওয়া,—আমি তোমাকে সেই দণ্ড প্রদান করিতেছি,—তোমার কোনও কৈফিয়ৎ আছে?”

সর্বস্বাধিকারী মহাশয় পূর্ব্ববৎ অচল অটল ভাবে বলিলেন, “আমার ঐ একই কৈফিয়ৎ,—সেনাপতির মৌখিক আদেশ অপেক্ষা তাঁহার লিখিত আদেশই অধিকতর পালনীয় বলিয়া আমি মনে করি।”—এই বলিয়া তিনি স্থায় পকেট হইতে একখানি পত্র বাহির করিয়া সাহেবের সম্মুখে দিলেন। একদিন হাভল্‌ক সাহেবই সূর্য্য বাবুকে লিখিয়াছিলেন, “সেনাপতির লিখিত আদেশ ব্যতীত মেডিক্যাল ষ্টোর হইতে কোনও দ্রব্যই যেন কাহাকেও দেওয়া না হয়।”—ইহা সেই আদেশ-পত্র। হাভল্‌ক সাহেব তাহা পাঠ করিয়া নিজের ভ্রম বুঝিতে পারিয়া হো হো করিয়া হাসিয়া উঠিলেন। সূর্য্য বাবু অপরাধ হইতে নিষ্কৃতি পাইয়া সেনাপতিকে অভিবাদন পূর্ব্বক স্বস্থানে চলিয়া আসিলেন।

পরদিন বিদ্রোহীদের সহিত শেষ যুদ্ধ হইয়া লক্ষ্মী অধিকৃত হইল। এখান হইতে সূর্য্যকুমার বাবু অত্র একদল সৈন্তের সহিত বিদ্রোহী কুমার সিংহের বিরুদ্ধে প্রেরিত হইলেন। লক্ষ্মীএ তাঁহার স্থানে একজন ইংরাজ সার্জন নিযুক্ত হন। সূর্য্য বাবুর পরম সৌভাগ্য; তিনি লক্ষ্মীএ যেখানে অবস্থান করিতেন, তথা হইতে প্রস্থানের তিন ঘণ্টা

বাংলার বীর

পরেই সেখানে বিদ্রোহীদিগের গুলি আসিয়া পড়ে। নবনিযুক্ত ইংরাজ সার্জন সেই গুলির আঘাতে নিহত হইলেন।

সর্বাধিকারী মহাশয়ের সৈন্যদল যখন কূচ করিয়া অগ্রসর হইতেছিল, তখন রাত্রিযোগে সশস্ত্র সজ্জিত একদল বরযাত্রীর সহিত তাহাদের সাক্ষাৎ হয়। বরযাত্রীর দল দক্ষ্য বলিয়া ধৃত হইয়া শিবিরে আনীত হইলে তাহাদের প্রাণের আদেশ হয়। সর্বাধিকারী মহাশয় স্পষ্টই বুঝিতে পারিয়াছিলেন যে, ইহারা দক্ষ্য বা বিদ্রোহী নহে, নিরীহ বরযাত্রী মাত্র। বিনাদোষে অতগুলি নির্দোষ ব্যক্তির প্রাণনাশ হইবে ইহা স্মরণ করিয়া ঝান্সবান সূর্য্যকুমারের হৃদয় ব্যথিত হইয়া উঠিল। তিনি সাহসে নির্ভর করিয়া সেনাপতির নিকট যাইয়া প্রকৃত কথা তাঁহাকে নিবেদন করিলেন। সেনাপতি শুনিয়াও যেন সে কথা শুনিলেন না, ধৃত ব্যক্তিদিগকে ফাঁসী দেওয়ার দৃঢ়সঙ্কল্প তাঁহার হৃদয়ে বদ্ধমূল। সর্বাধিকারী মহাশয় আবার বলিলেন, “সাহেব, তোমার যাহা ইচ্ছা করিতে পার বটে, কারণ এই হতভাগ্যেরা এখন তোমার হস্তে বন্দী, কিন্তু আমি জানি ইহারা নির্দোষ, তুমি ইহাদিগকে পরীক্ষা করিয়া দেখিলেই বুঝিতে পারিবে যে, ইহারা বর লইয়া বিবাহ দিতে যাইতেছে।” সর্বাধিকারী মহাশয়ের কথার যথার্থ্য প্রমাণ করিয়া দেখিবার জন্ত সেনাপতির কৌতূহল জন্মিল। তিনি ধৃত ব্যক্তিদিগকে পরীক্ষা করিয়া দেখিলেন, সত্যই ইহারা দক্ষ্য অথবা বিদ্রোহী নহে, বরযাত্রীর দল মাত্র। তখন তিনি ইহাদিগকে মুক্ত করিয়া দিয়া সর্বাধিকারী মহাশয় যে অতগুলি জীবন

রক্ষার একমাত্র কারণ, এই জন্ত তাঁহাকে শত শত ধন্যবাদ দিতে লাগিলেন। এই ঘটনার পরেই সূর্য্য বাবু কস্ম পরিত্যাগ পূর্ব্বক দেশে প্রত্যাগমন করিলেন।

অতঃপর যখন সূর্য্য বাবুকে “রায়বাহাদুর” উপাধিতে সম্মানিত করা হয়, তখন লাট সাহেব বলিয়াছিলেন :—

“*Who would have thought that these mild appearances cover the spirit of an ardent mutiny veteran who was present at many bloody actions not indeed to add to human miseries but to relieve them so far as science, skill and devotion could.*” অর্থাৎ কে ভাবিয়াছিল যে, এই ধীর প্রশান্ত মূর্ত্তির অন্তরালে বিদ্রোহকালের এক জন অভিজ্ঞ ব্যক্তি প্রচ্ছন্ন ভাবে বিরাজিত রহিয়াছেন। তিনি বহু শোণিতসিক্ত রণ ভূমিতে উপস্থিত ছিলেন, কিন্তু তাঁহার সে উপস্থিতি রণক্ষেত্রের হত্যা বৃদ্ধির জন্ত নহে, স্বীয় বিজ্ঞান-জ্ঞান, নিপুণতা ও একনিষ্ঠা প্রভাবে জীবন রক্ষা এবং জীবনের হুঃখ নিবারণের নিমিত্ত।

কলিকাতা বিশ্ববিদ্যালয়ের সিনেট হাউসে লর্ড কারমাইকেল সূর্য্য-বাবুর তৈলচিত্রের আবরণ-উন্মোচন-উৎসবকালে বলিয়াছেন, *Dr. Surja Kumar was probably the only Bengali who has served as an officer in the Navy. He was Surgeon in charge of the gun-boat. “Fire Queen” in 1856-57, when she cruised*

বাংলার বীর

*about the Burma coast and when she brought Sir Henry Havelock to Bengal from Madras. He was, also, I fancy the only Bengali who has served as an officer in a Highland Regiment.” * * * * অর্থাৎ বাঙ্গালীদিগের মধ্যে বোধ হয় একমাত্র ডাক্তার সূর্য্যকুমারই রণতরী বিভাগে অফিসারের কার্য্য করিয়াছেন। যখন কামান-পোত “ফায়ার কুইন্” ১৮৫৬-৫৭ খ্রীষ্টাব্দে ব্রহ্মদেশের উপকূলে ইতস্ততঃ প্রহরা কর্মে নিযুক্ত ছিল এবং যখন উহাতে করিয়া মাদ্রাজ হইতে স্মার হেনরী হাভলক্ সাহেবকে বঙ্গদেশে আনয়ন করা হয়, তখন সূর্য্যাবাবু উহার সার্জন ছিলেন। আমার মনে হয়, হাইলাণ্ড রেজিমেন্টে অফিসারের কার্য্যও বাঙ্গালীদিগের মধ্যে একমাত্র তিনিই করিয়াছেন।*

সূর্য্যাবাবু দুইটা কৃতী পুত্র রাখিয়া মধুপুরে দেহত্যাগ করেন। স্বনামধন্য অজ্ঞচিকিৎসক সুরেশপ্রসাদ আর ইহলোকে নাই, তাঁহার অকাল মৃত্যুতে সমগ্র বঙ্গদেশের, এমন কি সমগ্র ভারতের, যে ক্ষতি হইয়াছে তাহা আর কোনও কালে পূরণ হইবে কিনা তাহা ভবিতব্যতাই বলিতে পারেন। বঙ্গের গৌরব মাননীয় স্মার দেবপ্রসাদ সর্বাধিকারী মহাশয় সূর্য্যাবাবুর জ্যেষ্ঠ পুত্র।

যোদ্ধা মুন্সেফ্

উত্তরপাড়া নিবাসী ৬প্যারীমোহন বন্দ্যোপাধ্যায় সিপাহী-বিদ্রোহের সময় বিদ্রোহী সিপাহীদিগের সহিত যুদ্ধ করিয়া স্বীয় বীরত্বের জন্য তৎকালীন রাজপুরুষগণকর্তৃক যোদ্ধা মুন্সেফ্ নামে অভিহিত হন। সিপাহী-বিদ্রোহ সংঘটিত হওয়ার কয়েক বৎসর পূর্বে প্যারীমোহন বাবু উত্তরপাড়া হইতে কাশীতে গমন করেন। অতঃপর মুন্সেফি পরীক্ষায় উত্তীর্ণ হইয়া তিনি এলাহাবাদের নিকটস্থ মঞ্চনপুরে মুন্সেফ্ নিযুক্ত হন।

কিছু দিন পরেই বিদ্রোহ-বহি প্রজ্জলিত হইয়া উঠে। মঞ্চনপুরের নিকটবর্তী জমীদারবর্গ স্বাধীনতা লাভের আশায় বিদ্রোহীদিগের সহিত যোগদান করিয়া গ্রামবাসী প্রজাদিগের উপর ভয়ানক অত্যাচার করিতে আরম্ভ করে; এমন কি কয়েকখানি গ্রাম তাহাদের দ্বারা ভস্মে পরিণত হয়। জমীদারবর্গ ইহাতেও সন্তুষ্ট না হইয়া সৈন্ত এবং অস্ত্রশস্ত্রাদি সংগ্রহ করিয়া ‘যুদ্ধং দেহি যুদ্ধং দেহি’ রবে ইংরাজ তহশীল আক্রমণ করে। প্যারীমোহন বাবু এই আসন্ন বিপদে ধীরতা এবং বুদ্ধিমত্তা প্রভাবে ক্ষতিগ্রস্ত প্রজাবর্গ ও কয়েকজন শাস্ত্র জমিদারদ্বারা একটা সৈন্তদল গঠন করিয়া বিদ্রোহিদলকে আক্রমণ করেন। তাঁহার অনগ্রসাধারণ সাহস এবং বিপুল বিক্রমে অল্পদিনমধ্যেই শত্রুদল পরাজিত হইল। এই সময় প্যারীমোহন বাবুর বয়স ছিল মাত্র ২২

বাংলার বীর

বৎসর। বিদ্রোহ-দলনে এই তরুণ যুবক যে বীরত্বের পরিচয় দিয়াছিলেন, তদ্বর্ণনে ভারতের তৎকালীন বড় লাট লর্ড ক্যানিং এবং অত্যাচর রাজ-পুরুষগণ শতযুগে তাঁহার ভূয়সী প্রশংসা করিয়াছিলেন। বিদ্রোহীদের দমনের নিমিত্ত একবার তাঁহাকে একজন প্রকৃত সেনাপতির ত্রায় শিবির সংস্থাপন এবং সেনা সমাবেশ পূর্বক দুর্দমনীয় শত্রুদলের বিরুদ্ধে যুদ্ধক্ষেত্রে অবতীর্ণ হইতে হইয়াছিল। এই যুদ্ধে বিদ্রোহ-দলের নেতা খাখল সিং এবং অত্যাচর বহু সর্দার নিহত হইয়াছিল। বিদ্রোহিগণ এই যুদ্ধে প্যারীমোহন বাবুর বীরত্বে এতদূর ভীত হইয়া পড়িয়াছিল যে, তাহারা আর যমুনা পার হইয়া আসিতে সাহস করে নাই। সিপাহী-বিদ্রোহের অবসানে বড় লাট কাণপুর-দরবারে প্যারীমোহন বাবুর বীরত্ব, সাহস এবং নিপুণতার পুরস্কার স্বরূপ তাঁহাকে হাজার টাকা মূল্যের খিলাত, বিস্তৃত জমিদারী এবং ডেপুটি ম্যাজিস্ট্রেটের পদ প্রদান করেন। লর্ড ক্যানিং-ই প্যারীবাবুকে “ফোকা মুন্সেফ্” (Fighting Munsiff) এই নামে অভিহিত করেন।

এলাহাবাদের তৎকালীন ম্যাজিস্ট্রেট টম্‌সন্ সাহেব তদীয় রিপোর্টে লিখিয়াছিলেন,—“প্যারীমোহন বাবু এই জেলায় মঙ্গলপুরে বিগত নভেম্বর মাসে মুন্সেফ্ নিযুক্ত হইয়া ছিলেন। বিদ্রোহ উপস্থিত হওয়া অবধি তিনি তদীয় এলাকাস্থ বিদ্রোহীদের পরাজিত ও বিধ্বস্ত করিবার জন্য যথেষ্ট পরিশ্রম করিয়া আসিতেছেন। যদিও বিদ্রোহদমনের জন্য তিনি নিযুক্ত হন নাই, তথাপি তিনি ক্ষতিগ্রস্ত জমিদারবর্গকে সম্মিলিত

এবং সন্দেহজনক জমীদারদিগকে শাস্ত করিয়া গভর্ণমেন্ট পক্ষে আনয়ন পূর্বক বিদ্রোহীদিগের বিরুদ্ধে একটা দল গঠন করেন। তিনি এতদূর কৃতকার্য হইয়াছিলেন যে, কয়েকখানি গ্রাম ব্যতীত হুর্কৃতগণ কর্তৃক আক্রান্ত সমুদায় গ্রামেই পুলিশের শাসনব্যবস্থা পুনরায় প্রবর্তিত করিয়া শান্তি স্থাপন করিতে সমর্থ হইয়াছিলেন।”

জৈনক ইংরাজ লেখক ‘কলিকাতা রিভিউ’ পত্রিকায় লিখিয়াছিলেন,—“একজন দেশীয় মুন্সেফ্ স্বকীয় ক্ষমতা এবং সাহস প্রভাবে এরূপ প্রকাশ্যভাবে বিদ্রোহ-দমনে অগ্রসর হইয়াছিলেন যে, তজ্জন্ত তিনি “যোদ্ধা মুন্সেফ্” নামে সর্বত্র পরিচিত হইয়া পড়িয়াছিলেন। তিনি কেবল তাঁহার নিজের এলাকা রক্ষা করিয়াই ক্ষান্ত হন নাই, তিনি আক্রমণের কোশল উদ্ভাবন করিতেন, বিদ্রোহীদিগের গ্রাম ভস্মীভূত করিতেন, স্বীয় অধীন কন্সটারিগণকে প্রশংসা করিয়া ইংরাজী ভাষায় ডেস্প্যাচ্ লিখিতেন এবং শাসনদক্ষতা ও উদ্ভাবনী শক্তির পরিচয় প্রদান করিতেন।”

বখন তাঁহাকে মঙ্গলপুর হইতে অত্র বদলী করিয়া দেওয়ার প্রস্তাব হয় তখন এলাহাবাদের কমিশনার ছোট লাট সাহেবকে লিখিয়াছিলেন,—“প্যারীমোহন বাবু স্বকীয় সাহস এবং দৃঢ়সঙ্কল্পতার জন্ত এত উচ্চ সম্মান অর্জন করিয়াছেন যে, আমার মনে হয়, বমুনা নদীর দক্ষিণ তীর হইতে বিদ্রোহ-বহি তাঁহার জন্তই অগ্রসর হইতে পারিতেছে না; তদ্রূপে ম্যাজিষ্ট্রেট এই অভিমত প্রকাশ করিয়াছেন যে, প্যারীমোহন বাবুকে

বাংলার বীর

এসময় স্থানান্তরিত করিলে শীঘ্রই একটা বিদ্রোহের সূচনা হইবে। তাঁহার এই অভিমতের সহিত আমিও সম্পূর্ণ একমত।”

একজন বাঙ্গালীর পক্ষে সেই ভীষণ বিদ্রোহের সময় স্বীয় সাহস ও বীরত্বপ্রভাবে হিংস্রপ্রকৃতি বিদ্রোহিগণের চিন্তে বিভীষিকার সৃষ্টি করিয়া রাজ-পুরুষগণ কর্তৃক অবাচিত প্রশংসালভ পরম গৌরবের সামগ্রী। ইহা একাকী প্যারীমোহন বাবুর গৌরব নহে,—সমগ্র বঙ্গের সমগ্র বাঙ্গালী জাতির পরম গৌরব।



ব্যাভ্রবীর শ্যামাকান্ত (সোহং স্বামী)

বাংলার বীর—১৬৫

ব্যাঘ্রবীর শ্রামাকান্ত

বঙ্গের মহাবলশালী সুবিখ্যাত ব্যাঘ্র-কৌড়ক শ্রামাকান্ত বন্দ্যোপাধ্যায় ১৮৫৮ খ্রীষ্টাব্দে বিক্রমপুরের অন্তর্গত আরিয়ল গ্রামে জন্মগ্রহণ করেন। তাঁহার পিতা ৮শশিভূষণ বন্দ্যোপাধ্যায় মহাশয় ত্রিপুরা রাজ্যে সেরেসাদারের কর্ম করিতেন। শ্রামাকান্ত বাল্যকাল হইতেই সবলকায় ও সুস্থদেহ ছিলেন এবং শারীরিক শক্তি প্রদর্শনের প্রতি তাঁহার একটা প্রবল অনুরাগ দৃষ্ট হইত। যখন তিনি ঢাকা কলেজে অধ্যয়ন করিতেন তখন দেশীয় ও পাশ্চাত্য ব্যায়াম-চর্চায় বিশেষভাবে সময়াতিপাত করিতেন। এই ব্যায়াম-চর্চার নিমিত্তই স্থিতিশক্তি ও বুদ্ধিবৃত্তি থাকা সত্ত্বেও তিনি লেখা পড়ায় তেমন উন্নতি করিতে পারেন নাই। বয়সের সঙ্গে সঙ্গে তাঁহার শক্তিসঞ্চয়-স্পৃহাও বলবতী হইতে লাগিল। যৌবনের প্রারম্ভেই তিনি সময় সময় পাঞ্জাবী পালোয়ানদিগের সহিত মল্লক্রীড়া করিতেন এবং অধিকাংশ সময়েই সেই পালোয়ানগণ পরাস্ত হইত। এইরূপে যৌবনের বিকাশাবস্থাতেই তাঁহার শারীরিক শক্তির কথা জনসমাজে প্রচারিত হইয়া পড়ে। বাঙ্গালী জাতি ভীক, কাপুরুষ, দুর্বল, আত্মরক্ষায় অক্ষম,—এই সমুদায় জাতীয় কলঙ্ক বিদূরিত করিবার জন্ত তিনি দৃঢ়প্রতিজ্ঞাবদ্ধ হন; সৈনিকবিভাগই শক্তি এবং সাহস প্রদর্শনের উপযুক্ত ক্ষেত্র বিবেচনায় তিনি সময়বিভাগে প্রবেশের

বাংলার বীর

নিমিত্ত চেষ্টা করিতে লাগিলেন। কিন্তু বাঙ্গালীর পক্ষে সে পথ অবরুদ্ধ দেখিয়া কোনও দেশীয় রাজার সৈনিকবিভাগে প্রবেশের জ্ঞা তিনি পশ্চিমাঞ্চলে যাত্রা করেন। কিন্তু দেশীয় রাজগণের সামরিক বিভাগের চরম হুঃখতুর্দশা দর্শন করিয়া শ্রামাকান্ত হতাশ হৃদয়ে দেশে প্রত্যাবর্তন করেন।

কিছু দিন দেশে অবস্থানের পর তিনি বিবাহ করেন। তদনন্তর ত্রিপুরারাজ্যে পিতার নিকট গমন করেন। ত্রিপুরার তদানীন্তন মহারাজ বীরচন্দ্র মাণিক্য বাহাদুর শ্রামাকান্ত বাবুর সুগঠিত দেহ, ব্যায়াম কৌশল ও শারীরিক শক্তি দর্শনে তাঁহাকে স্বীয় পার্শ্বচর নিবৃত্ত করেন। দুই বৎসর কর্ম করার পর তাঁহাকে নানা কারণে কর্ম পরিত্যাগ করিয়া গৃহে ফিরিয়া আসিতে হয়। কিন্তু মহারাজের স্নেহ ও করুণা হইতে তিনি কখনও বঞ্চিত হন নাই।

ত্রিপুরা হইতে আসিয়া শ্রামাকান্ত বরিশাল জেলা-স্কুলের ব্যায়াম শিক্ষক নিবৃত্ত হন। সেই সময় হইতেই তাঁহার একটা সার্কাসের দল গঠনের ইচ্ছা হয়, এবং সেই ইচ্ছা কার্যো পরিণত করিবার আয়োজন করিতে থাকেন। সার্কাসের দল করা সম্ভ্রান্তবংশীয় ব্রাহ্মণ-সন্তানের পক্ষে নিন্দনীয় এবং তাহাতে পদে পদে জীবননাশের আশঙ্কা, এই জ্ঞা তদীয় পিতৃদেব এবং আত্মীয়বর্গ ঘোর আপত্তি উত্থাপন করেন। কিন্তু শ্রামাকান্ত বাবু কাহারও কোনও আপত্তিতে কর্ণপাত না করিয়া সার্কাস-দল লইয়া ক্রীড়া প্রদর্শনের নিমিত্ত বহির্গত হন। শ্রীহট্ট জেলার

অন্তর্গত সুনামগঞ্জ নামক স্থানে একটি সজোখত বগ চিতাবাঘ ক্রয় করিয়া তদ্বারা ক্রীড়া প্রদর্শনে অভিলাষী হন। সাধারণতঃ সার্কাসদলে ব্যাভ্রকে অহিফেন অথবা তজ্জাতীয় অস্ত্র কোনও মাদক দ্রব্যে অভিভূত করিয়া দর্শকমণ্ডলীর সম্মুখে ক্রীড়া প্রদর্শিত হইয়া থাকে। কিন্তু বীর শ্রামাকান্ত সে উপায় অবলম্বন না করিয়া প্রকৃত বীরত্ব ও সাহসের পরিচয় প্রদানে ইচ্ছুক হইয়া শারীরিক শক্তি প্রভাবে ব্যাভ্রকে বশ করিতে চেষ্টা করিতে লাগিলেন। ব্যাভ্রের দস্ত ও নখরাঘাতে ক্ষত-বিক্ষত ও শোণিতাক্ত কলেবর হইয়া প্রায় দুই মাস পরিশ্রমের পর তিনি উহাকে বশীভূত করিতে সমর্থ হন, এবং সুনামগঞ্জেই সেই ব্যাভ্রের সহিত অদ্ভুত ক্রীড়া প্রদর্শন করিয়া দর্শকমণ্ডলীকে বিস্মিত ও বিমুগ্ধ করিয়া তাহাদিগের ধন্যবাদার্থ হইলেন। এই স্থানেই তাঁহার ব্যাভ্র-ক্রীড়ার সূচনা। ক্রমে শ্রামাকান্তের সাহস ও অভিজ্ঞতা এতদূর বৃদ্ধি পাইল যে, যে কোনও প্রকার সিংহ ব্যাভ্রাদি হিংস্র জন্তু অনায়াসে বশ করিয়া তিনি পিঞ্জরাভ্যন্তরে প্রবেশ পূর্বক তাহার সহিত মল্লক্রীড়া করিতেন। এই ব্যাভ্র-ক্রীড়ায় তাঁহাকে কতবার যে বিপন্ন হইতে হইয়াছিল তাহার ইয়ত্তা নাই। অষ্টাদশ বর্ষকাল তিনি ব্যাভ্র-ক্রীড়া প্রদর্শন করেন, এই সুদীর্ঘকালের মধ্যে কয়েকবার তাঁহাকে মৃত্যুর কবল হইতে প্রত্যাবর্তন করিতে হইয়াছিল। বীর শ্রামাকান্ত সন্দর-বনের ভীষণ রয়েল বেঙ্গল টাইগারের পিঞ্জরমধ্যে প্রবেশ করিয়া ব্যাভ্রকে সঙ্কেত করিতেন অমনি সাক্ষাৎ ক্রুতাস্তমদৃশ রক্তচক্ষু ব্যাভ্রপ্রবর ভীষণ

বাংলার বীর

গৰ্জ্জনে চতুর্দিক কম্পিত করিয়া মুখব্যাদান পূর্বক ছুটিয়া আসিত, শ্রামাকান্ত নির্ভীক চিত্তে স্থির অটলভাবে পর্বত-প্রাচীরের মত দণ্ডায়মান থাকিয়া ব্যাঘ্রের মুখ-গহ্বরে দক্ষিণ হস্তের কক্ষণি প্রবেশ করাইয়া দিতেন, ব্যাঘ্র দণ্ডায়মান হইয়া শ্রামাকান্তকে আলিঙ্গনাবদ্ধ করিয়া ধরিত, শ্রামাকান্তও ব্যাঘ্রকে অপর হস্তে আলিঙ্গন করিয়া ধরিতেন, দুইজনেই থর থর করিয়া কাঁপিতে থাকিত। সেই ভয়ানক দৃশ্য দেখিয়া দর্শক-গণের মধ্যে একটা মহা আতঙ্ক ও বিস্ময়ের সাড়া পড়িয়া যাইত। কিছুক্ষণ পরে তিনি ব্যাঘ্রকে ধাক্কা মারিয়া দূরে নিক্ষেপ করিয়া পিঞ্জর হইতে বাহির হইয়া পড়িতেন, অনেক সময় তাঁহার সর্বাস্থে রুধির-ধারা বহিত।

একবার জয়দেবপুরের (ভাওয়াল) রাজা সুন্দরবনের একটা প্রকাণ্ড বাঘ শ্রামাকান্ত বাবুকে তাঁহার বীরত্বের পুরস্কারস্বরূপ উপহার প্রদান করেন। পাটনার নবাব শ্রামাকান্ত বাবুর বীরত্বে সন্দিহান হইয়া তাঁহাকে স্বীয় সন্তোষিত একটা ভীষণ ব্যাঘ্রের সহিত ক্রীড়া করিয়া তাঁহার সন্দেহ ভঞ্জন করিতে আদেশ দেন। বীর শ্রামাকান্ত ব্যাঘ্রটির সহিত ক্রীড়া করিয়া জয়ী হইলেন বটে, কিন্তু তাহাতে তাঁহার জীবন প্রায় বিপন্ন হইয়াছিল, ভগবান তাঁহাকে সে যাত্রা রক্ষা করেন। নবাব শ্রামাকান্ত বাবুর বীরত্ব-কৌশল এবং সাহসে পরম পরিতুষ্ট হইয়া ঐ ব্যাঘ্রটি তাঁহাকে উপহার প্রদান করেন। ব্যাঘ্রের সহিত ক্রীড়া ব্যতীত তিনি আরও একটা শারীরিক শক্তির পরিচায়ক ক্রীড়া প্রদর্শন করিতেন।

১০।১১ মণ ওজনের প্রকাণ্ড প্রকাণ্ড প্রস্তর ব্লকের উপর রাখিয়া লৌহ-মুদগরাঘাতে তাহা চূর্ণ করাইতেন। একবার লাট-ভবনে ক্রীড়া প্রদর্শন কালে ১৪ মণ ওজনের প্রস্তর ব্লকের উপর ধারণ করিয়াছিলেন ; কয়েকজন গোরা সৈনিক এককালে সেই প্রস্তরের উপর লৌহ-মুদগরাঘাত করিয়াও তাহা ভাঙিতে সমর্থ হয় নাই। বাঙ্গালী বীরের এইরূপ বীরত্ব-কাহিনী তখন প্রায়ই ইংরাজী এবং বাঙ্গালা সংবাদপত্র-স্তুভে প্রকাশিত হইত। যে বিদেশিদল বাঙ্গালীকে ছুর্কল, ক্ষীণ, ভীক বলিয়া ঘৃণায় নাসিকা কুঞ্চিত করিয়া আসিতেছিল, তাহারা শ্রামাকান্তের বীরত্ব দর্শনে বিস্মিত হইল। শ্রামাকান্ত বাবুর বক্ষে প্রস্তর-চূর্ণ সম্বন্ধে তৎকালীন সংবাদপত্রে প্রকাশিত হইয়াছিল :—

“পদে মস্তকেতে উচ্চ উপাধান,
অবশিষ্ট দেহ শূণ্যেতে রয়।
ঐ যুবা এক রয়েছে শয়ান,
পৃষ্ঠের আশ্রয় কিছু না হয়।
হেন অবস্থায় বিশাল প্রস্তর
দিয়াছে যুবায় বক্ষের উপর,
লৌহময় এক ধরিয়া মুদগর
সবলে অপরে আঘাত করে।
অদ্ভুত ব্যাপার, ভাঙিল প্রস্তর !
ব্যথিত না হ’লো বীরের দেহ !
দৈত্য কি দানব হবে এই নর !
অস্ত্রের বিনা এত পারে কি কেহ ?”

বাংলার বীর

শ্যামাকান্ত বাবু একবার ট্রেনে যাইবার সময় দানাপুর ও আরাষ্টার মধ্যবর্তী স্থানে তিনজন গোরাকর্ষক জর্জনক উচ্চবংশীয় সম্ভ্রান্ত মহিলাকে আক্রান্ত হইতে দেখিয়া পশুত্রয়ের উপর আপতিত হইলেন এবং বজ্রমুষ্টি-প্রহারে তাহাদিগকে নিপাতিত ও নিরস্ত করিয়া মহিলাটির সম্ভ্রম রক্ষা করিলেন।

১৮৯৪ খ্রীষ্টাব্দে এক বৎসরের জন্য তিনি মাসিক দেড় সহস্র টাকা বেতনে ফ্রেড্ কুকের ইংরাজ সার্কাসদলে প্রধান ক্রীড়াকারিরূপে কর্ম করিয়াছিলেন। কিন্তু পরাধীনতা তাঁহার ভাল লাগিল না, এইজন্য তিনি পুনরায় স্বাধীনভাবে কার্য আরম্ভ করিলেন। তিনি স্বীয় সার্কাসদল লইয়া বঙ্গের নানাস্থানে ভ্রমণ করিতে করিতে রঙ্গপুরে উপস্থিত হইলেন। এইস্থানে ১৮৯৭ খ্রীষ্টাব্দের ভীষণ ভূমিকম্পে তাঁহার সার্কাসদলের যে অনিষ্ট সাধিত হইয়াছিল, তাহার আর তিনি সম্পূরণ করিতে পারেন নাই। একটা ভিতল বাটার নিয়ে তাঁহার পশুশালা ছিল, ভূমিকম্পে ঐ বাড়ী ভূমিসাৎ হওয়ায় পশুসকল বিনষ্ট হইয়া যায়। মাত্র দুইটা ব্যাঘ্র বাহিরে থাকায় উহারা রক্ষা পাইয়াছিল। শ্যামাকান্ত ঐ ব্যাঘ্র দুইটা লইয়া কলিকাতায় আসিয়া ক্রীড়া প্রদর্শন করিতে থাকেন। কিছুদিন এই ভাবে ক্রীড়া প্রদর্শনের পর হাতী, পাঁচটা ব্যাঘ্র, কুকুর, বানর, ভল্লুক প্রভৃতি জন্তু সংগ্রহ করিয়া “GRAND SHOW OF WILD ANIMALS” নামে এক প্রকাণ্ড সার্কাস-দল গঠন করেন।

বাল্যকাল হইতেই শ্যামাকান্ত বাবুর হৃদয় ধর্ম্মভাবে পূর্ণ ছিল।

বয়োবৃদ্ধির সঙ্গে সঙ্গে সেই ধর্মভাব উত্তরোত্তর বর্দ্ধিত হইয়া শেষে ধন, মান
বশঃ ও সংসারের প্রতি তাঁহাকে বীতস্পৃহ করিল। স্মৃতরাং সংসার
পরিত্যাগ করিয়া সন্ন্যাস গ্রহণের নিমিত্ত তিনি ব্যাকুল হইয়া উঠিলেন।
এই সময় বিলাতের কোনও সার্কাস কোম্পানী তাঁহাকে মাসিক
তিন সহস্র টাকা বেতন দিতে প্রতিশ্রুত হইয়াছিলেন, কিন্তু শ্যামাকান্ত
বাবু তখন বৈরাগ্যের পথে অনেকটা অগ্রসর হইয়াছিলেন, কাজেই এই
অর্থলোভ তাঁহাকে প্রলুব্ধ করিতে পারে নাই। ১৮৯৯ খ্রীষ্টাব্দের
আশ্বিন মাসে পিতার মৃত্যু হইলে তিনি তাঁহার যাবতীয় সম্পত্তি ভ্রাতা ও
ভগিনীদিগকে দান করিয়া সন্ন্যাস গ্রহণ পূর্বক হিমালয়ে প্রস্থান করেন।
ইহার পূর্বেই তাঁহার উত্তর বিক্রমপুর হইতে বাসস্থান উঠাইয়া
আনিয়া দক্ষিণ বিক্রমপুরস্থ নড়িয়া গ্রামে বাটী নির্মাণ করিয়া বাস
করিতেছিলেন। এই নড়িয়া গ্রামে তাঁহাদের বাটীর বহির্দ্বারের পুষ্করিণী-
তীরে পিতার স্মরণের উপর তিনি কারুকার্যখচিত পঞ্চরত্ন মঠ নির্মাণ
করাইয়া দিয়াছিলেন, সেই স্মৃতিমন্দিরের গাত্রে লিখিত আছে :—

“ধন, মান, বশ, যত সকলই অসার,

ভাই বন্ধু দারা স্মৃত কেহ নহে কার,

নয়ন মুদিলে জগৎ সব অন্ধকার।”

সন্ন্যাস গ্রহণান্তর তিনি ভারতের বহু তীর্থে পর্যটন করিয়া-
ছিলেন। স্বনামপ্রসিদ্ধ সন্ন্যাসী তিব্বতী বাবা তাঁহাকে “সোহং স্বামী”
নাম প্রদান করেন। অতঃপর তিনি এই নামেই সকলের নিকট

বাংলার বীর

পরিচিত। নানা তীর্থে ভ্রমণ করিয়া অবশেষে তিনি নাইনিতাল হইতে ৭ মাইল দূরবর্তী গর্গাচল উপত্যকায় ভাওয়ালী নামক স্থানে যোগাশ্রম নির্মাণ করিয়া বাস করিতে লাগিলেন। এই স্থানের নৈসর্গিক দৃশ্য বড় মনোরম। চতুর্দিকে গগনস্পর্শী গিরিমালা বৃক্ষ ও লতাশুল্মে পরিশোভিত, লতায় লতায় ফুল, বৃক্ষে বৃক্ষে বিহঙ্গের কলগীতি, অদূরে কল কল শব্দে শৈলস্রুতা প্রবাহিতা, স্থানে স্থানে নির্ঝর সমূহ রক্ততন্ত্র বারিধারা অবিশ্রান্ত ঢালিয়া দিতেছে। পরম শান্তিময় এই আশ্রমস্থল। নিকটেই মানবের চির বিশ্রামস্থল শ্মশান। সোহহং স্বামী বতদিন জীবিত ছিলেন ততদিন তিনি এই স্থানেই যোগাধনায় অতিবাহিত করিতেন। তাঁহার আশ্রমখানি দেখিতে ঠিক বাংলার মত (Bungalow) বলিয়া অনেক সময় অনেক সাহেব আসিয়া সেখানে উপস্থিত হইতেন। ইহা আশ্রমের বিঘ্নোৎপাদক বলিয়া সাহেবদিগের ভ্রান্তি ভঙ্গের জন্য শ্রীমৎ সোহহং স্বামী এই আশ্রমের নাম রাখেন, “The Hermitage.”

সন্ন্যাসী হওয়ার পরেও তিনি মাঝে মাঝে নড়িয়া গ্রামে আসিয়া ২১ দিন বাস করিতেন। নড়িয়া গ্রামের কিছু দূরে বিলাসখান নামক গ্রামে প্রতিবৎসর চৈত্র-সংক্রান্তির মেলা বসিয়া থাকে। যখন বঙ্গে প্রবল স্বদেশী আন্দোলন চলিতেছিল, সেই সময় একবার এই চৈত্র-সংক্রান্তির মেলা উপলক্ষে হিন্দু-মুসলমানে ভীষণ দাঙ্গা উপস্থিত হয়, সোহহং স্বামী তখন সন্ন্যাসী বেশে দেশে আসিয়াছিলেন। দাঙ্গার সংবাদ পাইয়া তিনি অনতিবিলম্বে মেলাস্থলে উপস্থিত হইয়া মুসলমানদিগকে পরাস্ত করেন।

বেদান্তের যাহা সার মর্ম্ম সেই অদ্বৈতবাদ অবলম্বন করিয়া তিনি “সোহংতত্ত্ব” ও “সোহংগীতা” নামে দুইখানি ধর্ম্মগ্রন্থ লিখিয়া গিয়াছেন। আজ আর সোহং স্বামী ইহ জগতে নাই, তিনি ১৩২৫ সালের পৌষ মাসে নাইনিতালের নিকটস্থ ভাওয়ালী নামকস্থানে স্থানস্থিত আশ্রমগৃহে দেহরক্ষা করিয়াছেন। তাঁহার প্রতিষ্ঠিত আশ্রম আজও বর্ত্তমান রহিয়াছে এবং দিন দিন ভক্ত ও শিষ্যসংখ্যা বৃদ্ধি পাইতেছে।

ব্রাহ্মবীর শ্যামাকান্তের অমানুষিক বীরত্ব-কাহিনী আজও উপকথ্য মত বাঙ্গালীর চিত্তাকর্ষণ করিতেছে।

পালোয়ান যতীন্দ্রচরণ (গোবর) গুহ

ইউরোপ ও আমেরিকা-বিজয়ী এই মল্লবীর যতীন্দ্র গুরফে গোবর ১৮৯২ খ্রীষ্টাব্দে কলিকাতা বাগবাজারে গুহবংশে জন্মগ্রহণ করেন। ইঁহার পিতার নাম বাবু রামচরণ গুহ। এই গুহবংশ পূর্ব হইতেই শক্তি-মত্তায় বিশেষ বিখ্যাত। যতীন্দ্রের পিতামহ স্বর্গীয় অম্বিকাচরণ গুহ অম্বুবাবু নামে পরিচিত, তিনিও একজন বিখ্যাত পালোয়ান ছিলেন। ইনি বিখ্যাত পাঞ্জাবী পালোয়ান রাখিয়া কুস্তী লড়িতেন। এই ব্যাপারে তাঁহাকে হাজার হাজার টাকা ব্যয় করিতে হইত। তাঁহার একটা প্রকাণ্ড কুস্তীর আখড়া ছিল। কুস্তীর পর রীতিমত বলকারক খাণ্ড প্রয়োজন, নতুবা শরীরের অপচয় সাধিত হয়, এই জন্ত অম্বুবাবু তাঁহার বিস্তৃত আখড়ায় প্রায় ৪০ টি দৃষ্ণবতী গাভী এবং প্রায় ৩০ টি ছাগল রাখিয়াছিলেন। তাঁহার মল্লশিষ্যেরা কুস্তীর কসরণ অভ্যাসান্তে প্রত্যহ এই গাভী ও ছাগলের দৃষ্ণ এবং অনান্য পুষ্টিকর সামগ্রী আহার করিত। তখনও এই বাংলাদেশে শক্তিচর্চার যথেষ্ট আদর ছিল, এখন যেমন আমরা পাশ্চাত্যের বিলাস-স্রোতে ভাসিয়া চলিয়াছি,—শক্তিমত্তার পরিচয় দেওয়া যেমন আমাদের নিকট বর্করতা বলিয়া মনে হয়, তখনো বাংলায় এই রকম বাতাস বহিতে আরম্ভ করে নাই। তখনো বাংলাদেশে ‘আধমণে’ কৈলাসের অভাব ছিল না,—তখনো এই বাংলাদেশে এমন



পালোয়ান যতীন্দ্রবেণ গুহ (‘‘গোবর’’)

বাংলার বীর—১৭৪

2

3

অনেক লোক ছিলেন বাঁহাদের জলযোগের জন্ত বড় বড় ২।১ ধামা থৈ আবশ্যক হইত। এখন রুগ্মশরীর কোটরগত-চক্ষু আদির সূক্ষ্ম পাঞ্জাবী পরিহিত মরালগ্রীব সারস-চরণ বাঙ্গালী বাবুবর্গের নিকট তাহা আরব্য উপজ্ঞাসের দৈত্যের গল্পের মত কাল্পনিক মনে হইবে। কিন্তু সত্য সত্যই একদিন এই বাংলাদেশে সে প্রকার লোক যথেষ্টই ছিল। আজকাল বাঙ্গালী পথেবাটে লাঞ্চিত ও অবমানিত হইয়াও শারীরিক শক্তি সঞ্চয়ের দিকে মোটেই দৃষ্টিপাত করিতেছে না। শারীরিক শক্তিলাভ বিলাসিতার পরিপন্থী বলিয়া তাহাদের মনে ঘৃণা হয়। জানিনা কবে আবার এই হতভাগ্য ধ্বংসোন্মুখ জাতিকে ভগবান স্মৃতি প্রদান করিবেন।

অম্বুবাবুর পুত্র (যতীন্দ্রের জ্যেষ্ঠতাত) স্বর্গীয় ক্ষেত্রবাবুও একজন বীর ছিলেন। তিনি এবং অম্বুবাবু উভয়েই কুস্তীর অনেক নূতন নূতন প্রণালী আবিষ্কার করিয়াছিলেন। এই আবিষ্কৃত সন্মুখে অম্বুবাবু অপেক্ষা তদীয় পুত্র ক্ষেত্রবাবুর মৌলিকত্বই অধিক। বিখ্যাত বিখ্যাত পাঞ্জাবী পালোয়ানেরা তাঁহাদের নিকট সমস্ত্রমে মস্তক অবনত করিত। তাহারা কলিকাতায় আসিলেই অম্বুবাবু এবং ক্ষেত্রবাবুর নিকট হইতে কুস্তীর কিছু কিছু নূতন কৌশল শিক্ষা করিয়া যাইত।

ক্ষেত্রবাবু এক সওদাগরী আফিসের একজন মুংস্ফি ছিলেন, তিনি লাঠি এবং ছোরা খেলায়ও বিশেষ পারদর্শী ছিলেন। তিনি দৈনিক খাড়া ব্যতীত প্রত্যহ ৮ সের দুগ্ধ খাইতেন।^{১১} বাল্যকাল হইতেই শক্তিশর্চার

বাংলার বীর

আবেষ্টনের মধ্যে থাকিয়া যতীন্দ্রের অন্তঃকরণও সেইদিকে আকৃষ্ট হয়। তিনি প্রথমতঃ তাঁহার জ্যেষ্ঠতাত ক্ষেত্রবাবুর নিকট কুস্তী শিক্ষা করেন। তাঁহার পরলোক গমনের পর গামা, রহমান, কালু প্রভৃতি ভারত-বিখ্যাত মল্লবীরগণের নিকট তিনি শিক্ষালাভ করেন। কিন্তু বালকের এমনই আশ্চর্য্য শক্তি এবং শিক্ষা-কৌশল যে তাহারা কেহই যতীন্দ্রকে ফেলিতে পারে নাই। এই শিক্ষক-পালোয়ানেরা প্রত্যহ ৪ টাকা হইতে ৬ টাকা পর্য্যন্ত বেতন পাইত।

যতীন্দ্রবাবু কুড়ি বৎসর বয়সেই বাঙ্গালীদের প্রাত্যহিক খাদ্য ব্যতীত তিন পোয়া ঘি মিশ্রিত মাংসের আখ্‌নি, ৪০০ বাদাম, এক ছটাক ছোট এলাচ, দেড়সের বেদানার রস, এক টাকার সোণার পাত, দুই আনার রূপার পাত, বাদাম ও মসলা মিশ্রিত ঠাণ্ডাই, এক সের দুধ এবং এক টাকার ফল খাইতেন! এই বয়সে তাঁহার দৈর্ঘ্য ৬ ফিট ১ ইঞ্চি, ছাতির বেড় ৪৮ হইতে ৫০ ইঞ্চি, কোমর ৪২ ইঞ্চি, কঙ্গি ৮ ইঞ্চি, জালু ৩০ ইঞ্চি, পায়ের ডিম ১৮ ইঞ্চি, গলা ১৮।০ ইঞ্চি এবং ওজন তিন মণ ছিল।

তাঁহার দুই জোড়া মুণ্ডর আছে। এক জোড়ার প্রত্যেকটীর ওজন ২৫ সের। অপর জোড়ার প্রত্যেকটীর ওজন ১ মণ ১০ সের। তিনি এই শেযোক্ত মুণ্ডর জোড়াই কুড়ি বৎসর বয়সে ভাঁজিতেন। গ্রীষ্মদেশের পেশীসমূহ দৃঢ় করিবার জন্ত তিনি একটা দুইমণ ওজনের পাথরের হাঁসুলি (Collar) গলায় পরিয়া একতলা দু'তলা ওঠানামা করিতেন। তিনি বলেন, তিনি যখন আপোদে পালোয়ানদিগের সহিত কুস্তী লড়েন তখন

কেহই তাঁহার গ্রীবাদেশ ধরিতে পারে না, স্ততরাং গ্রীবার যথোপযুক্ত ব্যায়ামও হয় না, গ্রীবার ব্যায়ামের জন্তই পাথরের হাঁসুলি পরিতে হয়। তাঁহাদের বাড়ীতে বহু পূর্ব হইতেই একখানি বড় ভারী পাথর আছে, তাহার মাঝখানে হাতলের মত একটা লৌহদণ্ড সংযুক্ত আছে। যতীন্দ্র কুড়ি বৎসর বয়সে চিৎ হইয়া শয়ন করিয়া সেই লোহার হাতলটা ধরিয়া পাথরটাকে টানিয়া নিজের বুকের উপর তুলিয়া লইতেন।

১৯১৩ খ্রীষ্টাব্দে গোবর ইউরোপীয় মল্লবীরদিগকে পরাস্ত করিবার জন্ত ইংলণ্ড যাত্রা করেন। তখন তাঁহার বয়স ২১ বৎসর মাত্র। এখানে এই অল্পবয়স্ক বীর যুবকের বীরত্বকাহিনী নানা সংবাদপত্রে ঘোষিত হইতে থাকে। ইংলণ্ডের “Health and Strength” পত্রিকার সম্পাদক শতনুখে গোবরের প্রশংসা করিয়াছেন; উক্ত সংবাদপত্রের মতে গোবরের সামান্য মুগুরটা পর্য্যন্ত সাধারণ ইংরাজ ভূমি হইতে উত্তোলন করিতে অক্ষম।—“Gobar, for instance, who is now in England, swings clubs that no ordinary Englishman could lift.” বিলাতের জনসমাজ ইহার অদ্ভুত মল্ল-কৌশল এবং দৈহিক শক্তি সন্দর্শনে বিস্মিত ও বিমুগ্ধ হইয়াছিল। ৩০শে আগষ্ট গ্লাসগো নগরে ক্যাম্বেল সাহেবের সহিত প্রায় ৫০ মিনিট কুস্তী করিয়া গোবর তাঁহাকে পরাস্ত করেন। তৎপরে এডিনবরা নগরে ওলিম্পিয়া নামক মল্ল-ক্ষেত্রে অজের জিমি এসনের সহিত লড়িবার জন্ত গোবর উপস্থিত হইলেন। কোথায় বিংশতি বর্ষ বয়স্ক একজন বঙ্গীয় যুবক, আর কোথায় পৃথিবী-বিখ্যাত বীর এসন্!

বাংলার বীর

এই অত্যাশ্চর্য্য ক্রীড়া দেখিবার জ্ঞাত ক্রীড়ামঞ্চ লোকে লোকারণ্য হইল। গোবর এসনের সহিত মল্ল-ক্রীড়া আরম্ভ করিলেন, এসন্ তাঁহার সাধ্যমত গোবরকে জব্দ করিতে চেষ্টা করিতে লাগিলেন, এমন কি সময় সময় কুস্তীর নিয়ম ভঙ্গ করিয়া নিষিদ্ধ আচরণ করিতেও ক্রটি করেন নাই, এই জ্ঞাত তাঁহাকে কয়েকবার সাবধান করিয়া দেওয়া হয়। যাহা হউক এসনের নিষিদ্ধ আচরণ সত্ত্বেও বাঙ্গালী বীর গোবর তাঁহাকে মাটিতে ফেলিয়া প্রায় অর্দ্ধঘণ্টাকাল চাপিয়া রাখিয়া দেন, তাহাতে ইংরাজ বীর হাঁপাইতে থাকেন! কিছুক্ষণ পরে এসন্ উঠিয়া দাঁড়াইলেন, কিন্তু গোবর তাঁহাকে ৩৯ মিনিটের চেষ্টায় এক আছাড় দেন, আর একবার আছাড় দিতে পারিলেই গোবর জয়ী হইবেন। কিন্তু পুনঃ নিষেধ সত্ত্বেও যখন এসন্ নিষিদ্ধ কৌশল প্রয়োগ করিতে বিরত হইলেন না, তখন মধ্যস্থ লোকেরা তাঁহাকে আর লড়িতে না দিয়া গোবরকেই জয়ী বলিয়া ঘোষণা করিলেন। এই কুস্তীতে যতীন্দ্রচরণ ১৫০০ পাউণ্ড পুরস্কার ও সাধারণ জমা এবং টিকেট বিক্রয়ের শতকরা ৭০ পান।

সেখান হইতে যতীন্দ্র ফ্রান্সের রাজধানী প্যারিসে গমন করিয়া কুস্তী প্রদর্শন পূর্বক মাসিক প্রায় ৭ হাজার টাকার উপার্জন করেন। প্যারিস হইতে তিনি পৃথিবীর শ্রেষ্ঠ কুস্তীগীর গচের সহিত লড়িবার জ্ঞাত আমেরিকা যাত্রা করেন। কিন্তু গচ প্রতিযোগিতায় অবতীর্ণ না হওয়ায় গোবরের আশা পূর্ণ হয় নাই।

আশানন্দ টেকী

অদূর উনবিংশ শতাব্দীর মধ্যভাগেও বঙ্গ জননীর বক্ষে বীর সন্তানের অভাব ছিল না। এখনও জনশ্রুতি নানাভাবে তাঁহাদের বীরত্ব-কাহিনী ঘোষণা করিতেছে; যদিও তাহা অতিরঞ্জনের তুলিকাস্পর্শ হইতে সম্পূর্ণ বিমুক্ত নহে, তথাপি সে সমুদায় কাহিনীর গর্ভে বহুল পরিমাণে সত্য নিহিত রহিয়াছে। আশানন্দ নদীয়া জেলার অন্তর্গত শান্তিপুর গ্রামে ব্রাহ্মণবংশে জন্মগ্রহণ করেন। তাঁহার জন্মস্থান সম্বন্ধে নানাবিধ বিরুদ্ধ মত দেখিতে পাওয়া যায়, অনেকেই অনেক স্থানে তাঁহার জন্মস্থান নির্দেশ করিয়া থাকেন। বঙ্গের বিভিন্ন জেলায় তাঁহার নানারূপ অদ্ভুত ও অমানুষিক বীরত্বের কথা প্রচারিত আছে। যাহা হউক, আশানন্দের অস্তিত্ব এবং বীরত্ব সম্বন্ধে সন্দেহের কোনও হেতু নাই।

তখন বঙ্গদেশে দস্যুর উপদ্রব অত্যন্ত প্রবল ছিল। জমীদারগণের লাটের খাজনা পাঠাইবার সময় পথে দস্যুগণকর্তৃক তাহা প্রায়ই লুণ্ঠিত হইত। যশোহর, নদীয়া, হুগলী, বর্ধমান প্রভৃতি জেলার প্রধান প্রধান জমীদারগণ লাটের খাজনা পাঠাইবার সময় প্রায়ই বীর আশানন্দের শরণাপন্ন হইতেন। আশানন্দ জমীদারদিগের পাইক বরকন্দাজ সমভিব্যাহারে খাজনা নিরাপদে সদর কালেক্টরীতে পৌঁছাইয়া দিয়া আসিতেন। অনেক সময় আশানন্দকে সশস্ত্র দস্যুদলের সহিত যুদ্ধ

বাংলার বীর

করিয়া খাজনার টাকা রক্ষা করিতে হইত। একবার আশানন্দ বহু টাকা লইয়া কালেক্টরীতে যাইতেছিলেন, সঙ্গে মাত্র কয়েকজন পাইক। সহসা প্রায় দুইশত অস্ত্রধারী দস্যু আসিয়া তাঁহাদিগকে আক্রমণ করিল। এই অতর্কিত আক্রমণে আশানন্দ ভীত বা কিংকর্তব্যবিমূঢ় হইলেন না, তিনি বীরদর্পে লাঠি ঘুরাইতে ঘুরাইতে সেই সশস্ত্র বিরাট দস্যুদলের সম্মুখীন হইলেন। দস্যুরাও যথাসাধ্য তাঁহাকে বাধা দিতে লাগিল বটে, কিন্তু আশানন্দের লাঠি ঘূর্ণনের সম্মুখে তাহার অধিকরণ তিষ্ঠিতে সমর্থ হইল না। আশানন্দ দস্যুদলের অগ্রবর্তী দুইজন প্রধান ব্যক্তিকে ধরিয়া বগলে পুরিয়া ফেলিলেন, দস্যুদ্বয় সেই বজ্রকঠিন বাহুবন্ধন হইতে মুক্তিলাভ করিতে পারিল না। তদর্শনে অত্যাচার দস্যুগণ তৎক্ষণাৎ পলায়ন করিল। আশানন্দ ধৃত দস্যুদ্বয়কে সেই অবস্থায় লইয়াই কাছারীতে কালেক্টর সাহেবের নিকট উপস্থিত হইলেন। সাহেব এবং উপস্থিত ব্যক্তিবর্গ এই বীরত্বদর্শনে বিস্মিত হইয়া তাঁহাকে শত শত ধন্যবাদ প্রদান করিতে লাগিলেন, এবং কালেক্টর সাহেব এই বীরত্বের জন্ত তাঁহাকে যথোচিত পুরস্কার প্রদান করিলেন।

আর একবার খাজনার টাকা লইয়া যাইবার সময় পথে রাজি হওয়ায় আশানন্দ এক গৃহস্থের বাড়ীতে আশ্রয় গ্রহণ করেন। দস্যুগণ টাকার সন্ধান পাইয়া গভীর নিশীথে উক্ত বাটী আক্রমণ করিল। গোলমালে আশানন্দের নিদ্রাভঙ্গ হইলে তিনি সহসা হাতের কাছে দস্যু তাড়াইবার উপযুক্ত কোনও কিছু না পাইয়া ঢেঁকীশালা হইতে ঢেঁকীটা তুলিয়া লইয়া

তাহাই ঘুরাইতে ঘুরাইতে দস্যুদলকে আক্রমণ করিলেন। টেকী-প্রহারে কতিপয় দস্যু ধরাশায়ী হইল, অপরাপর সকলে রণে ভঙ্গ দিয়া প্রাণরক্ষা করিল। তদবধি তিনি “আশানন্দ টেকী” নামে সকলের নিকট বিখ্যাত হইলেন। জীবনে তাঁহাকে এইরূপ অনেকবার দস্যুদলের সহিত সংগ্রাম করিয়া জয়ী হইতে হইয়াছে।

আশানন্দের আহার সম্বন্ধেও নানা অদ্ভুত গল্প শুনিতে পাওয়া যায়। তাহা নিতান্ত যে কল্পিত গল্প এরূপ মনে হয় না। যাহার অমন অসাধারণ শারীরিক শক্তি, তাঁহার অমানুষিক আহার-শক্তি আশ্চর্য্যের বিষয় নহে। আশানন্দের দয়াগুণও অসীম ছিল, অনেক দরিদ্র তাঁহার দ্বারা সময়ে অসময়ে নানারূপে উপকৃত হইত।

নফরচন্দ্র কুণ্ড

(পরার্থে জীবনদান)

সংসারে জন্মগ্রহণ করিয়া ধন ও বিদ্যার্জনদ্বারা যশস্বী হইয়া পরলোকে
প্রস্থান করিলে, অথবা দয়া, সহানুভূতি, পরোপকার প্রভৃতি কেবল স্বীয়
আত্মীয়স্বজন এবং পরিবারের মধ্যে সীমাবদ্ধ থাকিলেই জীবনের সার্থকতা
সম্পাদিত হয় না। “পরের কারণে এ জীবনমন সকলি” অর্পণ করিতে
পারিলে তবে সে জীবন ধন্য হয়, সে জীবনধারণে পৃথিবী গৌরবান্বিতা
হন। প্রত্যহ শত শত জীবন কাল-সাগরে বৃদ্ধদের মত ভাসিয়া উঠিয়া
আবার বিলীন হইয়া যাইতেছে, কয়জন তাহার সংবাদ লয়? কত ধনী,
কত বিদ্বান্ প্রত্যহ পৃথিবী-বক্ষ হইতে চিরবিদায় গ্রহণ করিতেছে,
তাহাদের কয়জনের নাম জগৎবাসী হৃদয়-পটে অঙ্কিত করিয়া রাখিয়া
শ্রদ্ধা নিবেদন করে? কিন্তু যে জীবন আন্তর্গীড়িতের অশ্রু মুছাইবার
জন্ত, ব্যথিতকে বুকে টানিয়া লইবার জন্ত, বৃদ্ধস্কিতের মুখে অন্নগ্রাস
তুলিয়া দিতে এবং বিপন্নকে পরিত্রাণ করিতে উৎসৃষ্ট হয়, সে জীবন মৃত্যুর
ক্রোড়েও চিরঅমর,—মৃত্যু সেই গৌরবদীপ্তিকে গ্লান করিতে সমর্থ হয়
না;—তঁাহাদের পবিত্র স্মৃতি জগৎ ভুলিতে পারে না। বিশ্বমানবের
হিতব্রতই ঐহাদের জীবনের একমাত্র লক্ষ্য তঁাহারা চিরদিন পৃথিবীবাসীর

নিকট শ্রদ্ধার পুষ্পচন্দন পাইয়া আসিয়াছেন এবং চিরকাল পাইবেন। মহর্ষি দধীচির পরার্থে দেহ দান, অতিথির পরিতুষ্টি বিধানের জন্ত দাতা কর্ণের পুত্র বলি, আশ্রিতের রক্ষাকল্পে শিবিরাজের আশ্রয়দান, জগতের জরামরণ-হাহাকারে ব্যথিতচিত্ত শাক্যসিংহের গৃহত্যাগ, চৈতন্যের সন্ন্যাস, আর্ন্তপীড়িতের সেবায় ফ্লোরেন্স নাইটিঙ্গেল ও ডোরার আত্মাহুতি আজিও জগতের বুকে তাঁহাদিগকে অমর করিয়া রাখিয়াছে। কলিকাতা ভবানীপুরের ষড়্‌বিংশতিবর্ষব্যয়ক যুবক নফরচন্দ্র বিপন্নের জীবন রক্ষাকল্পে স্বীয় জীবনের প্রতি বিন্দুমাত্রও ভ্রক্ষেপ না করিয়া মৃত্যুকে আলিঙ্গন পূর্বক যে উজ্জ্বল আদর্শ রাখিয়া গিয়াছেন, তাহা মানবজাতির মহত্বের ইতিহাসে চিরদিন অপরিমল থাকিবে।

নফরচন্দ্র কলিকাতায় আফিসের জটনৈক কেরানী ছিলেন। কিন্তু সাধারণ কেরানীকুল অপেক্ষা কি চরিত্রমাধুর্য্যে, কি বিনয়-নম্রতায়, কি আত্মমর্য্যাদাবোধে, কি তেজস্বিতায়, কি পরার্থপরতায়, কি মহত্বে, তিনি সর্ববিষয়েই উন্নত ছিলেন। তাঁহার মুখমণ্ডলে কেরানীকুলের স্বাভাবিক অপ্রসন্নতার কালিমারেখা কেহ কখনও দর্শন করে নাই। তিনি সদাহাস্যময় পুরুষ ছিলেন। পরনিন্দা ও পরচর্চা—বাহ্য কেরানীবর্গের একটা স্বভাবসিদ্ধ ধর্ম্ম—নফরচন্দ্রের হৃদয়ে সে কলুষভাব কখনো প্রভাব বিস্তার করিতে পারে নাই। তাঁহার হৃদয় ছিল আকাশের মত উদার, হিমাদ্রির মত উচ্চ, সাগরের মত গভীর, চন্দ্রের স্থায় স্খাৎপূর্ণ, পুষ্পের মত কোমল, শিশিরের মত স্নিগ্ধ। নফরচন্দ্র ইটালী রামকৃষ্ণমিশনের একজন

বাংলার বীর

সভ্য ছিলেন, জাতিবর্ণের বৈষম্য বিস্মৃত হইয়া বিশ্ব-মানবহিতে তিনি আত্মনিয়োগ করিয়াছিলেন।

১৯০৭ খ্রীষ্টাব্দের ১২ই মে যখন তিনি আফিসে বাইতেছিলেন তখন কতকগুলি কুলি একজন ওভারসিয়ারের কর্তৃত্বাধীনে একটা ড্রেনের মুখ খুলিয়া তাহা পরিষ্কার করিতেছিল। সহসা একটা ভীতিপূর্ণ কোলাহল-ধ্বনি শ্রুত হইল। দুইজন মুসলমান কুলি অসাবধানতা বশতঃ সেই উন্মুক্ত-মুখ নর্দামা অতিক্রম করিবার সময় তন্মধ্যে পতিত হওয়ায় চারিদিক হইতে কুলিগণ ছুটিয়া আসিয়া কোলাহল করিতে লাগিল। তখন আফিসের সময়, কলিকাতার রাজপথ আফিসগামী জনসমূহে পরিপূর্ণ। কুলিদিগের চীৎকার শুনিয়া বহুলোক আসিয়া ঘটনাস্থলে সমবেত হইল, কিন্তু বিপন্নের উদ্ধারার্থে কেহই অগ্রসর হইল না। যে ওভারসিয়ারের অধীনে কুলিয়া কার্য্য করিতেছিল তিনি সেই বিপন্ন কুলিদ্বয়কে রক্ষা করিবার জন্ত অগ্রাগ্র কুলিদিগকে তিরস্কার করিতে লাগিলেন, কিন্তু সেই বিবাক্ত বাষ্প পরিপূর্ণ নর্দামার ভিতর অবতরণ করিয়া স্বীয় জীবনকে বিপন্ন করিতে কেহই স্বীকৃত হইল না। ওভারসিয়ার হতাশ হইয়া পড়িলেন। তখন নফরচন্দ্র সেখানে আসিয়া উপস্থিত হইলেন। তিনি লোকমুখে হুর্ঘটনার কথা শুনিয়াই আর কালবিলম্ব করিলেন না, তৎক্ষণাৎ কর্তব্য অবধারণ করিয়া লইলেন,—স্বীয় জীবন উৎসর্গ করিয়াও মৃত্যু-কবল-নিপতিত হতভাগ্য কুলিদ্বয়কে উদ্ধারের চেষ্টা করিবেন। তিনি জানিতেন, পয়ঃপ্রণালীমধ্যে অবতরণ করিলে আর হয়ত এই সূর্য্যকরোজ্জ্বলা শ্যামা ধরণীর

বুকে প্রত্যাভর্তন করিতে সমর্থ হইবেন না,—ঐ দুর্গন্ধ-কর্দম-পরিপূর্ণ অন্ধকারময় ভূগর্ভে তাঁহাকে চিরনিদ্রা বরণ করিয়া লইতে হইবে,—তথাপি স্বীয় জীবনের জ্ঞাত তিনি মুহূর্ত্তমাত্রও চিন্তা করিবার অবসর পাইলেন না। কুলির বিপদের কথা শ্রবণমাত্রই নফরচন্দ্র স্বীয় হাট, কোট, এবং জুতা দূরে নিক্ষেপ করিয়া নিমেষমধ্যে সেই ড্রেনের মধ্যে লাফাইয়া পড়িলেন। সমবেত জনমণ্ডলী ভয়ে ও বিস্ময়ে নির্বাক হইয়া উৎকণ্ঠিত-ভাবে চাহিয়া রহিল।

ওভারসিয়ার বাবু এতক্ষণে স্বীয় কর্তব্যের গুরুত্ব এবং দায়িত্ব উপলব্ধি করিয়া নর্দামামধ্যস্থিত তিনটি প্রাণীর জীবন রক্ষার জ্ঞাত যত্নবান হইলেন। নর্দামার অভ্যন্তরে দৃষ্টি নিক্ষেপ করিয়া তিনি একটা মল্লুয়োর মস্তক দেখিতে পাইয়া তৎক্ষণাৎ এক গাছি কাছি সেই নর্দামার মধ্যে নিক্ষেপ করিলেন, এবং বহু কষ্টে ও যত্নে অগ্রাগ্র কুলিদিগের সাহায্যে নফরচন্দ্র এবং উক্ত কুলিদ্বয়ের দেহে কাছি বিশেষ দৃঢ়তা সহকারে বেঁধেন করিয়া তাহাদিগকে টানিয়া উপরে তুলিয়া আনিলেন। কিন্তু সমস্তই ব্যথা হইল! বহু পূর্বেই তাহাদের জীবন-লীলার অবসান হইয়া গিয়াছিল। নফরচন্দ্র নর্দামাগর্ভে অবতরণ করিয়া অন্ধকারে হস্ত সঞ্চালন পূর্ব্বক অনতিদূরেই একটা কুলিকে ধরিতে সমর্থ হইয়াছিলেন। কিন্তু কুলিকে লইয়া উপরে উঠিয়া আসিবার জ্ঞাত কিয়দূর অগ্রসর হইয়াই নর্দামার বিধাত্ত বাস্পে তাঁহার শ্বাসরোধ হইয়া যায়, স্মৃতরাং আর তিনি জীবন্ত অবস্থায় উপরে উঠিতে সমর্থ হইলেন না।

বাংলার বীর

এইরূপে নফরচন্দ্র পরহিতার্থে স্বীয় জীবন উৎসর্গ করিয়া জগতে আদর্শের যে আলোকস্তম্ভ স্থাপন করিয়া গিয়াছেন, তাহা নৈসর্গিক ঝঙ্কাবাতে কোনও কালে ভাঙ্গিয়া পড়িবে না, বরং তাহার আলোকরশ্মি হুর্যোগময়ী রজনীতে আমাদের জীবনপথকে আলোকিত করিয়া বিরাজিত থাকিবে। অতীতের পরার্থপর বাঙ্গালী আজ প্রতীচ্যের স্বার্থপরতার সংসর্গে আত্মসুখসর্বস্ব হইয়া পড়িতেছে। জানি না নফরচন্দ্রের এই আত্মোৎসর্গ আমাদের স্বার্থপরতাকলুষিত হৃদয়ে বিন্দুমাত্র রেখাপাত করিতে সমর্থ হইবে কি না।

বঙ্গের তৎকালীন লেপেটনাণ্ট গভর্নর শ্রীর এণ্ড্রু ফ্রেজারের যত্নে সর্বসাধারণের নিকট হইতে গৃহীত অর্থে ভবানীপুরে এই বীর স্মৃতির যে স্মৃতিস্তম্ভ স্থাপিত হইয়াছে তাহাতে লিখিত রহিয়াছে :—

To the memory of

NAFAR CHANDRA KUNDU

Who lost his life in a gallant attempt to rescue two Mahomedan coolies from man-hole opposite. He was a member of the Entaly Ramkrishna Mission, whose life was devoted to doing good to others, irrespective of caste, creed and colour. This Monument is erected by his admirers, European and Indian, by public subscription. Born 22nd March, 1881; Died 12th May, 1907.

প্রসন্নকুমার বসু

(পরার্থে জীবনদান)

প্রসন্নকুমার বরিশাল মিউনিসিপালিটির একজন ওভারসিয়ার ছিলেন। সেবাব্রতে তিনি জীবন বিসর্জন করিয়াছেন। বাল্যকাল হইতে প্রসন্নকুমার বলিষ্ঠ, তেজস্বী, উৎসাহশীল, উজ্জ্বল, সংকার্য্যে অমুরাগী, পরহিতৈষী এবং বিপন্নের বান্ধব বলিয়া বরিশালে সুপরিচিত ছিলেন। তাঁহার বিদ্যালয়ের শিক্ষা সামান্য ছিল, তিনি বিশ্ববিদ্যালয়ের সনন্দ লাভ করিতে পারেন নাই। কিন্তু বিশ্ববিদ্যালয়ের ছাপ অঙ্গে না মারিয়াও যে প্রকৃত মানুষ হওয়া যায় প্রসন্নকুমার তাহার একটী জলন্ত দৃষ্টান্ত। প্রসন্নকুমার ত্যাগের যে দৃষ্টান্ত দেখাইয়াছেন বিশ্ববিদ্যালয়ের ডিগ্রীধারী তথাকথিত শিক্ষিত কয়জনের হৃদয়ে সেরূপ সাহস আছে,—কয়জনের হৃদয়ে সেইরূপ পরার্থপরতার লিপ্সা দেখিতে পাওয়া যায়? বর্তমান শিক্ষার মাপ-কাঠিতে শিক্ষিত না হইলেও প্রকৃত শিক্ষার যাহা উদ্দেশ্য তাঁহার হৃদয়ে তাহার অভাব ছিল না। দৈহিকবলে, মনের সাহসে তিনি একজন বীর বলিয়া আখ্যা পাইয়া আসিয়াছেন। তাঁহার দৈনিক আহাৰ্য্যের পরিমাণ যেমন প্রচুর ছিল, সেই খাওয়া পরিপাক করিবার শক্তিও তাঁহার যথেষ্টই ছিল। মনের তেজ এতদূর প্রবল ছিল যে, কোনও

বাংলার বীর

প্রকার বাধাবিঘ্ন তিনি সঙ্কল্পসাধনের অন্তরায় বলিয়া মনে করিতে পারিতেন না ।

বরিশালের ৬রাখালচন্দ্র রায়চৌধুরী মহাশয় যখন ষ্টীমার চালাইতে আরম্ভ করেন তখন ১৯২০ বৎসর বয়স্ক তরুণ যুবক এই প্রসন্নকুমারই তাহার উদ্যোক্তা এবং অদম্য উৎসাহী কর্ম্মী ছিলেন । ২০ বৎসরের অধিককাল প্রসন্নবাবু বরিশাল মিউনিসিপালিটির অধীনে দফতার সহিত ওভারসিয়ারের কার্য্য করিয়া সহরবাসিগণের বিপদে-আপদে ও সংক্রামক ব্যাধির প্রবল আক্রমণকালে প্রকৃত হিতৈষী বন্ধুর ছায়া সকলকে সাহায্যদান করিয়াছেন । বরিশাল সহরে তখন ওলাউঠার গুপ্তপ্রাণকারী কয়েকটা স্বেচ্ছাসেবকদল ছিল, কিন্তু ভীষণ বসন্তরোগের গুপ্তপ্রাণকারী বেশী ছিল না । ভীষণ সংক্রামক রোগীর তত্ত্বাবধান, নিজ হস্তে বাড়ীঘর পরিষ্কার করা, রোগীর ব্যবহৃত বিছানা, কাপড় ইত্যাদি দগ্ধ করা, বসন্তরোগীর মৃতদেহ সংকার করা প্রভৃতি কার্য্যে প্রসন্নকুমার অপ্রতিদ্বন্দ্বী নির্ভীক কর্ম্ম-বীর ছিলেন । যে স্থলে রোগীর আত্মীয়স্বজনেরা গুপ্তপ্রাণ করিতে ভীত ও সঙ্কুচিত, সেখানে প্রসন্নকুমার পরমাত্মীয়ের মত দ্বিধাহীন ভাবে রোগীর পার্শ্বে উপবিষ্ট । সংক্রামক ব্যাধির প্রবল আক্রমণের সময় প্রসন্নবাবু বরিশাল সহরবাসীদের নিকট অমৃতের সমাচারবাহী দেবদূতের মত আশাস্থল ছিলেন । যেখানে মরণাহতের চীৎকার, প্রসন্নকুমার সেখানে শান্তিস্থল,—সেখানে প্রসন্নকুমার বরাভয়রূপে উপস্থিত । সমস্ত বরিশালবাসীকে শোকে মুহমান করিয়া তাঁহাদিগকে নিরাশার

অকূল সাগরে ভাসাইয়া সেই প্রসন্নকুমার ১৩২২ সালের চৈত্র মাসে বসন্তরোগে ইহলোক হইতে অমরধামে যাত্রা করিয়াছেন।

প্রসন্নকুমারের মনের বল এত অধিক ছিল যে, তিনি বহু পীড়াপীড়ি সত্ত্বেও জীবনে ইংরাজী টাকা গ্রহণ করেন নাই। ১৩১৬।১৭ সাল হইতেই বরিশাল সহরে বসন্তের প্রকোপ আরম্ভ হইয়াছিল। ১৩২০ সালে এই রোগের প্রকোপে যখন সহর প্রায় জনশূন্য, আত্মীয় আত্মীয়ের সংবাদ লয় না, মৃতদেহ সংকারের লোকের অভাব, তখন প্রসন্নকুমারই প্রধান বান্ধব ছিলেন। মৃত্যুর প্রায় ২০ দিন পূর্বে প্রসন্নবাবু একটা বসন্ত রোগীর মৃতদেহ বহন করিয়া শ্মশানে লইয়া গিয়া দাহকার্য্য সম্পন্ন করেন। তাহার পরই তিনি ঐ রোগে আক্রান্ত হন। রুগ্নাবস্থায়ও প্রসন্নকুমার প্রসন্নচিত্ত, নিশ্চিন্তপ্রাণ; মৃত্যুর দূত আসিয়া শিয়রে দণ্ডায়মান হইয়াছে বুঝিতে পারিয়াও বীর প্রসন্নকুমারের বদন ঋণকালের জন্ত চিন্তামলিন হয় নাই, পরার্থে জীবনোৎসর্গের স্বর্গীয় আনন্দালোকে তাঁহার বদনমণ্ডল উদ্ভাসিত। ১১ দিন রোগভোগের পর বিপন্নের বন্ধু, আশাহতের আশা বীর প্রসন্নকুমার তেজঃপূর্ণ প্রাণমন লইয়া মহাপ্রস্থান করিয়াছেন।

ইউরোপীয় মহাযুদ্ধে বাঙ্গালী

যুদ্ধের কারণ—অস্ত্রিয়ার যুবরাজ ফার্ডিনাণ্ড সপ্তদ্বীক সার্বিয়ার রাজ্যের বোম্বিনিয়া নগরে পরিভ্রমণ কালে ১৯১৪ খৃষ্টাব্দের ২৮ শে জুন জনৈক আততায়ী কর্তৃক নিহত হন। এই সামান্য কারণেই সমস্ত পৃথিবীব্যাপী যে সমরায়ত্ত্ব প্রজ্জ্বলিত হইয়া ভীষণ ধ্বংস-লীলা চলিতে থাকে তাহাই ইতিহাসে বিংশশতাব্দীর মহাসমর নামে স্থান লাভ করিয়াছে। প্রথমে অস্ত্রিয়া সার্বিয়াকে শাস্তি প্রদান মানসে তাহার বিরুদ্ধে যুদ্ধ ঘোষণা করিল; এই যুদ্ধ ঘোষণার ফলে ইউরোপীয় প্রধান প্রধান অধিকাংশ শক্তিরই স্বার্থে ব্যাঘাত উপস্থিত হওয়ায় তাঁহারাও স্বার্থ সংরক্ষণের নিমিত্ত যুদ্ধক্ষেত্রে অবতীর্ণ হইতে বাধ্য হইলেন।

ভারত সম্রাট পঞ্চমজর্জ ১৯১৪ খৃষ্টাব্দের ৮ ই সেপ্টেম্বর তারিখে তদীয় ভারতবর্ষীয় প্রজাবৃন্দকে যে অভিভাষণ-পত্র প্রদান করেন তাহা পাঠ করিলে ব্রিটিশশক্তির মহাসমরে যোগদানের কারণ উপলব্ধি করিতে পারা যায়—“* * * * এই সর্বনাশকর সংগ্রাম আমার ইচ্ছায় সংঘটিত হয় নাই। আমি পূর্বাপরই শান্তির অনুকূলে অভিমত প্রদান করিয়া আসিতেছিলাম। যে সমুদায় বিসম্বাদের মূলকারণের সহিত আমার সাম্রাজ্যের কোনও সংশ্রব নাই, আমার মন্ত্রিগণ সেই সকল বিবাদবিসম্বাদ প্রশমিত করিতে প্রয়াস পাইয়াছিলেন। যে সকল প্রতিশ্রুতি পালনার্থ

আমার রাজ্য অঙ্গীকারাবদ্ধ ছিল, সেই সকল প্রতিশ্রুতির প্রতি অবজ্ঞা প্রদর্শন করিয়া যখন জার্মানী কর্তৃক বেলজিয়ম আক্রান্ত ও তাহার নগরসমূহ বিধ্বস্ত হইল,—যখন ফরাসী জাতির অস্তিত্ব পর্য্যন্ত লুপ্ত হইবার আশঙ্কা হইল, তখন যদি আমি ঔদাসীন্য অবলম্বন করিয়া নিশ্চেষ্ট থাকিতাম তাহা হইলে আমাকে আত্মমর্য্যাদা বিসর্জন দিয়া আমার সাম্রাজ্য এবং মানবজাতির স্বাধীনতা ধ্বংস-গ্রাসে সমর্পণ করিতে হইত। * * * *

ইউরোপীয় মহাসমরে বাঙ্গালী নানা বিভাগে যোগদান করিয়া তাঁহাদের অতীত শ্রব্দের পরিচয় প্রদান করিয়াছেন। “ভাগীরথীর তীরবর্তী অধিবাসিবৃন্দ সমরক্ষেত্রের সম্পূর্ণ অযোগ্য”—ইংরাজ ঐতিহাসিকের এই অভিমত যাহারা এত দিন অশ্রান্ত বলিয়া মানিয়া আসিতেছিল, বিগত মহাসমরে তাহারা বঙ্গীয় যুবকের রণদক্ষতার কাহিনী শ্রবণ করিয়া বিস্মিত ও স্তম্ভিত হইয়াছে। বাঙ্গালী যে একটা অকর্ম্মণ্য ভীক্ৰ দুর্বল রণবিমুখ জাতি নহে, সুযোগ ও সুবিধা প্রাপ্ত হইলে তাহারা যে রণোল্লাসে উন্নত হইয়া সমর প্রাঙ্গণে প্রকৃত বীরত্বের পরিচয় প্রদান করিতে পারে, বিগত ইউরোপীয় কুরুক্ষেত্রে তাহা সম্প্রমাণিত হইয়া গিয়াছে। বহু ইংরাজ বোদ্ধপুরুষ বঙ্গীয় যুবকের সাহস, বুদ্ধিমত্তা, কর্তব্যনিষ্ঠা, কষ্ট সহিষ্ণুতা ও যুদ্ধপটুতা দর্শনে মুগ্ধ হইয়া তাহাদের গুণ কীর্ত্তন করিয়াছেন। বাঙ্গালীর ধমনী হইতে আজও যে, প্রতাপ, সীতারাম, চাঁদরায়-কেদার রায় প্রভৃতি বীর পুরুষগণের শোণিত-কণা একেবারে অন্তর্হিত হইয়া যায় নাই তাহার প্রমাণ বেঙ্গল আর্মুলেন্স কোর, ডবল কোম্পানী, ৪৯ সংখ্যক

বাংলার বীর

বঙ্গবাহিনী ও ভারত রক্ষী সৈন্যদলের কার্যকুশলতা। তথাপি বাঙ্গালী এমনই হতভাগ্য জাতি যে, দুই শত বৎসরের পরাধীনতায় তাহারা যে কলঙ্ক অর্জন করিয়াছে, দুবি শত বৎসরের কার্যদক্ষতায়ও তাহা ক্ষণিত হইবে না।

বঙ্গীর শুশ্রূষাকারী স্বেচ্ছাসেবকদল

১৯১৫ অব্দের মধ্যভাগে স্বর্গীয় ডাক্তার সুরেশপ্রসাদ সর্বাধিকারী মহাশয়ের চেষ্টায় ও অক্লান্ত পরিশ্রমের ফলে গভর্ণমেন্ট যুদ্ধক্ষেত্রে বাঙ্গালী শুশ্রূষাকারী স্বেচ্ছাসেবকদল লইতে স্বীকৃত হইলেন। বাঙ্গালী বুঝিল,— বাঙ্গালী অমুভব করিল,—আজ ভগবান তাহাদিগকে যে সেবাস্বর্ণের মহাব্রত উদ্‌ঘাপনের সুযোগ দিয়াছেন ইহার ভবিষ্যৎ ফল অতীব উজ্জ্বল, ইহাই রণক্ষেত্রে বাঙ্গালীর আত্মপ্রতিষ্ঠা স্থাপন পূর্বক তাহাদের জাতীয় কলঙ্কানোদনের সূচনা,—এ সুযোগ অবহেলা করা উচিত নহে,—ইহা বিধাতার আশীর্বাদ, তাহাদিগকে ইহা শির পাতিয়া লইতে হইবে। বাঙ্গালী যুবকগণ দলে দলে আসিয়া “বেঙ্গল আঞ্চুলেন্স কোর” নামক শুশ্রূষার্থিদলে যোগদান করিতে লাগিল। রণক্ষেত্রের ভীষণতা, জীবনের মমতা, পিতার স্নেহের বন্ধন, মাতার করুণ ক্রন্দন, পত্নীর আসন্ন বিরহকাতর সজল দৃষ্টি, পুত্রকণ্ঠার প্রস্ফুটিত শতদল বিনিন্দিত মুখকান্তি,—কিছুই তাহাদিগকে বাধা প্রদান করিতে পারিল না। বাঙ্গালী কর্তব্যের আহ্বানে জাতীয় গৌরব অর্জনের আকাঙ্ক্ষায় প্রণোদিত হইয়া মেসোপটেমিয়ার রণক্ষেত্রে

বাত্মা করিল। ইহারা স্বেচ্ছাসেবক, গভর্ণমেন্ট হইতে কোনও প্রকার বেতন তাহারা পাইল না। বাঙ্গালীর সংগৃহীত অর্থে ভূষিত হইয়া রণক্ষেত্রে আর্তের সেবাকল্পে তাহারা অগ্রসর হইল। অনেকে হয়ত মনে করিতে পারেন, কেবল ডানপিটে ও অকর্মণ্য ভবঘুরের দলই এই শুশ্রূষার্থিদলে যোগদান করিয়াছিল; কিন্তু আমাদের পরবর্তী লিখিত বিবরণ পাঠে তাঁহারা অবগত হইবেন যে, এই শুশ্রূষাকারী স্বেচ্ছাসেবক-দলের অধিকাংশই বঙ্গজননীর কৃত্তী সন্তান, সুশিক্ষিত, উচ্চপদস্থ এবং উচ্চবংশসম্ভূত। তাঁহারা মেসোপটেমিয়া, কুট-আলমারা, ও বাগদাদ প্রভৃতি রণক্ষেত্রে ভীষণ অগ্নিবর্ষণের মধ্যে নিভীক চিত্তে যে সেবাকার্য্য সাধন করিয়াছেন তাহা সত্য সত্যই ত্যাগী বুদ্ধ, চৈতন্য, শঙ্কর প্রভৃতি ঋষিবৃন্দের পবিত্র চরণরেহুপূত ভারতের উপযুক্ত এবং সমগ্র জগতের আদর্শ। সেবা-ধর্মের পবিত্র স্মৃদুত বর্ষে তাঁহারা আচ্ছাদিত, ভারতের পবিত্র উচ্চ আদর্শে তাঁহাদের প্রাণ গঠিত, রণক্ষেত্রের বিভীষিকা তাঁহাদিগকে বিচলিত করিতে পারিবে কেন?

রণক্ষেত্রে শুশ্রূষাকারিদলের কর্তব্য অতীব কঠিন, দায়িত্ব অতিশয় গুরুতর। অনাহারে অনিদ্রায় দিবারাত্র অমাতুল্যিক পরিশ্রম সহকারে সেবাকর্মে নিযুক্ত থাকিতে হয়। জননীর শ্রায়—ভগিনীর শ্রায়—বন্ধুর শ্রায়—কন্ঠার শ্রায় স্নেহ ও যত্নে আর্তের বেদনাভার অপনোদনের জন্ত তাঁহাদিগকে স্বীয় সুখস্বাচ্ছন্দ্য জলাঞ্জলি দিতে হয়; এমন কি পীড়িতের মৃত্যুপূর্ব্বাবাদি পর্য্যন্ত স্বহস্তে পরিষ্কার করা শুশ্রূষাকারিদলের কর্তব্য।

বাংলার বীর

রণক্ষেত্রে জীবন মরণের সংশয়স্থলে থাকিয়া তাঁহাদিগকে কর্তব্য পালন করিতে হয়। এই সমুদায় কঠোরতার প্রতি ভ্রক্ষেপ না করিয়া যে দিন ভেতো ও ভীত বাঙ্গালী যুবকদল স্বেচ্ছাসেবকরূপে সাগর-পারে যাত্রা করিল, জাতীয় ইতিহাসের তাহা একটা চিরস্মরণীয় দিন, সন্দেহ নাই।

হাসপাতাল-জাহাজ যখন প্রথম গুপ্তযাত্রী স্বেচ্ছাসেবকদল লইয়া বঙ্গোপসাগরের বীচিবিক্ষোভিত বক্ষ বিদারণ পূর্বক মেসোপটেমিয়ার রণক্ষেত্রের অভিমুখে অগ্রসর হইতেছিল, তখন জানিনা ভগবান কোন্ গুঢ় উদ্দেশ্য সাধনের জন্ত তাহার উপর ধ্বংসের অমোঘ বজ্র নিক্ষেপ করিলেন। গুপ্তযাত্রীদলবাহী সামরিক হাসপাতাল-পোত বঙ্গোপসাগর অতিক্রম করিবার সময় জার্মান-রক্ষিত গুপ্ত মাইনের আঘাতে চূর্ণবিচূর্ণ হইয়া অনন্ত-সলিল সমাধিলাভ করিল। এইরূপে বাঙ্গালীর প্রথম যুদ্ধ-যাত্রা ব্যর্থ হইল। কিন্তু বাঙ্গালীর হৃদয়ে যুদ্ধযাত্রার যে প্রবল আকাঙ্ক্ষা জাগ্রত হইয়াছিল তাহা উক্ত প্রতিকূল ঘটনার সংঘাতে দমিত হইল না। পুনরায় নবীন দল সংগৃহীত হইয়া মেসোপটেমিয়ার প্রেরিত হইল।

রূপদা প্রসাদ সাহা

ইনি বেঙ্গল আর্মুলেন্স কোরের একজন স্বেচ্ছাসেবক ; তাঁহার কর্তব্যনিষ্ঠা, কৰ্ম্মতৎপরতা ও সাহসিকতায় বেঙ্গল আর্মুলেন্স কোর গৌরবান্বিত ; তাঁহার কার্যকুশলতায় সূদূর তুর্কিস্থানে বাঙ্গালীর নাম সর্গোরবে ঘোষিত হইয়াছে। ১৯১৫ খ্রীষ্টাব্দের অক্টোবর মাসে রূপদা প্রসাদ

অত্যন্ত স্বেচ্ছাসেবকগণের সহিত অমরেন্দ্রনাথ চম্পটার নেতৃত্বে মেসোপটে-
মিয়ার রণস্থলে উপস্থিত হইলেন। ইংরাজ সৈন্যদলের মধ্যে তখন
ভীষণভাবে স্কার্ভি-পীড়া (দন্তরোগ বিশেষ) আরম্ভ হইয়াছিল। ফলমূল
এবং নবীন শাকপত্র এই রোগের প্রধান ঔষধ। যুবক রণদা শত্রুদিগের
অনলবর্ষণে ক্রক্ষেপ না করিয়া শাক-পত্র সংগ্রহের জন্য বহুদূর পর্য্যন্ত
গমন করিতেন এবং শাক-পত্রাদি লইয়া নির্বিঘ্নে শিবিরে প্রত্যাবর্তন
করিতেন। তৎকর্তৃক এইরূপ নিত্য নিত্য নব নব শাকপত্র সংগ্রহের
ফলে সৈন্যগণ স্কার্ভি-পীড়া হইতে আরোগ্য লাভ করিতে লাগিল। তখন
চতুর্দিকে এমনভাবে শত্রুর গুলিবর্ষণ চলিতেছিল যে, যে কোনও মুহূর্তে
রণদার জীবনলীলার অবসান হইতে পারিত, কিন্তু তিনি সেবা-ধর্মরূপ
অভেদবশ্বে আচ্ছাদিত হইয়া কস্মিক্ষেত্রে অবতীর্ণ হইয়াছিলেন, কাজেই
বিপল্লিবারক মধুসূদন স্বয়ং তাঁহাকে রক্ষা করিয়াছেন।

বাগদাদে অবস্থান-কালে একদিন সহসা অজ্ঞাগার প্রজ্জ্বলিত হইয়া
উঠিল। বিস্ফোরক পদার্থসমূহ বিদারণের ভীষণ শব্দে দিগ্বাণুল কম্পিত
হইল, ধূমপটে গগন সমাচ্ছন্ন করিয়া সহস্রজিহ্ব অগ্নিদেব যেন সর্বগ্রাসে
উদ্ভূত হইলেন। বঙ্গীয় স্বেচ্ছাসেবক দলের অনেকেই তৎকালে তাঁহাদের
প্রয়োজনীয় দ্রব্যাদি ক্রয়্যভিলাষে অদূরবর্তী পণ্যশালায় গিয়াছিলেন।
দূর হইতে রক্তনির্ঘোষবৎ মুহূর্মুহুঃ ভীষণ গর্জ্জন শ্রবণ ও ক্রুঞ্চ ধূমজালে
গগন আচ্ছন্ন দর্শন করিয়া তাঁহারা মনে করিয়াছিলেন, বুঝি অতর্কিতে
শত্রুদল বাগদাদ আক্রমণ করিয়া গোলাবর্ষণ আরম্ভ করিয়াছে। তখন

আর্ন্ত-নিবাসে আগুন ধরিয়াছে ; চব্বিশ জন বঙ্গীয় গুপ্তধাকারী সে' সময়ে উক্ত আর্ন্তনিবাসে আহত বৃটিশ সৈন্তের পরিচর্যায় নিযুক্ত ছিলেন । বীর রণদাপ্রসাদ অগ্রপশ্চাৎ বিবেচনা না করিয়া সেই অগ্নি-কবলিত আর্ন্ত-নিবাসের দিকে ধাবিত হইলেন । তখন তুর্কীয় ফায়ার ব্রিগেড অগ্নিনির্বাপণে যথাসাধ্য চেষ্টা করিতেছিল সত্য, কিন্তু অগ্নি-বেগ উত্তরোত্তর বর্দ্ধিত হইতেছিল । অগ্নিনির্বাপণ অসম্ভব ভাবিয়া ফায়ার ব্রিগেড অবশেষে হতোত্তম হইয়া ভগ্নমনে প্রস্থান করিল । রণদাপ্রসাদ জানিতেন, ত্রিশজন সৈনিক একপভাবে আহত হইয়া আর্ন্তনিবাসে শায়িত ছিল যে, অপরের সাহায্য ব্যতীত তাহাদের নিষ্করণ সম্পূর্ণ অসম্ভব । রণদাপ্রসাদকে উৎকণ্ঠিত দেখিয়া কাপ্তেন কিং বলিলেন, “অত উদ্বিগ্ন হইবার কারণ নাই, আহত সৈনিকগণ নিরাপদে আর্ন্তনিবাস হইতে বহির্গত হইয়াছে ।” রণদাপ্রসাদ কাপ্তেনের ভ্রম বুঝিতে পারিয়া কহিলেন, “না সাহেব, তুমি ভুল বুঝিয়াছ, ত্রিশজন সৈনিক একপভাবে আহত যে, তাহাদের বহির্গমন অসম্ভব, নিশ্চই তাহারা ঐ অগ্নিকবলিত শিবিরাত্যস্তরে রহিয়াছে, আমাকে আদেশ প্রদান কর, আমি ঐ আর্ন্তনিবাসে প্রবেশ করিয়া হতভাগ্যদিগকে উদ্ধার করি ।” যদিও কিং জানিতেন যে, ঐ ভীষণ অগ্নির গ্রাস হইতে কিছু রক্ষা করিতে অগ্রসর হওয়া মৃত্যুকে বরণ করা ব্যতীত আর কিছুই নহে, তথাপি তিনি রণদাপ্রসাদের ঐকান্তিক আগ্রহ উপেক্ষা করিতে না পারিয়া তাহাতে সন্মতি জ্ঞাপন করিলেন । রণদাপ্রসাদ তৎক্ষণাৎ সেই অগ্নি-সমুদ্রে প্রবেশ করিয়া আর্ন্তনিবাস হইতে আহত সৈন্যদিগকে বাহিরে

লইয়া আসিতে লাগিলেন, কাপ্তেন কিংও তাঁহার অনুগমন করিলেন। যখন প্রায় বিংশতি সংখ্যক আহত সৈনিক সেই মৃত্যু-গ্রাস হইতে রক্ষা পাইল, তখন অগ্ন্যাগ্ন বঙ্গীয় স্বেচ্ছাসেনকগণ আসিয়া উপস্থিত হইলেন, তাঁহাদের সমবেত চেষ্টায় অবশিষ্ট আহত সৈন্যগণ অগ্নিগ্রাস হইতে রক্ষা পাইয়া নিরাপদ স্থলে নীত হইল। একমাত্র বীর রণদাপ্রসাদের উদ্বোধন, সাহস ও বীরত্বের জড়ই অতগুলি মানবসন্তান শোচনীয় অকাল মৃত্যু-গ্রাস হইতে রক্ষা পাইল। রণদাপ্রসাদের এ বীরত্ব একজন সমর-বিজয়ী সেনাপতির বীরত্বের অপেক্ষা কম শ্লাঘার বিষয় নহে। এই বীরত্ব কাহিনী আমাদের জাতীয় ইতিহাসে স্বর্ণাক্ষরে লিখিত থাকিবার উপযুক্ত। রণদাপ্রসাদের কর্তব্য-পালনে মেসোপটেমিয়ার উচ্চ সামরিক কর্মচারিবর্গ এতই সন্তোষলাভ করিয়াছিলেন যে, তাঁহারা ডাক্তার সুরেশপ্রসাদ সর্বাধিকারী মহাশয়কে লিখিয়াছিলেন,—“বঙ্গদেশে যদি আরও রণদাপ্রসাদের ত্যায় বীর যুবক থাকেন তবে তাঁহারা তাঁহাদিগকে সাদরে ও সানন্দে গ্রহণ করিবেন।”

রণদাপ্রসাদ স্বয়ং লিখিয়াছেন—“ * * * টেসিফোণের যুদ্ধে ফণিভূষণ ঘোষ, শিশির সর্বাধিকারী এবং আমি হাবিলদার চম্পটীর নেতৃত্বাধীনে সৈন্যদলের পশ্চাতে ছিলাম। আমাদের কুটে গমন এবং অবরোধকাহিনী সকলেই অবগত আছেন। বাহাতে খাণ্ডসামগ্রী নিঃশেষ না হয় তজ্জন্ত প্রথম হইতেই সাবধানতা অবলম্বন পূর্বক আমাদের প্রাত্যহিক আহারের পরিমাণ অধিক করা হইয়াছিল। কয়েক দিন সেই ভাবেই অতিবাহিত হইল। আমরা অপরূপ অবস্থায় দিন কাটাইতে লাগিলাম। যতই দিন

বাংলার বীর

যাইতে লাগিল, আহাৰ্য্যের পরিমাণও ততই হ্রাস পাঠিতে লাগিল। আমরা যেদিন বিপক্ষের হস্তে আত্মসমর্পণ করিলাম, তাহার ১০।১২ দিন পূৰ্ণ হইতেই আমাদের প্রত্যেকের জ্ঞাত দুই আউন্স আটা, দুই আউন্স তৈল, বার আউন্স অশ্বমাংস এবং দুই আউন্স ডাইল প্রদত্ত হইতেছিল। শত্রু-হস্তে বন্দী হইবার এক পক্ষ পূৰ্বে চারিখানি বিমান-পোতে আটা, টিন-বদ্ধ মাংস, চকোলেট, শ্রাকারিণ ইত্যাদি আসিয়া পৌঁছিয়াছিল। প্রত্যেকখানিতে মাত্র ৭ মণ করিয়া রসদ আসিয়াছিল, কিন্তু তাহা সাগরে বারিবিদ্যুৎ। * * * *

রণদাপ্রসাদের সার্ভিস বহিতে ক্যাপ্টেন এইচ, এফ, কিং লিখিয়াছেন :—

বাগ্দাদ, ১৬ই জুন,

১৯১৬।

আর, পি, সাহা আমার অধীনে প্রথমে কূটে, পরে ৫৭ নং ভারতীয় স্টেশনারী হস্পিটালে এবং শেষে বাগ্দাদে ছয় মাস কার্য্য করিয়াছিলেন। বাগ্দাদে তাঁহাকে বন্দী-অবস্থায় থাকিতে হইয়াছিল। তিনি যে কেবল পরম উৎসাহে শ্রমসাধ্য কৰ্ম্মসাধন করিয়াছেন, তাহা নহে; অজ্ঞোপচারের পর ক্ষতস্থান বন্ধন, পীড়িত ব্যক্তিগণের অবস্থা পর্য্যবেক্ষণ প্রভৃতি বিষয়ও বিশেষরূপে শিক্ষা করিয়াছেন। তাঁহার উপর আমার এমনই বিশ্বাস ছিল যে, আর্ন্তনিবাসে কার্য্য করিতে করিতে যখন আমার ক্লাস্তি বোধ হইত, তখন বঙ্গীয় স্বেচ্ছাসেবকদল এবং রণদার মত কয়েক জনের

হস্তে ব্যতীত আর কাহারও হস্তে সে কার্যের ভার অর্পণ করিতে সাহস করিতাম না।

১৯১৬ অব্দের জুন মাসে যখন বাঙ্গালী সৈনিক গ্রহণের প্রস্তাব মঞ্জুর হয়, রণদাপ্রসাদ তখন তাঁহার রণদাধ পূর্ণ করিয়া “রণদা” নাম সার্থক করিবার জন্য পুনরায় সৈনিকদলে ভর্তি হইলেন। তিনি সামান্য সৈনিক হইতে জমাদার-পদে উন্নীত হইয়াছিলেন। স্বকীয় বীরত্ব এবং কর্ম-কুশলতায় তিনি কর্তৃপক্ষের এক্রপ প্রশংসা-ভাজন হইয়াছিলেন যে, ১৯১৯ খৃষ্টাব্দে যুদ্ধাবসানে যখন ইংলণ্ডে শান্তি-উৎসব সম্পন্ন হয়, তখন তিনি বঙ্গীয় সৈন্যমণ্ডলীর প্রতিনিধিস্বরূপ সেই উৎসবে যোগদান করিবার জন্য গভর্নমেন্ট কর্তৃক নিমন্ত্রিত হইয়াছিলেন। হাবিলদার মোহিতকুমার চক্রবর্তী এবং প্রাইভেট নৃত্যলাল চক্রবর্তীও রণদাপ্রসাদের সহিত নিমন্ত্রিত হইয়াছিলেন।

অমরেন্দ্রনাথ চম্পটী

“বেঙ্গল আর্মুলেন্স কোরের” অগ্রতম গৌরবাধিত সেবক অমরেন্দ্রনাথ চম্পটী। ইনি কলিকাতা পুলিশকোর্টের একজন উদীয়মান উকীল ছিলেন। যখন বঙ্গীয় স্বেচ্ছাসেবকদের গঠন আরম্ভ হয়, তখন অমরেন্দ্রনাথ ব্যবহারাজীবের ব্যবসায় পরিত্যাগ পূর্বক আর্ন্তসেবা বরণ করিয়া লইলেন। সুখশান্তিময় আইন-ব্যবসায় তাঁহার ভাল লাগিল না, তিনি মৃত্যুর লীলাভূমি রণক্ষেত্রে আহতের সেবাস্বার্থ গ্রহণ করিয়া বহুবাহুব ও আত্মীয়স্বজনের অহরোধ উপেক্ষা পূর্বক বাঙ্গালীর লগাটের কলঙ্ক-টাকা অপনোদনের

বাংলার বীর

নিমিত্ত মেসোপটেমিয়ার যাত্রা করিলেন। অনেকে তাঁহাকে জিজ্ঞাসা করিয়াছিলেন, “অমন ব্যবসায় পরিত্যাগ করিয়া কেন,—কোন প্রলোভনে আপনি এইরূপে স্বীয় জীবনকে আহুতি দিতে চলিয়াছেন!” অমরেন্দ্রনাথ ধীরগম্ভীরভাবে উত্তর দিলেন, “কেন, আমি যে একজন বাঙ্গালী; এই সেবকসম্প্রদায়ের নাম কি ‘বঙ্গীয় সেবকসম্প্রদায়’ নহে? প্রত্যেক বাঙ্গালী যুবককেই এই জাতীয় অনুষ্ঠানে যোগদান করিয়া ইহাকে সাফল্যমণ্ডিত করা উচিত।”

সেবকদল যখন আলিপুরে শিক্ষানবিশী করিতেছিলেন, তখন হইতেই অমরেন্দ্রনাথ তাঁহাদের নেতৃস্থানীয় ছিলেন। স্বেচ্ছাসেবকগণ তাঁহাকে আপন আপন জ্যেষ্ঠ ভ্রাতার মত শ্রদ্ধা করিতেন ও ভালবাসিতেন। স্বীয় অমায়িক ব্যবহারে তিনি সেবকদের ভক্তি-প্রীতি অর্জন করিতে সমর্থ হইয়াছিলেন। আর্ন্তনিবাসের দৈনিক কর্তব্য, প্রহরীর কার্য, রন্ধনশালা ও আহারের তত্ত্বাবধান, সমস্তই তাঁহাকে করিতে হইত। তিনি আনান্যাসে এতগুলি গুরুতর কর্ম সম্পাদন করিয়া কর্তৃপক্ষের প্রশংসা লাভ করিয়াছিলেন। কুট-অল-আমারায় স্বেচ্ছাসেবকদল অমরেন্দ্রনাথের কর্তব্যপরায়ণতা সম্বন্ধে বলিতেন,—“যখন বঙ্গীয় আর্ন্তাশ্রমে যাইবে, তখনই দেখিবে, এক জন হৃষ্টকায় বলিষ্ঠ যুবক কর্তব্যকার্য সম্পাদনে ব্যস্ত আছেন।” এই অমরেন্দ্রনাথ কুট-অল-আমারায় সেনাপতি টাউনসেণ্ডের সহিত শত্রু-হস্তে বন্দী হইয়াছিলেন। অমরেন্দ্র আর ইহলোকে নাই, অকালে তাঁহার এই গৌরবময় জীবনের পরিসমাপ্তি হইয়াছে।

শ্রীযুক্ত শান্ত নেহাল সিং বেঙ্গল আর্মিলেজ কোরের জর্নৈক সেবক সম্বন্ধে লিখিয়াছেন—“একদিন একখানি হাসপাতাল-জাহাজে তুর্কি-নিষ্কিপ্ত একটা বোমা আসিয়া পতিত হয়। বোমার মুখে তখনও আগুন জ্বলিতেছিল, কিন্তু তখনও উহা বিদীর্ণ হয় নাই। এক জন বাঙ্গালী স্বেচ্ছাসেবক তৎক্ষণাৎ উক্ত স্কুটোনোগ্রাফ বোমাটা তুলিয়া লইয়া অগ্নিসংযুক্ত সলিতাটা ছিন্ন করিয়া উহাকে নদীগর্ভে নিক্ষেপ করিলেন। তাঁহার উপস্থিত বুদ্ধিমত্তা, ক্ষিপ্ৰকারিতা ও নির্ভীকতা বশতঃই সেই দিন হাসপাতাল-পোতখানি আসন্ন ধ্বংসের গ্রাস হইতে রক্ষা পাইয়াছিল। পোতাশ্রয়ে যে সকল আহত সৈনিক চিকিৎসার্থ অবস্থান করিতেছিল, সেই অজ্ঞাতকুলশীল বীরযুবকের বীরত্ববলেই তাহার মৃত্যু কবল হইতে রক্ষা পাইয়াছিল।”—এই বীর যুবকের নাম ধাম কিছুই প্রকাশিত হয় নাই।

মহেন্দ্রনাথ মুখোপাধ্যায় নামক জর্নৈক আহত স্বেচ্ছাসেবকের ক্ষত হইতে শোণিত-নিঃসরণ দর্শন করিয়া একজন ইংরাজ ক্যাপ্টেন আই,এম্-এস্ তাঁহার পকেট-বুকে লিখিয়াছিলেন,—“This is the first time I have seen Bengalee blood spilt on a battle-field. It is an investment which will bring a huge return for his race by and by.” অর্থাৎ যুদ্ধক্ষেত্রে বাঙ্গালীর শোণিতপাত এই আমি সর্বপ্রথম দর্শন করিলাম। এই ঋণ কালে তাঁহার জাতিকে অতুল সম্পদ প্রত্যর্পণ করিবে।

কর্ণেল জে, হেনেসী বলিয়াছেন,—“৬ই অক্টোবর তারিখে ১৬৭

বাংলার বীর

সংখ্যক বিগ্রেড যখন আজিজিয়ার অভিযুখে যাত্রা করে, তখন ইহারা (বঙ্গীয় স্বেচ্ছাসেবকদল) তাহাদের সহিত তিন দিবসে ৭০ মাইল পথ পদব্রজে অতিক্রম করিয়াছিল ;—কেবল মাত্র কয়েক জন এই পথ-পর্য্যটনে ক্লতকার্য্য হইতে পারে নাই। আজিজিয়ার অবস্থান-কালে ৯ই অক্টোবর হইতে ১৫ই নভেম্বর পর্য্যন্ত বঙ্গীয় স্বেচ্ছাসেবকগণ সানন্দচিত্তে দক্ষতা সহকারে যুদ্ধক্ষেত্রস্থ চিকিৎসাগারের কৰ্ম্ম সম্পাদন করিয়াছিল। ২২ শে নভেম্বর হইতে ২৫ শে নভেম্বর পর্য্যন্ত টেসিফোণের যুদ্ধে আশ্বুলেন্সের বাহকগণের সহিত সম্মিলিত হইয়া ভীষণ অনলবৃষ্টির মধ্যে তাহারা কর্তব্যকর্ম্মের পরাকাষ্ঠা প্রদর্শন পূর্ব্বক যে গৌরব অর্জন করিয়াছে তাহা শীঘ্র বিস্মৃত হইবার নহে। সৈন্তদলের কূটে প্রত্যাবর্তনকালে বঙ্গীয় স্বেচ্ছাসেবকদলের একজন হত, একজন আহত এবং ছয় জন শত্রুহস্তে বন্দী হইয়াছিল।”

সার জন নিক্সন তাঁহার ডেস্‌পাচে লিখিয়াছেন,—“১৯১৫ খৃষ্টাব্দের অক্টোবর মাসের শেষভাগে আশ্বুলেন্স কোরের অনুরোধে তাহাদিগকে যুদ্ধক্ষেত্রে কার্য্য করিতে দেওয়া স্থির হইল। আশ্বুলেন্স কোরস্থ ডাক্তার দিগের দ্বারাই একটা সম্ভাবজনক কৰ্ম্মসম্পাদনকারী কৰ্ম্মঠ দল গঠন করা সুসঙ্গত বোধ হওয়ায়, এই দল অমরেন্দ্রনাথ চম্পটীর নেতৃত্বে ৬ষ্ঠ বিভাগীয় ২ নং ফিল্ড আশ্বুলেন্সের সহিত সংযুক্ত হইয়া যুদ্ধক্ষেত্রে প্রেরিত হইল। কূট-অল-আমারার যুদ্ধের দুই এক দিবস পরে এই দল অগ্রবর্তী বাহিনীর সহিত মিলিত হইয়া ৬ষ্ঠ বিভাগের সহিত অগ্রসর হইয়াছিল। ইহারা

টেলিফোনের যুদ্ধে উপস্থিত থাকিয়া ভীষণ গোলাবর্ষণের মধ্যে প্রভূত বীরত্ব সহকারে কর্তব্য সম্পাদন করিয়াছিল এবং আহত সৈনিকদিগকে নদীতীরে আনয়ন-সম্পর্কে যতদূর সম্ভব সাহায্য দানে ক্রটি করে নাই। নভেম্বর মাসের শেষভাগে যুদ্ধক্ষেত্রের অসীম কষ্ট অত্যাগত সৈনিকদিগের হায়ে ইহারাও সমভাবে সহ্য করিয়াছিল। তৎপরে পীড়া ও শৈত্য ইত্যাদি নানা কারণে ইহাদের সংখ্যা ক্রমশঃ হ্রাস পাইলেও ইহারা যুদ্ধক্ষেত্রে কার্য্য করিতে থাকে।”

২৮।৯।১৬ তারিখের দৈনিক বেঙ্গলী পত্রের ডাক সংখ্যায় প্রকাশিত হইয়াছিল —“যে চল্লিশ জন স্বেচ্ছাসেবক জেনারেল টাউনসেণ্ডের সহিত টেলিফোন-যুদ্ধে গমন করিয়া অল্পত সাহস সহকারে কর্তব্যনিষ্ঠার পরিচর প্রদান করিয়াছিলেন,—ঐহাদের কথা সার জন্‌ নিক্সন স্বকীয় ডেস্‌পাচে এবং বড়লাট বাহাদুরের প্রদত্ত বক্তৃতায় উল্লিখিত হইয়াছে, তাঁহাদের সাত জন গতকল্য বোম্বাই মেলে স্বদেশে প্রত্যাবর্তন করিয়াছেন। এই স্বেচ্ছাসেবকগণের চব্বিশজন কুট-অল-আমারার চিরস্মরণীয় অবরোধ-কালে টাউনসেণ্ডের সঙ্গে থাকিয়া তুর্কিদিগের হস্তে বন্দী হইয়াছিলেন। বন্দী অবস্থায় তাঁহারা ‘সিগ্‌হাল সার্ভিসের’ কর্ম করিয়াছিলেন। সম্প্রতি বন্দি-বিনিময়ে তাঁহারা মুক্ত হইয়া গৃহে প্রত্যাবর্তন করিয়াছেন।”

স্বেচ্ছাসেবকগণ যখন চিরস্মিত বঙ্গভূমির গ্রামল ক্রোড়ে ফিরিয়া আসিলেন, তখন দেশবাসী তাঁহাদের অভ্যর্থনার জন্ত স্থানে স্থানে বিপুল আয়োজন করিয়াছিল। তাঁহারা বঙ্গের নগরে নগরে গ্রামে গ্রামে সসজ্জমে

বাংলার বীর

আহত হইতে লাগিলেন। তাঁহাদিগকে দেখিয়া চক্ষু সার্থক করিবার জ্ঞ, — তাঁহাদের মুখে যুদ্ধক্ষেত্রের বর্ণনা শুনিয়া তৃপ্তিলাভ করিবার জ্ঞ, দূর দূরান্তর হইতে বালক, যুবক ও বৃদ্ধ সেই গৌরবময় আনন্দোৎসবে যোগদান করিতে লাগিল। বাঙ্গালী সেই বীরবৃন্দকে মহাসমারোহে কুম্ভ-মাণ্ড্যে ভূষিত করিয়া তাঁহাদের প্রতি যথোচিত শ্রদ্ধা, স্নেহ ও ভালবাসার অর্থ্য অর্পণ করিল। তাঁহারা রণক্ষেত্র হইতে যে গৌরব-কিরীটে বিভূষিত হইয়া আসিয়াছেন তাহার নিকট এ সম্মানপ্রদর্শন কত তুচ্ছ !

কাপ্তেন কল্যাণকুমার মুখার্জী আই-এম্-এস্ ও কাপ্তেন জ্যোতিলাল সেন আই-এম্-এস্ মেসোপটেমিয়ায় রণক্ষেত্রে স্বেচ্ছাসেবকের কার্য্যে বীরত্ব ও কৰ্ম্মকুশলতার পরিচয় প্রদান করিয়া সামরিক বিভাগের একটি অগ্রতম উচ্চ সম্মান “মিলিটারী-ক্রস্” লাভ করিয়া বাঙ্গালীর জাতীয়তার শিরে যে জয়-মুকুট পরাইয়াছেন, ইতিহাস তাহা চিরদিন সগৌরবে বক্ষে ধারণ করিয়া থাকিবে।

গভর্ণমেণ্ট আরও স্বেচ্ছাসেবক চাহিলে প্রায় একশত জন বাঙ্গালী স্বেচ্ছাসেবকদলে ভর্তি হইয়াছিলেন ; কিন্তু হঠাৎ সরকার পক্ষের নতিপরিবর্তন ঘটে এবং বেঙ্গল আঞ্চলিক কোরকে বিদায় দেওয়া হয়। এই বিদায়-দান সম্বন্ধে তখন সামরিক পত্রাদিতে নানা কথা উঠে। ‘প্রবাসীর’ সম্পাদকীয় স্তম্ভে “শুশ্রূষার্থীদের পরিণাম” শীর্ষক প্রবন্ধে লিখিত হইয়াছিল — “যে সকল বাঙ্গালী যুবক যুদ্ধক্ষেত্রে আহত সৈনিকদের সেবাপ্রদান করিতে গিয়াছিলেন, তাঁহাদের কাজ সম্ভাবজনক হওয়ায়

গভর্ণমেন্ট আরও গুস্তাফকারী চাহিয়াছিলেন। তদনুসারে একশতের কিছু কম যুবক কাজ শিখিয়া যুদ্ধক্ষেত্রে যাইতে প্রস্তুত হইয়াছিল। কিন্তু তাহাদিগকে গত ৩০ শে জুন বিদায় দেওয়া হইয়াছে। কি কারণে গুস্তাফকারিদল ভাঙ্গিয়া দেওয়া হইল, তাহা দেশের লোকের ঠিক জানা দরকার। যে কমিটী দল গঠন করিয়াছিলেন, তাঁহারা গভর্ণমেন্টের সহিত গভর্ণমেন্টের যে সব চিঠি লেখালেখি হইয়াছিল, তাহা প্রকাশ করুন। ব্যাপারটা চাপা দিবার কোনও চেষ্টা হইতেছে কিনা ঠিক জানি না। এরকম একটা সংবাদ কলিকাতার বাঙ্গালী-চালিত কোনও দৈনিক প্রথম প্রথম কয়েক দিন প্রকাশ করেন নাই, যদিও তাঁহারা জানিতেন। সাপ্তাহিক পত্র হইলেও প্রথমে ‘সঙ্ঘবনী’ ইহা মুদ্রিত করেন, পরে দৈনিকগুলি মন্তব্য প্রকাশ করিতেছেন।

“দল ভাঙ্গিয়া দিবার কারণ কাগজে এইরূপ লেখা হইয়াছে যে, গভর্ণমেন্ট বলিয়াছেন যে, গুস্তাফকারীরা যদি ডুলীবেহারা এবং অন্তর কুলীর (camp-followers) কাজ করিতে রাজী হয়, তাহা হইলে তাহাদিগকে লওয়া যাইতে পারে, নতুবা তাহাদিগকে বিদায় দেওয়া হউক, তাহাদিগকে ডুলীবেহারা, বাড়ুদার, ঘাসিয়াড়া প্রভৃতির কাজ করিতে পাঠাইতে কমিটির মত না হওয়ায় দল ভাঙ্গিয়া দেওয়া হইয়াছে। এই কারণ সত্য কিনা, ব্যবস্থাপক সভায় প্রশ্ন করিয়া স্থির করা হউক। কমিটিও সমুদয় চিঠিপত্র ছাপাইয়া দেশের লোককে সত্য জ্ঞাপন করুন। তাঁহারা অভিভাবকের অজ্ঞাতসারে, তাঁহাদের ইচ্ছার বিরুদ্ধে কোনও কোনও

বাংলার বীর

যুবককে ভর্তি করিয়া তাহাদের ব্যাঘাত জন্মাইয়াছেন। এক্ষণে সৰ্ব্বসাধারণের এবং অভিভাবকদের জানিবার অধিকার আছে যে, কি কারণে, যে উদ্দেশ্যে ছেলেরা লেখাপড়া ছাড়িয়াছিল, তাহা সিদ্ধ হইল না। গুপ্তস্বার্থীদের দল ভাঙ্গিয়া দিবার যে কারণ কাগজে বাহির হইয়াছে, তাহা যদি সত্য হয়, তবে জিজ্ঞাস্য এই,—ডুলীবাহারা, ঝাড়ুদার, ঘাসিয়াড়া কাহারও কাজ অনাবশ্যক বা অসাধু নহে; তথাপি গুপ্তস্বার্থীদিগকে এই সব কাজে না পাঠাইবার কারণ কি? কমিটি কেন গুপ্তস্বার্থীদিগকে এই সব কাজ করিতে পাঠাইতে রাজী হন নাই, জানি না; কিন্তু আনাদের মনে হয়, তাঁহারা ই ঠিক করিয়াছেন। গভর্ণমেন্ট যে কাজের জন্ত লোক চাহিয়াছিলেন, কমিটি তাহার জন্তই লোক সংগ্রহ করিয়াছিলেন। এখন যদি গভর্ণমেন্ট নিজের কথা না রাখিয়া থাকেন, যদি গুপ্তস্বাকারীদের দ্বারা অল্প কাজ করাইবার ইচ্ছা প্রকাশ করিয়া থাকেন, তাহা হইলে কমিটি তাহাতে সন্মত না হইয়া ভালই করিয়াছেন। গুপ্তস্বার্থী যুবকেরা ভদ্রলোকের ছেলে। আমাদের দেশের সামাজিক প্রথা অনুসারে ডুলী বহা, ঝাঁট দেওয়া, ঘাস কাটা, বাসন মাজা তাহাদের কাজ নয়।

* * * * *

“রুঘিয়ার লোকের সৈন্তদলের প্রধান সেনাপতি হইবারও অধিকার আছে, সুতরাং রুঘিয়ার কোনও যাদুগা হইতে মেথর, ঘাসিয়াড়া চাহিলে অধিবাসীরা অপমান বোধ করে না। ইংরাজ ব্রিটিশ-সাম্রাজ্যের প্রধান মন্ত্রী, প্রধান সেনাপতি, সবই হইতে পারে; সেইজন্ত সৈন্তদের শিবিরে

ইউরোপীয় মহাযুদ্ধে বাঙ্গালী

সাধারণ চাকর, মজুর, মেথরের কাজ করিলেও তাহার অগৌরব হয় না । কিন্তু বাঙ্গালীর সাধারণ সিপাহী হইবার অধিকার পর্য্যন্ত নাই । বেতনের জন্ত নহে, স্বেচ্ছায় শুশ্রূষাকারী হইয়া কতকগুলি বাঙ্গালী যুবক যুদ্ধক্ষেত্রে গিয়া সাহস, কষ্টসহিষ্ণুতা, ও কর্তব্যনিষ্ঠার সহিত কায করিয়াছে । অল্প কতকগুলি সেইরূপ কাযের জন্ত ভর্তি হইয়া, শিক্ষা পাইয়া এখন যদি সংবাদপত্রে প্রকাশিত কারণে নিজ নিজ বাড়ী যাইতে আদিষ্ট হইয়া থাকে, তাহা হইলে তাহা গভর্ণমেণ্টের পক্ষে স্মৃতিচিহ্নের কারণ হইবে না ।”

* * * * —প্রবাসী, শ্রাবণ, ১৩২৩ ।

সৈনিক বাঙ্গালী

বঙ্গীয় স্বৈচ্ছাসেবকদলকে বিদায় দেওয়ায় বাঙ্গালী নিরতিশয় মনঃক্ষুব্ধ হইল, সন্দেহ নাই। কিন্তু বিধাতা যে তাহাদের জ্ঞাত আরও উচ্চতর সম্মানের আয়োজন করিয়া রাখিয়াছিলেন,—ভবিষ্যতের ভাণ্ডারে তাহাদের জ্ঞাত যে উজ্জল রত্নহার সঞ্চিত ছিল, তাহা তখন কেহ জানিতে পারে নাই। বাঙ্গালীর প্রাণে যে রণ-কৌড়ার স্মৃতিব্র আকাজক্ষা জাগিতেছিল, এইবার বিধাতার অনুগ্রহে সেই কর্মক্ষেত্রের চির অর্গলবদ্ধ দ্বার উন্মুক্ত হইল। বঙ্গীয় নেতৃবৃন্দের আবেদনে গভর্ণমেন্ট বাঙ্গালীদিগকে সৈনিক-রূপে গ্রহণ করিবেন বলিয়া ঘোষণা করিলেন। সমগ্র বঙ্গদেশে বিদ্যুৎ-বেগে এই ঘোষণাবাদী প্রচারিত হইল। বঙ্গের গ্রাম-নগর এই শুভ-আহ্বানের পাঞ্চজন্ম-রবে মুখরিত হইয়া উঠিল। দলে দলে যুবকগণ জাতীয় মহাযজ্ঞে যোগদান করিবার জ্ঞাত ছুটিয়া আসিতে লাগিল। তাহাদের জাতীয়তার ললাটে শত শত বর্ষের যে কলঙ্ক-টীকা অঙ্কিত ছিল, সেদিন তাহারা স্ব স্ব শোণিত দানে সেই কলঙ্ক-চিহ্ন প্রক্ষালন করিবার জ্ঞাত ব্রিটিশ রণ-পতাকার নিম্নে আসিয়া সমবেত হইতে লাগিল,—কোনও আকর্ষণ তাহাদিগকে বাঁধিয়া রাখিতে সমর্থ হইল না। ম্যাক্সিম্-গানের সন্মুখে বাঙ্গালী বীর বক্ষ প্রসারণ করিয়া দণ্ডায়মান হইবে, ইহাই বিধাতার ইচ্ছা; ভুলী-বেহারা, ঘাসিয়াড়া, প্রভৃতি কর্ম্মে তাহাদিগকে

কালক্ষেপ করিতে হইবে কেন? যে দিন রণ-হৃদুভির গভীর নিনাদে সুপ্ত বাঙ্গালীর হৃদয়ে জাগরণের প্রেরণা অমুভূত হইল,—যে দিন বঙ্গসন্তান তাহার ছায়া-শীতল শাস্তিময় নিবিড় গৃহকোণ পরিত্যাগ করিয়া দেশমাতৃকার শিরে গৌরব-মুকুট পরাইবার জন্ত রণ-সমুদ্রের ভীষণতার মধ্যে বাষ্প প্রদান করিল, বাংলার ইতিহাসে সে এক মহাগৌরবময় অরলীয় দিন।

১৮৮৫ খৃষ্টাব্দে একবার বাঙ্গালী সৈনিক হইবার জন্ত আবেদন করিয়া বিফল মনোরথ হইয়াছিল। ১৯১৬ সালের ২৫ শে সেপ্টেম্বর স্বর্গীয় শ্রী সুরেন্দ্রনাথ বন্দ্যোপাধ্যায় কলিকাতার এক সৈন্ত-সংগ্রহ-সভায় বলিয়াছিলেন,—“১৮৮৫ খৃষ্টাব্দে যখন আফগান সীমান্ত প্রদেশে পাঁজদা ব্যাপার লইয়া রুষের সহিত ব্রিটীশের সংঘর্ষের সূচনা হয় তখন সম্ভ্রান্ত পরিবারের ৫০০ শত সুশিক্ষিত বাঙ্গালী স্বেচ্ছা-সৈনিক হওয়ার জন্ত আবেদন করিয়াছিলেন,—আমিও তাঁহাদের মধ্যে একজন; কিন্তু আমাদের আবেদন গ্রাহ্য হইল না। ১৮৮৫ সালের সেই আকাজ্জক জাতির ভিতর এত দিন সুপ্তিমগ্ন ছিল,—একেবারে প্রাণ হারায় নাই।”

স্বর্গীয় ডাক্তার শরৎকুমার মল্লিক মহাশয় এই বার সৈন্তসংগ্রহের নেতৃত্ব-ভার গ্রহণ করিলেন। বঙ্গীয় শুশ্রূষাকারিদলে বাঁহারা যোগদান করিয়া ছিলেন সৈন্তবিভাগে তাঁহাদের অনেকে আসিয়া যোগদান করিতে লাগিলেন। কর্ণেল ট্যানার যে দিন সর্বপ্রথম ৩০ শে আগষ্ট তারিখে বাঙ্গালী সৈন্তদিগের নাম লিখাইয়া তাঁহাদিগকে ভর্তি করিতে লাগিলেন, সেই দিনই ১২০ জন বাঙ্গালী যুবক তাঁহাদের সম্মেলন-স্থান

বাংলার বীর

প্রিন্সপঘাট হইতে ফোর্ট উইলিয়মে গমন করিয়াছিলেন। এত উৎসাহী যুবক সৈনিক-ব্রত ধারণ করিবার জন্ত সেই দিন উপস্থিত হইয়াছিলেন যে, তাঁহাদের নাম লিখাইতেই ৭ দিন সময় অতিবাহিত হইয়াছিল। যে সকল যুবক সৈনিক শ্রেণীভুক্ত হইবার জন্ত অগ্রসর হইতেছিলেন, তাঁহাদের অধিকাংশই ভদ্রবংশোদ্ভব শিক্ষিত পরিবারের, এবং অধিকাংশই বিশ্ববিদ্যালয়ের কৃতি ছাত্র। তাঁহারা সিপাহীর সামান্য মাসিক বেতন ১১ টাকার লোভে ধাবিত হইতেছিলেন না, জননী জন্মভূমির গৌরববর্দ্ধনই তাঁহাদের একমাত্র আকাঙ্ক্ষা ছিল। মাতৃভূমির গৌরবরূপ বেদী-মূলে তাই তাঁহারা তাঁহাদের বিদ্যা ও ধনার্জনের অভিলাষকে বলিদান করিয়াছিলেন। ৪৮ দিনের মধ্যেই দুইটা সম্পূর্ণ বাঙ্গালী সৈন্যদল (২২৮ জন) গঠিত হইল। বাঙ্গালী সৈন্যদল ‘ডবল কোম্পানী’ নামে অভিহিত হইল। প্রথম দলেই মেডিকেল কলেজের ষষ্ঠ বার্ষিক শ্রেণীর কয়েক জন ছাত্র, কলিকাতা হাইকোর্টের উকীল কুমার অধিক্রম মজুমদার এবং মাছদীঘির জমীদার মিঃ এন্স, রায় যোগদান পূর্বক শিক্ষাক্ষেত্রে যাত্রা করিয়াছিলেন। যে দেশে বহু দিন যাবৎ সামরিক শক্তি স্রুণ্ড ছিল, সে দেশের পক্ষে এত শীঘ্র এত সৈন্য সংগ্রহ হওয়াই খুব আশ্চর্যের বিষয় সন্দেহ নাই। ভারতের তৎকালীন বড়লাট বাহাদুর এবং প্রধান সেনাপতি এই সৈন্যসংগ্রহ-ব্যাপারে আনন্দ প্রকাশ করিয়া সৈন্যসংগ্রহ-কমিটির সম্পাদক ডাঃ এন্স. কে, মল্লিক মহাশয়ের নিকট তার প্রেরণ করিয়াছিলেন।

বাঙ্গালী সৈনিক যখন শিক্ষাকেন্দ্রাভিমুখে যাত্রা করিলেন, তখন প্রত্যেক রেল-ষ্টেশনে তাঁহাদিগকে অভ্যর্থনার বিপুল আয়োজন হইয়াছিল ; —তাহাদের গমন-পথ জয়নিবাদ-মুখরিত, কুম্ভমসমাকীর্ণ, আলোকোদ্ভাসিত এবং পুরনারীবর্গের মঙ্গলাশীর্বাদসূচক শঙ্খধ্বনি-নির্নাদিত ও লাজমণ্ডিত হইয়াছিল। রণগমনোগ্রুথ বাঙ্গালী সৈন্তের হস্তপ্রফুল্ল বীরত্বব্যঞ্জক মুখশ্রী দর্শন করিয়া তখন প্রত্যেক বাঙ্গালীর হৃদয়ে উৎসাহ ও আনন্দের একটা তড়িৎ-ক্রৌড়া চলিতেছিল। বঙ্গের প্রত্যেক নগরে সৈন্ত-সংগ্রহের সভায় নবগৃহীত যুবকদের উপর অজস্র কুম্ভমবর্ষণ করিয়া তাঁহাদিগকে বিদায় দেওয়া হইতে লাগিল। বঙ্গের জল স্থল গগন-পবন যেন বহুবুগ পরে আবার গাণ্ডীবের টঙ্কার এবং পৌণ্ড্র ও পাঞ্চজন্তের গভীর নিনাদে মুখরিত হইয়া উঠিল।

যুদ্ধক্ষেত্রে যাইবার জন্য যে সব যুবক অগ্রসর হইতেছিল, তাহাদের অধিকাংশকেই শারীরিক অযোগ্যতার জন্য হতাশ হইয়া ফিরিয়া আসিতে হইতেছিল ; কারণ সামরিক বিভাগের নিয়মানুসারে প্রত্যেক সৈনিকের উচ্চতা ৫ ফিট ৪ ইঞ্চি হওয়া আবশ্যিক, কিন্তু বাঙ্গালী জাতি উচ্চতায় ইউরোপীয় জাতির তুল্য নহে। ইউরোপীয় অথবা উত্তর ভারতীয় জাতি সমূহের পরিমাপ বাঙ্গালীদিগের প্রতি প্রযোজ্য হইলে অধিকাংশকেই যে অযোগ্য বিবেচনায় ফিরিয়া যাইতে হইবে, তাহাতে আর আশ্চর্য্য কি ? গুর্খাদিগের উচ্চতা ৫ ফিট হইলেই তাহারা সমরবিভাগে প্রবেশ লাভ করিতে পারে, বাঙ্গালী সৈন্তের প্রতিও যদি সেই নিয়ম প্রযোজ্য হইত,

বাংলার বীর

তবে একটা রেজিমেন্ট গঠন করিতে বোধ হয় অতটা সময়ক্ষেপ হইত না।*

যখন বঙ্গের নগরে নগরে, গ্রামে গ্রামে ভ্রমণ করিয়া বাংলার নেতৃবৃন্দ সৈন্য সংগ্রহ করিতেছিলেন, তখন বঙ্গের মাতৃশক্তিও জাগরিত হইয়া এই জাতীয় মহাশক্তি উদ্বোধনে আপন শক্তি নিয়োগ পূর্বক ইহাকে সাফল্যমণ্ডিত করিতে যত্নবতী হইয়াছিলেন। মাতৃজাতির যে স্নেহ-কাতরতা বাঙ্গালী সন্তানকে এতদিন অকর্মণ্য, দুর্বল ও গৃহকোণবাসী করিয়া রাখিয়াছিল, সেই দিন সেই পাঞ্চজন্ম-নিিনাদে মাতৃজাতি তাঁহাদের চিরাচরিত স্নেহদুর্বলতা বিসর্জন দিয়া উৎসাহবাণীতে সন্তানদিগকে সমরক্ষেত্রে প্রেরণ করিতে আরম্ভ করিলেন। বঙ্গে সে একটা চিরস্মরণীয় দিন। সজ্জাস্তম্ভের মহিলাগণ অবরোধকে উপেক্ষা করিয়া রেল-ষ্টেশনে উপস্থিত হইয়া সমাগত জনমণ্ডলী-সমক্ষে রণক্ষেত্রযাত্রী পুত্রগণকে আশীর্বাদ পূর্বক জাতীয়তার প্রাচীন মর্যাদা রক্ষা করিয়াছেন। বেঙ্গলী ডবল কোম্পানীর ২য় সৈন্যদল যখন শিক্ষাকেন্দ্রাভিমুখে যাত্রা করে, তখন কলিকাতা হাইকোর্টের উকীল কুমার অধিক্রম মজুমদার এবং অটলবিহারী মুখোপাধ্যায়ের জননীদ্বয় হাবড়া ষ্টেশনে উপস্থিত হইয়া বঙ্গের তরুণ বীরপুত্রগণকে ধাত্যদূরী এবং চন্দনদ্বারা আশীর্বাদ পূর্বক তাঁহাদিগকে পুষ্পমালায় বিভূষিত করেন। সমাগত জনগণ বিংশশতাব্দীর এই অভাবনীয় দৃশ্য দর্শন করিয়া বিস্মিত ও বিমুগ্ধ হইলেন। সংবাদ-

* একটা রেজিমেন্টে প্রায় ১৭০০ সৈন্য থাকে।

পত্রের ইংরাজ সম্পাদকগণ এই ব্যাপার উপলক্ষে স্ব স্ব পত্রিকায় মন্তব্য প্রকাশ করিয়াছিলেন,—“বঙ্গের এই অভাবনীয় অল্পষ্ঠান বাঙ্গালীর জাতীয় ইতিহাসকে সত্য সত্যই গৌরবমণ্ডিত ও উজ্জ্বল করিয়াছে,—এই অল্পষ্ঠান জাতির নবচেষ্ঠাকে সাফল্যমণ্ডিত করিবে।”

এই সময় বঙ্গের মাতৃজাতি সমবেত হইয়া ‘মহিলা সমিতি’ নামে একটা সমিতি গঠন করেন। এই সমিতি ভিক্ষার বুলি স্বন্ধে লইয়া দ্বারে দ্বারে ঘুরিয়া অর্থ সঞ্চয় পূর্বক তাঁহাদের যুদ্ধযাত্রী বীরপুত্রদিগকে নিত্য আবশ্যক দ্রব্য পরিপূর্ণ এক একটা ব্যাগ উপহার দিতে আরম্ভ করিলেন। এই ব্যাগে একখানা বিছানার চাদর, ১ খানা তোয়ালে, ১টা তুলার ফতুয়া, ১ জোড়া মোজা, ১ প্যাকেট চিঠির কাগজ, ৫০ খানা খাম, ২ প্রকার সাবান, ১টা পেন্সিল, ১ খানা চিক্কাণী, ১টা ক্রস, ১ খানা আর্শি, ২ খানা থাকি রুমাল, মসলা পরিপূর্ণ ১টা থলে, ১ খানা ছুরি, ১ খানা এলুমিনামের থালা, ১টা এলুমিনামের গ্লাস, ১টা থাকি সার্ট, ১ জোড়া জুতার ফিতা, ১ ডজন সার্টের বোতাম, ৬টা ছুঁচ, ৬টা সেক্টি-পিন, ১ কোটা টুথ পাউডার, ৪ প্যাকেট সিগারেট এবং ছই বাক্স দেয়াশলাই ছিল। প্রত্যেকটা ব্যাগে ৯৮ টাকার সামগ্রী থাকিত। যাহারা প্রথম প্রথম ডবল কোম্পানীতে যোগদান করিয়াছিলেন তাঁহাদিগকে উক্ত ব্যাগ ব্যতীত শীত প্রধান দেশের ব্যবহারোপযোগী একটা সোয়েটার, একটা সার্ট, তুলা ভরা কোট, এবং মোজা প্রদত্ত হইয়াছিল, কিন্তু যখন ক্রমশঃই সৈনিক-সংখ্যা দ্রুতগতিতে বৃদ্ধি পাইতে লাগিল, তখন অর্থাভাবে

বাংলার বীর

মহিলা-সমিতি অন্ত্রোপায় হইয়া তাঁহাদের কার্য্য বন্ধ করিতে বাধ্য হইলেন। বঙ্গের মাতৃজাতির এই সাধু প্রচেষ্টার মূলে যে কতটা জাতীয় জাগরণের বীজ নিহিত রহিয়াছে তাহা ভাবিয়া দেখিলে বিস্মিত হইতে হয়। “না জাগিলে ভারতললনা ভারত যে আর জাগে না জাগে না”—বঙ্গনারী সেই দিন কবির এই মহাবাণী হৃদয়ঙ্গম করিয়া উদ্বুদ্ধ হইয়া ছিলেন, তাই বঙ্গসন্তানও অমন করিয়া একটা বিরাট অহুপ্রেরণায় রণবেশে সজ্জিত হইয়া মহাশক্তির সাধনকল্পে রণাঙ্গণে ধাবিত হইয়াছিল। বঙ্গের নগরে নগরে, গ্রামে গ্রামে, গগনে পবনে চিরদিন বজ্রনির্ঘোষে ধ্বনিত হইতে থাকুক, “না জাগিলে ভারতললনা ভারত যে আর জাগে না জাগে না।”

১৯১৬ সালের ৩০ শে আগষ্ট তারিখে বাঙ্গালী ডবল কোম্পানীতে সৈন্ত ভর্তি হইতে আরম্ভ করে। ১৫ই নভেম্বর যুদ্ধবিভাগের কর্তৃপক্ষ ডবল কোম্পানী পূর্ণ হইয়াছে বলিয়া ঘোষণা করেন। তাহা হইলে দেখা যাইতেছে, ডবল কোম্পানী পূর্ণ হইতে ৭৫ দিবস লাগিয়াছিল, কিন্তু ৭৫ দিবসের মধ্যে পূজাবকাশ পড়ায় সেই এক মাস সৈন্তসংগ্রহ হয় নাই, সুতরাং প্রকৃত পক্ষে ৪৮ দিবসের মধ্যেই ডবল কোম্পানী পূর্ণ হইয়াছিল বলিতে হইবে। আরও সৈন্ত লওয়া হইবে কিনা কর্তৃপক্ষ কোনও মতামত প্রকাশ না করায় সৈন্তসংগ্রহের জন্ত তেমন কোনও চেষ্টা করা হয় নাই,—দুই চারি জন বাহারা আসিতেছিল, তাহাদিগকেই ভর্তি করা হইতেছিল মাত্র। বেঙ্গলী ডবল-কোম্পানীর নির্দ্ধারিত সৈন্তসংখ্যা পূর্ণ

হওয়ায় এবং উক্ত সৈন্যদলের শ্রমশীলতা, সচ্চরিত্রতা ; আত্মানুবর্তিতা প্রভৃতি সদৃশ গুণ দর্শন করিয়া গভর্ণমেন্ট বাঙ্গালী সৈন্যদ্বারা একটি ব্যাটেলিয়ন (Battalion) * গঠনের ইচ্ছা করিয়া ডাক্তার শরৎকুমার মল্লিক মহাশয়কে এ বিষয় যত্নবান হইতে অনুরোধ করেন। এই সময় গভর্ণমেন্ট গোলন্দাজ বিভাগের (Artillery) জন্ত বাঙ্গালী অশ্চালক, সাক্ষেতিক দলের (Signal Companies) জন্ত বাঙ্গালী কর্মচারী এবং ফ্রান্সে সমরক্ষেত্রের জন্ত ৩টি শ্রমিক দল চাহিয়াছিলেন। প্রত্যেক শ্রমিক দলে ২০০০ শ্রমিক থাকিবে। বলা বাহুল্য এই সব বিভাগই বাঙ্গালীর দ্বারা পূর্ণ হইয়াছিল। ডবল কোম্পানী পূর্ণ হওয়ায় কয়েকদিন বে একটি নিস্তব্ধ ভাব ধারণ করিয়াছিল, আবার এই ব্যাটেলিয়ন গঠনের ঘোষণা প্রচারিত হওয়ার সঙ্গে সঙ্গে দেশবাসী একটি জাগরণের সাড়া পড়িল। নেতৃগণ নগরে নগরে, গ্রামে গ্রামে ঘুরিয়া দৈন্তসংগ্রহ করিতে লাগিলেন। জাতীয় উন্নতির পথ মুক্ত দেখিয়া দলে দলে বঙ্গজননীর সন্তানগণ আসিয়া এই জাতীয় বক্ষে যোগদান করিতে আরম্ভ করিলেন। ১৯১৭ সালের ৩রা জুলাই কলিকাতা টাউন-হল-সভায় ডাঃ মল্লিক ঘোষণা করিলেন,—“বিগত ২৬ শে জুন মঙ্গলবার বাঙ্গালী ব্যাটেলিয়নের প্রথম দল (৯১২ জন) পূর্ণ হইয়াছে, এখন যাহারা অগ্রসর হইতেছে, তাহাদের দ্বারা দ্বিতীয় দল গঠিত হইতেছে। উক্ত ৯১২ জনের মধ্যে মাত্র ৬৮ জন মুসলমান, অবশিষ্ট হিন্দু।” ব্যাটেলিয়নের ১ম দল পূর্ণ হওয়ায় গভর্ণর মহোদয়ের প্রাইভেট

* একটি Battalion এ ৫০০ হইতে ১০০০ পর্যন্ত সৈন্য থাকে।

বাংলার বীর

সেক্রেটারী ডাঃ মল্লিককে জানাইলেন, “গভর্ণর বাহাদুর ১ম ব্যাটেলিয়ন পূর্ণ হইয়াছে শুনিয়া বিশেষ আনন্দ প্রকাশ পূর্বক যাহাতে ২য় ব্যাটেলিয়ন গঠিত হয় তদ্বিষয়ে ইচ্ছা প্রকাশ করিয়াছেন।”

বান্জালী ডবল কোম্পানী শিক্ষাকালে ৪৬ সংখ্যক পাঞ্জাব-বাহিনীর সহিত সংযুক্ত হইয়াছিল। তখন উক্ত বাহিনীর নায়ক কর্ণেল এইচ মক্-লার নওশেরা শিক্ষাকেন্দ্রে হইতে ডাঃ মল্লিককে জানাইয়াছিলেন,—“বান্জালী সৈনিকের শিক্ষাবিষয়ে আপনি জানিতে চাওয়ায় আপনাকে আমি আনন্দের সহিত জ্ঞাপন করিতেছি যে, তাহারা এখন যে ভাবে দক্ষতা প্রদর্শন করিতেছে, তাহাতে আমার দৃঢ় বিশ্বাস যে, তাহারা অচিরেই শিক্ষা সমাপ্ত করিতে সমর্থ হইবে। সাধারণ সৈনিকদল অপেক্ষা তাহারা অধিকতর বুদ্ধিমান এবং তাহাদের আচরণ অতিশয় প্রশংসাজনক। তাহাদের কার্যতৎপরতা দর্শনে আমার দৃঢ় প্রতীতি জন্মিয়াছে যে, শিক্ষাবসানে বান্জালী সৈনিক যখন যুদ্ধক্ষেত্রে প্রেরিত হইবে তখন তাহাদের অধিকাংশই যথেষ্ট যোগ্যতা প্রদর্শনে সমর্থ হইবে। বান্জালী সৈনিকগণ তাহাদের জাতীয় গৌরব বর্দ্ধনের জন্ত বিশেষ উৎকণ্ঠিত।”

১৯১৭ সালে ২০ শে মে তারিখে লেপ্টেন্যান্ট টেলার মেদিনীপুরে এক সভায় বলিয়াছিলেন, “যে ৮ মাস বান্জালী সৈনিক পরিচালনে আমার সুযোগ ঘটিয়াছিল, সে কয়মাস আমি নিজকে বিশেষ গৌরবান্বিত মনে করিয়াছিলাম। আমি তাহাদের কার্যদক্ষতায় এতদূর সন্তুষ্ট হইয়াছি যে, আমার মনে হয়, বান্জালী ভারতবর্ষীয় কোনও যোদ্ধাজাতি অপেক্ষা রণনিপুণতায় হীন নহে।”

ইউরোপীয় মহাযুদ্ধে বাঙ্গালী

১৯১৭ সালের জুলাই মাসের শেষ সপ্তাহে বাঙ্গালী ব্যাটেলিয়নের শিক্ষাকেন্দ্র হইতে মেসোপটেমিয়ার রণক্ষেত্রে যাত্রা উপলক্ষে সিমলা “আর্মি হেড্ কোয়ার্টার্স” হইতে ২৭ শে জুলাই ভারতের প্রধান সেনাপতি স্যার চার্লস্ মনরো ডাঃ মল্লিককে জানাইলেন,—“আপনার সৈন্তসংগ্রাহক সমিতি শুনিয়া আনন্দিত হইবেন যে, বাঙ্গালী ব্যাটেলিয়ন মেসোপটেমিয়ায় যাত্রা করিয়াছে। তথায় তাহারা যুদ্ধক্ষেত্রে উপস্থিত হইয়া তাহাদের রণ-শিক্ষা সম্পূর্ণ করিতে পারিবে। আমার দৃঢ় বিশ্বাস যে, তাহারা বঙ্গের গৌরব রক্ষা করিতে এবং ভারতীয় সৈনিকবিভাগের একটি অংশবিশেষে পরিণত হইতে সমর্থ হইবে।”

কৃত্রিম-যুদ্ধে কৃতিত্ব—বাঙ্গালী ব্যাটেলিয়ন তাহাদের শিক্ষাকালে নওসেরায় একটি কৃত্রিম যুদ্ধে কিরূপ রণনীতি ও বুদ্ধিচাতুর্যের পরিচয় দিয়াছিল তাহা ১৯১৬ সালের ২৪ শে নভেম্বর তারিখে নওসেরা হইতে প্রাইভেট বি, মুখার্জী কর্তৃক ডাঃ মল্লিকের নিকট লিখিত পত্র হইতে জানিতে পারা যায়। তিনি লিখিয়াছেন,—

“* * * * * বাঙ্গালী জাতি যে একবারে কাপুরুষ নহে তাহা গতকল্য সপ্রমাণিত হইয়া গিয়াছে। পাঠান এবং বঙ্গালী সৈন্তদিগের মধ্যে একটি কৃত্রিম যুদ্ধ হইয়াছিল, পাঠানেরা প্রতিরোধকারী এবং আমরা আক্রমণ-কারীরা ভূমিকাগ্রহণ করিয়াছিলাম। এখানে বাঙ্গালীদের ১১ টি দল (Section) আছে, তন্মধ্যে ৬ টি দল বন্দুক লাভ করিয়াছে। সেনাপতি (Commanding Officer) প্রত্যেক সেক্সনের শিখ শিক্ষাদাতাকে সেই

বাংলার বীর

দলের কাপ্তেন নিযুক্ত করিলেন। বাঙ্গালী অফিসারেরা শিখকাপ্তেনের অধীন কর্মচারীরূপে নিযুক্ত হইলেন। হাবিলদার অধিক্রম, নীরদবন্ধু ল্যাম্প নায়ক এবং ২৫ জন প্রাইভেট হাবিলদার শিখ বিষ্ণাসিংহের অধিনায়কত্বে প্রথম দল গঠিত হইল। নায়ক শিখ রাধাসিংহের অধিনায়কত্বে নায়ক ধীরেন্দ্র কুমার, যতীন্দ্র কুমার এবং ২৫ জন প্রাইভেট দ্বারা দ্বিতীয় দল গঠিত হইল। শিখ শিক্ষাদাতা স্ক্রুসিংহের অধিনায়কত্বে হাবিলদার অনাদি, ল্যাম্প নায়ক ফণীন্দ্র ও বিমল সিংহ এবং ২৫ জন প্রাইভেট লইয়া তৃতীয় দল গঠিত হইল। চতুর্থ দলে প্রাইভেট আন্দিয়রের (বাঙ্গালী) অধিনায়কত্বে ২৫ জন প্রাইভেট। পঞ্চমদলে শিখ শিক্ষাদাতা রাধাসিংহের অধিনায়কত্বে নায়ক হুর্গাপদ, ল্যাম্প নায়ক প্রকৃতিকুমার বোষ এবং ২৫ জন প্রাইভেট। ষষ্ঠ দলে শিখ শিক্ষাদাতা ভাল সিংহের অধানে নায়ক অরুণকুমার এবং ২৫ জন প্রাইভেট। এইরূপে ৬ টি দল গঠিত হইল, অবশিষ্ট ৫ টি দল বন্দুক পায় নাই, সুতরাং তাহাদিগকে এই রুজ্জিম যুদ্ধে লওয়া হইল না; তাহাদিগকে শুশ্রূষাকারিদলে এবং রিজার্ভ দলে রাখা হইল।

“যুদ্ধ দিনের পূর্ব রাত্রিতে সেনাপতি প্রাইভেট সূধীন্দ্রকুমার রায়কে গুপ্তচরের কার্যে প্রেরণ করিলেন, সূধীন্দ্র পাঠানদিগের সতর্কতার মধ্যেও তাহাদিগের দৃষ্টি এড়াইয়া তাহাদের সমুদয় বন্দোবস্তের একটা মানচিত্র অঙ্কন পূর্বক সেনাপতির হস্তে অর্পণ করিলেন।

“প্রথমতঃ ১ম ও ৩য় দল, তৎপর ২য় ও ৫ম দল, এবং সর্ব শেষে

৪র্থ ও ৬ষ্ঠ দল অগ্রসর হইল। এই সৈন্য দল প্রায় ৪ মাইল মার্চ করিয়া অগ্রসর হইলে সন্ধানী দলের সঙ্কেতে জানিতে পারিল যে, শত্রুপক্ষ দেখা যাইতেছে। তখন সেনাপতি বিভিন্ন সেক্সনকে (দল) দ্রুত অগ্রসর (Double march) হইতে আদেশ প্রদান করিলেন। তাহারা নূন্যাদিক ১০০ গজ অগ্রসর হইতে না হইতেই শত্রু পক্ষ গুলিনিষ্ক্ষেপ আরম্ভ করিল। সুধীশ্রের অঙ্কিত মানচিত্রানুযায়ী সেনাপতি ১ম ও ৩য় দলকে দক্ষিণে, ২য় ও ৫ম দলকে মধ্যস্থলে এবং ৪র্থ ও ৬ম দলকে যথাক্রমে দক্ষিণে ও বামে অগ্রসর হইবার আদেশ প্রদান করিলেন। শত্রুপক্ষ একটা পাহাড়ের পার্শ্বে সুরক্ষিত অবস্থায় থাকিয়া গুলি নিষ্ক্ষেপ করিতেছিল; ১ম ও ২য় দলের প্রায় সমুদয় সৈন্যই শত্রুর পরিখার (Trench) নিকট পৌঁছিবার পূর্বেই শত্রু-নিষ্ক্ষেপ গোলায় আঘাতে নিহত হইল। হাবিলদার অনাদি শত্রুপক্ষের অশ্রান্ত গুলিবর্ষণের ফলে ৩য় দল লইয়া অগ্রসর হইতে পারিলেন না। ৪র্থ ও ৬ম দল বামদিকে কিসদুর অগ্রসর হইতেছিল তখন আন্দিমুর রায় সহসা ৪র্থ দল লইয়া প্রত্যাবর্তন করিলেন। ইত্যবসরে ৩য় দলের অধিনায়ক হাবিলদার অনাদি তাঁহার সেনাদল লইয়া বিশেষ দক্ষতা সহকারে অগ্রসর হইতে লাগিলেন। সহসা দেখা গেল যে, বাঙ্গালী সৈন্যের একদল পাঠান সৈন্যদিগের রিজার্ভ সৈন্যদিগকে আক্রমণ করিয়াছে। ৪র্থ দল শত্রুর দৃষ্টির অন্তরালে বহির্গত হইয়া তাহাদের উপর নিপতিত হইয়াছিল। পাঁচ-ষণ্টা ব্যাপী তুমুল যুদ্ধ চলিয়াছিল, কোনও পক্ষেরই জয়-পরাজয়ের সম্ভাবনা নাই দেখিয়া

বাংলার বীর

সেনাপতি ইহাকে ‘জয়-পরাজয়হীন যুদ্ধ’ (Drawn battle) বলিয়া ঘোষণা করিলেন। শত্রুপক্ষীয়েরা বলিতে আরম্ভ করিল, ‘বাঙ্গালী সৈন্তের চাতুর্য্যপূর্ণ সন্ধান-দক্ষতার (Scouting) এবং পশ্চাত্তাগ আক্রমণ-কৌশল দর্শনে আমরা বিস্মিত হইয়াছি।’ পাঠানদিগের দলে অসংখ্য স্কনিপুণ সন্ধানী (Scout) ছিল, কিন্তু তাহারা কল্পনাও করিতে পারেনাই যে, একজন বাঙ্গালী গুপ্তচর এমন হৃস্বভাবে পাঠানদিগের বিলিব্যবস্থার সন্ধান লইতে সমর্থ হইবে। সেনাপতি উভয় পক্ষীয় সৈন্তদলের সম্মুখে স্তম্ভীকৃত এবং আন্দিমুর রায়কে বীর বলিয়া অভিনন্দিত করিলেন।”

বাঙ্গালী সৈনিকগণ দেশনায়কগণের সহিত দেশে দেশে ঘুরিয়া উৎসাহবাণীতে সকলকে আকৃষ্ট করিতে লাগিলেন। প্রত্যেক স্থানেই তাঁহারা দেশবাসিগণ কর্তৃক পরম সমাদরে অভ্যর্থিত হইতে লাগিলেন, সভায় সভায় তাঁহাদের শিরে দেশবাসীর আশীর্বাদ ও প্রীতির অর্থাস্বরূপ কুসুমদাম বর্ষিত হইতে লাগিল। রংপুর সৈন্ত-সংগ্রহ সভায় হাবিলদার ধীরেন্দ্রনাথ সেন বলিয়াছিলেন,—“আপনাদের এ ফুল আমাদের আশীর্বাদ, দেশবাসীর আন্তরিক আশীর্বাদে আমাদের জীবন জয়যুক্ত ও গৌরবমণ্ডিত হইবে সন্দেহ নাই। আমরা ফুলের জগুই দেশে দেশে ঘুরিতেছি,—আমরা ফুল-ই চাই,—কিন্তু সে এ ফুল নহে,—সে ফুল বৃক্ষজাত নহে,—বঙ্গজননীর গৃহে গৃহে যে ফুল ফুটিয়া আছে আমরা সেই ফুলের আশায় আসিয়াছি।” তাঁহাদের এ প্রার্থনা পূর্ণ হইয়াছিল সন্দেহ নাই। অল্পদিন মধ্যেই বঙ্গীয় ব্যাটেলিয়নে এত সৈন্ত সংগৃহীত হইল যে, গভর্নমেন্ট

উহাকে একটি বাহিনীতে (Regiment) * পরিণত করিলেন। এই বঙ্গবাহিনীর নাম হইল—

৪৯ সংখ্যক বঙ্গ-বাহিনী

(49th Bengali Regiment)

যতদিন পর্য্যন্ত একটি রেজিমেন্টে তত সংখ্যক রিজার্ভ সৈন্য সংগৃহীত না হয়, ততদিন সেই রেজিমেন্ট যুদ্ধক্ষেত্রে প্রেরণের উপযোগী হয় না ; সুতরাং এই বঙ্গবাহিনীকে রণক্ষেত্রে প্রেরণের উপযোগী করিবার জন্ত সৈন্য সংগ্রহের চেষ্টা চলিতে লাগিল। ভগবান বাঙ্গালীর সে আশা পূর্ণ করিলেন। ৪৯ সংখ্যক বঙ্গবাহিনী যথাসময়ে মেসোপটেমিয়ার রণক্ষেত্রে প্রেরিত হইল। সেই দিন বাঙ্গালীর বহুবৃগের আশা ফলবতী হইল। এই সৈন্যসংগ্রহ-ব্যাপারে পূর্ববঙ্গ যে বীরত্বের পরিচয় প্রদান করিয়াছে, তাহাতে তাহার অতীত বীরত্ব-গৌরব অক্ষুণ্ণ রহিয়াছে। পূর্ববঙ্গ এক রেজিমেন্টের অধিক সৈন্য প্রেরণ করিয়া তাহার পূর্বগৌরবের মর্যাদা রক্ষা করিতে বিস্মৃত হয় নাই।

বিগত মহাসমরে বাঙ্গালী জাতির যুদ্ধাধিকার ফরাসী গভর্ণমেন্ট সর্বপ্রথমে প্রদান করেন। বাংলার ফরাসী রাজ্য চন্দননগরে সর্বপ্রথমে এই শুভানুষ্ঠানের স্থচনা হয়। পরে ব্রিটিশ গভর্ণমেন্ট তাহার অনুসরণ করেন। ১৯১৫ খ্রীষ্টাব্দের ৩০ শে ডিসেম্বর ফরাসী প্রজাতন্ত্রের সভাপতি মহোদয় আত্মা প্রচার করেন যে, ফরাসীভারতের প্রজাগণ স্বেচ্ছায় সৈন্য-

* একটি রেজিমেন্টে প্রায় ১৭০০ সৈন্য থাকে।

বাংলার বীর

বিভাগে বোগদান পূর্বক যুদ্ধে গমন করিতে পারিবে। ১৯১৬ খ্রীষ্টাব্দে ৭ই ফেব্রুয়ারী তারিখে চন্দননগরে এই ঘোষণাবাদী প্রচারিত হইবামাত্র বাঙ্গালী যুবকগণের মধ্যে একটা অননুভূতপূর্ব জাগরণের সাড়া পরিলক্ষিত হয়। এই আদেশবাদী প্রচারিত হইবামাত্রই মেয়র মহাশয়ের নিকট আবেদন-পত্র আসিতে লাগিল। সিদ্ধেশ্বর মল্লিক ও নরেন্দ্রনাথ সরকার সর্বপ্রথমে আবেদন করেন। এই যুবকদ্বয়ই বাঙ্গালীর রুদ্ধ কৰ্ম-পথের অগ্রযাত্রী,—ইঁহারা প্রথম পথপ্রদর্শক। ইঁহারা কোনও একটা জাতীয় মঙ্গলানুষ্ঠানের প্রথম উদ্যোক্তা। তাঁহারা সমগ্রজাতির ও দেশের বরণ্য সন্দেহ নাই। সিদ্ধেশ্বর ও নরেন্দ্রনাথও প্রথম যে গৌরব-পতাকা ধারণ করিয়া বহুদিনের অবরুদ্ধ কণ্টকাকীর্ণ বন্ধুর পথে অগ্রসর হইয়া সমগ্র বাঙ্গালী জাতির পথপ্রদর্শক হইয়াছিলেন, সে পতকা আমাদের জাতীয় ইতিহাসে উজ্জ্বল বর্ণে চিত্রিত থাকিবার সামগ্রী। সিদ্ধেশ্বর বিধবা মাতার একমাত্র সন্তান, সংসারে একমাত্র সাহসনা; তিনি ম্যাট্রিকুলেশন পাশ করিয়া আই, এ, পড়িতেছিলেন। কিন্তু কর্তব্যের আহ্বানে যখন তিনি অনুপ্রাণিত হইয়া উঠিলেন, তখন জননীর অশ্রুধারা তাঁহাকে বাঁধিয়া রাখিতে পারিল না। স্বেচ্ছাসৈনিকগণের মধ্যে নরেন্দ্র বয়োজ্যেষ্ঠ, তিনি তিনটি সন্তানের পিতা, বৃদ্ধ মাতাপিতা বর্তমান, সংসারের তিনিই একমাত্র প্রতিপালক। তিনি যখন মাতাপিতা ও রোগ-শয্যায় শায়িতা স্ত্রীর নিকট বিদায় লইয়া চলিয়া আসেন, তখন তাঁহার শিশু কণ্ঠা ছল ছল চোখে পিতার কঠালিঙ্গন করিয়া কহিয়াছিল, “বাবা, আমরা কার কাছে

থাক্বে ?” নরেন্দ্র কোনও উত্তর প্রদান না করিয়া অকম্পিত হৃদয়ে চলিয়া আসিলেন। ১৭ই এপ্রিল (১৯১৬) কুড়ি জন বাঙ্গালী স্বেচ্ছা-সৈনিক চন্দননগর হইতে পশ্চিমবঙ্গ যাত্রা করেন। সেদিন সমগ্র নগর একটা বিরাট চাঞ্চল্যে আলোড়িত হইয়া উঠিয়াছিল। ২০ জন বাঙ্গালী সৈনিক এক বিরাট জনতার অগ্রে অগ্রে ফরাসীর ত্রিবর্ণ পতাকা বহন করিয়া গৌরবময় পদবিক্ষেপে চন্দননগর রেলস্টেশনে গমন করিলেন। বাঙ্গালীর সেই সমর-যাত্রা দেখিবার জন্য পথের দুই পার্শ্বে গবাক্ষে গবাক্ষে শত শত শতদল বিকসিত হইয়া উঠিল ; পথের দুই পার্শ্ব হইতে অসংখ্য নরনারী তাঁহাদের উপর কুসুম বর্ষণ করিতে লাগিল। শঙ্খধ্বনি এবং মুহুমুহঃ জয়নিনাদে চতুর্দিক মুখরিত হইয়া উঠিল। বঙ্গের বহু গণ্যমান্য ব্যক্তি চন্দননগরের স্টেশনে সমবেত হইয়া এই স্বেচ্ছাসৈনিকদিগকে যথোচিত সম্বর্ধনা পূর্বক গাড়ীতে তুলিয়া দিলেন। *

বঙ্গের ফরাসী প্রজা বুদ্ধশিক্ষার নিমিত্ত যখন পশ্চিমবঙ্গে অবস্থান করিতেছিল, তখন লেপ্টেন্যান্ট মিল লিখিয়াছিলেন,—“পশ্চিমবঙ্গে আসিয়া অবধি বাঙ্গালী সৈনিক যেমন দক্ষতা সহকারে কার্য সম্পাদন করিয়া শিক্ষা বিষয়ে অগ্রসর হইতেছে, তাহাতে তাহাদের সুখ্যাতি না করিয়া পারা যায় না। এই তরুণ যুবকগণ প্রত্যেকেই সচরিত্র, তাহাদের বিরুদ্ধে আজ পর্যন্ত কোনও অভিযোগ শুনিতে পাওয়া যায় নাই।

* ভারতবর্ষ, জ্যৈষ্ঠ—১৩২৩, অধ্যাপক শ্রীযুক্ত চারুচন্দ্র রায় এম, এ, লিখিত “ফরাসী ভারতে স্বেচ্ছাসৈনিক” নামক প্রবন্ধ হইতে গৃহীত।

বাংলার বীর

ইহারাই আমার সেনাদলের মধ্যে সর্বশ্রেষ্ঠ, এই কথায় বিন্দুমাত্র অতিরঞ্জন নাই।” ইহাদের কার্যদক্ষতা এবং বুদ্ধিমত্তা দর্শন করিয়া একজন উচ্চ সামরিক ফরাসী কর্মচারী বলিয়াছিলেন,—বঙ্গালীদের মত আমাদের সকল রেজিমেন্টগুলি হইলে অনেক সুবিধা হইত।” সত্য ও স্বায়ে অল্পরোধে আমরাও বলিতে বাধ্য হইব যে, ফরাসী গভর্নমেন্ট গত মহাযুদ্ধে তাঁহাদের বাঙ্গালী সৈনিকদিগকে যে সুযোগ ও সুবিধা প্রদান করিয়াছিলেন ব্রিটিশ গভর্নমেন্ট তাঁহাদের বাঙ্গালী সৈন্যদিগকে তাহা প্রদান করেন নাই। ফরাসীর বাঙ্গালী সৈনিকগণ কামান শিক্ষায় নিযুক্ত হইয়াছিলেন এবং অবশেষে অল্পদিনেই সৈন্যবিভাগে ব্রিগেডিয়ার পর্য্যন্ত হইতে পারিয়াছিলেন। *

জটনৈক বাঙ্গালী সৈনিকের দিন-পঞ্জিকার একপৃষ্ঠাঃ—

১৪ই আগষ্ট, ১৯১৭, ফ্রেঞ্চফোর্ট, ভার্দুন।

“গতকাল মধ্যরাত্রি হইতে ভার্দুনের সম্মুখে ভীষণ গুলিবর্ষণ আরম্ভ হয়। প্রত্যুষে ভার্দুন এবং আর্গোনের মধ্যবর্তী স্থানে যুদ্ধ বিস্তৃত হইয়া পড়িল। আমাদের ২য় সৈন্যদলের সহিত গোলন্দাজ-সৈন্য যোগদান করিয়া উহার শক্তি বৃদ্ধি করিয়া দিল। কামান সমূহকে বিশ্রাম না দিয়া শোণিতসাগরে সস্তরণ পূর্বক আমরা সারাদিন গুলিবর্ষণ করিলাম। আমি একবার বহির্গত হইয়া চট্ পট্ শব্দ শুনিয়া প্রথমতঃ ইহার কোনই

* প্রবাসী, বৈশাখ—১৩২৪।

কারণ নির্ণয় করিতে পারিলাম না। অতঃপর যখন উর্দ্ধে দৃষ্টিপাত করিয়া প্রায় ১০০ গজ উর্দ্ধে মাথার উপর একখণ্ড কৃষ্ণ মেঘ দেখিয়া লক্ষ্য দিয়া বাহির হইলাম, তখন একটা ঘর্ষর শব্দ শুনিতে পাইলাম। উপর হইতে একপ্রকার ছোট ছোট কুঁচি পড়িয়া আমার কোটে ছিদ্র করিতে লাগিল; পরীক্ষা করিয়া বুঝিতে পারিলাম যে, সার্পনেল-গোলা আমাদের কামান-শ্রেণী হইতে গুলি নিক্ষেপ সত্ত্বেও উহা প্রতিনিবৃত্ত হইল না, বরং গ্রাম, বাজার এবং নগরোত্তানসমূহের উপর গোলাবর্ষণ করিতে লাগিল। দূরস্থ নগরসমূহ ঐ দিবস শত্রুর তোপের আঘাতে বিমর্দিত হইতেছিল, আমাদের কামানশ্রেণী হইতে অবিরল গোলাবর্ষণ কোনও প্রকার কার্যকর হইল না। দূরগামী-শক্তি-বিশিষ্ট কামানসমূহ প্রথম পদাতিক সৈন্তের সম্মুখে স্থাপন করিয়া অনায়াসে চতুর্দিকে শত্রুদলের উপর মৃত্যুবাণ বর্ষণ করিতে লাগিলাম। আমাদের আনন্দময় বিশ্রাম-দিবসের শান্তিময় গৃহস্বরূপ সীমান্ত প্রদেশের নারী এবং শিশুদিগের লাভণ্যময় উদ্বিগ্নমুখ স্মরণ করিয়াই তাহাদিগকে রক্ষার নিমিত্ত আমরা ঐ ভীষণ কর্ম করিতে বাধ্য হইয়াছিলাম।”

বাঙ্গালী সৈনিক-লিখিত দুই খানি পত্র

(১)

হাইয়ারস্, (ফ্রান্স)

৩রা সেপ্টেম্বর, ১৯১৬।

প্রিয় বন্ধু মহাশয়,

আপনি নিশ্চয়ই শুনিয়া সুখী হইবেন যে, আমরা শীঘ্রই সেলো-নিকার সমরক্ষেত্রে যাত্রা করিব। বাঙ্গালীই সেখানে প্রথম প্রেরিত

বাংলার বীর

হইবে। আমরা সেই প্রকারেই আবেদন করিয়াছিলাম, আমাদের আবেদন গ্রাহ্য হইয়াছে। কিছুদিন হইল প্রস্তাব হইয়াছে যে, আমাদের মধ্যে কোনও কোনও সৈনিককে কর্মচারিপদে উন্নীত করা হইবে। যেদিন আমার বন্ধুগণ জয়-গৌরবে বিভূষিত হইয়া জয়-ডঙ্কা নিনাদ করিতে করিতে আবার মধুময় বঙ্গজননীর ক্রোড়ে প্রত্যাবর্তন করিবেন, আপনারা সেই শুভদিনের প্রতীক্ষা করুন। তবে এখন আসি। এই পত্র যেদিন আপনার নিকট পৌঁছিতে, আমি হয়ত সেই দিন যুদ্ধস্থলে থাকিব।

আপনার
শ্রীহারাদন বক্সী।

(২)

টুলন, (ফ্রান্স)

২৮ শে জুন, ১৯১৭।

.....আমি আনন্দের সহিত জানাইতেছি যে, আমাদের গৌরবের দিন উপস্থিত হইয়াছে। কল্যাণ প্রভাতে আমরা——স্থানে যুদ্ধ করিতে যাত্রা করিব। জীবন-মরণ সংগ্রামের সময় আসিয়াছে। আমাদের যতদূর সাধ্য যুদ্ধক্ষেত্রে বাঙ্গালীর শক্তির পরিচয় দিব। আমরা দেখাইব যে, বাঙ্গালী ভীক নহে। * * * * জার্মানদিগকে চূর্ণ বিচূর্ণ করিতে আমরা যথাসাধ্য আয়োজন করিতেছি।

কে, মুখার্জি।

বাঙ্গালী বহু দিন পরে আবার যুদ্ধক্ষেত্রে গমন পূর্বক রণকৌড়ার সুযোগ পাইয়া কিরূপ আনন্দিত হইয়াছে তাহা উপরোক্ত পত্র দুইখানি হইতেই বিশেষ উপলব্ধি হইবে। প্রায় দেড়শত বৎসর ধরিয়া বাঙ্গালীকে সৈনিক শ্রেণীভুক্ত হইবার সুযোগ দেওয়া হয় নাই। সুযোগের অভাবে যদিও বাঙ্গালীর বীর্য্য-বহ্নি দিন দিন নিস্তেজ ও নিশ্চত হইয়া আসিতেছিল, কিন্তু তথাপি তাহা একেবারে নির্বাপিত হয় নাই। বিগত মহাসমরে বাঙ্গালী ইহা স্পষ্ট প্রমাণিত করিয়াছে যে, সুযোগ ও সুবিধা পাইলে যুদ্ধক্ষেত্রে বাঙ্গালী ভারতীয় অপরাপর কোনও জাতি অপেক্ষা পরাক্রম, নির্ভীকতা ও বুদ্ধিচাতুর্য্য প্রদর্শনে কুণ্ঠিত নহে। প্রায় ৭ হাজার বাঙ্গালী ভদ্রসন্তান সৈনিকত্বত অবলম্বন করিয়া মেসোপটেমিয়ায় গমন করিয়াছিলেন। যে দেশে দীর্ঘকাল সামরিক শক্তি স্থগু ছিল, সহসা সে দেশের পক্ষে এমন অভাবনীয় জাগরণ একটা বিশ্বয়ের বিষয় সন্দেহ নাই। উত্তর বঙ্গের একটা যুবক সৈনিক হওয়ার জন্ত উপস্থিত হইলে ডাক্তারী পরীক্ষায় তাঁহার বুকের মাপ উপযুক্ত মাপ অপেক্ষা কিছু কম হওয়ার তাঁহাকে গ্রহণ করা হইল না, কিন্তু যুবকটির সৈনিক হওয়ার এতদূর আগ্রহ ও আকাঙ্ক্ষা ছিল যে, তিনি গৃহে প্রত্যাবর্তন পূর্বক বঙ্গের বিস্তৃতি বৃদ্ধির জন্ত আবশ্যক ব্যায়াম করিতে আরম্ভ করিলেন। ব্যায়ামের ফলে তাঁহার বক্ষস্থল প্রশস্ত হইল, তখন তিনি পুনরায় আসিয়া সৈনিকদলে ভর্তি হইলেন।

যুদ্ধ শেষ হইলে গভর্ণমেন্ট অতিরিক্ত ব্যয় বিবেচনায় ৪৯ সংখ্যক

বাংলার বীর

বঙ্গবাহিনী পোষণ করা আর সঙ্গত মনে করিলেন না, সুতরাং তাহা দিগকে বিদায় দেওয়া হইল। আমাদের দেশে একটা প্রবাদ-বাক্য প্রচলিত আছে,—“কাজের বেলায় কাজী, কাজ ফুরোলে পাজী,” এ ক্ষেত্রেও যে তাহাই হইল তাহাতে সন্দেহ নাই।

সমরক্ষেত্রে কয়েকজন কৃতী বাঙ্গালী

ক্যাপ্টেন কল্যাণকুমার মুখার্জি,
আই-এম-এস্—ডেপুটি ম্যাজিস্ট্রেট ও সাধারণ ব্রাহ্মসমাজের অত্যন্ত আচার্য্য স্বর্গীয় ক্ষেত্রমোহন মুখোপাধ্যায়ের পুত্র কল্যাণকুমার ১৯০৫ খ্রীষ্টাব্দে কলিকাতা মেডিক্যাল কলেজ হইতে এল্, এম্, এন্স পাশ করিয়া আপুকার কোম্পানীর জাহাজে চিকিৎসকের পদ গ্রহণ পূর্বক ১৯০৬ এবং ১৯০৭ সালে প্রশান্ত মহাসাগরস্থ নানা স্থান পরিভ্রমণ করেন। অনন্তর শিক্ষার উন্নতিসাধন মানসে উক্ত কর্ম্ম পরিত্যাগ পূর্বক তিনি ১৬ই মে (১৯০৭) তারিখে বিলাত যাত্রা করেন। ঐ বৎসরই এল্-আর-সি-পি পরীক্ষায় উত্তীর্ণ হন। পর বৎসর নভেম্বর মাসে কেমব্রিজ বিশ্ববিদ্যালয়ের ডি-পি-এইচ্ পরীক্ষায় উত্তীর্ণ হইলেন। ১৯১০ খ্রীষ্টাব্দের ৩১ শে জানুয়ারী আই-এম্-এন্স পাশ করিয়া কল্যাণকুমার ভারতবর্ষে প্রত্যাবর্তন করেন। ১৯১১ খ্রীষ্টাব্দের আগষ্ট মাস পর্য্যন্ত লঙ্কোসহরে অবস্থান করিয়া তিনি কোহাটে বদলী হইলেন। ১৯১৩ খ্রীষ্টাব্দের ফেব্রুয়ারী মাসে কল্যাণকুমার ক্যাপ্টেন পদে উন্নীত হইয়া ডিসেম্বর মাসে সিভিল-লাইনে প্রবেশ পূর্বক ডেপুটি ইন্সপেক্টারী কমিশনার পদ প্রাপ্ত

হইলেন। ১৯১৪ সালের জানুয়ারী মাসে ইনি কুচবিহার-মহারাজের দ্বিতীয় ভ্রাতুষ্পুত্রীকে বিবাহ করেন। ইউরোপে যখন যুদ্ধের আগুন জলিয়া উঠে, তখন আগষ্ট মাসে সামরিক বিভাগ হইতে কর্তব্যপালনের জ্ঞাত প্রস্তুত থাকিবার আদেশ প্রাপ্ত হইয়া ১ লা অক্টোবর ক্যাপ্টেন কল্যাণ-কুমার রাওলপিণ্ডি যাত্রা করেন। তারপর যখন সত্যসত্যই যুদ্ধে গমনের আদেশ আসিল, তখন তিনি সৈনিকদলের ডাক্তার রূপে ১৯১৫ সালের ১৩ই মার্চ তারিখে পারস্তোপসাগরে যাত্রা করিলেন।

আর্তসেবা করিতে করিতে কল্যাণকুমার দুইবার গুরুতর ভাবে আহত হইয়াও পুনরায় যুদ্ধে যোগদান করেন। কূটের অবরোধকালে ইনি জেনারেল টাউনসেন্ডের সহিত টাইগ্রীস নদীর তীরে তুর্কীহস্তে বন্দী হইয়াছিলেন। মুক্ত হইয়া পরে পুনরায় তুর্কী হস্তে নিপতিত ও বন্দী হন। বন্দী অবস্থায় ইউরোপে কোনও তুর্কী নগরে টাইফয়েড জ্বরে এই বীর যুবকের বীরত্বময় জীবনের অবসান ঘটে। কল্যাণ তাঁহার বীরত্ব, নির্ভীকতা ও কার্যকুশলতার জ্ঞাত সামরিক বিভাগ কর্তৃক “মিলিটারী ক্রস্”—রূপ গৌরব-ভূষণে ভূষিত হইয়াছিলেন। ব্রিটিশ সৈন্যদলে “ভিক্টোরিয়া ক্রস্” সাহসিকতার জ্ঞাত সর্ব শ্রেষ্ঠ পুরস্কার ও সম্মান, “মিলিটারী ক্রস্” তাহারই নিম্নে।

ক্যাপ্টেন জ্যোতিলাল সেন, আই-এম্-এস্—ইনি নববিধান ব্রাহ্মসমাজের বাদু বিহারীলাল সেনের পুত্র। যুদ্ধ আরম্ভ হইলে জ্যোতিলাল ইণ্ডিয়ান মিলিটারী সার্ভিসে ভর্তি

বাংলার বীর

হন। মেসোপটেমিয়ার যুদ্ধক্ষেত্রে সাহসিকতার জ্ঞাত ইনিও “মিলিটারী ক্রস্”—রূপ জয়মাল্য অর্জন করিয়াছিলেন।

অজিতকুমার রুদ্ৰ—বাস্পালীদিগের মধ্যে বাহারা ব্রিটিশ রেজিমেন্টে ভর্তি হইবার গৌরব লাভ করিয়াছিলেন, অজিতকুমার তাঁহাদের মধ্যে একজন অগ্রতম। ইনি দিল্লী সেন্ট্‌স্টিফেন্স কলেজের অধ্যক্ষের পুত্র। অজিতকুমার সিংহলে কাণ্ডির অন্তর্গত ট্রিনিটী কলেজে অধ্যয়ন করিতেছিলেন। ইউরোপে যখন যুদ্ধ আরম্ভ হয় তখন তিনি সামরিক বিভাগে যোগদান করিবার আশায় এত দূর উদ্ভেজিত হইয়া উঠেন যে, কোনও প্রকারে পাথের সংগ্রহ করিয়া ইংলণ্ডে গমন পূর্বক ১৯১৬ খ্রীষ্টাব্দে ‘রয়েল ফুসিলার’ (Royal Fusilier) নামক প্রাচীনতম ব্রিটিশ পদাতিক সৈন্তদলে ভর্তি হন। উক্ত সৈন্তদল জার্মান-দিগের বিরুদ্ধে যুদ্ধক্ষেত্রে প্রেরিত হইলে অজিতও তৎসঙ্গে প্রেরিত হইলেন। ফ্রান্সে সোম-যুদ্ধে তিনি শত্রুপক্ষের গোলার আঘাতে ভীষণ রূপে আহত হন। আরোগ্যলাভ করিয়া ইনি পুনরায় ফ্রান্সে গমন পূর্বক ইয়ং মেনস্ এসোসিয়েসনের সহিত যোগদান করেন। যুদ্ধ শেষ হইবার কয়েক মাস পূর্বে তিনি তাঁহার সামরিক দক্ষতার জ্ঞাত কমিশন-পদে উন্নীত হইবার জ্ঞাত মনোনীত হইয়াছিলেন।

পারেশলাল রান্না—ইনি যুদ্ধের সময় কেমব্রিজ বিশ্ববিদ্যালয়ে অধ্যয়ন করিতেছিলেন। সুদক্ষ খেলোয়াড় বলিয়া তথায় ইঁহার যথেষ্ট খ্যাতি ছিল; যুদ্ধ আরম্ভ হইবার কিছু দিন পরেই ইনি



লেপ্টেন্যান্ট ইন্দ্রলাল রায়

বাংলার বীর—২৩১

বুটনের প্রাচীনতম রেজিমেন্ট “অনারেবল আর্টিলারি কোম্পানীতে” প্রবেশ করেন। তিন বৎসর তাঁহাকে ফ্রান্সের রণক্ষেত্রে গোলন্দাজ সৈন্যবিভাগে অতিবাহিত করিতে হয়। এই সময়ের কতকাংশ তাঁহাকে তাঁহার দলের সহিত ট্রেন্চে কার্য্য করিতে হইয়াছিল, তৎকালে ১৯১৫ খ্রীষ্টাব্দে তিনি আহত হন। উক্ত তিন বৎসরের অপরাংশ তাঁহাকে শত্রুর শেল-গোলা বর্ষণের মধ্যে যুদ্ধের আসবাব পত্র স্থানান্তরে প্রেরণের কার্য্যে নিযুক্ত থাকিতে হয়। যুদ্ধাবসানের কিছু দিন পূর্বে তিনি উচ্চ সামরিক কর্মচারীদের অনুমোদনে কমিশন-পদে উন্নীত হইয়াছিলেন।

এ, কে, দাসগুপ্ত—ইনি যখন গ্রেট ব্রিটেনে মোটর ইঞ্জিনিয়ারিং অধ্যয়ন করিতেছিলেন তখন মহাযুদ্ধের আগুন জ্বলিয়া উঠিল। তিনি পুস্তক পরিত্যাগ পূর্বক তরবারি ধারণ করিয়া ব্রিটিশ সৈন্যদলে প্রবেশ করেন। অল্প কয়েক দিন যুদ্ধ শিক্ষার পর তিনি ফ্রান্সের যুদ্ধক্ষেত্রে প্রেরিত হন। তথায় আর্মি সার্ভিস কোরের ট্রান্সপোর্ট সেক্সনে (Transport Section of the Army Service Corps) * নিযুক্ত হইয়া তিনি বিশেষ দক্ষতার পরিচয় প্রদান করেন। অতঃপর তিনি যুদ্ধকারী সৈনিকরূপে সমরক্ষেত্রে অবতরণ করিয়া যুদ্ধ করিয়াছিলেন।

লেপেটনার্ট ইন্দ্রনান রায়—ইনি সুবিখ্যাত ব্যারিষ্টার মিঃ পি,এল্, রায়ের পুত্র। পরেশলাল রায় ইহার জ্যেষ্ঠ ভ্রাতা। ইংলণ্ডে অবস্থান-কালে ইউরোপীয় মহাসমর সূচিত হওয়ায়

* সৈন্যাদির স্থানান্তরে প্রেরণ-কার্য্য।

বাংলার বীর

ইনি যুদ্ধে যোগদান করেন। সামরিক আকাশ-যান বিভাগে যোগ্যতার পরিচয় প্রদান পূর্বক ইন্ড্রলাল আকাশ-যানের চালক (Pilot) পদে উন্নীত হইয়াছিলেন। এই কৰ্মে নিযুক্ত থাকা কালেই তিনি নিহত হন। সামরিক-বিভাগ বীরত্বের জ্ঞাত মৃত্যুর পর তাঁহার বীর আত্মাকে “ডি-এফ-সি” (Distinguished Flying Cross) উপাধি ভূষণে গৌরবান্বিত করিয়াছেন। মৃত্যুর পর এইরূপ সম্মানদানের রীতি সামরিক-বিভাগে প্রচলিত আছে। ইহাকে “Posthumous Award” বলে।

১৯১৮ সালের ২৭ শে জুলাই মেজর এ, ডবলিউ, কার ৪০ সংখ্যক স্কোয়াড্রন হইতে শ্রীযুক্ত পি, এল, রায় মহাশয়কে তদীয় পুত্রের মৃত্যু সম্বন্ধে পত্র লিখিয়াছেন,—“আমি আপনার পুত্রের মৃত্যুসম্বন্ধে যাহা জানি তাহা আপনাকে জানাইতেছি। তিনি আরও অগাধ তিন জনের সহিত শত্রু-পক্ষীয় উড়ো-জাহাজ অনুসন্ধানের নিমিত্ত উর্দ্ধে গমন করিয়াছিলেন। শত্রু-পক্ষীয় চারি খানি ব্যোমযানের সহিত তাঁহাদের সাক্ষাৎ হয়। তিন খানি উড়ো-জাহাজ পতিত হইতে দেখা গিয়াছিল, তন্মধ্যে একখানি আমাদের এবং অপর দুইখানি জার্মানদিগের। আমাদের ঐ আকাশ-যান খানিই আপনার পুত্র পরিচালন করিতেছিলেন। আকাশ-যান-বিভাগে যোগদানের সময় হইতেই আপনার পুত্রের দৃঢ় সঙ্কল্প ছিল যে, তিনি শত্রুর ব্যোমযান নিপাতিত করিবেন। নির্ভীকতা, প্রত্যুৎপন্নমতিত্ব এবং অদ্ভুত পরিচালন-দক্ষতায় ত্রয়োদশ দিবসে তিনি নয়খানি শত্রুপক্ষীয় আকাশ-পোত ধ্বংস করিতে সমর্থ হইয়াছিলেন। এরূপ কার্য-কুশলতা

বাস্তবিক লিপিবদ্ধ করিয়া রাখিবার উপযুক্ত। এখানে ইন্দ্ৰলাল বেষ আনন্দেই দিন কাটাইতেন বলিয়া আমার দৃঢ় বিশ্বাস। তিনি স্কোয়াড্রনের উচ্চ কৰ্মচারী এবং সাধারণ সৈনিক সকলেরই প্রিয়পাত্র ছিলেন। তিনি যে বীরত্ব প্রদর্শন করিয়া গিয়াছেন, তজ্জ্ঞ তিনি নিশ্চয়ই পুরস্কৃত হইবেন বলিয়া আমার মনে হয়। অল্প সমগ্র স্কোয়াড্রণ আমার সহিত সম্মিলিত হইয়া আপনার এই দারুণ শোকে আপনাকে আন্তরিক সমবেদনা জ্ঞাপন করিতেছে।”

যোগেন্দ্র সেন—ইনি “Association for the Advancement of Scientific and Industrial Education for Indians” এর সভ্য ছিলেন। ইনি বিলাতেই বি-এস-সি পাশ করেন, এবং প্রাইভেট রূপে ‘ওয়েষ্ট ইয়র্ক সয়ার রেজিমেন্টে’ যোগদান করেন। ফ্রান্সের যুদ্ধক্ষেত্রে ইনি নিহত হন। রীতিমত সমারোহে সামরিক-বিভাগের নিয়মাত্মক যোদ্ধাদের মত তাঁহাকে সমাহিত করা হয়। ইঁহার সম্বন্ধে উপরস্থ কৰ্মচারীরা বলেন,—“যোগেন্দ্র সেন প্রকৃত যোদ্ধার মত কর্তব্য সাধন করিতে করিতে প্রাণত্যাগ করিয়াছেন।”

কে, ব্যানার্জি—ইনি বিখ্যাত ব্যারিষ্টার ডবলিউ, সি, ব্যানার্জির পৌত্র। যুদ্ধের প্রাকালে ইনি অক্সফোর্ডে পড়িতেছিলেন এবং কোনও ক্রমে অফিসার্স ট্রেনিং কোরে প্রবেশাধিকার প্রাপ্ত হন। কালক্রমে ইনি কমিশন প্রাপ্ত হন। ইনি লেপ্টেন্যান্ট হইয়া ইজিপ্টে গমন করেন। যুদ্ধের শেষ পর্যন্ত তিনি তথায় ছিলেন।

ভারতরক্ষী সৈন্য (Defence of India Force)

যখন বাঙ্গালী ডবল কোম্পানীকে একটা ব্যাটেলিয়নে পরিণত করিবার অনুমতি প্রদত্ত হয়, তখনই গভর্ণমেন্ট ভারতরক্ষী সৈন্যদল গঠনের উপযোগিতা অনুভব করিয়া শিক্ষিত সম্প্রদায় হইতে সৈন্য সংগ্রহ পূর্বক ভারতরক্ষী সৈন্যদল গঠন করিবার আদেশ প্রদান করেন। এই আদেশ বাধ্যতামূলক নহে, বাহারা স্বেচ্ছায় স্বীয় জাতির কর্তব্যবোধে সৈন্যদলে যোগদান করিবে, তাহাদিগকেই গ্রহণ করা হইবে বলিয়া গভর্ণমেন্ট ঘোষণা করেন। অশিক্ষিত নিম্নশ্রেণী হইতে এই সৈন্যদল গ্রহণ করা হয় নাই। ১৮ হইতে ৪১ বৎসর বয়সের সুস্থদেহ ভারতবর্ষীয় পুরুষ এই সেনাদলে প্রবেশাধিকারের অনুমতি পাইয়াছিল। বাহারা এই আইন অনুসারে সৈন্যদলভুক্ত হইবে, তাহাদিগকে ভারতবর্ষের বাহিরে কোথাও যাইতে হইবে না এবং যুদ্ধবিবর্তির পর ছয়মাস পর্য্যন্ত সৈন্যদলে থাকিতে হইবে বলিয়া ঘোষিত হয়। সামরিক বিভাগের বাবর্তীয় আবশ্যক নিয়ম এই সৈন্যদলকে প্রতিপালন করিয়া চলিতে হইত। সমগ্র ভারতবর্ষে এই সৈন্যদলগঠনের এবং শিক্ষাদানের নিমিত্ত কলিকাতা, মালদ্বাজ, পুণা, এলাহাবাদ, লাহোর ও রেঙ্গুন সহরে এক একটা কেন্দ্র স্থাপিত হয়। প্রত্যেক কেন্দ্র হইতে অন্ততঃ ১০০০ হাজার সৈনিক গ্রহণের ব্যবস্থা হইয়াছিল। ২৫০ জন সৈনিকে এক একটা দল গঠিত হয়, এবং এক একটা দল শিক্ষাকেন্দ্রে প্রেরিত হইয়া তথায় ৯০ দিন

শিক্ষা পাইতে লাগিল। শিক্ষাকালে প্রত্যেক সৈনিক সাধারণ সিপাহীর মত ১১ টাকা মাসিক বেতন, খাদ্য এবং পরিচ্ছদ প্রাপ্ত হইত। এক এক দলের শিক্ষা শেষ হইবামাত্র তাহারা স্ব স্ব স্থানে গমন করিত এবং অপর দল শিক্ষিত হইবার জন্য আগমন করিত। যদি কখনও আবশ্যক বোধ হয় তাহা হইলে এই সৈন্যদিগকে আহ্বান করিয়া ভারতবর্ষের সামরিক সীমার মধ্যে যুদ্ধক্ষেত্রে প্রেরিত হইবে বলিয়া নির্দ্ধারিত হয়। ভারতরক্ষী সৈন্যদলের কেহ কার্যাকুশলতা এবং সাহসিকতার পরিচয় প্রদান করিলে যোগ্যতাসূত্রে তাহাকে উচ্চপদে উন্নীত করিবার প্রথাও প্রচলিত হয়।

গভর্ণমেণ্টের ঘোষণাবানী প্রচারিত হইবামাত্র সমগ্র ভারতে ভারতরক্ষী সৈন্যদল গঠনের বিপুল আয়োজন চলিতে লাগিল। বঙ্গদেশও তাহার গৌরব রক্ষায় যত্নবান হইল। যতদিন পর্যন্ত বঙ্গবাহিনী (Bengali Regiment) সম্পূর্ণ না হইয়াছিল, ততদিন বঙ্গদেশে এই ভারতরক্ষী সৈন্য সংগ্রহের কার্য তেমন দ্রুতগতিতে অগ্রসর হয় নাই। বঙ্গবাহিনী গঠিত হইয়া গেলে নেতৃগণ তাঁহাদের সমগ্র শক্তি এ দিকে অর্পণ করিলেন এবং বঙ্গে ভারতরক্ষী সৈন্য গঠনের কার্য দ্রুত অগ্রসর হইতে লাগিল। শ্রী সুরেশপ্রসাদ সর্কাদিকারী, শ্রী সুরেন্দ্রনাথ বন্দ্যোপাধ্যায়, শ্রী নীলরতন সরকার প্রভৃতি গণ্যমান্য নেতৃবর্গ কলিকাতা বিশ্ব-বিদ্যালয়ের পক্ষ হইতে সৈন্যসংগ্রহে মনোযোগী হইলেন। এই সম্পর্কে সর্বপ্রথমে কলিকাতা স্কটিশ চার্চ কলেজে এক সভা আহূত হয়। দানবীর

বাংলার বীর

শ্রী. রাসবিহারী বোষ বিশ্ববিদ্যালয়ের সৈন্তদল গঠনের জন্ত ১০,০০০ দশ হাজার টাকা দান করেন। বলা বাহুল্য যে, বিশ্ববিদ্যালয়ের এই সৈন্তদল ভারতরক্ষী সৈন্তদলেরই অন্তর্গত। বঙ্গদেশ হইতে এক সহস্র সৈনিক চাওয়া হইয়াছিল; এক কলিকাতা বিশ্ববিদ্যালয় ১,৩৬৯ জন সৈন্ত প্রদান করিয়াছিলেন। সমগ্র বঙ্গদেশে সংগৃহীত ভারতরক্ষী সৈন্তের সংখ্যা প্রায় ২,৩০০ হইয়াছিল। আবেদন-পত্র আরও অনেক আসিয়াছিল, ডাক্তারী পরীক্ষায় অধিকাংশই অগ্রাহ্য হয়। ভারতরক্ষী সৈন্ত সংগ্রহ-ব্যাপারে বঙ্গদেশই অগ্রাগ্র প্রদেশ অপেক্ষা অধিক সৈন্ত প্রদান করিয়া ভারতের গৌরববর্দ্ধন করিয়াছে।

বঙ্গীয় অশ্বরোহী সৈন্তদল

(The Bengal Light Horse)

কলিকাতাস্থ ইউরোপীয় অধিবাসীদিগের অশ্বরোহী সৈন্তদলের (Calcutta Light Horse) অনুকরণে ধনবান, শিক্ষিত এবং উচ্চবংশোদ্ভব বাঙ্গালীদিগের দ্বারা একটি অশ্বরোহী সৈন্তদল গঠনকল্পে লর্ড রোণাল্ডশের অধিনায়কত্বে কয়েকজন গণ্যমান্য বাঙ্গালীর উত্তোগে টাউন হলে একটি সভা আহূত হয়। উক্ত সভায় বঙ্গীয় অশ্বরোহী সৈন্তদল গঠন-প্রস্তাব সর্বসম্মতিক্রমে গৃহীত হইয়া ভারত গভর্নমেন্টের অনুমোদনের জন্ত প্রেরিত হয়। ভারত গভর্নমেন্ট এই প্রস্তাব মঞ্জুর করেন।

অল্পদিন মধ্যেই একটি স্কোয়াড্রন (২২০ জন) গঠিত হইল। ., বঙ্গীয় সুপ্রাস্ত বংশের ধনাঢ্য সন্তানগণই কেবলমাত্র এই দলে যোগদান করিতে

সমর্থ হইলেন। এই সৈন্তদলের অশ্ব এবং পরিচ্ছদাদির ব্যয় সৈন্তদিগকে স্বয়ং বহন করিতে হইত। ১৯১৭ সালের ৪ঠা আগষ্ট পর্য্যন্ত যাহারা এই সৈন্তদলে যোগদান করিয়াছিলেন তাহাদের মধ্যে—৩ জন রাজা, ৩১ জন জমিদার, ১৭ জন ব্যবসায়ী, ৩ জন দালাল, ১০ জন গভর্ণমেন্ট কর্মচারী, ১৩ জন উকীল, ৪ জন এটর্নি, ১ জন ডাক্তার, ৭ জন ইঞ্জিনিয়ার, ৩ জন সংবাদপত্রসেবী, ৫ জন বে-সরকারী কর্মচারী, ১০ জন ছাত্র এবং ৫৩ জন ব্যারিষ্টার ছিলেন। যদিও গভর্ণমেন্ট এই দলের ব্যয়ভার গ্রহণ করেন নাই, তথাপি দেশবাসী ধনিসন্তানগণ জাতীয় গৌরববর্দ্ধনের জন্ত ইহাতে যোগদান করিতে কুণ্ঠিত হন নাই।

সঙ্কেতকারী সৈন্তদল

(Divisional Signalling Company)

সামরিক-বিভাগ আদেশ প্রচার করেন যে, ভারতীয় সৈন্তদলের জন্ত সঙ্কেতকারী সৈন্তদল এই দেশের শিক্ষিত সম্প্রদায় হইতে সংগৃহীত হইবে। তদনুসারে বঙ্গদেশেও তাহার আয়োজন হইল। বঙ্গীয় সৈন্তদলের জন্ত সঙ্কেতকারী সৈন্তদল বঙ্গদেশের শিক্ষিত ব্যক্তিগণ দ্বারাই গঠিত হইবে। কর্ণেল বুডেনার হাইকোর্টের উকীল মিঃ জি, সরকারকে এই সৈন্তদল গঠনের ভার প্রদান করিয়া তাঁহাকে কমিশন-পদ প্রদান করিলেন। বঙ্গদেশে এই পদ তিনিই সর্বপ্রথম প্রাপ্ত হইলেন।

আলিপুরে দলে দলে লোক তাঁহার নিকট গমন পূর্বক এই সৈন্তদলে ভর্তি হইবার জন্ত আবেদন করিতে লাগিল। অনতিবিলম্বে তিনটি দল

বাংলার বীর

শিক্ষার নিমিত্ত জব্বলপুরে প্রেরিত হইল। এই দল ৪২ সংখ্যক দেওলী বাহিনীর সহিত সংযুক্ত হইয়া কার্য্য করিতে আরম্ভ করিল।

এইরূপে ইউরোপীয় মহাযুদ্ধে প্রত্যেক সামরিক-বিভাগে বাঙ্গালী প্রবেশলাভ করিয়া বাঙ্গালী যে একটা মৃতপ্রায় জাতি নহে,—ক্ষমতা প্রাপ্ত হইলে বাঙ্গালী যে জগতের যে-কোনও জাতির সঙ্গে প্রতিযোগিতা করিতে সমর্থ, তাহার পরিচয় প্রদান করিয়াছে। সম্ভ্রান্ত ধনাঢ্য পরিবারের চির-বিলাস-লালিত সন্তান হইতে নিরক্ষর কৃষক-সন্তান পর্য্যন্ত মহাযুদ্ধে বিভিন্ন বিভাগে বিভিন্ন কার্য্যে যোগদান করিয়াছিল। কুলি, মজুর, পাচক, ঘাসিয়াড়া, খালাসি, মিস্ত্রি প্রভৃতি বিভাগ নিম্নশ্রেণীর বাঙ্গালীদিগের দ্বারা পূর্ণ হইয়াছিল। যুদ্ধবিভাগে কেরানীর কার্য্যও সংখ্যাভীত বাঙ্গালী ভদ্রসন্তান যোগদান করিয়াছিলেন। এই কেরানীদিগকে অনেক সময় যুদ্ধক্ষেত্রের অতি সন্নিকটে অবস্থান করিতে হইত। কাজেই গত মহাযুদ্ধে কেরানীর কার্য্যও যে নিতান্ত নিরাপদ ছিল এরূপ মনে করা যায় না। অনেক কেরানী হত ও আহত হইয়াছেন বলিয়া সংবাদ পাওয়া গিয়াছে। সুযোগ ও সুবিধার অভাবে সুদীর্ঘ দেড়শত বৎসর বাঙ্গালীর জাতীয় জীবনে এমন একটা সাড়া পরিলক্ষিত হয় নাই। দেড়শত বৎসরের সুপ্ত শক্তি একটা নব জাগরণের সাড়া পাইয়া সেদিন জাগিয়া উঠিয়াছে। জাগিয়া উঠিয়া দেখিল, একটা নবীন আলোকে দেশ পরিপূর্ণ হইয়াছে, ঘন ঘন পাঞ্চজন্মের নিনাদে প্রভাত গগন মুখরিত হইতেছে,—ভারতের নানা জাতি দলে দলে জাতীয় মহাযজ্ঞের হোত্বরূপে যজ্ঞস্থলে ছুটিয়া

ইউরোপীয় মহাযুদ্ধে বাঙ্গালী

চলিয়াছে ; বাঙ্গালীও নবীন উৎসাহে নব অনুপ্রেরণায় সেই পথে ছুটিয়া
চলিল,—তাহার জাতীয় কলঙ্ক মোচনের জন্ত।

ভগবান ! বাঙ্গালীর শিরে তোমার মঙ্গলাশীর্ষবাদ বর্ষিত হউক ।



সমাপ্ত

গ্রন্থকার প্রণীত পুস্তকাবলী

১।	বাংলার বীর	১।০
২।	মেবার কাহিনী	১।
৩।	চাঁদসদাগর	১১/০
৪।	কালকেতু	১১।০
৫।	শ্রীমন্ত	১১।০
৬।	খোকর পড়া	৯/০
৭।	ছেলেদের শিবাজী	(যন্ত্রস্থ)

